

Ba. Junij 1720

ADRIANI HEEREBOORD

Professoris (dum viveret) in Academia Patria Philosophi,

PHILOSOPHIA
NATURALIS,

Cum Commentariis Peripateticis

— 02 — *ante hac edita.*

NUNC VERO,

Hac Posthumâ Editione mediam

Partem aucta, & novis Commentariis,
partim è Nob. D. *Cartesio*, Cl. *Berigardo*,
H. *Regio*, aliisque præstantioribus Philo-
sophis, petitis, partim ex propria opi-
nione dictatis,

EXPLICATA.

N.C.
F. MADA.

OXONIÆ,

OXFORD

Typis Guil. Hall, Prostant venales apud

JOHANNEM WILMOT.

①

Anno Dom. M. DC. LXVIII.





Viris Doctissimis & Spectatissimis,
Do. JOHANNI WOURDANO,
Goudanz palastræ Literariæ Rect. indefesso.
Do. JACOBO HOSINGIO,
Med. Doct. Practico eximio, & Rectori
Scholæ Wourdanz vigilantissimo.

Aristotelem Philosophorum principem, imo
numen merito appellaverimus, HEER-
BOORDIUM ejus scriptorum lumen, jure me-
ritoque dixerimus, utpote qui lucem maximam &
splendorem Philosophiæ Aristotelicæ prævalens aliis
attulit. Meletemata, melle certe dulciora, in luce
hujus rei indicia prostant, quæ (si quæ clara, si quæ
ab aliquo docta sint emendata) cæteris dulcedine, ac
præstantiâ præeminent, ex hisce has theses physicas,
primitias Typographicas offerre meas Dominis
spectatissimis suscepi; ex parte, ut Do. Johanni
Wourdano, per amicos amico, ideoque amicitiam
semper prosequendo, debitum amici *deus* offeram,
itidem Do. Jacobo Hosingio, olim præceptori meo,
in æternum colendo, merita si non beneficiis, saltem
animo grato resolvam; ex parte, ut manu-
dectores studiosorum (qui plurimi vestro latinitatis fonte
imbuti ad altiora spirant) in hisce & docendis, &
commendandis existere velitis. Hoc interim in
grati animi *taxus* serenâ fronte suscipite, &
conatibus nostris favete.

Vestrz dignitatis observantissimus S.

G. DRIEHUYSEN.



TITOGRAPHUS

Benevolo Lectori S.

Actum est, Benigne *Lector*, triennium circiter
F ante obitum *Authoris*, ut
varii, neque inter omnes
miniini, *Philosophiae* Stu-
diosi, obnixè rogaverint
Authorem Nostrum (prout ipsi erant fa-
miliares & dilecti) ut, quam publici
juris fecerat *Physicā Peripateticā* com-
mentariis illustratam, iis explicaret ;
non quidem, ut factum erat, ac tunc
temporis vulgò faciebat, typis eam
mandando, verum hâc conditione,
ut, quemadmodum *Aristotelis* sequa-
ciumque *Peripateticorum* solummodo
in

in textu proposuerat opinionem, ita,
eam explicando, adderet quoque
sententiam *Nobiliss. D. Cartesii, Cl.
Berigardi, Regii*, aliorumque præ-
stantissimorum *Philosophorum*, cum
rationibus singulorum, & (quod
vel maxime desiderabant) ubi Ipse
à reliquis diversum sentiret, propri-
um promeret iudicium: renuerat id
primum *Author* (debilis enim erat,
plurimasque ac gravissimas habebat
occupationes) verum iis magis ma-
gisq; indies urgentibus, tandem suam
operam spondit, & præstitit. A
capite proinde ad calcem, primum
Peripateticorum commenta, hinc ali-
orum, & sua quoque dogmata, de-
monstrationes, ac experimenta, fide-
liter iis exposuit, inter se composuit,
& ubivis

— *quid distent Æra lupinis,*
eviden-

evidentissimè, uti ipse mecum fateberis, *Benevole Lector*, ostendit : Atque hoc ipsum est quod tibi hîc exhibemus ; Ipse id, si in vivis esset, procul dubio faceret *Author*, verum, eheu ! intempestiva morte præventus, quod cogitaverat, fecisse non potuit. Latere tamen non debuit, tanti *Philosophi*, ut erat **HEEREBORDIUS** *Noster*, tantum opus, tam desideratum, & tam omnibus *Philosophiæ* Tyronibus necessarium. Vagantur ferè Tyronum, in tanta *Philosophorum*, uti hoc tempore observatur circa naturalia, opinionum diversitate, dum, quod unus ait, alter negat, Ingenia ; &, cui assentiantur, plane novisse non possunt ; hinc quorundam etiam cognitionis *Physicæ* omnimoda ignorantia, quorundam etiam despectus est.

Quid

Quid ergo magis necessarium, cum
Physica atque operum Dei cognitio,
nulli hominum, multò minus Stu-
diosis ignorari possit, quam, quid
verè aut secus dicatur, factâ utrim-
que comparatione, ab aliquo de-
monstrari; *contraria enim juxta se po-*
sita, ut habet vulgatum axioma,
magis elucescunt: Præstitum id ab
Authore Nostro, dum in textu *Ari-*
stotelem ejusque commentatores *Pe-*
ripateticos judicantes, in commen-
tariis vero *Nobiliss. D. Cartesium*, sibi,
dum uterque viveret, amicissimum,
& familiarissimum, uti norunt qui
utrumque norunt, aut ejus *Epistolas*
legerunt, *Cl. Berigardum*, summum
quoque *Philosophum*, *H. Regium*, ali-
osque passim, non opinantes modo,
sed probantes, ac demonstrantes, &
Seipsum, vel errantes redarguentem,
vel

vel ubi aliquid addendum videbatur
id liberaliter conferentem, intro-
ducit.

Vides proinde *Benevole Lector*,
quam sit necessarium hoc opus. Sed
quid ego mercedem bonam laudando
eam suspectam reddo? *Vinum vendi-
bile*, ut est in Proverbio, *non eget
suspensa hedera*. Opus est H E E-
R E B O O R D I ; compendium
quorumvis præstantissimorum *Phy-
sicorum*, in quo & veritas clarè atque
evidenter demonstratur, & errores
primum indicantur, hinc solidè &
firmè refutantur, quo quid magis in
Physica aliquis desideret, ego non
video. Boni ergo consule hunc labo-
rem nostrum, & mendas hinc inde
inspersas (lambere enim hunc fœ-
tum suum non potuit *Author*) pro
tua benignitate emenda,

Vale.

Præco:

P R E C O G N I T A.

UT feliciter institui possit collatio Philosophiæ Aristotelicæ ac receptæ, cum ea quæ hodie dicitur nova, quoad Principia & affectiones corporum naturalium, utriusque sententias, quantum fieri potest, clare proponemus atque exponemus, sequendo tamen seriem & methodum Thesium Physicarum secundum Peripateticos à me editarum; ac nunc in antecessum pauca edisseremus de Philosophiæ constitutione ac divisione in genere. Apud Aristotelicos Philosophia complectitur nonnullas tres scientias, Physicam, Mathematicam, & Metaphysicam, totidemque prudentias, Ethicam, Oeconomicam ac Politicam, aliis insuper tres artes, Grammaticam, Rhetoricam, Logicam: Anti-Aristotelici qui Ramum sequuntur, Ethicam & Metaphysicam ex Philosophiæ ambitu proscribunt, uti videre est apud Amesium in Technometria: Stoici olim sub Philosophia comprehendebant tantum Logicam, Physicam, Ethicam; unde illis dividebatur omnis Philosophia in rationalem, naturalem, & moralem, uti videre est apud Apuleium. Apud Recentiores ut Cartesium, Regium, ac Berigardum in circulo Pisano, Philosophiæ definitio generalis ac divisio non extat, & videntur isti Authores Philosophiæ nomine fere solam Physicam intellexisse, nam quæ Cartesius vocat principia Philosophiæ, ea solum explicant corpora naturalia, quod idem factum est in Fundamentis Physicis à Regio, & in circulo Pisano à Berigardo: fateor equidem à Cartesio quique editas esse meditationes Metaphysicas, quibus Deum esse, & animæ immortalitatem, demonstravit, & regulas quasdam moralis scientiæ extare in dissertatione ejus de Methodo recte utendi ratione, sed non videtur tamen, ut Philosophiæ partes, aut agnovisse, aut sic petrastrasse. Quicquid fuerit, ego sic existimo, Philosophiæ nomine intelligi debere, & cognitionem Dei naturalem, & cultum ejus naturalem, quandoquidem enim extra Scripturas & lumen fidei citra ullam revelationem Deus cognoscitur & cognosci potest solo lumine naturæ, idemque colitur ac coli potest & debet secundum legem naturæ, omnino agnos-
A
da

da est aliqua disciplina, qua illam Dei cognitionem naturalem doceat, rem qua cultum Dei naturalem & modum colendum, explicet: hanc disciplinam aut disciplinarum congeriem, voco Philosophiam. Cum autem cognitio Dei hauriatur ex rebus visibilibus, teste Apostolo, ad Romanos cap. primo, nihil certius est, quam dari Philosophiam naturalem seu Physicam, qua explicet corporum naturalium principia, affectiones, species, & ex iis explicatis Philosophantem in Dei cognitionem deducat: quemadmodum novimus Aristotelem ex motu pervenisse ad cognitionem primi motoris: sed quum præter rationes Physicas proferri soleant etiam alia, qua vulgo Metaphysica dicuntur, qui subtiliores sunt, & sublimiores, quibus quoque in Dei cognitionem deduci potest homo, etiam Philosophiae partem aliquam vulgo faciunt Metaphysicam, sed enim ego multum dubito, an non & hæ rationes ad Physicam reduci valeant, verum enimvero, quia præter cognitionem Dei naturalem, quam Philosophia nos docet, etiam cultus Dei naturalis, modusque eum colendi secundum legem naturæ, explicari debet, neque hoc præstatur in Philosophia naturali, omnino opus est, præter eam, dari aliquam disciplinam sub Philosophia contentam, aut ejus partem, qua hunc Dei cultum naturalem explicet, quæ philosophiam vulgo vocant moralem. Quia vero, nec philosophia naturalis ex rebus naturæ Deum cognoscendum docere potest nec moralis cultum Dei naturalem explicare valet, nisi dirigatur utraque à ratione humana, & hæc multum sit corrupta, neque rectum semper servet tramitem, sed à vero sæpe aberrat, necesse est, dari aliquam disciplinam aut Philosophiæ partem, quæ rationem hanc emendet, regat ac perficiat, quæ Philosophiam vulgo vocant rationalem; sic ut illa philosophiæ divisio trimembri ante relatæ, à Stoicis inventa, non usque adeo videatur repudianda. Nostrium nunc institutum est, missâ philosophiâ rationali ac morali, expendere naturalem, institutâ collatione inter Physicam Aristotelis, prout ea in Collegio Physico secundum Peripateticos, thesibus & commentariis est comprehensa, & inter Physicam recentiorum, quo nomine tres illos jam dictos Philosophos Cartesii

sum, Regium, & Berigardum, intelligimus. Ego quidem non video cur horum Philosophia hodie audiat ac dicatur nova, cum ejus principia jam ante Aristotelem, veteribus, & ipso antiquioribus, fuerint probata, quod in Circulo Pisano abundantissime est demonstratum. Quamvis autem Cartesius & Berigardus non procefferint metodo doctrina consueta, per definitiones, divisiones, similiave præcepta, uti quidem rectius hic procedit Regius, nos tamen studebimus ea, in hac comparatione instituendâ, ex continua oratione Cartesii, & dialogis Berigardi, quantum fieri potest, eruere, & definitionibus ac divisionibus commentariisque rerum Physicarum Aristotelicis, accomodare, & cum iis comparere.

ADR. HEEREBOORD,
PHILOSOPHIÆ
NATURALIS,

CAPUT I.

De Principiis Corporum Naturalium.



THESIS I.

PHYsica est scientia propriè dicta.

Scientia propriè dicta est, quæ gignitur demonstratione ratiōis, estque cognitio rei necessaria per causam proximam: alioquin quælibet cognitio cuiuscunque rei, quocunque modo accepta, scientia dici potest, sed improprie.

2. Demonstrat enim proprias affectiones de subiecto necessario per causas proximas.

Subiectum Physicæ necessarium dicitur, quia corpora naturalia fiunt & producuntur, vel immediate à Deo, vel à Natura uniuscuiusque corporis, quæ vicem Dei gerit; sic ut ea fieri vel non fieri, produci vel non produci, non pendeat ab arbitrio vel potestate hominis:

nemo enim hominum, aut nivem, aut lapidem, aut stellas, aut plantam, aut aliquod corpus naturale, producere valet.

Per causas proximas intelliguntur materia & forma, quæ tamē in demonstrando habent rationem causæ efficientis proxima & immediata seu emanativa.

Per affect. intelliguntur, quantitas, qualitas, locus, motus, tempus.

3. Ejusq; objectum est materiale vel formale.

Objectum materiale Physicæ, ei cum Medicina est commune: objectum formale, Physica est proprium.

4. Materiale, est corpus naturale, id est, ex materiâ & formâ substantiali compositum.

Corpus naturale dari in Physica præsupponitur, non probatur, quia subiectum inscientiis non probari solet, sed præsupponi, at corpus dari, probatur in Metaphysica.

5. Formale, est quatenus naturale, id est, habens in se principium motus & quietis.

Objectum formale sic vocatur, quia est veluti forma sub qua objectum materiale ab unaquaque scientia perivacuatur; sic Physicæ non agit de naturali corpore, quatenus curari potest, ut Medicina, sed sub forma alia, scilicet, quatenus naturale est, id est, quatenus moveri potest, aut quiescere: nota vero, objectum formale semper significari per vocem, quatenus, vel qua, & vocari vulgò rationem formalem.

6. Itaque, non pertinent ad Physicam Deus & Angeli.

Deus & Angeli non pertinent ad Physicam, quia sub objecto materiali non comprehenduntur, neque enim sunt corpora, quia non constant ex materiâ & formâ.

7. Nec objectum ejus rectè ponitur corpus mobile, multò minus ens mobile.

Corpus aut ens mobile non est objectum Physicæ, quia pugnat utrumque cum ratione formali objecti Physicæ, quæ est quatenus naturale.

Mobile proprie significat id, quod moveri potest, et sic non est objectum Physicæ, sed affectio de eo demonstranda; si immobile dicitur
id,

id, quod movere potest, iam male loquimur, & clarius hoc exprimitur per vocem, naturale.

8. Definitur ergò rectè Physica, scientia corporis naturalis, quatenus naturalis.

Definitio ista desumpta est à genere & objecto, tum materiali, tum formali.

9. Dividitur rectè in partem communem seu generalem, & propriam seu specialem.

Divisio ista est non generu in species, sed integri in membra, quia tota natura Physice non est in una parte, nec tota in altera, quemadmodum tota natura generu est in unaquaque specie: sed tota Physica partim est in parte generali, partim in speciali.

CAPVT. I.

à Thes. Prima usque ad Nonam Inclusive.

Duplex est ordo docendi atque explicandi res; unus, qui vocari solet naturæ vel doctrinæ, vel didascalicus, proceditque per præcepta, definitionum, divisionum ac canonum seu regularum aut maximarum; alter est arbitrarius, atque insuper habet & negligit definitiones, divisiones ac canones: Prior servari solet à scriptoribus Systematicis servatusque est à nobis in hac naturali Philosoph. & à Regio in fund Physicis: Posterior observatus est ab Aristotele, Cartesio Berigardo, quorum nullus Physicam, aut definivit, aut divisit, sic ut restet tantum conferenda definitio Physicæ à Regio allata cum nostrâ; nam divisionem quoque ejus ipse ponit nullam: Nos quidem definitionem Physicæ ponimus Thesi Octava, dedu-

ctam ex genere & objecto, ante probatis, quæ est via compositionis, quando ex principiis & partibus definitionis colligitur tota definitio. Regius statim in initio Physices ponit definitionem, eamque in partes resolvit, ac per partes exponit, quæ est via resolutionis. In genere assignando Physicæ à nobis abir, in objecto nobiscum convenit, nisi quod paulo alter loquatur, quæ enim nos vocamus corpora naturalia, ea ipse vocat res natura præditas, sensus tamen idem est atque eodem recidit; nam, ut nos, Deum & Angelos entiaque immaterialia ac supernaturalia, à Physicæ ambitu excludimus, quia non sunt corpora naturalia; ita & ipse facit idem, sed pro genere Physicæ ille ponit doctrinam, nos scientiam, & quidem stricte sum-

ram: nam si hanc vocem late sumas pro quacunque & quacunque cognitione. omnis doctrina, & disciplina. & ars, & prudentia dici potest scientia, quia omnes sciri debent, id est, cognosci. *Regius* Physicam vocat doctrinam, voce nimis generali: doctrina enim significat omne id, quod doceri potest ac solet, quod commune est omnibus habitibus intellectualibus, quorum discrimen, videtur aut non agnovisse, aut sustulisse, fortassis ad instar *Anefu*, qui similiter facit in sua Technometria: atque ideo quoque Theologiam definivit non per scientiam, prudentiam, aut artem, sed per doctrinam vivendi Deo, Cap. 1. suæ medullæ. Attamen putem ego, non temere esse rejiciendam omne discrimen inter hosce tres habitus, scientiam, prudentiam, aut artem, si quidem illud fundatur in objectorum diversitate: Quædam enim res tales sunt, ut tantum sciri possint, nec ul'o modo à nobis fieri queant, circa quas versatur scientia; alix non tantum à nobis cognosci possunt, sed & fieri, imo ideo cognoscuntur ut fiant, exque sunt in duplici differentia: quædam enim sic à nobis fieri possunt vel etiam non fieri, ut ab earum effectione vel omissione dicamur boni vel mali, & circa has versatur prudentia. quædam sic à nobis fiunt vel non fiunt, ut inde non dicamur boni vel mali, sed petiti vel imperiti, non

probi aut improbi, sed docti vel indocti, & circa has versatur ars: Si jam excutiantur res Physicæ, deprehendemus eas esse tales, ut tantum à nobis sciri valeant, non effici. Quis enim mortalium producere queat vel celum, vel solem, vel pluviam, vel lapidem, vel plantam, vel brutum, vel ullum simile corpus naturale? attamen hæc omnia sciri possunt à nobis, & quid sint, & quæ sint eorum proprietates, & quæ operationes, adjuncta, effecta, &c. ut jure merito Physicæ, quæ circa hæc versatur, pro genere, & quidem proprio ac proximo, assignetur scientia, & repudietur doctrina, quia hoc vocabulum æque competit prudentiæ, ut Ethicæ, & arti, ut Logicæ; at Physicæ, nec prudentia est, nec ars; nec scientia strictè sumpta, qualis est Physicæ, de arte aut prudentia, dici potest. Quæ porro dicuntur à Thesi prima ad octavam plane sunt Peripatetica & ex commentariis subjunctis facile intelliguntur: Thesi nona, decima & undecima divisio proponitur Physicæ, quæ facilis quoque intellectu est, & in *Regio* nulla invenitur. Thesi duodecima, & decima tertia, docetur, quæ Methodo, Physicæ sit tradenda, nimirum Synthetica, quam & servat *Regius* in fundamentis Physicæ. Quid autem discriminis sit inter Methodum Syntheticam, quæ progreditur à principiis simplicissimis, ad ea, quæ ex illis

ex istis principiis componuntur, quæque observanda est in scientiis, & Analyticam, quæ facto initio à fine, progreditur ad media, quibus finis obtine-

tur, & quæ tenenda est in artibus & prudentis, ex Cap. ultimo synops. Log. *Burgerf.* peti potest.

10. Generalis agit de corpore naturali in genere ejusque principiis & affectionibus.

11. Specialis agit de Corporis Naturalis speciebus.

12. Physica debet tradi methodo syntheticâ.

Ratio thesæos est, quia Physica est disciplina speculativa, quæ semper debet tradi methodo synthetica, de qua videatur ultimum caput Logicæ Burgerf.

13. Itaque faciendum est initium à principiis rerum Physicarum simplicissimis, & progrediendum ad ipsa corpora, quæ ex iis componuntur.

14. Principia alia sunt cognoscendi, alia essendi: hæc intelliguntur utraque.

Principium in genere definitur, primum, unde aliquid fit, est, operatur aut cognoscitur: hac thesi sub Principiis essendi comprehenduntur & principia fiendi.

15. Principia essendi sunt, quæ ad ipsum esse corporum naturalium concurrunt.

Ad ipsum esse, scilicet, vel producendum vel constituendum.

16. Suntque vel externa, scilicet Efficiens & Finis, vel interna.

Principia externa dicuntur, quæ corpus naturale non ingrediuntur, illud constituendo; interna, contra.

17. Interna corporum naturalium principia sunt, quæ non sunt ex aliis, quia non essent prima,

nec ex se invicem, & ex quibus sunt vel sunt omnia.

Vocula. ex, ter hac thesi ponitur, & non semper eodem sensu: interdum ex notat partem componentē; sic principia non sunt ex aliis, neque ex se invicem: interdum ex significat terminum à quo; hoc sensu, simul & priori, ex principis sunt omnia corpora naturalia.

18. Eaque, vel sunt constitutionis & transmutationis, vel transmutationis tantum.

Principia constitutionis, alii dicuntur compositionis; et transmutationis, dicuntur generationis, vel terminationis principia.

19. Principia constitutionis & transmutationis, sunt, Materia & Forma.

Materia intelligitur hic ex qua, non in qua, non circa quam: vide cap. 26. de materiâ Logicæ Burgersdic.

Forma intelligitur, non accidentalis, sed substantialis, quæ alteram partem essentiae corporis naturalis constituit.

20. Principia transmutationis, sunt, Materia, Forma, & Privatio.

Privatio est Principium transmutationis tantum: at materia & forma insuper constitutionis.

à Thes. 14. ad 21. exclusive.

DE principiis in genere nihil quidem à Cartesio & Regio differitur, & circulo tertio quidem in primum Physicorum agitur à Berigardo de principiis secundum veteres, ac quarto de iisdem secundum Aristotelem; sed in specie magis quam in genere; quare quid ego & alii desiderent circa principia corporum naturalium hic secundum Peripateticos proposita atque exposita, planum faciam. Hoc quidem rectè dictum est, principia esse

duorum generum, essendi & sciendi; non, quod principia essendi non sint quoque; principia sciendi, sed quod principia sciendi interdum non sint principia essendi, ut cum ex effectis cognoscitur causa, ex illuminatione aeris ortus Solis, ex ascensu fumi extractio ignis; non tamen illustratus aer est principium essendi Solis orti, id est, cur Sol sit ortus; neque ascendens fumus est principium essendi cur extractus sit ignis; At omne principium essendi pariter est princi-

principium cognoscendi: nec hoc male sit quod principia essendi dividantur, in externa, efficientem & finem, quæ ad corporis naturalis productionem concurrunt, & interna, quæ ad ejus constitutionem: sed hoc pessime fit, quod inter principia interna referatur privatio, siquidem enim principia dicuntur interna, quæ intra causati essentiam manent, ut partes ejus constituentes, privatio autem nullo modo maneat in corpore naturali producto, multo minus illud constituat, principium internum nullo jure dici potest: quod dicant Peripatetici, eam esse principium internum, non constitutionis sed transmutationis, id nihil juvat hanc causam: pari enim ratione dici posset, appetitus materiz primæ ad formam, qui inest materiz, esse principium internum transmutativum corporis naturalis, item, & quantitatem materiz coævam, & potentiam materiz, ex qua forma educitur. & in materia secunda formam sæpe aliquam priorem in materia existentem ante novæ formæ producendæ adventum: hæc enim omnia sunt intra materiam, antequam forma generetur. & possunt dici initium sive principium generationis, quia generatio ab illis incipit: Præterea principium generationis ac transmutationis pro-

prie non est, nisi externum, non internum: aut igitur privatio non est principium internum, ut volunt Peripatetici, aut non est principium generationis ac transmutationis. Amplius: cum nulla generatio aut transmutatio fiat neque incipiat, nisi certo loco & tempore, quidni & locus & tempus dici possint principia, vel generationis vel transmutationis: Denique, quod consistit in negatione formæ, entis veri ac positivi quomodo id dici potest respectu ejus principium fiendi? Quid igitur, an cæcitas, privatio & negatio visus, erit in cæco principium fiendi ipsius visus, id est, cur in ipso visus iterum generetur, cur ex cæco transmutetur in videntem? Et an absentia animæ vegetantis in semine plantæ, privatio istius formæ, erit principium generationis ac transmutationis, quo in semine plantæ fiat, producat, ac generetur, anima vegetans, & semē plantæ transmutetur in plantam? hæc omnia quis non videt esse absurda? quare duo tantum agnoscere debent principia corporum naturalium interna, tum transmutationis seu generationis, tum compositionis seu constitutionis, materia & forma. privatio in numerum, ordinem, & censum principiorum admitti nullo jure meretur, nulla ratione aut potest aut debet.

21. Materiam dari, ex eo manifestum est, quia ex nihilo nihil fit naturaliter, id est, naturali modo, ordine, viribus naturæ, ab agente naturali: actio, quâ ex nihilo quid fit, vocatur creatio, quæ ex aliquo aliquid, generatio.

Naturaliter, id est, naturali actione, quæ ab agente naturali, naturæ viribus, secundum naturæ ordinem, instituitur.

22. Materia est prima vel secunda.

Hæc divisio non est generis in species, nec inter in membra, imo ut rei quidem divisio est, sed nominis tantum distinctio, & petita sere à mente seu ratione nostra: Materia enim secunda est materia uniuscuiusque corporis Physici singularis: cum vero omnium materia corporum singularium in eo conveniat, ut singula corpora ex illa constituantur, tanquam ex parte componente ex subiecto formarum, fit, ut communis hæc natura & ratio materiæ singularium, à corporibus singulis per mentem abstracta & concepta, dicatur materia prima.

à Thesi 21. ad Thesin 23. exclusive.

DE materia prima mira nobis reliquit Aristoteles, & somniant Peripatetici, probant materiam primam dari, quia ex nihilo nihil fit naturaliter: quod tamen axioma à recentioribus quibusdam invertitur, qui dicunt omnia quæ fiunt, fieri ex nihilo: quod Goriæ in exercitationibus suis Philosophicis demonstravit. Quicquid sit de hoc axiomate, materiâ quandam dari corporum naturalium, ex qua fiant, saniores omnes Philosophi asserunt: sed qualem posuit primam Aristoteles, talem dari negant alii Ant Aristotel.: eam multis argumentis in scholis Physicis refutat Ramus.

Materiam ut principium corporum naturalium ex quo fiunt, agnovêre quoque Cartesius, Re-

gius, Berigardus, sed qualem posuit Aristoteles, negarunt. Materia Aristoteles prima est æterna ipsi, quia enim mundum fecit æternum, & mundus materiâ consistit. oportuit quoque istam materiam ponere æternam: atqui materia ex qua constant corpora naturalia, est creata, uti quoque ipsa corpora naturalia. Atque nunc enim Christianis nihil est præter Deum. Materia Aristotelis prima non est certum ac determinatum ens, neque determinatæ aut quantitatis, aut qualitatis. Cartesius, Regio, Berigardo, omnibusque alii Christiani Philosophi, materia ex qua constant corpora naturalia, est determinatum ens determinatæ & quantitatis & qualitatis. Materia prima Aristotelis semper manet, estque ingenerabile & incorruptum.

corruptibile subiectum omnis corporis naturalis; at Materia, ex qua, *alii Philosophis*, constant corpora naturalia, non semper manet, sed in dies singulos, vel fortè horas, mutatur, generatur, corrumpitur. Ex Materia *Aristotelis* prima, nullum corpus naturale componi potest, quia est merum ens rationis ac corpora sunt entia realia, quæ ex ente rationis tanquam sui parte essentiali, componi nequeunt. Materia prima *Aristot.* existit extra omnem secundam, quia ab æterno fuit, secunda au-

tem per generationem esse caput, per corruptionem definit: Materia prima corporum naturalium, secundum *Aristotelem*, est principium passivum, omnis operationis expert: at Materia corporum naturalium, secundum *alios recentiores ac liberiores Philosophos*, est principium activum, & per figuras ac qualitates, aliaque in se accidentia, agit, imo illis tribus *Philosophis* sæpe nominatis forma actionis principium non est, aut saltem non distinctum à Materia.

23. Materia secunda est corpus aliquod naturale variis dispositionibus & qualitatibus vestitum, ex quo aliud fit.

Materia secunda est principium, non quorumlibet corporum naturalium, sed eorum quæ ex ea tantum nascuntur & producuntur.

24. Materia prima definitur, vel positivè, vel negativè.

Materia prima, quia ens est imperfectum, & principium tantum ac pars corporis naturalis, perfecte definiri nequit, sed qualicunque descriptione adumbrari tantum potest, idque, vel terminis positivis seu affirmatis, vel negativis.

25. Negativè, neque est quid, neque quantum, neque quale, neque aliquid eorum quibus ens determinatur.

Materia prima dicitur non esse quid, non quasi non sit ens aut aliquid, sed quia non est hoc aliquid seu ens certa speciei: sic neque quantum esse dicitur, non quod nullam habeat quantitatem, sed quia non habet quantitatem determinatam: sic neque est quale, quia nullam habet qualitatem certam aut definitam. imo, si in se spectetur, ex se ne ullam quidem qualitatem habet, quia omnis qualitas à forma est.

Positivè,

26. Positivè, est primum subje&um uniuscujusque, ex quo fit aliquid, id est, corpus naturale, cui insit per se & non secundum accidens, & si corrumpitur aliquid, in hoc ultimò resolvitur.

Materia prima significat id omne, ex quo aliquid producitur primo, sic ut maneat in producto, & productum in illud, quando corrumpitur, redeat atque revertatur: quod utrumque intelligendum est de productione & corruptione naturali, qua fit ab agente naturali, naturæ viribus, secundum naturæ ordinem; sic enim talis materia, generationis & corruptionis omni subiectum, non daretur, aliquid ex nihilo fieret naturaliter, quod est absurdum.

27. Hic propriè est principium generale, de quo hic agimus.

28. Materia prima non est corpus, neque per formam corporeitatis, neque per simplicem essentiam.

Per corpus intellige Physicum, non Mathematicum, et substantiam constantem in materia & forma: nam principium corporis, ejusque pars non potest esse ipsum totum corpus.

Forma corporeitatis dicitur, per quam corpus est corpus. Quæ ab aliis dicitur forma mixti, aut, si ab hac distinguatur, merum est figmentum.

29. Est tamen ens, & quidem substantia, licet incompleta.

Materia prima est ens, quia essentiam habet & existentiam, imo & subsistentiam quia non est in alio ut in subiecto, distinctas ab essentia, existentia, & subsistentia forma, quia principium est distinctum à forma; porro dicitur substantia incompleta, quia ad corpus, tanquam substantiam completam, ut ejus pars & principium, ordinatur: unde nec prima nec secunda est substantia, quia hæc est divisio substantiæ completæ, qualis non est materia prima.

Essentia sive esse rei, id est, quod definitione exprimitur: quia ergo materia prima definitur, habet quoque; essentiam seu esse sibi proprium. Existentia est id, quo res ponitur extra causas producentes in hoc mundo: atqui materia prima producta est, stat extra causas suas, quia existit in et cum materia secunda; ergo, et existentiam habet. Subsistentia est modus, quo substantia non est in alio ut in subiecto:

qui materia prima non est in alio ut subiecto, est quidem in secunda, sed ut pars essentia in toto; ergo & subsistentiam habet.

30. Habetque actum ex se entitativum.

31. Et simul est in potentia subiectiva.

Actus entitativus vocatur, quo aliquid vere existit in rerum natura, extra causas producentes; ei opponitur potentia obiectiva, qua aliquid non verè existit, sed existere potest, atq; obiectum est potentie activæ producentis, à quo potest produci: quemadmodum mundus, antequam conderetur, erat in potentia obiectiva Dei, postquam conditus est, habet actum entitativum, quo, ut ens, actu existit. Potentia subiectiva dicitur, qua res, qua est, potest esse subiectum alicuius forme, sive substantiali, sive accidentali: hæc potentia opponitur actui formali, sive informans, quo res naturalis certam aliquam formam, seu substantialem seu accidentalem actu possidet: quando materia prima dicitur esse pura potentia, intelligitur subiectiva, non obiectiva: quando dicitur habere actum intelligitur entitativus, non formali: hæc duo pugnant, ut aliquid simul sit in potentia obiectiva: & habeat actum entitativum, uti pugnant, quod aliquid sit in potentia subiectiva, & habeat formalem, & materie respondentem: sed potest aliquid esse in potentia subiectiva & habere actum entitativum, ut materia prima.

32. Imo ex se planè est (esse essentia) informis.

Sensus theos est, quod materie primæ essentia in sui definitione & conceptu essentiali nullam formam includat aut involvat.

33. Nunquam tamen est (esse existentia) sine forma.

Sensus theos est, quod materia prima nunquam existat sine forma: ratio est, quia non existit nisi in materia secunda, qua est formata.

Materia prima nunquam existit sine omni forma, potest tamen considerari aut intelligi, non considerata aut intellecta ulla forma, quia potest abstrahi ab omni forma, abstractione simplici ac præcisionis, qua concipitur res una, non concepta alia, non vero abstractione composita aut negationis, qua concipitur res una, negata alia; neque enim materia concipi potest, ut de ea negetur omnis forma.

34. Imo ne esse (esse existentia) quidem potest.

Ratio theos est, quia materia prima nunquam existere potest extra secundam, nam universalis non possunt existere extra singularia
at

at materia secunda nunquam existere potest sine forma; ergo nec prima quæ extra secundam non existit, imo tantum ratione ab ea distinguitur.

35. Materię primæ tribuitur potentia universalis:

Potentia, scilicet, subiectiva, non obiectiva, quo sensu intelligitur quoque potentia, Thesi 38.

36. Hæc est q̃ â indifferenter respicit quamlibet formam.

Formam intellige vel substantialem vel accidentalem, sed potissimum substantialem.

37. Potentia hæc est essentialis materię primæ, unde materia substantiatur per potentiam.

Essentialis, vel constitutiva, quia illa potentia universalis essentiâ materię primæ constituit, vel consecutiva, quia essentiâ materiæ primæ constitutam immediate consequitur, ut proprietas sui subiecti.

38. Potentia particulis est materię secundæ.

Vocatur potentia particularis, quia materia hæc aut illa, particularis respicit & recipit hanc vel illam formam particularem.

39. Tribuitur materię quoque quidam appetitus universalis.

40. Nam particulis materię secundæ convenit.

Quia materia est ens imperfectum formâ, & â formâ perficitur, ascribitur ei appetitus quidam, quo formam appetit tanquam se perficientem, omne enim in perfectum appetit sui perfectionem; materia prima appetit perfici â quacunque forma; secunda verò ab illa forma quæ suæ naturæ convenit: Ideoque illius appetitus dicitur universalis, huius verò particularis.

41. Uterque ab utraque potentia tantum ratione discrepat.

Potentia materiæ primæ eiusque appetitus re ipsa idem sunt, sed sola differunt definitione, ut quoque potentia & appetitus materiæ secundæ.

Materiam

Materiam primam à The-
si 23. ad 24. exclusivè
expositam ex *Aristotele* & *Pe-
ripateticis* sic dedimus, quam
expositionem obiter percur-
remus, atque ex ipsis thesibus
ac commentariis percurſis eam
ipsam reſellemus, ac tum quid
de materia, corporum natura-
lium principio, ſtatuant *Carte-
ſius*, *Regius*, *Berigardus*, inda-
gabimus atque explicabimus.
Primum argumentum deſumi-
tur ex theſi 25. nam theſis 23.
nihil habet quàm quod verum
& ſanum eſt, theſi. 24. in com-
ment. tantùm dicitur *materiam
primam, qua principium &
pars eſt corporum naturalium,
perfectè deſignari non poſſe*, quod
ipſum tamen falſum eſt: quid
enim, ſi deſignatur, ſubſtantia,
extenſa in longum, latum, &
profundum, an non erit perfe-
cta hæc eius deſignatio? quippe
quæ conſtabit genere proximo
& differentia ſpecifica? ſi dicas
illam eſſe deſignationem mate-
riæ ſecundæ. Reſp. Atqui ma-
teria prima vel ipſis *Ariſtotel.*
non differt à ſecunda, re, ſed
ratione, ſi dicas eſſe deſignatio-
nem materiæ in comuni.
Reſp. Ergo & materiæ primæ
ac ſecundæ, quæ ſub materia in
comuni continentur.

*Primo ſic argumentor ex The-
ſi 25. & ex Comment. Primum,*
ſi nullum detur ens, niſi quod
ſit certæ ſpeciei, nullum cor-
pus, niſi quod habet quanti-
tatem determinatam, & quali-
tates certas ac definitas, Ergo

ſi materia prima aſſeratur non
eſſe quid, id eſt ens certæ ſpe-
ciei, aut non eſſe quantum, hoc
eſt, non habere quantitatem
determinatam, non eſſe quale,
id eſt, non habere qualitatem
certam ac definitam, materia
prima erit nulla, ſed verum
prius, Ergò poſterius: Major
extra dubium eſt, & facile pro-
batur: nam ſi attributa, quæ hic
materiæ primæ tribuuntur, nul-
la ſint, id eſt, non ſunt, etiam
materia prima nulla eſt, id eſt,
non eſt, ſed verum prius, Ergò
poſterius: utraque Minor pro-
batur, primo ſi dabitur aliquod
ens, ſed nullius certæ ſpeciei,
dabuntur idæ Platonice, &
universalia in eſſendo, id eſt,
naturæ rerum univerſales extra
ſingularia; ſed falſum poſterius;
ergo & prius: major probatur,
quia idæ Platonice ſeu uni-
verſalia in eſſendo, nihil aliud
ſunt Philoſophis quàm eſſentia
in mundo quidem alibi exiſten-
tia ſed ad nullam certam ſpeciem
reducta, verùm ad quas ideas
& naturas univerſales omnes
ſpecies rerum eſſent formatæ;
ſi jam materia *Ariſt.* prima ſit
ens, & exiſtat ad nullam tamen
ſpeciem reducta, quid aliud eſt
quàm Idea aut univerſale in eſ-
ſendo. *Secundum*, ſi detur cor-
pus quod ſit quantum, & tamen
nulla quantitate determinata
præditum Ergo habebit quan-
tatem indeterminatam; hæc
enim ſunt differentie quantita-
tis oppoſitæ ac contrariæ, ſi ali-
quod corpus habebit quantita-
tem

tem indeterminatam, dabitur corpus mole infinitum, sed hoc dari non potest, quia quem occuparet hoc corpus locum? Præterea tolleretur omnis motus, atqui illocalitas & immobilitas repugnant corpori, quod omne est in loco, à quo ambitur, & de quo in alium moveri potest, sed à quo ambiretur, & quo moveretur corpus mole infinitum? *Tertium*, quod detur corpus habens qualitatem nullam certam ac definitam, sic refutari potest: Si omne corpus ipsum in essentia sua sit certum ac definitum, Ergò etiam qualitates certas habet ac definitas, sed verum prius ergò posterius. Vnum hic reponunt adversarii, *materiam suam primam non esse corpus*, consequenter nihil esseमितum quod non habeat quantitatem determinatam, vel qualitatem definitam, *sed tantum substantiam atq; ens incompletum*. Vid. Thes. 28. & 29. Resp. Si non sit corpus, quod ibi videbimus, est saltem ens corporeum & substantia corporea, nisi velint materiam primam esse spiritum incompletum, aut substantiam spirituales, aut ens spirituale incompletum, quod dicere non ausim, Ergò cum nihil istorum detur trium, quæ tribuuntur materię primæ Thes. 25. in comment. tum neque materia Arist. datur prima.

Secundò sic argumentor ex thes. 26. & 27. Ex quo nihil fit non est principium, sed ex materia prima nihil fit, Ergò non

est principium. Major patet, ex definitione Principii, quia principia sunt quæ non sunt ex aliis nec ex se invicem, & ex quibus sunt omnia: si ergo materia prima est principium, oportet aliquid ex ea fieri, sed nihil ex ea fit, quod probò; si nihil fit ex principio generali, Ergò nihil fit ex Materia prima, sed verum prius, Ergò & posterius. Major patet ex Thesi 27. ubi Materia prima dicitur principium generale, Minor probatur: si pati sit singulare, Ergò ex principio generali nihil fit, sed pati est singulare, Ergò, &c. Major patet, quia fieri est pati. Minor probatur: si agere est singulare, Ergò & pati, sed verum prius, Ergò & posterius. Major patet, quia agere & pati idem sunt. Minor probatur: si actiones sint suppositorum, Ergò agere est singulare, sed verum prius, Ergò & posterius, Major probatur, à Conjugatis, quia Conjugatorum eadem est ratio, at agere & actio, Conjugata sunt, & suppositum & singulare idem significant. Minor est axioma receptum verum, quod à nemine in dubium trahi potest. Præterea, Si omne quod fit, fit ex materia secunda, Ergò nihil fit ex prima, sed verum prius, Ergò & posterius. Major patet, quia Materia prima & secunda differunt: Si obicias, non differre re sed ratione tantum. Resp. atque hoc ipsū sufficit, ut id quod ex materia fit secunda, non fiat ex prima, sed omne quod fit, fit ex secunda,

secunda, quod probo; Materia secunda est materia particularis, sed omne quod fit, fit ex materia particulari, id est, singulari, atque hoc ipsa docet experientia, quippe videmus plantam nasci, non in universali, sed hanc plantam in particulari & singulari; hominem gigni non in genere, sed in specie, aut potius in individuo, hunc vel illum, Petrum aut Paulum, & sic se res habet in omnibus, quæ fiunt; ac generantur, ut fiant ac generentur ex materia particulari sed singulari, quæ est secunda, non ergo ex universali, seu prima. Denique, si nulla datur resolutio in causam primam; Ergo malè dicitur Thesi 56. Quod si in aliquid corrumpatur, in materiam primam ultimo resolvitur; Sed verum prius. Ergo & posterius: Major probatur ex lege Conjugatorum, quorum eadem est ratio; resolutio & resolvi sunt Conjugata. Ergo. Minor probata est infra, Cap. 6. Thesi. 28. Et facile probari potest: Si resolutio omnis semper fiat in materiam formatam. Ergo nulla fit in primam, quia prima informis est, id est, omni forma carens, sed solutio semper fit in materiam formatam. ut docet experientia, tum cum homo moritur, resolutio fit in cadaver, hoc autem est materia formata, cadaver iterum resolvitur in pulverem, in vermes, in vapores &c. at hæc omnia sunt materia formata,

& in talem fieri deprehenditur omnis resolutio ac corruptio cujuscunque corporis naturalis.

Tertium argumentum ex thes. 28.
 ¶ 29. Cuius nullus datur conceptus, hoc est, quod concipi nullo modo potest, id non potest esse principium corporum naturalium, sed materiam primam quæ non sit corpus, & tamen ens & substantia completa, nullus datur conceptus, hoc est, sic nullo modo concipi potest, Ergo Materia prima non est principium corporum naturalium: Major facile probatur quia concipi nihil verat id quod à parte rei est, Ergo si materia prima est principium corporum naturalium, debet posse concipi, at (quæ Minor est) concipi nequit, quomodo Materia prima non sit corpus, Thesi. 27. & tamen sit ens, imo substantia, sed incompleta, Thesi. 28. Atque hanc Minorem sic probo. Si materia sit & concipiatur ut ens & ut substantia neque tamen sit aut concipiatur corpus, oportet ut sit & concipiatur ut spiritus, Posterius absurdum, Ergo & prius. Probatur Minor: nam spiritus non potest esse pars ut principium constitutivum corporis naturalis, uti quidem Materiam primam volunt esse peripatetici, probatur Major: Si hæc sit immediata substantiæ divisio, qua dividitur in corpus & Spiritum, ut non detur membrum tertium, omnino

neceſſe eſt, Materiam primam, ſi non ſit corpus, eſſe Spiritum, ex hypotheſi, quod ſit ſubſtantia, aut dandum foret membrum tertium, ad quod referretur. Excipiant, diſiſionem ſubſtantiz in Spiritum & corpus, eſſe ſubſtantiz completæ, Materiam verò primam eſſe ſubſtantiam incompletam, itæque membra diſiſionis ſubſtantiz completæ, non competere ſubſtantiz incompletæ, Materiamque primam non eſſe corpus aut Spiritum. Reſp: hæc exceptio nihil valet, nec nodum ſolvit; nam ſive ſubſtantia fuerit completa, ſive incompleta, utraque, tam poſterior quàm prior, dividitur in Spiritum & corpus, de ſubſtantia completa ipſi agnoſcunt adverſarii, de incompleta ſic probo, anima rationalis reſpectu hominis eſt ſubſtantia incompleta, quia eſt ejus pars & principium conſtitutivum, & tamen eſt Spiritus, Ergo non repugnat, eſſe ſubſtantiam incompletam, & eſſe Spiritum. Ab altera parte manus eſt ſubſtantia incompleta, quia eſt pars corporis, omnis enim pars incompleta eſt, at

manus ipſa corpus eſt, quamvis partialē, neque enim Spiritus eſt, quia dividi poteſt, Ergo quoque non repugnat, eſſe ſubſtantiam in completam, & eſſe corpus, rectè ergo infero, corpus & Spiritum non dividere ſolum ſubſtantiam completam, ſed & incompletam; hinc conſequenter benè argumentatus fui. Si Materia prima, licet ſubſtantia incompleta, non ſit corpus (ut docetur Theſ. 27) & tamen eſt ac manet ſubſtantia, licet incompleta, (Theſ. 28.) Ergo erit Spiritus; Sed hoc jam antè reſutavimus, Ergo ſi neque corpus, neque Spiritus ſit, ne ſubſtantia quidem erit. conſequentèr, nec erit ens, nam qualè ens foret, ſi non ſit ſubſtantia aut accidens? cum præter ſubſtantiam nullum ſit ens, quam accidens: ſed accidens nullum poteſt eſſe pars aut principium conſtitutivum corporis naturalis. Ergo materiæ primæ, ſi non ſit corpus neque eſt Spiritus conceptus dari nequit, hoc eſt, illa concipi nequit, Ergo ne quidem fuerit, multo minùs fuerit principium corporis naturalis.

Reſutatio materiæ primæ ex theſ. 30. 31. 32. 33. & 34.

THeſibus hiſce quinque explicatur eſſentia & exiſtentia Materiæ primæ, ſecundum receptam Philoſophiam, ſed verò ita, ut apertiffimæ contradictionis explicatio iſta argui poſſit, hæc duo dicunt Peripatetici. 1. *Eſſentiam materiæ*

primæ talem eſſe, ut concipi valeat, abſq; ullius formæ ſubſtantiæ conceptu. 2. Eandem tamen nunquam exiſtere, niſi cum & ſub forma ſubſtantiæ. Quod ſpectat ad primum id quidem agnoſco, eſſentiam rei creatæ poſſe abſtrahi ab exiſtentia, & ſic materi-
riam

riam primam, utcumque nunquam existat sine forma, posse tamen concipi, non concepta formâ: attamen cum existere nequeat, nisi cum & sub forma, quæ tantum est materia secunda, quis non videt materiam primam, nihil esse aliud, quàm ens rationis, quippe quæ non datur, nisi in & cum materia, seu secunda, seu formata; sed quomodo id quod est ens rationis, potest esse principium corporis naturalis, quod est ens reale? Præterea dubitari potest, an essentia materiæ primæ talis sit, ut concipi valeat absque ullius formæ substantialis conceptu; nam cum materia prima sit talis causa, quæ nunquam causet se sola, sed semper requirat sociam, ac comitem causam, formam, quomodo illa concipi potest, ut in illo conceptu non involvatur conceptus formæ? præsertim si philosophari velimus de sententia *Cartesii*, *Regii*, *Berigardi*, formas substantiales, ut entia distincta à materiâ, negantium, certè non possumus formare conceptum materiæ, etiam primæ, nisi in materiæ conceptu involvamus atque includamus conceptum talis formæ, qualem illi statuunt; si enim nulla materia sit, nec esse possit, nisi figurata, mota, certa partium magnitudine prædita, vario modo situata, profectò non potest dari conceptus materiæ, nisi simul concipiamus

& figuram, & motum, & magnitudinem, & situm, &c. consequenter non potest concipi materia absque conceptu alicujus cujuscunque formæ; & si materia non concipiat, cum & sub tali forma, concipietur non figurata, non mota, non certæ magnitudinis, aut situs, & sic aut nullus conceptus erit materiæ primæ, aut erit conceptus confusissimus. Denique hoc addendum est, si materia prima ex se habeat actum entitativum, quo est ens, imò & substantia, licet incompleta, nec tamen corpus, nec spiritus, qualis quæso futurus est conceptus talis entis & substantiæ, quæ existit, atque extra suas ponitur causas, & tamen non est ens, nec est substantia, hujus, aut illius speciei? an igitur universalis existunt, & ponuntur extra causas, citra & præter singularia? potestne aliquid existere, quod sit ens, & substantia, & tamen non sit ens tale & substantia talis? an ergo datur genus, quod nullas habeat species, in quibus existat? at omne genus existit in speciebus & omnis species in individuis, & omne universale in singulari: Ergo materia prima, neque existere, neque concipi potest, nisi existente & conceptâ materiâ secundâ, at hæc est formata; Ergo neque existit, neque concipi potest materia prima informis.

Refutatio materiae primae ex thes. 35, 36, 37, 38, 39, 40, 41.

THesibus hisce exponitur duplex materiae potentia, & duplex appetitus, una potentia universalis, & appetitus universalis materiae primae, altera potentia particularis & appetitus particularis materiae secundae, sed utrumque egregium est figmentum. Potentia universalis dicitur, qua recipere potest quaslibet formas, materia prima quia nullam certam habet: at vero si materia prima nunquam esset extra secundam, uti non esse statim fuit ostensum & secunda semper esset formata, quomodo dici potest recipere quaslibet formas, & nullam certam formam sibi vindicare. Adhuc turpius erratur à *Peripateticis*, cum hanc potentiam materiae primae universalem, faciunt ipsam ejus essentiam: quid? an potentia recipiendi formas quaslibet successive, erit essentia substantiae, qualis ipsis est materia prima? profecto si materia prima non est substantia distincta à materia secunda, utique nec potentia universalis materiae primae, distinguitur à potentia particulari materiae secundae, sed potentia particularis materiae secundae, ipsis consentientibus *Peripateticis* est accidens. Ergo accidens quoque fuerit potentia universalis materiae primae: at quomodo tum constituet essentiam ejus? potestne accidens constituere substantiam? hunc

nodum prius solvunt *Peripatetici*. Non minus vanus est appetitus ille materiae primae universalis, nam licet materia imperfectior foret forma, an ideo talis appetitus ad omnes & quaslibet formas indifferenter suscipiendas, ei tribui debet? cur non dicamus potius, talem appetitum esse plane nullum, quandoquidem enim materia prima semper existit in et cum secunda, qua certam semper appetit formam, si materiae primae quoque aliquis appetitus est tribuendus, certe non appetet omnes formas promiscue, sed certam quandam; & vero fundamentum, cui hic appetitus universalis materiae primae innititur, valde est ruinosum. Quid si enim dicamus, materiam non esse imperfectiorem substantiam, sed perfectiorem formam. Quid si dicamus cum quibusdam Philosophis recentioribus materiam solum esse substantiam, non item formam. Quid si dicamus formam omnem (excepta semper anima rationali) esse tantum modum substantialem materiae, partiumque in materia, tum sensibilem, tum insensibilem, certe omnis modus ignobilior est re modificata, Ergo & modus substantialis deterioris est conditionis quam ipsa substantia, quae modo afficitur. Ergo & forma si non fuerit nisi modus substantialis materiae, ut sub-

ut substantiæ, imperfectior erit petitus universalis dari nequit
quam ipsa materia, substantia: in eo quod materia prima sit
ideoque ille materiæ primæ ap- ens imperfectius forma.

42. Materiæ coæva est quantitas interminata, id est, indeterminata, cujus termini ab intellectu humano assignari nequeunt.

Quantitas interminata dicitur, non quod detur in rerum natura actus talis, quæ omnibus terminis ac finibus careat sic enim daretur aliquod ens corporeum ac infinitum mole sua, quod est absurdum; sed vocatur interminata quantitas, cujus termini & fines, cum in se sint finiti, à nobis tamen humana mente definiri, designari, ac determinari nequeunt: talis quantitas dicitur materiæ primæ coæva, quia est proprietas quarto modo materiæ; omne proprium subiecto suo est coævum, sunt enim illa duo simul tempore, & se mutuo ponunt ac tollunt.

Non est ea sententia Aristotelis, materiæ primæ, quam facit æternam, esse coæternam quantitatem aliquam: sicuti ipsa materia prima ipsi non est determinata quidditatis, ita nec est ipsi eidem determinata quantitatatis. Sensus Aristotelis hic est, quod ut materia prima non constituit certam speciem substantiæ, ita nec quantitas ejus, sibi vindicet certos terminos, sub quibus existat. Qui inter Philosophos Christianos primam materiam statuunt creatam, nihilominus ei faciunt coævam seu coæternam aliquam quantitatem; quia quantitas, vel est ipsa materiæ essentia, quod volunt Cartesius & Regius, vel est proprietas quarto modo materiam immediate consequens, & ab ea emanans: utrumvis dicatur, quantitas est inseparabilis à

materia, sicut nunquam existerit materia, sive ab æterno (ut vult Aristoteles) sive in tempore, ut tenent Christiani Philosophi, quin simul existerit quantitas, & vice versa; hæc enim duo, materia & quantitas, se mutuo ponunt & tollunt. Sed ponitur in materia quantitas, non terminata, sed interminata quod tamen sano sensu capiendum est, nempe, intelligitur quantitas interminata non re, sed ratione, non actu, sed potentia, non categorématique, sed syncategorematicè: quippe quantitas, re, actu categorématique interminata, nulla datur, nec dari potest: sic enim daretur corpus mole ac magnitudine infinitum, & positive interminatum, id est, quod nullos limites terminos, aut fines suæ quantitatatis haberet: sed hoc est absurdum; sic enim tolleretur

omnis motus, & omnis locus, foret enim & immobile & illo-cale corpus tale actu interminatum, & positivè infinitum, quo enim moveretur, & in quem locum se reciperet? quippe quod omnem locum replet, & de loco in locum moveri nullo modo posset: ergo quantitas interminata & infinita dicatur, quæ materiæ primæ est corvæ, negativè, non positivè, ratione, non re, id est, nulla ratio ullius hominis potest assignare fines, & terminos, ac limites certos, quantitati, quæ materiæ primæ est coxvæ, licet in se certos habeat, ac definitos, & determinatos, sicut oceanus quoque suos habet fines, limites, & terminos, sed quos nemo mortalium assignare potest, ne ex illis quidem, qui totum circumnavigant terrarum orbem: unde rectius dicitur illa materiæ primæ corvæ quantitas, *indeterminata*, quam interminata, & *indefinita*, quam infinita, utrumque intelligendum negativè; solus enim Deus est ens positivè interminatum, & positivè infinitum, quia non tantum terminis & finibus caret, sed omnes terminos, & limites excogitabiles re ipsa, actu, & positivè, replet, unde etiam dicitur esse ubique, seu in omni loco repletivè: ex hisce videre est, quam iniquissime agant cum *Cartesio*, *Regio*, utriusque & sanæ Philosophiæ calumniatores, cum carpunt hoc ab illis dictum, quod

mundus sit indefinitus, aut indeterminatus, cum nihil aliud voluerint, quam, mundo finito quidem & terminato in se, nullos tamen ejus fines, & terminos ab intellectu humano posse assignari, aut determinari: & ratio Philosophica hujus rei hæc est, quod mundus, ut & Oceanus, sit figuræ circularis, in qua nec initium, nec finis, nec terminus inchoans, aut finiens, potest assignari: & profecto, si concoquere possunt *Aristotelici* homines, quantitatem materiæ primæ corvæ, interminatam, sed sensu, quo exposuimus, quidni concoquere pariter possunt mundum indefinitum, quo sensu *Cartesius* & *Regius* exponunt, qui & melius loquuntur, & sensu conveniunt cum *Aristotele*, & *Aristotelicorum* quantitate interminata, materiæ primæ corvæ.

Visis & refutatis, quæ secundum *Peripateticos* differi solent de materia prima, restat, ut videamus, quid hic statuatur *Cartesius*, *Regius*, & *Berigardus*. Nunc duorum priorum sententiam exponemus, & postea tertii. Statuunt duo priores pro principio corporum naturalium nullam dari materiam primam, quam & qualem refutavimus, sed materiam tamen ponunt. neque illa negari potest à sanæ mentis homine, sed materiam, ut vulgo dicitur, secundam, & quæ sit substantia, non æterna, sed creata, non incompleta, sed completa, in genere

genere scilicet substantiæ, non incorporea, sed corporea, atque adeo, quæ ipsa sit corpus, quantitatis, non interminatæ, sed terminatæ, et quæ est prædita extensione, in certam et longitudinem, et latitudinem, et crassitiem; amplius, quæ habeat partes extra partes, id est, loco, ac situ disjunctas, non tantum sensiles, i. e. quæ externo sensu apprehenduntur, et discernuntur, sed et insensibiles, i. e. quæ solo intellectu percipiuntur, ac discernuntur. sensusque externos fugiunt; quas dari vel sola nos docet accretio viventium, ut plantarum, brutorum, & hominum; quis enim mortalium vidit unquam & particulas illas, quarum accessu ventia crescunt? & tamen ea crevisse sensu postea externoprehendimus: certè non magis videmus partes illas, quibus augefcit, vel accrefcit arbor, brutum, aut homo, quæ tamen postea accrevisse videmus, quam videmus indicem moveri in gnomone, quem tamen postea motum conspiciamus. Sed & alio argumento non minus efficaci, hæ partes insensibiles confirmari possunt, nempe ex somno, sudoribus, & morbis: quis unquam vidit particulas illas corporis nostri de nocte, cum somnum capimus, & concoctio cibi peragitur, evaporantes? quis similes particulas per sudorem, aut vi morbi exhalatas? & cum nil certius sit, à vivente, quamdiu vi-

vit, & nutritur, multas partes corporis viventis & nutriti, quotidie recedere, propter assumptum in singulis dies alimentum, quod mutatur in substantiam corporis viventis, ac nutriti (si enim hoc non fieret, corpus vivens, ac nutritum, in molem giganteam, ac magnitudinem sine fine, & termino, excrefceret) quis tamen unquam vidit, aut sensibus externis deprehendit illas particulas recedentes ob alimentum assumptum, & in novam substantiam nutriti mutatum, partesque præcedentes expellens, ut locum earum repleat: sic ut partes materiæ aut corporis negare insensibiles, nil sit aliud, quam strenue nugari, adeoque nil esse in ætius, quam illud ex *Aristotele* receptum axioma, nil est in intellectu, nisi quod prius fuerit in sensu?

Quod spectat sententiam *Be-rigardi*, de materia, notandum venit, quod ille in Circulo suo Pisano 3. & 4. lib. 1. Phys. magis occupetur in refutando *Aristotelis* sententiam de materia prima, quam in asserendo propriam atque illud observandum est semel auctorem hunc in omnibus suis Circulis duas introducere personas colloquentes, sub nomine *Charilai* & *Aristei*, ac sic semper agere. ut *Charilau* explicet, & defendat mentem *Aristotelis*: *Aristeu* veterum ante *Aristotelem*, verum sic, ut *Charilau* semper ab *Aristeo* vincatur, & quicquid

Charilaus pro *Aristotele* profectat, refutetur ab *Aristeo*: Atque eodem modo de principiis corporum naturalium, & speciatim de materia prima in Circulo 3 & 4. citatis agit *Berigardus*, nempe, postquam multis, veterum ante *Aristotelem* sententiam, de principiis corporum naturalium in genere, exposuit, & quæ contra veteres *Aristoteles* disputavit, in lib. 1. Physicorum refutavit, speciatim refellit materiam primæ actum entitativum, & quod dicatur substantia imperfecta, & quod ponatur substantia, distincta à forma, substantialiter, ut & hæc, scilicet forma, sit substantia, sed alia, quam est materia, quod & nos postea refutabimus, excepta semper anima rationali. Ut tamen non nihil dicamus de sententia propria

Berigardi, quam tenet circa materiam primam, & quam fusius explicat in Circulis suis, ad libros *Aristotelis*, de Ortu & Interitu, præsertim Circulo sexto; quandoquidem ille sententiam *Aristotelis* de materia prima in totum neget, nec tamen rejicit materiam, imo eam solum facit substantiam, & non formam, quin & substantiam perfectam, non imperfectam, & variis modis tantum modificatam; facile videre est, cum non agnoscere aliam materiam, quam secundam, quæ formata est & disposita est, & corpus est, & extensa in longum, latum, & profundum, & partibus, tum sensibilibus, tum insensibilibus, prædita, & eadem, quam ex *Cartesio* & *Regio* posuimus et exposuimus.

43. Forma est actus primus substantialis corporis naturalis, unum per se cum materia constituens.

Actus primus, vocatur principium operandi, actus secundus, operatio: actus substantialis idem est, quod substantia; accidentalis quod accidens: forma dicitur actus, non entitativus, sed formalis.

Unum per se dicitur, aut quod habet essentiam simplicem & non compositam, quo sensu *Deus*, *Angeli*, & *Anima* rationales, dicuntur unum per se; vel quod tamen si habeat essentiam compositam ex alio, talem tamen habet, ut partes componentes sint ejusdem naturæ ac prædicamenti, & unione quadam mutua in unum coalescant: hoc sensu forma cum materia constituit corpus naturale, unum per se.

Obiecti, actus & potentia non sunt ejusdem naturæ: materia est potentia, forma est actus; ergo: Resp. Neg. Maj. nam actus substantialis

Substantialis & potentia substantialis, ut sunt forma & materia, sunt ejusdem naturæ.

Ad thesin hanc 43. & novem sequentes.

Hisce Thesisibus de forma agitur secundum *Aristotelem* & *Peripateticos*. Thef. 43. dicitur quid sit. Thef. 44. dicitur formas dari substantiales & accidentales. Thef. 45. et 46. explicatur quoruplex sit. Thef. 47. 48. 49. 50. exponitur formæ materialis origo. Thef. 51. 52. asseritur formarum substantia-
liam pluralitas in uno eodemque composito. Nos primum, quæ hisce Thesisibus proponuntur, excutiemus. deinde sententiam veram de forma substantiali, materiali, ex tribus sæpe citatis Philosophis recentioribus, ut veriore, asseremus. Quod spectat. Th. 43. hæc est mens *Aristotelis* de quidditate formæ, secundi corporis naturalis principii, nempe, quod, ut materia, ita quoque hæc, sit distincta à substantia materiæ, incompleta quoque in se, materiam tamen complens in genere substantiarum, et ejus substantia'is actus primus, operationis in materia principium: materiam enim volunt tantum pati nihilque agere; in materia sic recipitur, ut per omnes ejus partes se insinuet, easque pervadat, quod vocatur *informare materiam*, & sic materiæ artificisimè juncta, unum cum ea facit constituitque corpus, & quidem unum per se, non unum per accident, quale ens est vel

concretum, vel aggregatum. In qua formæ explicatione præcipuus ac fundamentalis est error, quod formam faciant substantialem, distinctam à materia, exceptâ semper animâ rationali, cui errori & alter innititur, quod materiam faciant principium tantum iners ac passivum, non vero activum, & omnem operationem adscribit formæ substantiali, à materia distinctæ. Primo attendendum est hoc, quod nulla forma dicatur substantialis, quia ipsa sit substantia excepta anima rationali, sed quia est substantiæ, id est materiæ. Secundo & hoc observandum est accuratè, quod ex ignorantia linguæ Græcæ profectum est in Scholasticis, quod cum forma interdum dicatur *νοησις*, putarunt vocabulū hoc Græcum, reddendum esse per Latinum substantiam, at *νοησις* est essentia, non substantia, sed non potest forma esse essentia substantiæ, id est, materiæ, ut sit substantia distincta à materia. Tertio, cum forma dicitur *λογος τῆς νοησις*, ratio essentis, & ut illi volunt, substantiæ, cum sit ratio materiæ, quam informat, sola materia, erit essentia aut substantia. Quarto, esse hæc definitio Logica formæ, ex qua malè infertur omnem formam esse substantiam, neque enim hoc

hoc votes istius definitionis important: nam hæc duo non æquipollent, ratio essentix, & substantix. Quinto, quomodo forma educetur ex potentia materix? quomodo in eâ, ante ortum & productionem sui, latet tam diu? quomodo interiens in illam relabitur ac redit? quomodo ab ea materia est inseparabilis, si sit substantia distincta à materia. Denique cum *Aristoteles*, explicaturus formas naturales & materiales

corporum naturalium, perpetuò utatur similitudine et exemplo formarum artificialium, statuz aut lecticæ, et ex formæ non sint distinctæ substantiæ à materia statuz, ligno, aut xre, quis credat, illum statuisse, formas corporum naturalium esse substantias distinctas à materia? quin *Berigardus in Circulo Pisano cap. 4 lib. 2. Phys.* multis ex *Aristotele* adductis locis probat, materiam et formam esse substantiam eandem.

44. Dari formas substantiales, accidentium variorum in hoc subiecto concursus, in alio non item, clare demonstrat.

Quod ignis sit calidus & siccus, aqua humida & frigida, eius rei causa non est materia, quia illa se indifferenter habet ad omnem qualitatem, sicut ad omnem formam; neque potest causa esse accidens aliud in igne aut aqua, quia de eo utrumque queritur, quare hoc potius sit in igne & non in aqua, ac vice versa; ergo oportet esse causam, ipsam aquæ & ignis formam.

HOC argumentum quod existat in Commentario non est firmum, quia causa alia datur, quare ignis sit calidus et siccus, aqua frigida et humida, nempe, motus, vel maior, vel minor, idest, vel concitator, vel minus concitatus, in partibus materix, sive ignis, sive aquæ, tum sensibilibus, tum insensibilibus. Si enim quis roget, quare ignis sit calidus et siccus? Resp. quia partes materix, in igne, magis et celerius moventur, quàm in aqua: atque eodem modo solvi potest argumentum aliud, quod formæ

substantialis assertores habent tanquam Achilleum, scilicet, quod ducunt à corporis alterati restitutione ad qualitatem pristinam et naturalem. sic enim argumentantur. Si aqua calefacta redeat ad frigus pristinum, neque causa illius reditus referri valeat in materiam aquæ, neque in accidens aquæ, quod est frigus, aquæ connaturale; Ergo reduci debet in formam substantialem aquæ, Sed verum prius, non potest reduci frigus aquæ restitutum, in materiam, quia illa se habet indifferenter ad frigus et calorem, hoc

hoc enim ipsi perinde est, siue calefiat, siue frigeat, neque potest causa reducti frigoris revocari ad ipsum calorem, existentem in aqua calefacta, quia contraria se mutuo destruunt, tantum abest, ut calor aquæ calefactæ, sit producturus qualitatem sibi contrariam: Ergo recuperatio frigoris naturalis in aqua calefacta, reduci debet ad formam aquæ substantialem. Resp. Etiam si admitteretur, materiam esse indifferentem, ad recipiendum vel calorem, vel frigus, & admitteretur calorem aquæ calefactæ non posse producere frigus, causa tamen dari potest, quare calefacta aqua redeat ad pristinum frigus, si sibi relinquatur, id est, si non amplius ab igne calefiat,

scilicet, hæc est, quam dant *Cartesius* & *Regius*, quia per actionem ignis calefacientis, partes aquæ, tum sensibiles, tum insensibiles, magis & celerius moventur & agitantur, ideo nihil mirum, cessante actione ignis, calefacientis aquam, quando aqua semoveretur vel removeretur, cessare effectum, id est, & calefactionem & calorem in aqua: nam cessante causa, cessat effectus, sed ignis fuit causa, quod partes aquæ tam velociter fuerint motæ, Ergo absente igne, partes aquæ non moventur tam velociter, & sic aqua frigit; nam calor nihil est aliud quam motus agitativissimus partium materiæ, & frigus est motus eorundem remissior.

45. Forma est vel separabilis, quæ seorsim à materia existere potest, vel inseparabilis, quæ non potest.

Seorsim, id est, loco & tempore, diversis atque diversis: forma inseparabilis tolli quidem potest, hoc est, auferri à subiecto, per corruptionem, sed non potest separatim à materia sua existere alio loco atque tempore.

46. Hæc dicitur materialis, illa immaterialis.

Forma dicitur materialis, quæ à materia sic dependet, cum sit, existit, atque operatur, ut citra vel extra eam, fieri, existere, aut operari nequeat; immaterialis contra, quæ sine materia & fieri potest, & existere, & operari, qualis est sola anima rationalis.

Divisio illa formæ in separabilem & inseparabilem, nititur hoc fundamento, quod omnis forma sit substantia distincta à materia; atqui hæc hy-

pothesis est falsa, Ergo, &c. (Forma separabilis dicitur, quæ loco & tempore diversis existere potest extra materiam, inseparabilis, quæ non potest; sed

sed nulla datur forma, quæ loco & tempore diversis existere potest à materia, (exceptâ solâ animâ rationali) Sed probaverint semel, omnem formam inseparabilem, esse substantiam; nam neque formæ artificiales, quæ sunt inseparabiles, substantiæ sunt, neque ullum potest dari exemplum formæ substantialis inseparabilis, quæ sit substantia distincta ab ipsa materia quam informat. Et ratio hæc est. Si omnes operationes &

proprietas corporum naturalium possint explicari per solas materiæ partes moras, motum, tum insensibili, tum sensibili, quid opus est admittere aliquam formam inseparabilem, tanquam substantiam distinctâ à materia partibusque ejus. Sed omnes proprietas et operationes corporum naturalium explicari possunt per solum motum partium in materia, tum sensibilem, tum insensibilem in materia. Ergo, &c.

47. Formæ materiales non sunt ante sui productionem in materia actu, neque secundum se totas, neque secundum aliquam sui partem.

Ratio thesæos est, quia sic nulla foret generatio, quod est absurdum; nam nihil produceretur.

48. Sed educuntur ex potentiâ materiæ.

Potentia materiæ intelligitur non objectiva sed subjectiva, ex qua dicitur educi forma, quando materia sua capacitate et aptitudine actionem agentis naturalis, formam materiale[m] producentis, jurat, perficit, ac promovet.

49. In quo differunt ab immaterialibus formis.

50. Nam hæc creantur.

Forma immaterialis creatur, puta, anima rationalis, quia corpus, materia hominis, nihil confert ad ejus productionem; neque enim Ens corporeum potest assurgere ad productionem Entis incorporei.

Hisce quatuor Thesibus describitur de formarum materialium ortu, item et immaterialium: sensus utrinque breviter hic est, quod formæ materiales non producantur ex nihilo, sed educantur ex potentia ma-

teriz, contra formæ immateriales producantur ex nihilo, quia creantur: sed ipse inter Peripateticos Wendelinus parte. 1. Phys. quæ vocatur generalis, hanc opinionem, et discrimen inter utrumque, egregie refutat,

furat, docens, quod illaeductio formarum ex materia, nihil obftet, quo minus dicatur creari: nempe res sic se habet. creatio est gemina, vel immediata, vel mediata, utraque ex nihilo, illa quæ est immediata, ex nihilo subjecti seu materiæ, hæc quæ est mediata, ex nihilo termini seu sui,eductio formarum materialium non quidem est productio earum ex nihilo subjecti seu materiæ, dici tamen potest productio esse earum ex nihilo sui sive termini ad quem producendi, nam materiam quidem præsupponunt, nihil tamen sui in ista materiæ; examinatur ipsa res, in productione plantæ ex semine, aut lapidis ex terra, utrobique; materia quidem præcedit, aut subjectum, in productione plantæ semen, in productione lapidis terra, nihil tamen plantæ est in semine, aut lapidis in terra ante eorum productionem. Dicunt illi est in semine potentia ad plantam, in terra potentia ad lapidem: sed quid est illa potentia? an ipsa substantia seminis & terræ? an aliquod utriusque accidens? Si dicatur prius, tum forma substantialis lapidis produceretur ex substantia terræ, & forma substantialis plantæ ex substantia seminis, atque sic principium unum erit ex alio contra definitionem principii Aristotelicam; si forma substantialis educatur, vel lapidis vel plantæ, ex potentia materiæ, seu seminis seu terræ, quæ utraque est accidens,

sequitur formam substantialem compositum iri ex potentia, quæ sit accidens; atqui ut accidens componat substantiam, dici nullo modo potest, quia sunt essentia toto genere diversa; quid igitur erit hæc potentia materiæ, ex qua formæ educuntur? Respondent, aliquid & non nihil, si aliquid est, quid est? an substantia, an accidens, an Deus, an creatura? nihil istorum dici potest: an fortasse medium negationis interjectum inter ens reale & nihil? illud fortassis diceretur omnium probabilissimum, est enim inter illa media negationis quoque privatio, cum qua hanc potentiam multi faciunt eandem, sed privatio est negatio & absentia habitus, nec aliquid habitus remanet in subjecto seu oculo cæco, nihil plane, ideoque visus non potest dici educi ex potentia oculi cæci, qui hoc visu privatur, nisi simul dicatur iste visus educi ex nihilo sui, ita quoque non potest dici forma substantialis educi ex potentia materiæ, quæ privatur illa, nisi simul dicatur produci ex nihilo sui seu termini, & siceductio formæ substantialis ex potentia materiæ, quæ nihil nisi privatio, erit idem quod creatio mediata ex parte sui seu termini, ut nihil enim existit *Eve* in costa *Adami*, & *Adami* in pulvere terræ, ex quo formatus est: ita nihil quoque plantæ existit in semine, aut lapidis in terra aut ullius formæ substantialis in potentia materiæ

materix; & sic concludo, illam esse aliud, quàm nudam & me-
 eductionem formæ omnis sub- ram creationem mediatam, jam
 stantialis Peripateticam nihil expositam.

51. Forma substantialis, sive materialis, sive immaterialis, in quolibet composito una tantum est specifica & ultima.

Specifica hic vocatur forma, quæ speciem largitur ultimam, id est qua non potest Ens per formam aliam superiorem transire ad speciem Entis perfectioris.

52. Plures tamen formas subordinatas vel disponentes dari in eodem composito, non est absurdum.

Subordinate formæ dicuntur, quæ rem quidem in certa specie corporis naturalis constituunt, sed ita ut res illa per adventum forme alterius ac superioris transire possit ad speciem Entis perfectioris: quemadmodum anima vegetans in fœtu hominis cum quidem constituit in specie viventium, sic ut sentiens eundem collocat in specie animalium, sed ita ut fœtus ille per accessum animæ rationalis transire possit in speciem perfectiorem hominis: ideoque non sunt formæ specificæ hominis, sed subordinate.

V Traque hac Thesi agitur de quæstione, agitata multis retro sæculis inter Thomam & Scotum, & hodie inter Thomistas & Scotistas, quorum illi tantum unam posuerunt in unoquoque composito formam substantialem, hi plures admiserunt, sed cum distinctione hic à nobis posita, inter formas substantiales disponentes, sive subordinatas, & ultimas, sive principales: illas concedebant in uno composito, has non item, ne compositi unitas numerica destrueretur, quam salvam existimabant admissa una tantum forma principali & ultima; utra sententia sit

admittenda, parum refert, neutra aliquid detrahit sententiæ Cartesii, Regii, aut Berigardi, quia illi Philosophi nec unam formam substantialem, quæ sit substantia, nec plures admittunt in ullo composito naturali, quippe qui, omnes formas substantias esse, negant, excepta semper anima rationali. thesib. reliquis à 53. ad 56. exclusivè agitur de privatione, plane Aristotelicè quæ asseritur principium, non quidem constitutionis, sed saltem generationis, aut terminationis: verum illas nugas jam refutavimus antè à Thes. 14. ad 23. exclusivè, quare dicta non

reperire;

repetemus. Thesi ultima & penultima asseritur, corpora omnia naturalia oriri ex tribus principiis, materia, forma, & privatione, constare ex duobus, materia & forma: Quod ex privatione nullum corpus naturale oriri possit, jam ante fuit visum; an corpora naturalia constent materia & forma, tanquam substantiis distinctis, in posterum videbimus, cum demonstrabimus formas corporum naturalium nullas, distinctas esse substantias à materia, atque hoc confirmatum habemus ex ipso *Aristotele*. excepta semper anima rationali, prius quidem egimus sic satis abunde in curriculo 50. selectarum disputationum, disputationibus aliquibus, contra formas substantiales instituis; posterius egit *Berigardus* in curriculo 2. aut 3. in lib. *Phys. aeromaticæ*, sed quia hoc ipso in loco inventi sunt, qui novo molimine eas adstruere conarentur, eorum rationes expendere propter solum veritatis amorem, operæ videbitur pretium.

Quod spectat sententiam *Cartesii*, quæ eadem est sententia *Regii*, ea talis est, formas corporum naturalium non esse substantias, sed nec esse accidentia, prout accedens more *Aristotelico* sumitur, pro ente reali substantiæ opposito, quod vulgo vocant Accedens prædicamentale. sed si accidentia dici debeant, non aliter dici posse, quam prout accedens significat

omne id, quod quocunque modo a subiecto abesse vel ei adesse potest: sola itaque materia ipsius substantia est; id, quod formam vocant *Aristotelici*, modus est materiæ, partiumque in materia, tum sensibilem, tum insensibilem, ortus ex vario materiæ partiumque eius motu, magnitudine, figura, situ, distantia, numero, quiete, & id genus aliis, quæ omnia simul sumpta significant formam, materiæ superadditam, & cum materia constituentem corpus naturale; sed non significant novam substantiam a materia distinctam; & quamvis singula istorum mutari & nunc abesse, nunc adesse possint; universa tamen à materia partibusque eius abesse nequeunt, unde omne compositum, aut corpus naturale, ex materia, atque ex iis constituitur; & quamvis materiæ sint accidentia toti tamen sunt essentialia, id est, quamvis singula materiæ modo adsint, modo absint, scilicet nunc hæc nunc illa, propter sui mutationem, toti tamen essentia corporis naturalis semper adsunt, aut clarius, corpori naturali cum materiæ totam largiuntur essentiam; hinc rectè talis forma, ex materiæ accidentibus resultans, motu, figura &c. dicitur toti corpori naturali essentialis, rectèque definitur, ut ab *Aristotele* omnis forma, ἀπὸ τῆς ὕλης ratio essentia: atque eadem fuisse videtur sententia

Berigardus

Berigardi, quamvis ille non ita clare se explicet, quippe qui magis versatur in destruenda sententia *Aristotelicorum* falsa, quàm in adstruenda sua ac vera. Cum formam sic describimus modum materiz, partiumque ejus rum sensilium, tum insensilium, ortum ex vario, tum materiz, tum partium in materia motu magnitudine, numero, quiete, figura, situ, distantia, & si qua sint id genus alia, notandum est, à nobis describi istam formam, quæ *Aristotelici* hominibus materialis dicitur, quia omnia ista recensita, quæ formam talem faciunt, à materia dependent in fieri, in esse, in operari; *Regius* eam formam vocat *generalem*, quia omnibus convenit corporibus naturalibus, excepto homine, in quo forma est *specialis* sic dicta à *Regio*, quod nulli alteri corpori naturali conveniat quàm homini: eam *Aristotelici* vocant immaterialem, quia nec in fieri, nec in esse, nec operari dependeat à materia. Et hoc quoque observandum venit, formam hanc nostram generalem ac materialem, esse modum non tantum materiz generalem ac materialem, sed & sensilium; sensiles vocantur partes, quæ sensibus externis percipiuntur, iisdem pariter percipitur earundem motus, quies, magnitudo, numerus, situs, figura, distantia, quas partes cum ipsis modis, sensibus externis quotidie obvias sistit

hæc universi compages; tales sunt partes in arbore, rami, folia, fructus, cortex, &c. horum quoque omnium magnitudo, figura &c. in sensum incurrunt; partes insensiles sunt quæ sua subtilitate & tenuitate omnem fugiunt sensum externum, ut nec videri, nec audiri, nec palpari &c. possint, quemadmodum nec harum partium motus, magnitudo, figura &c. sensu quoque externo percipi nequeunt, tales sunt, partes in arbore quibus crescit, quæ ex succo alimentitio in substantiam arboris mutantur, eamque reddunt extensioem, habent hæc quoque partes suum motum, suam magnitudinem, suam figuram, sed insensiles, ita præter partes corporis humani sensiles, dantur in eodem insensiles ut sunt quæ per somnum, per sudorem, per morbum evaporant, & quæ ex assumpto alimento mutantur in substantiam corporis humani illudque extendunt.

Multa quidem sunt argumenta, quæ à Peripateticis proferri solent, pro formæ substantialis, tanquam substantiæ distinctæ, existentia, sed quæ non omnia ejusdem sunt roboris, aut valoris, duo quidem sunt præcipua præ reliquis, quæ etiam hic in prima acie collocabimus & refutabimus; unum est desumptum à variorum accidentium concursu, in uno corpore naturali, quæ non concurrunt in alio; alterum est petitum à corporis

corporis alterati reductione ad
pristinam ac naturalem quali-
tatem; utrumque sic instrui
potest. Primum, cum videamus
in igne concurrere calorem
& siccitatem, in aqua humidi-
tatem & frigus; queritur causa
hujus rei, ea non potest refun-
di in materiam, quippe quæ
Peripateticum est indifferens ad
susceptionem quarumlibet for-
marum, sive substantialium,
sive accidentalium: neque cau-
sa reduci potest in accidens ali-
quod nam cum calor, frigus,
humiditas, siccitas, sunt quali-
tates primæ, & corporum pri-
morum ac simplicium, nullum
accidens iis est prius, aut quod
esse possit causa istius concur-
sus, quo alix qualitates con-
cursunt simul in igne, alix in a-
qua, alix in elementis aliis, Ergo
datur forma substantialis, à
materia & accidentibus diver-
sa, in quam resolvatur ille di-
versorum accidentium con-
fluxus, in uno elemento magis,
quam in alio. Sed responderi
facile potest, uti quoque nota-
tum fuit ad Thef. 44. causam
diversorum accidentium con-
currentium in elemento uno,
& non item in alio, esse varium
ac diversum motum materię
ejusque partium, ex quo fit, ut
in uno elemento hæc qualitates,
V. C. calor & siccitas in igne
combinentur, alix in alio ele-
mento, ut frigus & humiditas in
aqua. Si roges, unde ille motus
& à quo principio proveniat?
Resp. motum illum à prima

creatione materię partibusque
ejus esse inditum atque infi-
tum, cumque nunquam cessa-
re, sed in uno corpore aut ele-
mento esse majorem, in alio
esse minorem & hæc variatio
motus varias inducit & concu-
rere facit qualitates quas voca-
mus; prout enim partes mate-
rię ex isto motu modificantur,
ita in ea oritur, vel calor, vel
frigus vel humiditas, vel siccitas;
nam sanè, vix est ut ali-
quid concipi valeat aliud sub
nomine istarum, ut vocant,
qualitatum, quam varia & di-
versa partium materię, tum sen-
sibilem, tum insensibilem,
modificatio. Alterum argu-
mentum de reditu corporis al-
terati, V. C. aquę calefactę, ad
pristinam ac naturalem quali-
tatem nempe frigus, iam solu-
tum fuit in notis ac dictatis ad
Thef. 44. Tertium potest adfer-
ri argumentum acceptum à di-
stinctione rerum essentiali, quæ
nulla erit, si formę substantia-
les non admittantur: nam si
forma dat essentiam rei, eam-
que ab alia re essentialiter di-
stinguit: Ergo sublata forma
tollitur quoque essentialis. di-
stinctio rerum: posterius est ab-
surdum: Ergo & prius. Resp.
negando consequentiam, ratio
est quia essentialis rerum discrimen
sublata ista etiam forma
substantiali manere potest, mo-
do id bene intelligamus, con-
cursum talis magnitudinis, ta-
lis situs, talis distantię, talis
numeri talis figurę, talis mo-

tus in partibus hujus aut illius materiz, esse quidem accidentalem materiz, sed tamen essentialem toti composito. quod exsurgit ex materia et principiis illis universis simul junctis in materia, quæ cum similiter non jungantur in materia alia, aut corpore alio, exoritur discrimen essentialiale, inter varias materias, aut potius varia corpora absque admissa ulla forma substantiali; ita essentialiter distinguuntur culter et ensis licet constent eadem materia, quia alio modo partes cultri figurantur, distant, moventur & modificantur in ense; tali modo existimandum est se rem habere in naturalibus, ut aurum distingui ab argento essentialiter, per diversum partium in auro atque argento motum, & utriusque secundum magnitudinem, figuram, situm, cæteraque sæpius recensita principia, modificationem. Instant adversarii, hinc secuturum fore nullum discrimen inter res naturales & artificiales, si utraq; distinguantur per diversam tantum compositionem principiorum habitudinem ad se invicem. Resp. hoc nullo modo sequi, nam etiam si dicamus, eodem modo essentialiter distinguantur res naturales, quo distinguantur artificiales, per diversam materiz utrimque modificationem, factam ex diversa habitudine partium in quantitate, figura, situ, &c. hoc tamen discriminis intercedit

inter res naturales & artificiales, quod in naturalibus hæc principia per se convenient & confluant, in artificialibus per accidens, ita ligno convenit per accidens, quod sit figuræ globosæ, & hujus vel illius magnitudinis. Quantum argumentum desumi potest à compositione corporum naturalium, tali modo; si omne corpus naturale sit compositum ex potentia & actu ejusdem generis, Ergo componitur ex materia & forma substantialibus, sed verum prius, Ergo & posterius. Resp. Negatur Minor, nam compositio corporis naturalis arguit quidem plura accidentia, sed non arguit necessario potentiam & actum ejusdem generis. consequenter nec materiam nec formam, substantiales, & sufficit in corpore naturali compositio ex variis materiz partibus integrantibus magnitudine, figura, situ, proportionem, distantia, motu, numero, &c. differentibus. Instant, attamen sic fieri compositum accidentale & non substantiale atqui hoc est absurdum, omne enim corpus naturale. est compositum substantiale. Resp. Negamus hoc secuturum ex responsione nostra, namque si corpus naturale componatur ex materiz partibus, tali modo inter se discrepantibus, uti diximus, illud fore compositum accidentale, quia, illa, (si sic placet vocare) accidentia, sunt essentialia toti substantiz materiali, aut materiæ,

rietur, at unum per accidens sit ex accidentibus, ne toti quidem composito essentialibus. Instant, non tamen erit compositum substantiale, id est, ex duabus substantiis. Resp. Concedo, sed nego hoc pertinere ad compositionem corporis naturalis; si hoc non componatur compositione substantiali, sufficit, si componatur compositione essentiali, id est, ut quæ componunt, cum materia componant essentiam totius compositi. Argumentum quintum est, quod petitur à generatione substantiali, nempe, si generatio dicatur substantialis, quia terminatur in substantiam, Ergo datur forma substantialis, quia terminatur in formam, sed verum prius, Ergo & posterius. Resp. Negatur Minor, scilicet, generationem substantialem dici, quia terminetur in substantiam, quæ de novo per generationem introducatur, quæ antè non exstiterit, nam cum compositum aliquod produciatur, generatio talis corporis dicitur substantialis, quia partes substantiales materix, in magnitudine, determinata figura, cæterisque sæpius recensitis & dictis accidentibus, conjunguntur, coalescunt, concresecunt, quemadmodum & corruptio est mutatio substantialis, non quia in corruptione nova substantia exoritur, sed quia partes substantiales corporis naturalis, secundum magnitudinem, figuram, &c. deter-

minantur, dissolvuntur. Argumentum sextum desumi potest ab operationibus, quæ in composito arguunt principium activum, at materia est principium passivum; accidentia quidem multa sunt principia activa, sed & multæ operationes accidentium virtutem longè superant in composito. Resp. operationes in composito non arguunt necessario formam substantialem, sed vel accidentia proprie composito essentialia, vel materiam se ipsa efficacem; hoc enim gratis dicitur eam esse principium passivum, & iners. alterutrum horum oportet esse principium operationum in composito. Argumentum septimum desumi potest à definitione essentiali substantiarum, tali modo: Si nullæ sint formæ substantiales, nullius substantiæ dabitur definitio essentialis: Posterius falsum, Ergo & prius. Resp. Negando consequentiam, quia essentialis definitio petitur à forma essentiali, non substantiali: atque hoc est quod hic maxime adversariis imponit, scilicet, quod confundant formam essentialem cum substantiali, forma substantialis quæ ipsa sit substantia, nulla datur, præter animam rationalem, at corpus naturale omne habet formam essential-em, licet non substantialem: forma essentialis dicitur, quæ oritur in toto composito, ex modificatione materix, partiumque ejus, per variam magnitudinem,

figuram, cæteraque vulgò dicta jam sæpius recensita; quæ singula licet accidentia materiæ dici possint, toti tamen composito, cum sumitur coacervatim ac simul, sunt principia interna, atque dispositiones essentialis, & ab his definitio essentialis corporum naturalium instituitur. Argumentum octavum peti potest à propria & specifica cujusque corporis natura & perfectione essentiali. Sic arguo. Si nullæ dentur formæ substantiales, Ergo nullum dabitur principium specificæ proprietatis & naturæ propriæ corporis naturalis. Posterius falsum. Ergo & prius. Resp. Negando consequentiam: nam natura cujusque corporis propria, & specifica ejus perfectio, ac proprietas, est à materia, quæ à materia modificatur & afficitur, per principia vulgò dicta accidentia, materiæ quidem accidentalia, toti tamen composito essentialia, orta ex vario motu partium materiæ, tum sensibilium, tum insensibilium, quæ sæpe recensuimus, magnitudinem, figuram, motum, situm, &c. Atque ut hoc semel dextrè intelligatur, accidentia sunt vel absolute accidentaria, & extra essentialia, quæ à rebus naturalibus abesse possunt, salvâ illarum naturâ, vel sunt corpori naturali essentialia, & hæc si cum materia considerentur, constituunt essentiam corporis naturalis, si considerentur ab-

stractè à materiâ, & ut sola in se, constituunt formam: prioris generis accidentia sunt stare, sedere, senectus, juvenus: posterioris accidentia sunt, motus, situs, &c. jam sæpe enumerata. Ut autem intelligas, quo modo sint essentialia, considera horologium, in quo motus, situs, figura, magnitudo, sunt ferro accidentalia, materiæ enim ista omnia accidunt, at sunt toti horologio essentialia, quippe sine ista partium dispositione, qualis est in horologio, sine ista magnitudinis terminatione, sine isto motu, situ, figura, &c. est ferrum, & manet ferrum, sed sine iis horologium nunquam est aut manet horologium: & notandum est accuratè, quod Deus Opt. Max. certos gradus, & modos magnitudinis, situs, figuræ, &c. certam quantitatem & mensuram motus voluerit inesse rebus singulis, juxta quas à se invicem distinguerentur, quæ omnia alia sunt in his, alia in aliis corporibus, concursus tamen illorum, pro Dei sapientia, secundum ideas divinas, repertus in singulis corporibus, corpora singula essentialiter constituit, & specificè à se invicem distinguit, suntque principium propriæ naturæ, ac specificæ perfectionis, & proprietatis in singulis, absque ulla forma substantiali, quod erat demonstrandum.

53. Privatio est absentia formæ, quæ poterat inesse.

Hæc privatio vulgo dicitur Physica. ad distinctionem privationis Logicæ, quæ est absentia formæ, quæ inesse debebat per naturam subiecti, & tempus à natura constitutum.

54. Estque principium non constitutivum sed terminativum.

55. Quatenus scilicet in generatione est terminus à quo.

Licet privatio non sit Ens reale, potest tamen esse terminus à quo generationis, & principium non quidem essendi sed fiendi.

56. Ex hisce tribus principiis oritur corpus naturale, quod ex materia & forma constat.

57. Corpus enim Materiâ Formâque constans vocatur corpus naturale.

Ratio thesæos est: quia materia & forma sunt ipsa natura corporis naturalis, uti hoc patebit Disputatione sequenti.

C A P U T II.

D E

Natura, causa efficiente, fine, quantitate, qualitate, & loco.

T H E S I S I.

CORPUS Naturale est, quod habet Naturam.

Ratio thesæos est, quia naturale & natura sese habent ut concretum & abstractum.

2. Natura dicitur de Materia & Forma consideratis in ordine ad Motum, reliquasque affectiones Corporis Naturalis.

Natura non est diversa à materia & forma, sed eadem res, quæ est materia. & eadem res, quæ est forma: utraque simul quoque est natura: diverso tamen respectu, diversa sortitur nomina, & definitiones diversas; quæ res corpus naturale constituit & componit, & sic est principium ipsius corporis naturalis, dicitur materia vel forma, & utraque, sub hoc respectu, disputatione precedenti, fuit definita: atque eadem res, quæ materia & forma est, in quantum utraque in composito naturali est principium proprietatum & operationum in eo: utraque dicitur natura, & sub hoc respectu definitur thes. 6. hujus Disputationis.

3. Eadem enim sunt principia subiecti in Physica, quæ sunt actionum demonstrandarum.

Exempli gratia: materia & forma sunt principia corporis naturalis, quod est subiectum; eadem sunt principia quantitatis, loci, motus, temporis, quæ sunt affectiones in Physica demonstranda.

4. Naturæ vox, interdum quamlibet rei cujusvis essentiam notat, quæ cujusunque motionis principium est.

Sic natura tribuitur Deo, qui vulgo dicitur natura naturans, quemadmodum creatura dicitur natura naturata.

5. Interdum eam ejus rei essentiam, quæ ortui & interitui obnoxia est, ut hîc.

Sic natura Deo tribui nequit, sed soli creaturæ.

6. Definitur Natura Aristot. Principium & Causa motus & quietis, ejus, in quo est, primo, per se, & non per accidens.

Definitio naturæ non debet exigi ad leges definitionis perfectæ, quia principium, uti est natura, perfectam definitionem non admittit, quæ tantum est rei perfectæ.

7. Dicitur

7. Dicitur (Principium) respectu corporum, quæ constituit.

8. Dicitur (Causa) respectu motus & quietis in corpore Naturali.

Natura debet spectari duplici modo, vel prout corpora naturalia constituit, vel prout in corporibus constitutis origo est omnium propriatum & operationem: hunc duplicem respectum videtur Aristoteles exprimere voluisse in definitione naturæ, gemina voce principii & causæ, ut natura dicatur principium respectu priori, & causæ respectu posteriori.

6. Particula (&) partim conjungit, partim disjungit.

Per particulam (et) intellige illud (et) quod secundo ponitur loco in definitione naturæ, inter voces (motus et quietis) vocula (et) conjungit, quando motus & quies in eodem corpore, sed diverso tempore, inveniuntur: sic natura ignis extra locum naturalem posita, est causa, cur moveatur sursum ad locum suum. eadem natura ignis est causa cur ubi ad locum suum pervenit ibi quiescat; particula (&) disjungit in corporibus diversis, quorum alterum tantum movetur, alterum tantum quiescit: tum natura est causa motus in corpore quod movetur tantum, ut in celo, & est causa quietis, in eo quod quiescit tantum, ut in terra.

10. Vox (motus) significat quamlibet mutationem naturalem.

Sic vox (motus) etiam generationem, quæ est mutatio instantanea, sub se comprehendit, à qua alioquin distinguitur, prout (motus) postea ex Aristotele definitur.

11. Vox (quietis) significat quietem in termino ad quem tendit motus naturalis, non vero quietem in termino à quo.

Quies, quæ est terminus ad quem motus, est illa, quæ per ipsum motum acquiritur, qualis est quies ignis, quæ sequitur motum ejus, quando extra locum suum constitutus ad eum pervenit.

Ejus in quo est, id est, natura est principium internum motus in corpore naturali, in quo est, sic distinguitur ab arte, quæ est principium motus, externum corpori naturali, in quo motum exercet.

12. Vox (primo) removet accidentia, quæ licet nonnunquam sint principia motus; non tamen sunt primo.

Accidentia sunt principia motus secundaria & instrumentaria, ut calor calefactionis; sed natura sive forma ignis est ipsum calefactionis causa primaria & principalis.

13. Vox (per se & non per accidens) removet artem, quæ interdum internum est principium motus, ut medica in medico ægrotante est curationis, sed per accidens.

Dicitur per accidens ars medica curare ipsum medicum, quia per se illa destinata est ad curandos alios.

à Thesi 1. ad Thesin 13. inclusivè.

Hisce Thesisibus, à 1. usque ad 20. agitur de *natura*, secundum *Aristotelem* & *Aristotelicos*, ad 14. agitur de *voce* & *definitione naturæ*. Si vox Græca *φύσις*, & Latina *natura*, suspicetur utraque ex origine sua, neutra Deo tribui potest, quippe qui nunquam natus est, at *εὐρύς* est à *πύξ*, quod est nasci. à quo est *natura*; sed cum *natura* tribuitur Deo, idem significat, quod *essentia*, & *quidditas*; hæc enim tria vocabula vulgo idem significant, & sic distinguuntur, ut *essentia* dicatur, ratione quasi constitutionis, *natura*, respectu operationis, *quidditas*, ratione definitionis; sic *materia* & *forma* hominis sunt *essentia* ejus, in quantum hominem constituent, eisdem vocantur *natura*, in quantum sunt principia a-

ctionum humanarum, eisdem appellantur *quidditas* hominis, quatenus hominem definiunt, *materiæ* enim respondet genus, *formæ* differentia, atque hæc est summa eorum, quæ dicuntur à Thesi. 2. ad 6. Th. 6. proponitur *naturæ definitio*, ex *Aristotele*, & explicatur à 7. ad 14. est autem definitio admirabilis, non propter elegantiam sui, aut perspicuitatem, sed vero, propter sui difficultatem & obscuritatem; atque hoc ferè proprium est quarto modo omnium definitionum *Aristotelicarum*, ut intellectui sint difficiles, & intellectui obscuræ; ut non dicam idem hic dici bis, dum dicitur *natura principium & causa*, deinde, esse in re naturali *per se & non per accidens*, quamvis enim in commentariis id excusarim, & quantum potui benigne

benignè exposuerim ex *Aristotelis* interpretibus, quis tamen non videat esse coactam interpretationem & explicationem; si dicendum est id quod res est, præter obscuritatem & difficultatem hujus definitionis, tria præsertim occurrunt culpanda & carpenda; 1. quod dicat naturam esse principium & causam, cum principium in causa contineatur, omnis enim causa principium est, suffecisset ergo dixisse natura est causa, hic enim eam quoque principium esse dicit; et quam est quæ sita, et sine ullo fundamento excogitata distinctio. Thef. 7. & 8. quod natura dicatur principium, respectu corporum, quæ constituit, et causa respectu proprietatum & operationum, quæ in corpore constituto efficit, & cur non potius dicitur causa, prout corpora naturalia constituit, & principium, prout operatur; nam quæ ratio dari potest, cur magis dicatur principium, respectu constitutionis, quam respectu operationis, cum principium tam sit primum, unde aliquid operatur, quam est primum, unde aliquid est; nam definitur, primum, unde aliquid fit, est, operatur, aut cognoscitur, & quæ ratio est, cur natura magis dicatur causa, respectu operationis, quam respectu constitutionis, cum materia & forma, quæ hic veniunt nomine naturæ, magis propriè constituunt corpus, quam in eo operentur, imo materia *Peripateticis*, non est causa operandi,

est enim principium non activum sed passivum, ut dicitur Thef. 15. est tamen principium constituendi, ergo fortasse rectius diceretur natura causa respectu constitutionis, & principium respectu operationis: sed revera alterutrum vocabulum sufficit, cum principium, & causa ambo dicunt respectum ad constitutionem corporis, & operationem in corpore, & frustra sit per plura, quod potest fieri per pauciora, sed qui dicit naturam causam, dicit eam esse principium & constituendi corpora naturalia, & operandi in illis: 2. Hoc culpandum venit, quod vocem motus hic aliter & latius accipiat *Aristoteles*, quam postea, cum motum definit; tum generationem & corruptionem à definitione motus excludit, hic in definitione naturæ utrumque sub voce motus includit, nam certe natura est principium generationis, æque atque accretionis aut alterationis; quin ipse in *libris de anima*, docet ac dicit, naturalissimum opus viventis esse generare; & quam hoc est ridiculum, motum, affectionem corporis naturalis demonstrari de corpore naturali per naturam, tanquam principium, ut vox motus affectionem significans demonstrandam, generationem & corruptionem excludat, earum tamen principium sit natura, atque hæc in voce motus, cujus est principium, eas excludat. Non vult, generationem, & corrupti-

corruptionem, *Aristoteles*, esse motum, quia ista sunt in instanti, suntque mutationes momentaneæ, hic fiat in tempore, sitque mutatio successiva; & tamen cum naturam definit *principium motus*, sumit hic vocem tam pro mutatione momentanea, generatione et corruptione, quam pro mutatione successiva, quæ sola postea sub voce motus definitur. 3. Culpan- dum et carpendum est hoc, quod ineptâ et odiosâ tautologia idem dicat bis, cum dicit, naturam esse in corpore natu-

rali principium motus inter- num, *per se* & non *per accidens*, alterutrum enim sufficit, si enim principium est *per se*, jam non est *per accidens*, si non *per accidens*, jam est *per se*; sic, si visus sit receptione specierum, jam non sit emissione radiorum, si sit emissione radiorum, jam non sit receptione specierum; tantundem est, ac si definiret hominem, homo est animal rationale, & non irrationale, aut brutum est animal irrationale, & non rationale.

14. Hæc naturæ definitio æque convenit materiæ ac formæ.

Æque, id est, æqualiter, sed non eodem tamen modo.

15. Materia est principium motus passivum.

Ratio thesios est, quia materia nulla est actio aut efficientia, nam ejus est recipere formas, recipere vero aliquid, est pati.

16. Forma activum.

Ratio thesios est, quia forma est origo, fons, ac causa omnium actionum.

17. Respectu motus, cujus est principium dicitur Forma, causa efficiens.

Non est absurdum, ut eadem res sit, et causa externa, efficiens et causa interna, forma respectu diversorum terminorum; sic anima rationalis est forma homini, et causa efficiens sanarum operationum.

18. In nullo motu natura agit temere, sed semper aliquem finem intendit.

Est receptum axioma, quod natura nihil faciat frustra: ejusque ratio est, quia natura nihil est aliud, quam vis quedam Dei, creaturis indita, quæ operantur, quæ vicem gerit quasi Dei, qui nihil facit frustra & omnibus rebus creatis aliquem finem præfixit.

19. Si finem non assequatur natura, dicitur aliquid fieri casu aut fortuna.

Finem dicitur non assequi natura, quando impeditur à causis aliis quemadmodum fit in generatione monstri: non tamen plane tum axis frustra aut sine suo excidit, sed si non posset assequi finem perfectissimum, quia impeditur, studeat assequi finem perfectio proximum quantum per impedimenta licet.

à Thesi 14. ad Thesin 19. inclusive.

Hæc thesibus à 14. ad 20. hæc duo præstantur, 1. definitio naturæ applicatur materię & formæ. Th. 14. 15. 16. 2. explicatur causa efficiens. Th. 17. & finis corporum naturalium Thes. 18. & 19. Dicitur natura definitio ex quo conveniunt materia & forma, id est, naturam se habere ad materiam & formam, ut genus univocum ad species sibi subjectas: differunt tamen suis differentiis, cum enim natura omnis sit principium motus ex definitione Aristotelis, materia est principium motus patiendi & recipiendo motum, forma est principium motus, agendo, & producendo motum, sic ut forma geminum dicat respectum, unum ad corpus naturale, quod cum materia constituit, & sic est forma tantum, alterum ad motum & operationes, quas in corpore naturali producit, & sic est causa efficiens, nunquam autem agit, aut motum aliquem producit, nisi ob finem, natura enim nihil facit frustra. Hæc est summa eorum, quæ iis Thesibus, ex Aristotele & secun-

dum Aristotelicos, sunt posita & exposita in quibus nonnulla sunt, quæ non satis probè nota habentur à recentioribus: quale est primo illud, quod dicant Peripatetici, materiam tantum esse principium passivum, inertes, inefficax, quod recentiores negant; & profecto, si experientiam consulamus, ac rationi aliquem locum demus, quis non videt, variam partium in materia figuram, diversam illarum magnitudinem, mutatum earum situm, aliamque aliam earum distantiam, ac præsertim diversum istorum principiorum, aut accidentium vulgo dictorum, concursum, diversas in materia, & per materiam, edere operationes; certe ferrum, in figuram cultri vel gladii efformatum & acuminatum, scindet vel findet, obtusum non item, partes ejusdem corporis nunc magis, nunc minus distantes, modo majores, modo minores, interdum hoc, interdum illo situ situatur, etiam diversas edunt, et hoc et alio tempore operationes; quin & ipsius materię motus, tum

sensilis

sensibilis tum insensibilis, pro varia sui ratione, nunc celerior, nunc remissior, diversa edit effecta, imo vero sola materia est, quæ agit per principia ista, motum partium, figuram, situm &c. nulla in auxilium adhibita forma substantiali, quam jam ante sublatum ivimus. Alterum quod censuram aliquam meretur illud est, quod *Aristotelici* tantum inquirent in causam efficientem motus, & operationem in corpore naturali, non vero ipsius corporis naturalis; cum enim quærantur quatuor causæ corporum naturalium, dux internæ, materia & forma, dux externæ, efficiens & finis, atq; receptum sit apud *Aristotelicos* axioma, *Ex nihilo nihil fit*, omnino serio ac diligenter inquirendum hic fuisset in causam efficientem ipsorum corporum naturalium, quemadmodum hi non inessatis, imo nimium prolixi, in explicanda materia & forma; si-

nem quod spectat corporum naturalium, cum omnia & singula sibi habent præfixum, atque in eum tendunt atque intendunt; illum quidem perfectissimum, non tamen semper eum assequuntur, sed si excendant perfectissimo, assequuntur saltem eum, qui est perfectissimo proximus, & quem assequi valent positis talibus impedimentis, quibus perfectissimum finem assequi sunt prohibita; atque hoc liquet in generatione monstrorum; atque hic unica distinctio tenenda est, nempe, natura, est, vel universalis, vel particularis; hæc non semper assequitur finem suum, quem intendit semper perfectissimum, & quo non semel frustratur; illa finem suum semper assequitur, quia intendit vel perfectissimum, si non impediatur, vel perfectissimo proximum, si impediatur, & quem, impedita, assequi valet.

20. Affectiones, quæ per naturam, tanquam principium demonstrantur de naturali corpore, sunt, quantitas, qualitas, locus, motus, tempus.

Per affectiones hic intelliguntur proprietates, quæ sola demonstrari possunt, non vero attributa communia.

21. Quantitas intelligitur, continua, sed permanens.

Quantitas continua permanens, id est, magnitudo; nam aloguin tempus etiam est quantitas continua, sed fluens.

22. Definitio

22. Definitur, affectio, per quam corpus undequaque est extensum.

Extensum dicitur, quod est longum, latum, et profundum, vulgo, quod est trina dimensione præditum: nam crassities non facit quartam dimensionem, quia est eadem cum profunditate, uti & altitudo.

23. Ejus ratio formalis, est sita in extensione partium in ordine ad locum.

Extensio partium in ordine ad locum, tum fit, cum partes loco à se invicem disjunguntur, vocaturque vulgo extensio localis & quantitativa.

à Thesi 20. ad Thesin 24. exclusive.

Thesi 20. enumerantur affectiones, non communes, sed propriæ, corporis naturalis, ac de eo demonstrandæ, quæ ex sententia Aristotelicorum ponuntur quinque, attamen propriæ tantum sunt dux, quantitas & qualitas, nam esse in loco, esse in tempore, & moveri, tam conveniunt spiritibus, quam corporibus, nec improprie sed propriissime; nam quæ loquendi hic est improprietas, si dicamus, Angelum esse in hoc loco, & non in alio, & vere moveri motu locali, & esse nunc in hoc tempore? profecto Angelus iste, qui Prophetam Habacuc vexit per ærem, vere ac proprie fuit motus, motu locali; & Gabriel cum de cælo missus annuntiavit virgini Mariæ conceptionem Christi, vere ac proprie fuit motus ex cælo in terram: Per motum vero localem, acquiritur locus. Ergo etiam vere ac proprie sunt in loco, per motum acquisito;

& motus ille localis Angelorum, quo locum certum acquirunt, fit in tempore, Ergo & ipsi Angeli, qui moventur vere ac proprie, sunt in tempore: aliter se res habet cum quantitate & qualitate corporum naturalium, quæ spiritibus nullo modo tribui possunt, quia carent materia, at quantitas materiæ sequitur, uti et qualitas materialis, qualis hic intelligitur. Thesi 21. 22. 23. agitur de prima corporis naturalis proprietate, quæ est magnitudo, ac definitur per extensionem partium in ordine ad locum; quod ut intelligatur, sciendum est, à Philosophis Pontificiis & Scholasticis duplicem statui extensionem, unam entitativam, alteram quantitativam; entitativam vocant, qua corpus quidem habet partes entitate diversas ac distinctas, sed non loco, aut situ; quantitativam appellant, qua corpus habet partes, & entitate, & situ, & loco diversas,

diversas ac distinctas : illi quantitatis continuz seu magnitudinis rationem formalem, collocant in extensione, ut loquuntur, entitativa, idque ob suam transubstantiationem stabilendam: cum enim rogantur, ubi sint membra corporis Christi, postquam in illud substantialiter transmutata sunt panis & vinum, per quinque ista verba à sacerdote prolata, *hoc enim est corpus meum*. &c. Corpus Christi, ex pane & vino transubstantiatum, non esse extensum per partes in ordine ad locum, sed in ordine ad se invicem; aut non esse extensum locali extensione, aut quantitativa, sed essentiali, aut entitativa; quia membra corporis ejus, non quidem distincta sunt loco ac situ, sed tamen sunt diversa quoad essentialiam, seu entitatem, quippe alia est essentia, aut entitas capitis, alia pectoris, alia pedum, alia manuum, & alia aliorum membrorum corporis Christi trans-

substantiari, sed non existunt illa membra, alio atque alio loco. Verum enimvero, est contradictio in adjecto, & oppositum in appposito, dicere extensionem entitativam, quippe diversitas, aut alietas, essentiz aut entitatis, non potest dici extensio; nam hæc vox ex origine, & vi suæ significationis, notat dilationem partium à se invicem, & situationem extra se invicem, in diversis locis ac spatiis partialibus; ideoque omnis extensio est localis & quantitativa, & in ea formalis ratio magnitudinis est posita: divisibilitas, & mensurabilitas, non sunt ipsa essentia aut formalis ratio magnitudinis, sed proprietates quarto modo, eam consequentes; ideo enim aliquid est divisibile, & mensurabile, quia est extensum extensione locali, ac quantitativa, id est, quia habet partes extra se invicem positas, & loco & spatio diffusas.

24. An realiter tanquam accidens distinguatur à corpore naturali, an vero ratione, tanquam modus materiz, in utramque partem disputari potest.

Quamvis in utramque partem disputetur, an quantitas, sit ens & accidens distinctum à substantia, sicuti est qualitas, verisimilius tamen videtur opinio eorum, qui eam à corpore non distinguunt et ipsa, quia quomodocunque corpus immutaveris, abstuleris omnem colorem, saporem, odorem, calorem, aliasque qualitates, semper adhuc manebit extensum, id est, longum, latum, & profundum.

Tres sunt sententiz de extensione materiz, seu corporis naturalis. Prima est *Thomistarum*, qui extensionem loca-

len

lem, & quantitativum, in qua consistit quantitas, faciunt ens reale, & accidens Physicum, distinctum realiter à materia, seu corpore naturali. Secunda est *Scotistarum*, qui extensionem, aut quantitatem continuam, seu magnitudinem, faciunt proprietatem materiz, aut corporis, & modum, ratione distinctum à materia, seu corpore quz fuit quoque sententia *Burgesidicii*. Tertia est *Berigardi, Cartesii, Regii*, statuentium, extensionem esse ipsam essentiam materiz, sive corporis, unde extensionem de materia aut corpore efferunt in casu recto, decendo, *materia est extensio, corpus est quantitas*. Ego ex illis sententiis mediam arripio, & accipio: postrema enim durior est, & in re & in Phrasi; in re, nam extensio est id, per quod materia aut corpus distinguitur à spiritu; atque oportet aliud esse id, quod distinguit, & id, quod distinguitur. Ergo aliud est materia ipsa, sive corpus, substantia extensa; aliud extensio, quz materiam, corpus, aut substantiam extensam, distinguit à spiritu, substantia intelligente, aut cogitante: in phrasi, nam durum est dicere, *materia est extensio*, melius etià dicitur *materia est extensa*, & rectus dicitur, *corpus est quantum*, quam, *corpus est quantitas*, nisi intelligatur corpus Mathematicum, quod est tertia species quantitatis continuæ permanentis, sed hoc distinguitur

à corpore Physico, quod est materia, & substantia, constans ex materia & forma; quis unquam sic loquitur, *homo est rationalitas*? & non potius, *homo est rationalis*? at habet se extensio ad materiam, sive corpus physicum, ut rationalitas ad hominem, utrobique ratio est, & invenitur differentiz notio, ut enim per rationalitatem homo distinguitur à bruto, ita per extensionem distinguitur materia, sive corpus, sive substantia extensa, à spiritu, sive substantia intelligente, sive cogitante. In prima sententia quodque non placet, quia multiplicat entia citra necessitatem; Si enim materia potest dici extensa, per quantitatem, aut extensionem, quz tantum sit modus, frustra ponitur, quantitas esse accidens, sive ens reale distinctum à materia, nam modus non est aut accidens, aut ens reale, sed est medium, inter substantià & accidens, inter ens reale & nihil, sed medium negationis, non participationis, quomodo spiritus est medium negationis inter album & nigrum, quia nec est albus nec est niger, utrumque enim negatur de spiritu, quia color albus & niger sunt proprietates corporis, spiritus autem non est corpus; Sed materia dici potest quanta, & extensa per quantitatem & extensionem quz tantum sit modus, non autem accidens, aut ens reale distinctum à materia, Ergo &c. probatur minor, quia quan-

quantitas seu extensio nihil aliud dicit, quàm partes materix esse sitas extra se invicem, id est, esse loco distantes, aut distitas; Sed situs partium extra se invicem, nihil est aliud, quàm modus corporis seu materix, & partium utriusque, non autem accidens Physicum, aut ens reale distinctum à materia, sue corpore, Ergo nec quantitas, aut extensio, est accidens, aut ens reale distinctum à materia, vel corpore, sed modus tantum utriusque, quod erat demonstrandum contra sententiam primam, Ergo si quantitas aut extensio non sit ipsa materia, aut corpus essentia,

quod voluit sententia tertia, nec sit accidens, aut ens reale distinctum à materia vel corpore. quod voluit sententia prima, nihil restat, quàm ut sit modus materix aut corpori proprius; an re, an ratione distinctus, disputari solet, cum modi quidam distinguantur re, alii ratione, à subiecto, quod modificant, sicut & proprietates quædam distinguuntur re, quædam ratione, à subiecto suo. Ego quidem existimo illos sentire rectius, qui rationis tantum discrimen admittunt, inter quantitatem, seu extensionem, ab una parte; materiam seu corpus, à parte altera.

25. Quicquid sit, omnis quantitas corporis naturalis finita est, & terminata,

Quantitas dicitur finita & terminata, quia certos habet limites, ultra quos extendi nequit.

26. Ipsa quantitas, materiam, termini & fines, formam, immediate consequuntur.

Vti forma materia indifferentem naturam restringit ad certam corporis naturalis speciem, item eadem materix quantitatem intrinsecam ad certos terminos, fines ac limites redigit.

27. Itaque quantitas actu interminata & infinita non datur ulla,

Accuratè distinguendum est, inter infinitum, & indefinitum, interminatum & indeterminatum: dicitur quantitas infinita ac corpus interminatum, quando in se, id est, in natura sua nullos habet terminos aut fines; hoc sensu, nullum corpus infinitum, nulla quantitas interminata datur, aut dari potest, indefinitum, dicitur corpus & indeterminata quantitas quando quantitatum in se quidem finita, fines, & corporis in se quidem terminati, terminos, mens tamen nostra seu humana assignare, determinare, de finire nequit; quo sensu mundus recte

recte dicitur indefinitus & indeterminatus, sed non potest dici infinitus aut interminatus.

28. Ergo nec corpus infinitum aut interminatum.

Ratio thesco est, quia quantitas & corpus se mutuo ponunt & tollunt.

29. Si enim daretur, tolleretur motus localis.

30. Nam corpus infinitum localiter moveri, est contradictio.

Ratio utriusque est, quia nihil foret loci, in quo corpus infinitum moveri posset.

31. Fines & termini sunt vel finiti vel indefiniti.

Divisio ista finium, ut & terminorum instituta est, respectu mentis, quæ interdum eos finire, hoc est, numerare ac comprehendere potest, ac tunc dicuntur finiti, interdum non potest, ac tunc dicuntur infiniti; at extra mentem in rebus ipsis semper sunt finiti; sic verbi causa figura mille angulorum in se finita est; respectu mentis nostræ, indefinita.

32. Aliud enim est quantitas infinita, quam negamus, aliud indefinita, quam admittimus.

Vide notas ad Thesin 27. & 28.

à Thesi 25. ad Thesin 32. inclusive.

Hiscæ Thesibus nihil agitur, quam quod doceatur, omnem quantitatem esse finitam et terminatam, unde ultro sequitur, omne quoque corpus esse terminatum et finitum, et ex opposito, nullum corpus dari infinitum aut interminatum, nec quantitas ulla infinita et interminata. Quæritur hic, an non tamen corpus

& quantitas dici possit indefinita seu indeterminata? Resp. omnino, hoc sensu, quod corpus alicujus, ut mundi, et materiz, mundum constituentis, consequenter et quantitatiz, quæ materiam sequitur, fines ac termini à nobis designari, definiri, aut determinari, nequeunt; hoc sensu materiz primæ tribunt Peripatetici quantitatem

itatem interminatam, melius indeterminatam, quia determinati fines quantitatis in materia designari nequeunt; eodem sensu *Cartesius* & *Regius* mundum vocant non infinitum sed indefinitum. quia mundi fines designari nequeunt, idque obrotundam sui formam, quæ initium & finem quidem habet, sed quænam sint, aut ubi ejus figuræ circularis initium & finis inveniantur, nulla potest assignare mens humana. Atque ut totum hoc negotium, in quo veteris Philosophiæ *Aristotelicæ* cultores, & novæ *Cartesiane* propagatores, conveniunt, dextrè teneatur, quædam tenendæ sunt distinctiones, primò distinguendum est inter esse actû & potentiâ, secundò inter esse re & ratione, tertio inter esse positivè & esse negativè, quarto inter esse categorematicè & esse syncategorematicè, quæ distinctiones verbis discrepant, sensu conveniunt; nunc quomodo hic sit loquendum & sentiendum, distincte est videndum. Omnis quantitas corporis naturalis est finita & terminata re ipsa, actû, positivè, et categorematicè; eisdem modis omne corpus est finitum et terminatum; corpus ergo infinitum aut interminatum, aut ut alii loquuntur, indefinitum aut indeterminatum, hisce modis nullum est, uti nec quantitas ulla hisce quatuor modis est infinita aut interminata, vel indefinita aut indeter-

minata. Quæritur, an corpus et quantitas non possint dici talia, ratione, potentiâ, negativè, et syncategorematicè. Respicienda quidem vulgo solet asserti ab utriusque Philosophiæ veteris et novæ cultoribus, quatenus in quantitate et corpore naturali, si respiciatur mundus et quantitas ejus, nullæ partes assignari nequeant à ratione, et sic dicitur mundus et quantitas, utrumque, habere partes infinitas potentia, quatenus utrumque, à ratione, non re, dividi potest in infinitum, et sic utrumque potest dici interminatum negativè, quia termini mundi et quantitatis à nobis definiti nequeunt, et hoc vocant Scholastici infinitum et interminatum syncategorematicè; certe re ipsa, actû, positivè, categorematicè, solus Deus est ens interminatum et infinitum, nullum autem corpus est tale, nulla quantitas talis; ideoque cum quantitas materiæ primæ coarctata, est interminata vel indeterminata à Peripateticis, id sic intelligendum est, ut sit talis non re, sed ratione, non actû sed potentia, non positivè, sed negativè, non categorematicè, sed syncategorematicè; item, cum *Cartesius* et *Regius* mundum faciunt indefinitum, vel ut alii etiam audent dicere, infinitum, id quoque intelligendum est non re, sed ratione, non actû, sed potentia non positivè, sed negativè, non categorematicè, sed syncategorematicè,

maticè,

matico, uti utrumque nunc est explicatum, & sic sensus ac modus loquendi utrobique est bonus, ac tolerari potest, relinquiturque Deo sua entitas infinita & interminata sibi propria, eodem modo quo ipsi competit & nunc est expositum.

33. Viventia & Heterogenea corpora habent quantitatem definitam.

Heterogenea corpora sunt, quæ habent partes diversi nominis ac nature, inter se.

34. Inter non viventia & homogenea, elementa non habent certum magnitudinis terminum à natura, scilicet naturata, materiâ & formâ, definitum.

Homogenea dicuntur, quæ habent partes diversi nominis ac nature, inter se.

35. Habent tamen quantitatis definitos terminos aliunde, id est, à corporibus ambientibus.

Nisi calum ambiens, ignem elementarem impediret, extenderet se ille in infinitum.

36. Nec habent terminum certum parvitatís à natura definitum, qui minima etiam pars mixti est mixta, & si Phyllice possent dividi in infinitum, etiam minimæ partes in elementis invenirentur.

Ratio est, quia elementa, ut omnia continua, in infinitum dividi possunt.

37. Habent tamen eum aliunde.

Ratio est, quia à corporibus ambientibus impediuntur, ne in infinitum in partes minores & usque minores elementa dividantur; si enim ad minimam partem pervenirent, non possent corporibus ambientibus resistere.

38. Mixta non viventia habent parvitatem à

natura definitam, sed non item magnitudinem quia non datur minimum Physicum, & quia lapis in infinitum excreſceret, niſi arroderetur & exederetur ab aëre.

Ratio prioris eſt, quia. ſi, verbis cauſa, lapides uſque & uſque dividantur, ex illa diſiſione tandem reſultabunt elementa, quæ mixtum compoſuarunt.

à Theſi 33. ad Theſin 38. incluſive.

IN hiſce Theſibus proceditur per varias corporum naturalium ſpecies, in deſignanda ſingulis ſua quantitate; ubi obſervanda eſt diſtinctio corporum naturalium, in viventia & non viventia, homogenea & heterogenea: corpora non viventia omnia ſunt homogenea: ita quælibet pars aëris eſt aer, aqua eſt aqua, lapidis eſt lapis: corpora viventia ſunt heterogenea, quia ſunt organica, id eſt, diverſis organis prædita, quæ diverſa organa diverſam quoque requirunt materiæ diſpoſitionem, ita alia eſt natura cutis, alia carnis, alia tendinis, alia nervi, alia muſculi, &c. De corpore viventis & heterogenea id dici poteſt, quod habeant terminos ac fines ſux magnitudinis; neque enim arbores, nec bruta, nec homines ad cælum uſque excreſcere poſſunt; nam, quod elegantibus dicitur, Jovi cælum erepturis, fabula magis eſt quam veritas rei. Circa corpora non viventia & homogenea cum diſtinctione eſt procedendum: ea ſunt, vel ſimplicia,

vel mixta. ſed non viventia; ſimplicia ſunt, vel cælum vel elementa. Quæritur an aut cælum, aut elementa, habeant certum magnitudinis ſux terminum aut finem? Reſp. quod ſic, quia omne corpus naturale finitum eſt, habetque eſſentiam terminatam, Ergo & habebit fines ac terminos ſux magnitudinis, quæ materiæ immediate ſequitur; ideoque errant iſti, qui putant cælum dici poſſe ubique, quia ſic cælum haberet nullos ſui fines, aut terminos, &, ſi cælum eſſet ubique, aut nullum corpus ubique eſſe poſſet, etiam implebit cælum, aut tale corpus. ſpatia imaginaria; ſed nec cælum, nec corpus ullum implent ſpatia imaginaria; quia tum ſpatia imaginaria fierent realia. Corpora non viventia mixta dicuntur habere determinatam parvitatem à natura, ex hypotheſi, quod nullum corpus naturale dividi poſſit in infinitum, quæ tamen hypotheſis diſputari poteſt; ſi enim dentur minima naturalia, id eſt, atomi phyſicæ, ut ſtatuunt,

olim Democritus, hodie Magnenus & Berigardus, nec improbabilius omnino, ultra definitam parvitatem, abiri potest ad id, quo nihil est minus. An mixta non viventia excrecere possint in magnitudinem non definitam, disquiri potest.

39. Qualitas corporis naturalis est potentia ad agendum vel patiendum, quod naturæ est consentaneum.

Per qualitatem hic intellige secundam & tertiam speciem qualitatis: ideoque potentia naturalis hic non debet sumi pro secunda tantum specie qualitatis, sed latius, prout significat principium naturale sed accidentale agendi, quo sensu calor quoque dicitur potentia naturalis calefaciendi.

40. Est manifesta vel occulta.

Sic dividitur qualitas ratione essentie, non existentie; utramque enim exsistere ex operationibus liquet, sed quid sit occulta qualitas latet, quid sit manifesta patet: occulta subdividitur in Sympathicam & antipathicam.

HAC utraque thesi de qualitatibus corporum naturalium agitur, sed valde sterilitur, cum tamen per eas omnis operatio Physica explicanda sit & explicari soleat, sed Aristotelice ea ferè minus habent, quæ maxime faciunt ad explicationem rerum, & consuevantur illa tantum, quæ disputari possunt ac solent. Hoc notandum venit, per potentiam ad agendum vel patiendum, quâ definitur qualitas corporis naturalis, non intelligi tantum potentiam naturalem, quæ secundam facit qualitatis speciem, sed ut patibilem qualitatem; verbi causa, calorem & frigus &c. De qualitatibus corporis naturalis longè agunt fufius, Cartesius & Regius, ille, in principis sue

Philosophie, hic in fundamentis Physicæ: imo ex Peripateticis ipsis, Wendelinus & Casmanus, in parte generali Physicæ, procedunt per omnes species qualitarum, lucem, colorem, sonum, odorem, saporem, calorem, frigus, humiditatem, siccitatem, raritatem, densitatem, & si quæ sint plures. Et sane cum hic actum sit de forma principio earum, etiam hic tractari debent, non in doctrina de anima, Berigardus parior est in iis hic explicandis quia ille Aristotelis acroasin Physicam narrat & sequitur in Circulo sui Pisani Dialogis. Hoc dicemus impræsentiarum ineptè hic th. 40. qualitates quasdam asseri occultas; nam quod eas occultas dicant non quod sint, sed quid sint,

sint, quia earum principia, formæ, nobis sunt occultæ, id arguit Philosophiæ Aristotelicæ imperfectionem, in qua omnia explicantur per tales formas & qualitates inde promanantes, quæ ambæ sint ignotæ: ut vero longe felicius philosophantur *Cartesius* & *Regius*, qui in sua Philosophia, & qualitates explicant, etiam occultas, pariter & formas *Aristotelicis* ignotas; ita vulgo ponunt pro exemplo qualitatis occultæ, virtutem magneticam, quâ magnes trahit ferrum, cum enim forma magnetis sit occulta, & illam quoque vim magnetis, trahentis ferrum, occultam esse volunt: sed virtutem magneticam clarissime exposue-

runt *Cartesius* & *Regius*, qui in ex principiis suis, motu, & varia partium in magnete earundem sita, numero, magnitudine, explicant, quæ explicatio apud illos videri potest, sed apud Aristotelicos, formæ & qualitates occultæ, merum sunt ignorantæ asylum; quid enim facilius est dicere, quam, magnes trahit ferrum, per aliquam virtutem, seu qualitatem, quæ occulta est, quia forma occulta est, quod est lectorem eludere, & non ei satisfacere. Nos impresentiarum ad qualitates speciales discutiendas non descendemus, quod fiet Capite 8. & 13, sequenti consuetum peripateticorum ordinem.

41. Locus, Aristoteli, est superficies corporis continentis proxima & immobilis.

Superficies, id est, latitudo seu plana, seu concava, seu convexa; proxima dicitur quæ rem locatam cingit ac circumscribit;

Immobilis, puta si movetur res locata, manet locus; ut, sublato libro de mensa manet mensa.

42. Aliis spatium rei locatæ; & rectius.

Spatium proprie nec substantia est, nec accidens, nec tamen nihil sed privatio & absentia corporum quæ in eo esse possunt: atque cum iam sunt, spatium dicitur locus.

DE loco, nec *Aristoteles*, nec *Aristotelici*, inter se eodem modo philosophantur, multo magis alter philosophantur de eo, qui *Aristotelis* principiis non insistent, uti *Cartesius* & *Regius*; de *Berigardo* speciatim videbimus. Primo locus *Aristoteli*, & Græcis ejus

interpretibus, (excepto *Ioanne Philopono*, alias *Grammatico*) Latinisque interpretibus definitur Græce *οἰκος*, Latine vulgo *superficies corporis* &c. ubi hoc notandum venit, τὸ οἰκος, Græcum, pessimè fuisse versum, per *superficiem*, quæ tamen versio aliquot seculis duravit; nam apud

apud Euclidem superficies Graece dicitur *ἐπιφάνεια* & *πίεσις*: significat terminum, atqui terminus & superficies non reciprocantur nec sunt idem, nam omnis quidem superficies est terminus, corporis scilicet, sed non omnis terminus est superficies: nam linea est terminus superficiei, ipsa tamen non est superficies punctum est terminus lineæ non tamen est superficies, hinc locus rectè dicitur *Aristoteli* *πίεσις*. Latine terminus, non tamen superficies; et sunt peculiæ rationes, cur locus non possit dici superficies, inter quas hæc est potissima, quod locus debeat esse æqualis locato, sed si locus sit superficies, quæ tantum est duarum dimensionum, corpus autem locatum est dimensionum trium, non erit locus æqualis locato, quippe duæ dimensiones, non sunt æquales tribus dimensionibus; sed de hoc negotio pluradicenda venient ad thes. 43. *Plato* et *Philoponus*, et inter recentiores *Scaliger* et *Ramus*, alique, loci genus fecerit spatium, non vero terminum; hoc spatium est vel verum illis, vel imaginarium, verum, quod convenit corporibus omnibus creatis et in hoc universo constitutis imaginarium in quo corpora nulla existunt, sed existere non repugnat; quale spatium ab æterno fuisse asserunt, in quo aliquando in principio temporis creatus sit mundus

cum omnibus corporibus in se contentis, quale etiam fingunt extra hunc mundum conditum, in quo Deus plures mundos, si veller, concedere posset: hinc *Scaligero*, Locus est spatium, corpore plenum; vacuum est spatium, omni corpore carens; quod intra hunc mundi ambitum dari, negant homines *Aristotelici*, extra eum dari, admittunt: hoc spatium siue verum, siue imaginarium, volunt esse trina dimensione præditum, ut si idoneum est recipiendis, et sustentandis corporibus, trina dimensione præditis. *Cartesius* et *Regius* spatia imaginaria in totum negant quia nullum, admittunt locum qui non sit cum corporibus, imo corporem, consequenter cum spatia imaginaria omne excludant corpus, non posse locum explicari per spatia imaginaria; quibus quidem hoc concedi potest omnia spatia vera ac realia, esse corporea, sed et hoc inquirendum est, an locus debeat dici ipsi rei locatæ intus, ipsaque ejus dimensio, et non inveniri, nisi ubi invenitur corpus; sic enim distinctio loci in internū et externum perit, atqui ista distinctio non est repere rejicienda: vocatur locus internus ipsa quidem corporis naturalis dimensio trina, sed præter hunc locum internum dari aliquem externum, negari non potest qui non sit corporis locati, sed

locantis; nihil enim dubium est, quin & corpus locans & locatum suam sibi habeat dimensionem, & quin dimensio corporis locantis sit locus dimensionis corporis locati: atqui dimensio corporis locati, id est, locus internus, differt à dimensione corporis locantis, id est, loco externo. Quod spectat spatia imaginaria, illa quidem non sunt necessaria, quippe sine quibus, & locus, & immensitas Dei, optimè explicari potest; nam illa spatia imaginaria, aut sunt aliquid, aut nihil; si nihil, ridiculum est dicere, locum esse spatium imaginarium, aut Deum esse ubique, id est, in spatio imaginario, quod est nihil; & quid dicemus? an ergo localitas, tum infinita Dei, tum finita creaturarum, terminabitur in aliquo nihil? attamen tale nihil, volunt esse spatium imaginarium, quod faciunt locum: si sit aliquid, vel est aliquid creatum, vel increatum: si est aliquid creatum, est vel substantia, vel accidens, vel medium negationis, inter substantiam & accidens; sed nihil istorum dici potest: non substantia est, quia daretur dimensionum penetratio, nam spatium hoc imaginarium non est substantia spiritualis, si sit sub-

stantia, sed erit corporea: sed quomodo sic poterit recipere corpora absque dimensionum penetratione? neque est accidens, quia nullum accidens potest recipere substantiam quoad omnem suam dimensionem: si quidem enim ipsum accidens non habet partem extra partem, quomodo recipere valeat corpus habens partem extra partem; neque est medium negationis, hoc spatium imaginarium, inter substantiam & accidens; nam quodnam erit? an relatio, ens rationis, denominatio externa, modus, an privatio? Resp. vel est privatio Logica, vel Physica, id est, spatium imaginariū significat, vel corpora debere sibi inesse, vel posse: si prius, nil potest dici falsius, quia ipsi statuunt spatia imaginaria extra cælum, in quibus nec ullum corpus est, nec esse debet: si posterius, tum significatur, spatia imaginaria esse merum nihil: nam quodcumque dicit tantum negationem alterius rei, id respectu istius rei est merum nihil; sed spatia imaginaria dicunt negationem omnium rerum, ergo respectu omnium rerum sunt merum nihil; consequenter, non sunt privatio, quia privatio non est nihil, sed aliquid.

43. Quia juxta Aristot. definitionem non conveniret locus omni corpori naturali.

Nam cælum extremum seu ultimum seu supremum non foret in loco, quia nullum datur corpus illud ambiens, cujus superficies locus ejus esse queat.

Malta

Multa sunt argumenta, quibus probari potest efficaciter locum non esse superficiem; unum ex iis est in textu, scilicet, cælum supremum non fore in loco, quia extra illud nulla est superficies, quæ ambiat illud sed præterea & hoc argumentum magni ponderis est: omnis locus debet

esse æqualis locato, sed si locus sit superficies, non est æqualis locato, ergo &c. probatur minor, quia superficies tantum est duarum dimensionum, est enim tantum longa & lata, at corpus locatum est trium dimensionum, nempe, est & longum, & latum, & profundum seu crassum.

44. Esse in loco convenit corpori propter quantitatem; Hinc

Et quantitas est proprietas materia, ita locus quantitatis.

45. Quam necessarium est corpus esse quantum, tam necessarium est corpus esse in loco.

Ratio est, quia esse corpus, esse quantum, esse in loco, se mutuo ponunt ac tollunt:

Ad Thef. 44, 45. & tres sequentes.

Hæc Theſibus duæ proprietates loci exponuntur, scilicet quod nec unum corpus possit esse in pluribus locis, nec duo corpora in eodem loco, & fundamentum utriusque subſternitur hoc, quia locus, seu esse in loco, conveniat corpori, propter quantitatem; ut ergo corpus unum unam habet quantitatem, ita est in uno loco, et quemadmodum duo corpora duas habent quantitates ita non possunt esse nisi induobus locis; quod verò locus, aut esse in loco corpori conveniat propter quantitatem, sic probatur: si omnis quantitas partem habet extra partem, ergo omne quantum est in lo-

co, sed verum prius, Ergo et posterius; probatur major, quia habere partes extra partes, est habere partes loco distitas: in hoc se mutuo inferunt, materia, quantitas, locus; quodcunque enim prædictum est materia, hoc est quantum, quod est quantum, hoc est in loco: uti ergo corpus unum, unam tantum habet materiam, ita tantum unam habet quantitatem, et ita in uno tantum est loco: Ergo corpus unum, propter quantitatem unam tantum est in uno loco, et corpora duo, propter duas quantitates sunt in duobus locis.

46. Et

46. Et dimensiones partesque loci, respondent dimensionibus partibusque corpori; hinc

Dimensiones, id est, Longitudo, latitudo, & crassities: ratio thesios est, quia ut totum corpus est in loco totali, ita partes corporis sunt in locis partialibus.

Longitudo, latitudo, crassities, dicuntur Philosophis dimensiones, quia per eas corpus mensuratur, suntque vel loci, vel rei locatz, estque proportio quxdam inter dimensiones loci, & rei locatz, sic, ut longitudo, latitudo & crassities rei locatz, respondeant ipsi loco; quod, si locum sumas pro

corpore ambiente, intelligi facile potest, sed si sumas pro spatio, longitudo, latitudo & crassities, tantum sunt imaginariæ; quemadmodum spacium, per quod definitur locus est imaginarium, attamen imaginamur hoc spacium longum, latum ac crassum, ac si revera tale esset.

44. Non possunt duo corpora simul esse in eodem loco.

Ratio thesios est, quia daretur dimensionum penetratio, quod ab omnibus habetur absurdum in Philosophia.

4. Nec magis unum corpus potest esse in duobus locis vel pluribus.

Ratio thesios est, quia corpus unum foret & non unum, nam unum est ex Hypothesi: non unum eris, quia erit divisum à se quod enim in duobus pluribusve locis disjunctum est, illud non potest non à se esse divisum at vero unum est indivisum, ergo corpus illud simul erit divisum & indivisum, unum & non unum, quæ est contradictio.

49. Locus omnis est repletus corpore.

Locus omnis, scilicet in hoc mundo, nam, an dentur spatia, ut vocant imaginaria, extra hunc mundum, inter sese disputant Philosophi.

50. Vacuum itaque non datur.

51. Nec dari potest naturaliter.

Ratio utriusque est, quia nulla sic fierent in hisce inferioribus generatio aut corruptio, motus aut mutatio; quia admissio vacuo, virtus
ac

ac influxus calorū ad nos derivari non posset quo tamen opus est ad mutationes & motus in inferioribus.

52. At quin supernaturaliter dari possit non videtur negandum.

Ratio est, quia nec ex parte Dei, nec ex parte rei ulla implicatur contradictio; aut simpliciter, ostendatur.

Ad Thesin 50, 51. & 52.



Si vacuum opponatur loco interno, id est, ipsi corporis naturalis dimension, nec naturaliter nec supernaturaliter dari posse videtur; quia ut deus corpus naturale expers trinx dimensionis, contradictionem implicat: quia dimensio corporis naturalis & ipsum corpus naturale habent se ut proprium & subiectum, quæ à se invicem, nec naturaliter, nec supernaturaliter separari queunt: si vacuum opponatur loco externo, ut vacuum dicatur, spatium, omni corpore destitutum, uti locus externus est spatium corpore plenum, naturaliter non videtur dari posse, intra mundi ambitum, vacuum: quia omnia corpora mundi sunt contigua sibi invicem, quod mundus sit rotundus, & mundi omnes partes sese invicem ambiant, suis superficiebus. ut intra superficiem unius corporis contenti, & superficiem corporis alterius continentis, nullum detur spatium medium aut vacuum, si enim daretur, pariter contiguitas corporum mundo contentorum; videtur tamen rarefactio & condensatio alienius

corporis, intra mundi ambitum contenti evincere parvum vacuum nisi dicamus cum *Cartesio*, rarefactionem fieri per ingressum novorum corpusculorum insensibilium, in spatia intermedia, partium rei, quæ rarefit, & condensationem fieri per expulsionem partium, ex spatiis intermediis corporis condensati: quicquid sit, quin virtute divina possibile sit dari vacuum, non videtur negandum: nam si magnum dari potest extra hunc mundum, ut dari posse asserant *Aristotelici*, quid ni per eandem potentiam divinam dari quoque possit parvum vacuum, intra hunc mundi ambitum; neque hoc implicat contradictionem ex parte Dei, quia ejus potentia non est exhausta: neque ex parte rei, quia illud mundum non destrueret, adeoque, quod attrinet vulgares quasdam experientias, de testa cineribus repleta quæ aquam superinfusam recipiat: de scypho, qui repletus vino absque ulla effusione ejus, intra se recipiat nummum aureum: de syphone quo immisso in aquam per inferius orificium

cium, per superius orificium attrahitur aer, ex omnes & similes haud incommode solvi possunt; nam in testa plena cineribus, dicimus per aquam infusam partes quasdam subtiliores cinerum evaporare, quæ faciunt locum aquæ effusa, & sic nullum ibi dari vacuum: quod spectat injectum nummum aureum in scyphum vino plenum. dicimus nummum aureum esse corpus porosum, &

sic in poris illis auri injecti recipi vinum, quod alioquin efflueret extra ichyphi, ante pleni, marginem: quod attinet siphonem, cujus immisso orificio inferiori in aquam, per superius attrahitur aer, dicimus, non sequitur tamen vacuum, sed aquam potius ascensuram, ut locum, ab aere desertum, repleat, quod et experientia docet.

CAPUT III.

DE

MOTU & TEMPORE.

THESIS I.

Dari motum ipse testatur sensus.

Hic vox (motus) sumitur latius quam thesi 5. sic ut hic comprehendat generationem quoque & corruptionem, quæ ex definitione motus Aristotelica thesi 5. excluduntur. Per sensum intelligi extremum.

2. Est inter affectiones corporis naturalis longe nobilissima.

3. Quia in ipsa definitione naturæ ponitur.

Est enim natura causa & principium motus, ubi vox motus iterum latius sumitur.

4. Est tamen explicatu difficilis ejus essentia, quia est imperfecta, & magna motuum varietas.

Natura motus est imperfecta, quia est ens in fieri, est enim motus
nihil

nihil aliud quam terminus ad quem, dum fit; sic calefactio est ipsum fieri coloris.

Ad Theſen 1. 2. 3. 4.

Theſi prima in commentario notatur inſignis inconstantia Philoſophiæ Ariſtotelicæ, in eo ſita, quod cum *Ariſtoteles* naturā definivit, *principium & cauſa motus*, ibi hanc vocē ſumpſerit latiffimè, eſt enim natura principium & cauſa motus, non tantum localis, aut alterationis, aut accretionis, & oppoſitæ diminutionis, ſed & generationis ac corruptionis, imo naturaliffimum opus viventis eſt generare, generatio tamen & corruptio, à definitione motus Ariſtotelica, quæ hic ponitur, theſi 5. ſecluditur: in theſi prima *motus* tam latè ſumitur ut ſumebatur in definitione naturæ, nam ſenſus reſtat non tantum dari motum ſucceſſivum, localem, alterationem, accretionem, diminutionem, ſed & ex ſenſu conſtat externo, etiam dari generationem, & corruptionem, tum viventium tum non viventium; ideoque Philoſophia *Ariſtotelis* atque Ariſtotelica ludit in ambiguo, & vocem *motus* uſurpat pro arbitrio, nunc latius, nunc ſtrictius, ita

quoque alia vocabula, nunc hac nunc illa ſumuntur ſignificatione prout illis dicendi magiſtris placet; theſi quarta dicitur, eſt magna *motuum varietas*, quod intelligendum eſt de motibus ſingularibus; alioquin motus, quoad ſpeciem ſpectatus, aut genus, non eſt tam varius, ſed vel unus ac ſolus localis, *Carteſio* & *Regio*, vel *Ariſtotelicis* triplex, ad quantitatem accretio & diminutio, ad qualitatem alteratio, ad ubi latio ſeu motus localis: in commentario cum dicitur motus, *nihil aliud eſſe, quam terminus ad quem, dum fit*, notandum eſt, terminum ad quem. V. G. calorem, ſpectari vel in fieri, vel in facto eſſe; cum ſpectatur in fieri motus, calefactio eſt idem realiter cum ipſo, diſtinguiturque ab eo tantum formaliter, ſeu ratione ratiocinata, at ſi ſpectetur terminus ad quem in facto eſſe, ut calor poſtquam eſt productus, diſtinguitur calefactio, motus, à termino ad quem, calore, realiter, ac nemine cogitante.

5. Ariſtoteles definit motum, actum ejus quod eſt poteſtate, quatenus eſt tale.

Definitio motus ex Ariſtotele non eſt examinanda ad amuſſimam & normam definitionis perfectæ, quia quod perfectè definitur, debet eſſe ens perfectum, quale non eſt motus.

HIC ponitur definitio motus ex Aristotele, quæ explicatur Aristotelice usque ad rhēsin 12. exclusive, est autem definitio valde obscura, ut sunt pleræque definitiones Aristotelicæ; genus ejus Græcis ponitur ἐκπλήχεια; quod vocabulum componitur ex ἐκπλή: & ἔχειν, ac quomodo latine verti debeat ita se torserunt interpretes Aristotelis, ut Hermolaus Barbarus narratur diabolus rogasse, ac tandem reddidisse vocabulo barbaro, *perfectia habi*; quæ vox sumi potest, vel passive, pro profectioe quæ habetur vel active, pro eo quod perfectionem habere facit; non autem sumitur commodè sensu priore pro perfectione quæ habetur, nam cum habetur motus habetur potius imperfectio, quam perfectio, quin ter-

minus ad quem, qui motu acquiritur, potius dici debet perfectio, quam motus, quo acquiritur posteriori sensu dici posset perfectio habeo, quia facit motus, ut subjectū seu patiens, terminum ad quem seu perfectionem sui habeat: latine vulgo vertunt, *actum*, quomodo & hæc vox græca vertitur in definitione animæ, cum animus definitur actus corporis organici potentiā vitam habentis. Porro sit mentio *dividimus* in definitione motus, id est, potentiz vel potestatis, & quidem cū particula reduplicativa, *quatenus*, est enim motus actus entis in potentia quā potentia. Quid per hæc duo vocabula *actum* & *potentiam* intelligatur, & quomodo opponantur, in sequentibus usque ad 12. explicatur thesibus.

6. Actus intelligitur non substantialis, sed accidentalis, isque non primus, sed secundus, non entitativus, sed formalis.

Actus substantialis est omnis substantia, & accidentalis omne accidens: Actus primus, est principium operandi, secundus, ipsa operatio.

7. Quamvis ratione termini ad quem aliquo modo primus dici possit.

Ratio thesios est, quia motus est quasi forma termini ad quem, dum fit; ut calefactio caloris forma est, dum calor fit.

DE actu agitur Thes. 6. & 7. vocabulum *actum* est ambiguum; interdum idem est, quod actio ut cum dicimus, a-

ctus intelligendi, sentiendi, id est, actio intelligendi, sentiendi; interdum significat, id quod operatur ponitur potentiz, quo sensu *Actus*

Actus opponitur potentiz, dividuntque ista duo totam entis latitudinem, ac tum dividitur actus in entitativum & formalem; ille est, quo res unaquaque existit, competitque etiam ipsi materiz, ei opponitur potentia objectiva, qua res quæ actu non existit, existere potest per potentiam agentis, cuius est objectum: Actus formalis, dicitur forma quæcunque, sive substantialis sive accidentalis, quæ rem facit existere actu talem vel talem, id est, huius vel illius speciei, cui opponitur potentia subiectiva, qua forma aliqua, seu substantialis, seu accidentalis, quæ non existit in sub-

jecto, existere potest in eo. Interdum actus dicitur de ipsa ac tota rei Essentia, quia per Essentiam res constituitur in esse, & in esse tali, quo sensu humanitas est actus hominis, & Essentia actus Entis; atqui hic tum distinguenda veniunt hæc duo, *esse actum & esse actum*, humanitas Petri mortui est actus Petri in esse hominis, sed non est actu in Petro mortuo. Cum motus dicitur actus non intelligitur actus in prima significatione, nec in tertia, sed in secunda, non tamen actus entitativus, sed formalis, non substantialis, sed accidentalis.

8. *Ejus quod est*: significat mobile, seu corpus naturale.

Vocula (est) hic sumitur pro existit, & significat esse existentiz, non vero esse essentiz. est enim motus actus ejus quod existit, non quidem ex toto, sed ex parte saltem, si enim terminus ad quem in totum existit, motus cessat: si vero motum referas ad patiens, vere est actus ejus quod existit etiam in toto, quia totum patiens existit; verbi causa in calefactione patiens est aqua, quæ in totum existit, terminus ad quem est calor, qui existit ex parte.

QUOD hic dicitur thesi octavâ, *eius quod est*. in græco Aristotelis textu exprimitur voce *ὅτι*, seu entis, sumitur enim vox *ὅτι*, vel ens, interdum ut participium, interdum ut nomen, hic sumitur ut participium, motus enim est actus rei existentis, calefactio enim est aquæ, quæ nunc existit dum calefit, existit vero aqua in potentia, non objectiva, sed

subiectiva, respectu caloris, quem, ut subiectum, suscipere ac sustinere valet; cum vero illud quod existit, cuius est motus seu quod movetur, sit aut esse saltem possit vel spiritus, vel corpus, quæritur, quale hic intelligatur mobile existens, an spiritus, an corpus; respondent *Peripateteci*, intelligi solû corpus non autem spiritum, quia hic agitur de motu, qui est affectio

fectio corporis naturalis; sed enim, annon quoque spiritus movetur? & annon motus in angelo, est actus entis, id est, rei existentis in potentia, ad ubi sine locum, in quem movetur revera? nam quod Angelos moveri dicant Aristotelici non propriè, sed impropriè, ἀνὰ λόγους, & per similitudinem, id

gratis dicitur, nam tam verè mutant suum ubi, quam corpora, & tam verè transferuntur de loco in locum ut corpora, ideoque hoc gratis dicitur. per illud ὅτι, sive entis, sumpti participialiter pro eo quod existit, intelligi debere solum corpus.

9. Dicitur vero mobile esse *potestate*, non ratione motus; sed ratione formæ introducendæ.

Per formam introducendam intelligitur terminus ad quem, qui in patiens introduci debet, & dicitur forma, quia patiens informat; sic calor introducendus in aquam, aquam informat, cum est introductus.

Cum author dicit, mobile est *potestate*, melius dixisset *potentia*; nam hæc duo vocabula diversas habent significationes, & in græco Aristotelis textu est δύναμις, quod significat potentiam, & non potestatem, quod dicitur græcè ἐξουσία: ita Christus mediator dicitur à patre accepisse omnem ἐξουσίαν

id est, omnem potestatem seu auctoritatem, in cælo & in terra; at πᾶσαν δύναμιν, omnem potentiam Christus quæ mediator non accepit à patre, sed qua Deus habuit ab æterno; & patiens, hic, seu mobile, non dicitur esse ἐξουσία, id est, potestate, sed δύναμις id est, potentia.

10. Intelligitur potestas non activa, sed passiva.

Ratio thesæos decima hæc est, quia terminus ad quem simul & motus recipiuntur in patiente, seu subiecto; non potest intelligi alia potestas quam passiva, qua subiecto seu patienti est propria, nam activa potestas est propria agenti, in quo nec motus nec terminus ad quem ejus est.

Cum vero potentia sit multiplex, intelligitur non objectiva, sed subiectiva, non activa, sed passiva, non obedientialis, quæ per solam vir-

tutem supernaturalem & miraculosam Dei in actum deducitur, sed naturalis, quæ ab agente naturali, viribus & mediis naturalibus, in actum deduci-

tur quod fit, cum mobile seu patiens, terminum ad quem recipit, qui in se producitur, & ab eo informatur; nam illa potentia in qua dicitur existere patiens, respicit terminum ad quem, non vero motum, quo terminus ad quem producitur.

II. Illa verba, *quatenus est potestate*, significant, motum esse quid imperfectum, & cujus essentia consistat in fieri.

Essentia motus est proprie ipsum t^o produci, seu t^o fieri verum quandoquidem res quæ sunt per motum; non producuntur simul & semel: id est, unico momento, sed successive, per partes aut gradus; queritur hic, an motus dicatur respectu partium vel graduum acquiritorum, an vero respectu acquirendorum: respondemus posterius: quia calefactio verbi causa non dicitur respectu caloris jam introducti in aquam sed respectu caloris introducendi adhuc, qui ideo dicitur esse potestate, quod, cum nondum sit, esse tamen possit, & sic potius dicitur actus ejus quod est potestate (quatenus potestate) sic calefactio dicitur motus caloris, qui non est sed potest esse, & quaremus potest esse.

CUM duum sint generum entia, quædam perfecta, quædam imperfecta, perfecta quæ essentiam suam totam habent simul, imperfecta quæ non item, motus est ex genere entium imperfectorum, uti quoque est tempus; ideoque, qui sic argumentantur, præteritum non est, futurum nondum est, ergo nullum datur tempus, quia præsens non est tempus sed terminus copulans partem temporis præteritam & partem futuram; illi sic refutari possunt, quod tempus non sit ex genere entium perfectorum & permanentium, sed ex genere entium imperfectorum & successivorum, hæc dicuntur existere cum sunt, ita quoque existit motus, cum sit, estque ens successivum, quia

ut in tempore una pars temporis succedit alteri, ita & in motu una pars motus succedit alteri, uti videre est in calefactione, quæ aqua frigida calescit nam non inducitur calor simul & semel, sed caloris introductio, id est, calefactio, sit successive, & ratio est, quia terminus ad quem motus, ut calefactionis, partes habet vel gradus, qui respondent partibus motus sibi invicem succedentibus; motus autem à termino ad quem, ut calefactio à calore non distinguitur re, sed ratione tantum; ideoque, si terminus habeat partes aut gradus sibi invicem succedentes, etiam motus sit successive. Notandum vero est, eam reduplicationem in definitione motus Aristotelica, qua potentia, cum

motus definitur, actus entis in potentia, quæ potentia, intelligendam esse respectu partium aut graduum, termini ad quem

V. C. caloris, in patiente, V. C. aqua, per motum, puta calefactionem, producendorum non autem jam productorum.

12. In omni motu est movens, mobile, terminus à quo, & terminus ad quem.

Hæc quatuor debent esse inter se distincta, quod ex sequentibus patebit.

EX illis quatuor in omni motu requisitis, nihil magis est intimum motui, quam terminus ad quem, quia hic cum motu identificatur non sic movens mobile, & terminus à quo, quæ tria semper re ipsa à motu distinguuntur, sed terminus ad quem, ut calor non distinguitur re à motu calefactione, sed ratione tantum, vel ad summum modaliter, est enim motus nihil aliud, quam ipsum produci, ac fieri caloris habetque se ad calorem; ut modus ad rem modificatam; hæc vero quatuor reperiuntur in omni actione physica transeunte ac successiva, qualis est motus hic definitus, ac spectatus. Sed, si vox

motus extendatur ad significantem actum onem supernaturalem immanentem, aut momentaneam, hæc quatuor non ita semper inveniuntur distincta, nam in actione supernaturali, qualis est creatio, mobile, seu patiens nullum est, sed creationem ignoravit Aristoteles, qui motum nobis definivit: in actione immanente, ut est intellectio, idem est agens & patiens, nam intellectus agens, & patiens, non sunt duo realiter distincti intellectus: in actione momentanea, interdum est patiens seu mobile distinctum à movente & termino ad quem, ut in generatione & illuminatione, interdum non est, ut in creatione.

13. Movens est, à quo motus est.

Ideo motus respectu moventis est actus secundus.

14. Hoc debet esse distinctum à mobili.

Quod modo movens à mobili distinguatur, dicitur thes. 15.

15. Vel ut totum à toto, vel ut pars à parte, vel ut pars à toto, vel ut totum à parte.

Totum movetur à toto, ut quando equus trahit currum, pars à parte, ut quando muscoli movent brachium, pars à toto, ut quando corpus hinc

corpus hominis movetur à toto homine, ut rota una horologii à toto horologio: totum à parte, ut homo aut animal ab anima sentiente movetur.

16. Omne enim quod movetur ab alio movetur.

Hoc axioma intelligendum de motu transeunte, non immanente, item de motu materiali, non immateriali, item de motu reali, non intentionali, item de motu naturali seu Physico, non morali seu Ethico.

17. Nam non potest idem respectu ejusdem formæ esse, & actu, & potestate.

Ratio est, quia sic idem esset, & non esset, respectu ejusdem; quod enim potestate est, illud non est; quod actu est, aliud est: ergo, quod simul actu ac potestate est, simul erit & non erit: quæ est contradictio.

18. At hoc foret, si aliquid movetur à se ipso.

19. Quod enim movet, formam introducendam actu continet, quod movetur, potentia.

Hæc thesis vera est de motu univoco, quando movens producit effectum suæ speciei, sed non de motu æquivoco, ibi enim movens non continet actu, id est, formaliter formam introducendam, sed tantum eminenter.

à Thesi 13. ad Thesin 19. inclusive.

SI quod movetur, possit moveri à se ipso, idem poterit esse & non esse, posterius falsum est. Ergo & prius. Probatur major, si illud quod movet, est, illud quod movetur, non est. Ergo idem erit actu & potentia, falsum consequens; Ergo &

antecedens. ratio syllogismi hæc est, quia quod agit aut operatur hoc est, Ergo si idem agit in se ipsum, est, attamen non est, quatenus se ipsum producit, nam produci, est fieri & non esse, ideoque semper omne movens distinctum est à mobili.

20. Mobile est, in quo est motus.

Mobile idem est quod patiens sive subiectum.

21. Motus enim non est in movente, sed in mobili.

Ratio thesicos est, quia terminus ad quem est in mobili, non in movente:

vente; at motus a termino ad quem non distinguitur realiter: sic, quia calor est in aqua, & calefactio est in ea.

Cum motus dicitur esse non intentionalis, qui receptione specierum, seu sensibilium, seu intelligibilium, quomodo fiunt intellectio & sensio: tertio debet intelligi de motu materiali non immateriali; materialis vocatur, qui fit adminiculo seu adiumento materię, immaterialis contra, uti sunt motus Angelorum.

22. Hinc omne, quod seipsum movet naturaliter, constat parte movente, & mobili.

Pars movens est forma corporis naturalis, mobile ejus materia.

23. Neque tamen actus moventis realiter est distinctus ab actu mobilis, sed ratione tantum.

Ratio est, quia actio & passio non distinguuntur etiam re ipsa sed respectu tantum diverso ad agens & patiens.

24. Idem enim motus quatenus à movente ut à principio est, dicitur actus agentis, quatenus in mobili, ut in patiente recipitur, actus mobilis.

Respectus motus ad movens, explicatur per præpositionem, à vel ab, ad mobile per præpositionem in, atque hinc putet veritas thes 21.

Ad The sin. 23. & 24.

Quamvis actus moventis non sit realiter distinctus ab ipso movente, tamen diversè definitur, quia ad distinctas definitiones non requiritur distinctio realis rerum definiendarum, sed sufficit distinctio rationis per respectus diversos ejusdem rei definiendę.

25. Movens debet esse conjunctum mobili.

Si movens nullo modo conjungatur mobili, nullus quoque fieret motus.

26. Vel virtute, vel supposito.

Movens dicitur mobili conjungi quoad suppositum, quando ipsum corpus moventis attingit corpus mobilis, ut cum aqua humeflat, aut abluit manum; quoad virtutem vero, cum sola agendi vi ipsum attingit mobile per actionem mediam, non vero ipsum corpus moventis, ut cum sol calefacit faciem nostram.

27. Itaque non datur motus in distans.

Subintellige in tale distans, quo pertingere non valet, nec suppositum nec virtus moventis, tum enim mobile est positum extra sphaeram activitatis, quæ moventibus creatis singulis sua est destinata; & sic creatura distinguitur à Deo, qui nullaro habet sphaeram, quæ in agendo circumscribatur sed operatur ubique, quia ubique est.

Ad Theſin 25. 26. 27.

Communis est assertio omnium Peripateticorum, non dari actionem in distans, exceptis Scoto & Scotistis, qui tamen opinionem suam sic explicant, ut vel sua sola explanatione ruat; & hæc ratio sola invicta est, nullum agens agere potest actione transeunte, nisi objectum ei appoximetur, neque potest objectum distans appproximari, nisi pertranseat medium, quo ab agente distat,

ac nisi ipsum agens, si non supposito, saltem virtute in ipsum medium prius agat, eam per illud diffundendo, antequam ipsum objectum distans pertingat; neque concipi potest, quomodo agens agere possit in objectum remotum, nisi prius agat in proximum: quomodo Sol V. C. illuminet superficiem terræ, nisi prius radios suos diffuderit per interjectum aerem.

28. Plures termini duobus, à quo, & ad quem dari nequent.

Ratio est, quia terminus à quo et ad quem opponuntur immediate.

29. Si plures videantur, vel non sunt totales vel non sunt ultimi, vel non intrinseci, vel non per se, & primo intenti.

Terminus totalis, ultimus, intrinsecus, per se, & primo intentus vulgo dicitur adæquatus; non totalis, non ultimus, non intrinsecus, non per se, & primo intentus, dicitur inadæquatus.

30. Termini motus inter se sunt oppositi, interdum contrarie, semper privative, id est, negative.

Semper privative, quia terminus à quo, vel nude negat terminum ad quem, vel si contrarium ponat, adhuc oppositum terminum ad quem, nihilominus negat; quemadmodum frigus simul, & non est calor, & qualitatem ponit contrariam calori.

31. Abjectio tamen termini à quo, & acquisitio termini ad quem, non sunt duo diversi, sed unus idemque motus.

Quemadmodum iter susceptum Lugduno Hagam, non est geminum iter, sed unum, licet duo sint termini, unus à quo, alter ad quem; sic hic se res habet.

Ad Thesin 28. 29. 30. 31.

Quia in omni motu semper aliquid acquiritur, nequit fieri quin etiam aliquid aut deponatur, aut perdat, siquidem id, quod acquiritur, forma est accidentalis, quæ aliam formam accidentalem, in patienti seu mobili existentem, vel expellit, vel sua saltem formalitate exuit: motus ad qualitatem, ut alteratio quælibet, V. C. calefactio, terminum ad quem V. C. calorem, acquirit, expellendo terminum à quo, V. C. frigus, ex subjecto seu mobili V. C. aqua: ita quoque fit in motu ad ubi, in quo unus locus terminus à quo deponitur, antequam alter locus, terminus ad quem acquiritur; sed in motu ad quantitatem, ut in accretione, terminus ad quem, quantitas major, non expellit terminum à quo quantitatem minorem, sed tamen tollit eius formalitatem, ut subjectum sive patiens aut mobile, non amplius sub tali forma accidentali, id est, quantitate parva existat.

32. Motus formaliter non est forma in fieri & via ad formam.

Motus formaliter, est ipsum fieri rerum; causaliter, res quæ fit; est enim calefactio causa quod fiat calor, aut melius, causalitas quæ fit calor.

33. Neque tamen reipsa differt à forma, seu termino

termino ad quem, sed ratione tantum, ac definitione.

Cum motus dicitur non differre realiter à termino ad quem intelligitur terminum ad quem in fieri, nam à termino ad quem in facto esse, res ipsa differt, quia re ipsa ab eo separatur, uti calefactio separatur à calore jam producto.

PER formam, duabus hisce Theſibus, non tam intelligitur substantialis, quam accidentalis, ad substantialem enim formam, non tam datur motus, quam mutatio instantanea, quia vocatur generatio & corruptio, quamvis autem nihil tam sit intrinsecum motui, quam terminus ad quem, seu forma accidentalis, quæ motui producitur, imo quamvis mo-

tus, & finis, terminus ad quem, identificentur, id est, non sint res diversæ, attamen respectu differunt, qui sufficit, ad discrimen rationis, ac definitionis, inferendum inter utrumque, nam aliter sanè definitur calefactio, aliter calor etiam dum fit; ideoque nunquam inferendum est tali modo, hæc aut illa differunt definitione, ergo re ipsa.

34. Terminus ad quem debet esse divisibilis.

Divisibilis, scilicet, vel in partes vel in gradus.

35. Quia, omne quod movetur, partim est actu, partim est potestate.

Ratio est, ex definitione motus, Theſi 5. & 9. & 11.

36. Hinc sequitur, omnem motum esse successivum.

Ratio Theſeos est, ex Theſi 35. quia motus non distinguitur à termino ad quem, qui est successivus.

37. Itaque, nihil movetur in momento.

Ergo generatio & corruptio non sunt motus, vide theſin 52.

38. Et successio est de motus essentia.

Ratio est, quia terminus ad quem est de essentia motus; at de essentia termini ad quem est successio; ergo.

39. Non tamen continuitas.

Continuitas motus dicitur, quæ partes motus ita connectuntur, ut inter eas nullum detur temporis interstitium medium.

40. Quia eâ sublata non tollitur motus essentia, sed tantum unitas numerica.

Unitas motus numerica requirit unitatem temporis; at vero si tempore dividantur duo eiusdem speciei motus, ut duæ calefactiones, quarum una nunc fiat, altera post horam, in eadem aqua, ab eodem movente, non est quidem unus motus numero, ac continuus, sed geminus atque interruptus et distinctus numero: uterque tamen verus & vere motus, & successivus.

à Thesi 34. ad Thesin 40. inclusive.

HISCE Thesibus hæc tria definiuntur, primum est, omnem omnis motus terminum ad quem esse divisibilem, in quo distinguitur à termino ad quem generationis & corruptionis: secundum est, successionem esse de essentia motus, id est, motum concipi non posse, nisi in isto conceptu involvatur conceptus successionis; & causa est, quia ubi est divisibilitas, quin & divisio ibi quoque est successio, sed in motu est divisibilitas, quin & divisio, non tam ratione sui, quam ra-

tione termini ad quem, cum quo est idem, ideoque successio, ingreditur definitionem motus, significatur enim illis verbis, *actus entis in potentia, quæ potentia*, quod enim partim est actu, partim est potentia, illud est successivum, ergo & ipse motus: tertium est, non esse de essentia motus continuitatem; sine quo enim motus esse potest, id non est de essentia motus, sed sine continuitate esse potest, licet sine ea non possit esse unus numero motus, quod ostenditur comment. Thes. 40.

41. Unitas, & distinctio motus, generica, & specifica, desumenda est ab unitate & distinctione termini ad quem.

Ratio est, quia motus idem est realiter, licet non formaliter cum termino ad quem, unde ad divisionem vel unitatem termini ad quem, dicitur vel distinctus, vel unus & idem motus.

UNITAS & distinctio generica motus dicitur, quæ vel motus plures, specie distincti, conveniunt in uno genere, vel distinguuntur ut diversa genera: unitas et distinctio specifica motus dicitur, quæ vel duo motus numero distincti, conveniunt in eadem

eadem specie infima, vel duo motus ipsi distinguuntur ut diversæ species: V. C. accretio, alteratio, & latio, sunt motus genere distincti, id est, sunt tria genera motuum; calefactio, & frigefactio sunt duo motus specie distincti, quia sunt diversæ species infimæ, alteratio-

nis tanquam generis; porro calefactio & frigefactio sunt unus motus genere, quia in alteratione, ut in uno genere conveniunt: calefactio ut quatuor, & calefactio ut duo, conveniunt in calefactione tanquã in una specie infima.

42. Itaque tres tantum sunt motus species.

Species, scilicet, subalterna non infima, id est, tria sunt motus genera subalterna.

43. Quia ad tria tantum prædicamenta pertinet ejus terminus ad quem.

Ad Thesin 43. & sequentes septem.

QUOD ad tria tantum prædicamenta datur motus, ideo est, quia in tribus tantum illis prædicamentis reperitur terminus ad quem divisibilis, qualem exigit motus; in reliquis prædicamentis aut non invenitur ullius motus terminus ad quem, ut in Relatione ac Quando, aut non est divisi-

bilis, ut in Substantia; nam substantia est in indivisibili posita, quod de ea intelligendum est ratione essentia, quædam enim, nempe corporea, ratione quantitatis dividi potest; aut si invenitur motus terminus ad quem divisibilis, uti in situ & habitu, refertur ad terminum ad quem motus localis.

44. Ad quantitatem motus est, qui dicitur augmentatio, & diminutio.

Accretio & diminutio nomen commune non habent, cum tamen conveniant in communi natura generis, quod utraque sit motus ad quantitatem.

45. Ad qualitatem motus dicitur alteratio, quæ habet varias species.

Alterationis species sunt, calefactio, frigefactio, rarefactio, condensatio, &c.

46. Ad

46. Ad ubi motus dicitur latio, vel motus localis.

Latio dicitur à ferendo, quia corpus, quod loco movetur, de loco quasi fertur in locum.

47. Situs, & habitus, decimi prædicamenti mutantur per lationem.

Quia partes corporis & vestes non possunt mutari, nisi è loco moveantur.

48. Ad relationes non datur motus.

Relationes adveniunt quidem, saltem aliqua, cum motu & per motum præcedentem, ut similitudo, quæ advenit cum alteratione, & per eam, non tamen alteratio terminatur ad similitudinem, sed ad colorem ratione cuius, unum dicitur alteri simile.

CUm dicitur in comment. relationes quasdam advenire cum motu & per motum, non negatur, quin alix adveniunt cum mutatione instantanea & per eam, uti paternitas pervenit per generationem,

imò quædam relationes, nec motu, nec mutatione, adveniunt, sed alia quadam de causa, uti adveniunt Dominium & servitus, per locationem & conductionem.

49. Uti nec ad quando, nisi impropriissime localis.

Tò quando est causa sine qua non motus fieret, seu, conditio ad movendum requisita, quia omnis motus fit aliquando, hoc est, in tempore.

50. Ad substantias non datur motus.

Ratio est, quia motus tantum datur ad terminum ad quem successivum et divisibilem, qualis non est substantia, quatenus est substantia: est enim hæc tantum divisibilis, quatenus est quantitas.

51. Datur tamen mutatio, generatio, & corruptio.

Vnde mutatio est quasi genus, dividiturque in momentaneam & successivam,

ſucceſſivam, tanquam ſpecies: momentanea eſt, generatio vel corruptio; ſucceſſiva eſt, motus, hac Diſputatione definitus.

52. Quæ cum fiant in inſtanti, motus non ſunt.

Ratio eſt, nam motus fit ſucceſſive.

Ad Theſin §0. §1. & §2.

Hæc recepta eſt Philoſo-
phia, generationem &
corruptionem non eſſe ſpecies
motus, ſed dici tantum debere
mutationem, quia motus fiat
ſucceſſive, hæc autem fiant in
inſtanti, cum tamen in defini-
tione Naturæ, quâ definitur
Principium et cauſa motus, eti-

am ſub motu Ariſtoteles com-
prehenderit atque intellexerit
generationem & corruptionem,
quippe quarum tam eſt princi-
pium & cauſa natura, quam eſt
motuum aliorum, imo idem
Philoſophus ait, *naturaliſſi-
mum eſſe opus viventis gene-
rare.*

53. Motus motui eſt oppoſitus bifariam.

Bifariam, id eſt, ob duplicem cauſam.

**54. Vel propter contrarietatem terminorum
ad quem, ut in alteratione.**

Sic contrarii motus ſunt calefactio & frigefactio.

**55. Vel propter acceſſum & reſeſſum ab eo-
dem termino ad quem, ut in accretione.**

Sic contrarii motus ſunt auſio & diminutio.

Ad Theſin §3: §4 §5.

Motus motui dicitur op-
poſitus, vel quando ter-
minus ad quem unius motus,
eſt contrarius termino ad quem
alterius motus, uti calor, ter-
minus ad quem calefactionis,
eſt contrarius frigori termino
ad quem frigefactionis; vel
quando non terminus quidem
ad quem unius motus, eſt con-

trarius termino ad quem alter-
ius motus, uti in accretione
& diminutione, utrobique ter-
minus ad quem eſt quantitas,
quæ contrarium non habet, at-
tamen termino ad quem com-
muni utriuſque huius motus
accident contraria, nempe
quantitati, ut termino ad quem
accretionis, accidit eſſe majus,
eideſm

eidem ut termino ad quem diminutionis, accidit esse minus; at majus & minus, id est, magnum & parvum, sunt contraria; pariter quoque judicandum est de generatione & corruptione, quæ sunt, non quidem motus, attamen mutationes contrariæ, non propter contrarietatem terminorum ad quem, sed propter contrarieta-

tem aut oppositionem potius, quæ utriusque termino ad quem supervenit, nam $\tau\theta$ esse substantiam, terminus ad quem generationis, opponitur $\tau\theta$ non esse substantiam, termino ad quem corruptionis; utrobique autem terminus ad quem est substantia, quæ contrarium quoque non habet.

56. Motus localis, est naturalis, vel violentus.

Latio naturalis est, quæ fit ab interno mobilis principio; violenta, quæ fit ab externo agente: utraque potest dividi in rectam, & circularem; recta est, vel à centro, vel ad centrum.

Centrum hic dicitur medium mundi ac terra punctum.

Cum motus localis in naturalem & violentum dividitur, vox posterior aliter hic sumitur, aliter in Ethicis; ibi enim actio dicitur violenta, quæ fit præter & contra voluntatem agentis, ut cum fur ascendit patibulum: hic dicitur, quæ fit à principio externo simpliciter, ut cum lapis movetur sursum à manu projicientis; discrimen hoc est, quod actio aliqua violenta esse possit Physice, quæ

non sit violenta Ethicè, ut, si quis in puteum aut fossam delapsus, inde extrahatur, motus ille est violentus Physice, quia corpus grave movetur sursum, contra naturam ac formam suam; at non est violenta Ethicè, quia non movetur sursum qui extrahitur ex puteo, contra aut præter voluntatem suam, sed sponte sua, & quia vult extrahi.

57. Naturalis in initio tradior, in fine velocior est: contra violentus.

Naturalis, qualis est gravium cum ex natura sua tendunt deorsum, & levium cum tendunt sursum ex natura sua.

58. Ratio est, quia in principio medium magis resistit, in fine minus.

Medium est id per quod movetur, atque intelligitur hic potissimum

aer. Volentus motus initio velocior, in fine tardior est, quia vis impressa initio major, in fine languidior est.

Tarditas aut velocitas motus naturalis & violenti, juncto expressas. contrarias plane sui habent cau-

59. Motus projectorum est à virtute projectis impressa.

Virtus impressa, aut sola est causa motus violenti, aut si non sit sola, est saltem principalis ac precipua.

Motus projectorum est violentus sed qui sit causa violenti, non tam facile est dictu: Julius Scaliger, & alii multi cum ipso causam faciunt, solam virtutem à projiciente, impressam sed enim explicari vix potest, quomodo virtus illa generetur? & an insit tantum superficiei, an vero interioribus partibus rei projectæ; quomodo eadem virtus impressa, cum rem projectam movet deorsum sit gravitas? & cum sursum sit levitas? quomodo rem projectam contrariis saepe moveat motibus? & an imprimatur quoque à corpore inanimato, aut reticulo, aut pavimento, aut pariete, cui verbi causa pila illiditur? Deinde explicari nequit, quomodo ista virtus conservetur aliquandiu, & tandem pereat? quomodo sagitta corpus grave, moveatur in altum? cum ibi nulla virtus

imprimatur sed potius aliqua virtus, cum nervo arcus, retrahatur: quomodo campana, si quis manubrium, aut funem relinquat moveatur, non tantum, ad perpendiculum, sed à perpendiculo sursum? Peregrinus ergo, & alii causam projectorum faciunt aerem, rem projectam, à tergo insequentem, eamque propellentem: sed nec hæc sufficiens causa est, quippe aer, corpus tam fluidum, tam subtile, tam tenue, quomodo in altum movebit corpus, se multo densius, & gravius? si dicas metu vacui, jam quidem finem assignas, sed non causam efficientem, motus istius violenti. in re projecta. Ergo existimem, utrumque finem venire in partem causæ & motum violentum projectorum esse partim à virtute impressa, partim ab aere, rem projectam insequente à tergo.

60. Tempus definitur Aristoteli: Numerum motus secundum prius & posterius,

Motus

Motus hic est genitivi casus: secundum prius & posterius, id est, secundum partes priores & posteriores.

Ad The sin 60, 61. &c. usque ad finem.

TEmpus partim est ens reale, partim ens rationis: Ens reale est, in quantum est duratio rei, id est, corporis existentis: ens rationis est, in quantum ista duratio mensuratur aut numeratur: nam numerare est rationis opus. Atque hæc est

caussa, cur dormientibus non videatur elabi tempus quia non numerant, nec mensurant, partes temporis quod labitur: eademque causa est, cur desiderantibus videatur tempus esse longum; quia numerant illi omnes temporis partes.

61. Numerus intelligitur, non numerans, sed numeratus.

Numerus numeratus idem est, atque res numerata seu mensurata: sensus est, quod tempus sit duratio corporis naturalis numerata seu mensurata motu, atque hoc tempus vocant internum; ipsum illud seu motus quo numeramus & mensuramus corporum durationem, vocant tempus externum.

TEmpus internum dici solet ipsa duratio corporum naturalium: externum dicitur mensura istius durationis: discrimen utriusque in eo situm est, quod ante solem creatum fuerit tempus internum, id est, duraverint res; non fuerit tempus externum, quia ante solis creationem nihil fuit, quod durationem corporum mensuraret. Aristoteles definivit tantum tem-

pus externum non internum: uti quoque definivit locum, non internum, sed externum; attamen neque locus externus neque tempus externum, sunt proprietates corporis naturalis quia ista reparari possunt à corpore naturali: sed locus internus, & tempus internum non possunt separari à corpore naturali.

62. Motus intelligitur præsertim cælestis.

Intelligitur interdum secundario quoque motus artificialis, zodiacorum, indicum, seu horologiorum, sciateticorum, ut hodie numeramus tempus.

63. Secundum prius, & posterius, scil. motus.

Id est, secundum partes priores seu præteritas, & posteriores seu futuras motus, seu cælestis, seu artificialis; nam tempus numerari aut

mensu-

mensurari nequit, secundum partes priores & posteriores sui ipsius;

64. Unde tempus esse successivum æque ac motum, patet.

Ratio est, quia ubi est pars una post partem aliam, sicuti est in tempore, quadrans enim quadrantem, hora horam sequitur &c. ibi est successio.

Successivum dicitur omne illud, cuius partes non sunt simul: sed temporis partes non sunt simul: ergo tempus est successivum. Probatur minor: quia pars præterita temporis nunquam simul est cum futura.

65. Partes temporis sunt, præteritum, & futurum: momentum est terminus temporis.

Præsens non est pars temporis, quia est aliud indivisibile, at pars temporis est divisibilis, quia tempus est continuum quid, at vero continuum divisibile est in partes usque & usque divisibiles, nam componitur ex partibus divisibilibus in infinitum; præsens autem est terminus copulans partes temporis, scilicet præteritum & futurum, sicut momentum aliud est inchoans tempus, scilicet quo momento Deus in principio omnia creavit.

Ad commentarium Thest 65. subijunctum.

Illud supponitur, omne continuum esse divisibile in infinitum; quod tamen si bene expendatur, falsum est: nam dividendo, potest pervenire ad minimum naturæ. Et quæ est ibi absurditas, si dicamus, continuum dividendo, posse perveniri ad aliquid non amplius divisibile? & quid si dicamus, tempus constare ex momentis & lineam ex punctis? siquidem ex fluxu momentorum oritur tempus, & punctorum, linea.

66. Tempus melius definitur: quantitas durationis successivæ, quæ est in motu.

Melius, id est, clarius.

Quantitas, scil. continua et fluens, non discreta aut permanens.

Quantitas, id est mensura, quia omnis mensura quanta est.

Duratio successiva dicitur, quæ per partes acquiritur, quantum una alteri succedit, unde res durare successive propter istam partium successionem dicitur in motu, quia motus partes suas habet sibi invicem

cem succedentes quæ quamdiu succedunt aliæ aliis motus durat; & tempus dicitur id quo istam motus durationem mensuramus, quæ mensura debet esse continua & successiva, quia ipse motus qui mensuratur est continuus & successivus, oportet enim mensuram & mensuratum esse ejusdem generis ac conditionis.

HAc thesi definitur tempus internum non externum, quia illa quantitas & mensura durationis, inest ipsi rei duranti, id est, corpori natu-

rali existenti: nam corpus naturale nullum existit simul & semel, sed habet partes & gradus quibus existit.

Sententia Recentiorum, ad Caput tertium.

D E

MOTU & TEMPORE.

Ad thesin 1, 2, 3, 4.

IN hisce Thesibus *Cartesius* & *Regius* hætenus abeunt à *Peripateticis* diversi, quod vocem *motus* non accipiunt tam late, quam illi; illi enim intelligunt per motum non quidem generationem & corruptionem (quas tamen cur ab ambitu hujus vocis excludant, nulla est causa) attramen præter motum localem ea voce notant accretionem, decretionem, & alterationem, & varias species; *Cartesius* vero & *Regius* per motum intelligunt stricte, solum localem, neque alium agnoscunt, excluduntque non tantum generationem & corruptionem, sed & accretionem, decretionem, & alterationem, ejusque species; ac profecto, si rem ex vero existimemus, nec sensus, nec ratio dicat, in omnibus illis aliquid aliud admittendum esse præter motum localem,

& ut *Berigardus* loquitur, *σύνεσις* & *σείξεσις*, concretionem & secretionem partium; atque ut eamus per singula, examinemus generationem & corruptionem: quid aliud sit in generatione, seu non viventium seu viventium, quam quod partes materiæ, ex qua fit generatio variis modis moveantur (*Peripatetici* dicerent, alterentur, cum tamen in ista alteratione nihil detur percipi nisi merum motum localem) & ex motu concrecant ac coalescant, ex qua concfatione & coalitione partium generatur totum compositum, atque hoc ipsam comprobabit experientia, si ea consulari; quemadmodum ex opposito, in corruptione nihil aliud d:prehenditur à sensu & ratione, quam quod partes rei, dum corrumpuntur, variis modis moveantur, & ipso motu a se invicem separentur, ac secer-

secernantur, in qua separatione ac secretione partium consistit rei corruptio; est enim hæc nihil aliud, quam dissolutio partium: pariter philosophandum est de accretione & decretionem, in qua utraque nihil quoque reperire est, nisi motum localem, qui præsertim fit in partibus insensibilibus, quæ admodum & ipse non sentitur; crevisse videmus arborem aut plantam, non crescere: & quid aliud est accretio quam novarum partium ad partes alias præexistentes appositio? uti decretio, partium quarundam jam existentium recessus (intel liguntur hic partes integrantes) quæ & alterationis, ut calefactio & frige factio, nihil est nisi motus localis, quo non quidem partes integrantes accedunt & recedunt, sed partes graduales sive gradus; itaque in calefactione nihil aliud fit, quam ut successivè novi gradus caloris alii aliis superaddantur, in frige factione nihil fit aliud, quam ut quidam gradus caloris expellantur, quod utrumque fit mero motu locali, quare & ille solus agnoscitur à *Cartesio* & *Regio*, & definitur, *translatio corporis, de loco in locum, seu, de vicinia corporum aliquorum in viciniam aliorum*; ubi per corpus aut corpora non intelligitur illud corpus, quod est totum, quod vulgò physicum vocant, sed quælibet pars corporis, extensa, in longum, latum & profundum, quod vocant mathe-

maticum, suntque hæc partes vel sensiles, quæ sensu deprehendi valeant, vel insensiles, ut solo intellectu percipiuntur; utraq; moventur motu locali, & moventur de loco in locum, intelligenda loca partialia, nam in locis totalibus moventur sola corpora, quæ spectantur ut tota; est autem ille motus inditus materiæ ab ipsa creatione, putaturque eo facere ille versiculus, Cap. I. Genes. ubi dicitur, & spiritus incubabat aquis. Notandum & hoc, omnem motum illis Philosophis esse circularem, non hoc sensu quo *Peripateticis* dicitur circularis, oppositus recto, sed motu rerum omnium in orbem, ut mota una re moveatur et alia; hinc pater nihil proprie quiescere, sed illud dici quiescere quod minus movetur, et cujus motus est in particulis insensibilibus, quæ deprehenduntur quidem morte, sed non moveri.

A Thef. 12. usque ad 56.

Quæcunque hisce Thesibus sunt tradita, ea omnia fundantur, tum in definitione Aristotelica, tum in recepta et communi sententia de motus divisione; cum vero definitio motus Aristotelica jam à nobis sit rejecta, et divisio recepta motus jam à nobis sit refutata, mole sua sponte ruunt, aut soli motui locali applicati debent, nem-

pe, quod dicitur, movens, & mobile, terminum à quo & terminum ad quem, debere esse inter se distincta, hæc omnia vera sunt, de motu locali intelligantur tantum, cum enim corpus unum transfertur de loco in locum, aut ex vicinia locorum horum in viciniam aliorum, certè terminus à quo distinctus est à termino ad quem, locus à quo transfertur à loco ad quem transfertur, & ipsum corpus quod transferrur, distinctum est ab eo, quod transfert; nihil enim magis Cartesiano est, quam omnem motum esse aliunde, & quod moverur distinctum esse ab eo, quod movet, quod clarissime videre est in explicatione motus, à *Cartesio* & *Regio* facta, ubi de origine motus philosophantur, & hoc axioma Aristotelicum, *quicquid movetur ab alio movetur*, à nemine melius quam ab illis explicatur; nec aliter sentit *Berigardus* in *Circulo Pisano*, Quæcunque autem dicuntur à *Th. 12.* ad *Th. 41.* rite recteque explicata, motui locali quam optime possant applicari; ipsa vero *Th. 41.* falsissima censetur, quia non pro distinctione generica termini ad quem, distinguitur motus, vel genere, vel specie, sed unus idemque motus localis generis & speciei interdum producit substantiam, interdum quantitatem, interdum qualitatem, interdum ubi, si hæc inter se distinguantur; sed vero non distinguun-

tur, nihil enim agnoscunt rerum præter substantiam, & motum localem; quæ dicitur accretio & decretio, sive motus ad quantitatem non sunt, nisi simul moveatur substantia; alteratio quæcunque nihil est aliud quam ipse motus localis, vel celerior, vel tardior *Th. 50.* habetur illis simpliciter falsa, imo contraria thesis consertur vera, nam illis ad solas substantias datur motus, & non ad quantitatem, aut qualitatem, qui tamen motus non est nisi localis.

Ad. Thef. 56.

Regio & *Cartesio* motus localis longe alio sensu dividitur in naturalem & violentum, quam quo sensu *Th. 56.* ponitur, aut potius, illis motus omnis est & naturalis & violentus; naturalis, quatenus omnis motus instituitur & exercetur secundum leges naturæ, quas Deus in natura posuit; quæ vulgo dicuntur regulæ aut leges motus quas videre est explicatas apud *Regium in fundamentis Physicæ, & Cartesium part. 2. Principiorum.* Item motus omnis, violentus dici potest, & sic dicitur illis, quatenus est aliunde impressus à virtute, quæ sit extra mobile; nam illorum sententia est, quod omnis motus sit & fiat ab alio, & sic ab alio ut movens sit ens distinctum à mobili; ideoque non tantum cum lapis projicitur in altum, motus hic illis est

est violentus, qui talis quoque est *Peripateticus*, quia oritur ab externa virtute impressa, sed & cum lapis à manu emissus, deorsum cadit, motus ille violentus est illis, *Peripateticis* non item, atque hic abeant à se invicem, nam *Peripatetici* cum vocant naturalem, quia naturale sit omnia gravia tendere deorsum, & motus lapidis, à manu emissi, cadentis in terram, oriatur à forma, principio interno rei gravis, illis tamen censetur violentus, quia lapidi putatur ab illis impressus; per virtutem calci moventis & relatum circumgyrantis: putant enim illi cælum suo motu etiam tellurem circumducere ac movere, & sic omnibus rebus, quæ in terra moveantur, motum imprimere.

Ad Comment. 2. Thef. 36.

Nonnulli existimant, centrum universi esse solem, eumque stabilem, ac circa eum circumagi corpora reliqua cœlestia, tum planetarum, tum stellarum fixarum, tum ipsius terræ, quæ vi reliquorum cœlorum, circa solem motorum, pariter circumagitur, quemadmodum id, quod intra rem motam continetur, simul cum re mora movetur.

Circa Thefin 57. 58. 59. supposita divisione motus Aristotelici in naturalem & violentum, non multum est diversitatis inter sententiam receptam & aliorum, quos novi-

tios vocant *Philosophos*, quare neque iis immoramur.

Ad Thefin 60.

Cartesio & Regio, tempus propriè dictum, intelligitur tantum internū, id est, ipsa duratio rei existentis, seu potius, permanentia ac perseverantia in existendo quam antè diximus esse aliquid reale, quia rebus inest, nemine cogitante, Tempus vero externum, quod *Aristoteles* definit, non nisi tropicè, id est, improprie, illis tempus dicitur; & hoc est illud tempus, quod non nisi ens rationis est: nam quod per horas, per dies, per hebdomadas, per menses, per annos, &c. numeramus durationem rerum, aut potius permanentiam, ac perseverantiam, & continuationem, in existendo; in totum rationis est opus humanæ, quæ istam rationem mensurandi, rerum durationem, adinvenit. *Berigardus* in *Circulo Pisano*, magis versatur in refutandis textibus *Aristotelis* (quos habet sic satis sibi contradicentes de tempore) quam in asserenda sententia propria ac vera. Quicquid fuerit, hoc certum est, tempus, *Cartesio* ac *Regio* definitū, esse veram proprietatem corporis naturalis; sed tempus, *Aristoteli* definitum, non item: nam res naturalis, postquam semel producta existit, durat, nec potest non durare; sed hoc fieri potest, ut duratio ista, nec mensuretur, nec

numeretur aliunde: pone enim cessare omnem motum, celestem, naturalem, artificialem & tamen res existere, ac perdurare in existendo, in quo nulla est contradictio, dabitur tempus *Cartesio* & *Regio* definitum; *Aristoteli* vero definitum, non item.

Circa *thesin* 61, 62, 63, 64. Quando omnes explicantur de tempore externo, uti explicantur, nihil habent *Cartesius*, & *Regius*, aut *Berigardus*, quod opponant. At circa *thesin* 65, aliquid habent contra; nam ipsis præsens quoque tempus est, & aliquid non indivisibile, sed divisibile; nempe volunt, nihil dari revera iudivisibile, sed id, quod momentum sive instans vocamus, & vulgo indivisibile, adhuc esse divisibile in partes indefinitas, præsertim, admissa hypothese, de sectione continui in infinitum: hac enim admissa, vix est, ut aliter statuamus: nam quod excipiunt, præsens, esse terminum inchoantem, claudentem, copulantem, partes temporis consequenter esse indivisibile, id negari posset: neque consequentia valet; licet enim præ-

sens fortè non sit dividuum, aut divisibile, ut & præteritum & futurum, tamen suo modo, licet minus, quam præteritum & futurum, dividi posse videtur; præsertim, si dicamus, tempus componi ex momentis, tum, quia tempus est quid continuum (admissâ hypothese de sectione continui in infinitum) haud dubiè momenta, ex quibus componitur tempus, æquè ac præteritum & futurum, dividi poterunt usque & usque.

Circa *thesin ultimam* nihil culpari potest, modo rectè intelligatur; eam nonnulli intelligunt de tempore externo, & tum per quantitatem intelligunt mensuram mensurantem: Alii, & melius, intelligunt de tempore interno, & per quantitatem intelligunt mensuram mensurantem; sicut vox quantitas & mensura, sumi potest utraque, & activè & passivè: si posteriori modo sumatur, conveniet hæc definitio temporis, cum definitione temporis *Cartesiana* & *Regiana*; si sumatur sensu priori, abibit à mente & sensu *Cartesio* & *Regio*, quin imò ab ipsius rei veritate.

CAPUT IV.

DE

MUNDO & COELO.

THESIS I.

Species corporum Naturalium considerantur, vel aggregatè, vel segregatè.

Disputationes tres præcedentes exposuerunt principia et affectiones corporum naturalium in genere, nunc in posterum explicabuntur principia et affectiones corporum naturalium in specie, nam ad individua nulla descendit scientia: possunt vero species corporum naturalium vel conjunctim spectari, prout comprehenduntur toto mundo, vel divisim, prout in mundo à se invicem distinguuntur.

2. Aggregatè considerata corpora constituunt Mundum.

3. Mundus, est ordinata compages omnium corporum naturalium ab uno principio pendentiū, & in unum finem tendentiū.

Hac Mundi definitio non est perfecta, sed imperfecta, quia Mundus perfecta definitione explicari nequit, cum sit ens aggregatum. Ab uno principio, id est, ab una causa efficiente, scilicet Deo. In unum finem, scilicet Gloriam Dei.

4. Mundi considerandæ sunt causæ & affectiones.

5. Materia Mundi, ex qua constat, sunt corpora naturalia.

Materia Mundi, generationis, ex quo factus est, fuit nihil, vana creatur fuit, id est, productus ex nihilo.

6. Forma Mundi est ordo.

Ratio est, quia Mundus est ens aggregatum cum ordine, non sine ordine, quemadmodum acervus lapidum est.

7. Hæc forma est accidentalis, non substantialis.

Ratio est, quia ordo accidens est, non substantia.

8. Substantialis Mundi forma nulla est.

Ratio est, quia Mundus non est substantia una sed multiplex.

9. Quia Mundus non est unum per se, sed ens aggregatum.

Unum per se dicitur, quod vel simplex est, uti non est Mundus, vel si ex variis partibus componatur, componatur ex partibus eiusdem generis ac nature unitis, & sic quoque Mundus non est unum per se.

10. Errant, qui Mundi formam faciunt Deum, spiritum, aut animam, vel etiam Cælum.

Deus nullius rei forma esse potest quia nullius rei essentiam ingredi potest, ut pars; spiritus, anima, aut Cælum, non possunt dici forma Mundi, quia sic Mundus foret unum per se, quod est contra thesin 9.

11. Mundus habet aliquam sui causam efficientem;

Ratio est, quia alioquin Mundus foret æternus; at vero Deus nihil patitur extra se, sibi coæternum: & si Mundus non haberet causam sui efficientem, esset à se ipso; atqui nihil potest esse à se ipso.

12. Ea non est fortuitus atomorum concursus.

Ratio est, quia sic tolleretur Dei providentia; quod enim à fortuna est, & fortuito, illud non est à Dei directione.

13. Sed est Substantia intelligens atque infinitæ virtutis.

14. Id liquet ex ejus ornatu & vasta mole.

Ornatus mundi arguit causæ eius efficientis sapientiam atque intelligentiam, vassa moles eiusdem infinitam virtutem.

15. Hæc Efficiens causa est Deus.

16. Deus mundum non produxit ex informi materia præexistente, sed ex nihilo.

Ratio est, quia Deus mundum creavit, at creatio est productio rei ex nihilo: est autem creatio duplex, vel immediata, quando nihil plane præcedit rem creandam, et sic mundus fuit creatus ex nihilo, quæ vocatur creatio ex nihilo subiecti; vel mediata, quando præcedit creationem materia, sed inhabili atque indisposita, et sic Adam creatus fuit ex nihilo, utcumque productus fuerit ex gleba terre, quæ est creatio ex nihilo terminu.

17. Itaque vere eum creavit: Hinc,

18. Deus Mundum fecit in tempore.

Ratio est, ubi succedit esse post non esse, ibi datur tempus: sed in eo quod creatur, succedit esse post non esse: ergo in eo datur tempus; ergo Deus creando mundum fecit in tempore.

19. Nam creatio cum æternitate pugnat.

Ratio est, quia in æternitate non est non esse, post esse, sed esse perpetuum.

20. Itaque contradictio est, cum quis Mundum statuit creari, & tamen esse ab æterno.

Contradictio, est, si quis dicat mundum creari et non creari: at qui dicit mundum esse ab æterno, dicit Mundum non creari; si ergo simul statuat Mundum creari, statuit mundum & creari et non creari.

21. Quia, quod creatur, aliquando nihil fuit.

Ratio est, quia creatio est productio rei ex nihilo, ideoque rō nihil præcessit rem creatam.

22. At hoc non est æternum.

Quod aliquando nihil fuit, non est æternum, quia æternum nunquam fuit nihil.

23. Deinde, vel in momento factus fuit mundus, vel successive.

Illatio huius dilemmatis valet; quia membra sunt immediate opposita, nec datur tertium.

24. Si successive, ergo non ab æterno.

25. Quia successio cum æternitate pugnat.

Ratio utriusque, quia æternitas definitur, interminabilis tota simul & perfecta durationis possessio: si vero duratio rei æternæ possideatur tota simul, ergo non per partes, ergo nec successive, quia successio partes dicit.

26. Si in momento, vel fuit illud primum, vel aliquid fuit illo prius:

27. Utrumvis dicatur, evertitur æternitas.

Ratio est, quia in æternitate non datur primum, nam æternum est quod caret principio ac fine; nec datur unum momentum altero prius, quia sic foret successio, quam æternitas excludit; et continuum, quale est æternitas, componeretur ex indivisibilibus, quod est absurdum: denique duo indivisibilia forent continua, quod fieri nequit.

28. Imo ne quidem æternus esse potuit.

Ratio est, quia contrarium implicat contradictionem; primo, ex parte Dei, quia Deus, ex parte sui, nihil extra se potest habere coæternum: secundo, ex parte Mundi, quia nulla creatura, qualis est Mundus, ex parte sui potest esse coæterna creatori, sic enim creatura adequaretur creatori, quod est absurdum: tertio ex parte creationis, quia cum creatio sit productio rei ex nihilo, non potest fieri ut aliquid simul posset creari, et simul esse æternum, quia creatio nihil potest, æternum nihil negat.

29. Deus Mundum produxit liberrimè.

Ratio est, quia Deus à Mundo producendo potuit abstinuisse; quod intelligendum est, non post decretum de mundo creando, sed antequam concipiatur decrevisse Mundum creare, potuit enim decernere Mundum à se creandum fore vel non fore: nihil enim hic est, quod Deo necessitatem inducat.

30. Finis

30. Finis mundi est homo, hominis, Deus.

Ratio est, quia mundus est propter hominem, homo ipse & mundus simul sunt propter Deum; Deus enim omnia fecit propter se.

31. Omnia enim imperfectiora serviunt perfectioribus.

Corpora simplicia sunt imperfectiora mixtis, & sunt propter mixta: hæc sunt imperfectiora viventibus, et sunt propter viventia: hæc sunt imperfectiora brutis, & sunt propter bruta: hæc sunt imperfectiora homine, & sunt propter hominem.

32. At homo omnium corporum naturalium est perfectissimum.

Ratio est, quia homo possidet omnes perfectiones, scilicet, & sensum, et vitam, et esse mixtum, & esse corporeum ac substantiale, quæ in aliis corporibus naturalibus reperiuntur.

33. Hinc Elementa, mixta, plantæ, bruta, sunt propter Hominem, quem ducunt ad cognitionem Creatoris, qui est finis Hominis.

Omnia reliqua corpora in mundo ducunt hominem ad cognitionem creatoris; quatenus homo illa contemplando in iis invenit & ex iis trahit characteres sapientiæ, bonitatis, ac potentie divine.

34. Accidentia Mundi sunt, perfectio, quantitas, figura, duratio.

Accidentia, id est, attributa; sive reipsa sive ratione à mundo distinguantur, nihil refert.

35. Perfectio mundi est, secundum quam omnes species ea serie sunt inter se connexæ, ut unaquæque alteram proximè attingat, & nulla earum in sibi debitis deficiat.

Perfectio mundi alia est essentialis, et quoad species; alia integralis, et quoad individua: mundus est perfectus priori modo, quia omnes habet species quibus eget, et unaquæque species habet perfectionem quæ eget, quo sensu dicitur Deus post creationem quiescere ab omni

omni opere, quatenus nullas novas species rerum in Mundo postea produxit, sed Mundus non est perfectus posteriori modo, quia potest Deus plures stellas, plura mixta, plures plantas, plura bruta, plures homines &c. partes Mundi in individuo producere, quam produxit.

36. Quantitas mundi est continua vel discreta.

37. Ratione quantitatis continuæ, Mundus est mole & magnitudine finitus.

Ratio est, quia corpus mobile & Magnitudine infinitum dari nequit; nam sic nullus daretur motus.

38. Ratione quantitatis discretæ, Mundus est unus.

Thesis vera est, prout mundus significat compagem non tantum corporum inferiorum infra Cælos, sed & ipsorum Cælorum; nam qui ex singulis Cælorum orbium singulos faciunt mundos, errant.

39. Nihil tamen vetat, plures mundos esse posse.

Ratio est, quia nulla hic implicatur contradictio; aut ostendatur.

40. Figura mundi probabiliter statuitur sphaerica,

Ratio adferri potest, quia perfectissimo corpori debetur figura perfectissima: sed mundus est corpus perfectissimum, figura sphaerica est figura perfectissima; ergo

41. An sit Mundus perpetuo duraturus, ex Philosophia definiri non potest.

42. Ex Sacris tamen constat, eum aut interitum aut renovatum iri in Extremo iudicio.

Questio hæc in utramque partem disputari solet, & tum rationes, tum testimonia Scripturæ utrinque peti possunt.

à Thesi

à *Thesi* 1. ad *Thesin* 42. inclusive.

VTi titulus hujus Capituli est geminus, ita duæ ejus possunt assignari partes, una de Mundo, à th. 1. ad 43. altera pars est de corporum naturalium nobilissimo, Cælo, à th. 43. ad finem capituli. Mundus explicatur post definitionem thes. 3. à causis thesi. 4. usque ad 34. exclusive, & ab affectionibus suis à th. 34. ad 43. exclusive. Ad definitionem mundi, commentariis thesicos tertix explicatam, nihil addimus, quam hoc, quod sit ens aggregatum continuum, non discretum, ordinatum non inordinatum; partes enim ejus vinculis sibi invicem coherrent, ac certo ordine: quod causas spectat, circa materiam & formam mundi explicatas, nihil amplius requiritur quod non à thes. 5. ad 10. inclusive comprehendatur, & qui plura desiderat adeat *Cosmopæjam Cæsismanni*, & *Cosmologiam Wendelini*; circa mundi causam efficientem, major moveri potest scrupulus, propter *Aristotelem*, *Averroem*, *Proculum*, aliosque æternitatẽ mundi asserentes. nam de Democriti sententia, quod mundi causa efficiens, sit fortuitus atomorũ concursus, jam diu exolevit. nec ab ullo Christianorum Philosophorum est accepta, utpote in providentiam Dei injuria; sed ea neglecta, & rejecta per thesin 12. 13. & 14. duplex restat quæstio, de causa efficien-

te mundi una, an eam habuerit, *Aristoteles*, aliique negant, utpote qui non agnoscunt creationem, asseruntque mundum actu esse æternum, contra quos egimus à thesi 15. usque ad 27. inclusive, istis rationibus, quibus nihil addi necesse putamus, & est nostra sententia, ut loquantur, de fide, & conveniens scripturis, quas ignorarunt *Aristoteles*, ac gentiles Philosophi; altera quæstio est. an mundus si non actu sit æternus, potentia tamen sit, id est, æternus esse potuerit, quæ inter ipsos Christianos ventilatur, multis, non tantum Pontificiorũ Philosophorum, *Peterio*, aliisque, sed & *Lutheranorum*, ut *Jacobi Martini* aliorumque, mundi æternitatẽ possibilem asserentibus, quam quæstionem decidimus th. 28. & lectorem referimus ad disputationem 19. geminam, sub hoc titulo institutam, in volumine select. disputationum primo. *Thesi* 19. Pro coronide, additur modus quo Deus mundum creavit, nempe liberrime, quia eum decrevit, & volens, & sciens, quæ vera demum agendi est libertas, ut quis intelligat ac velit, quod agit: quæstio *Scholasticorum*, an Deus mundum potuerit condere, ex naturæ necessitate, & si eum sic condidisset, an fuisset similis huic nostro, utraque nobis censetur temeraria, ne dicam impia; qui enim tam temere involat

volat in potentiam Dei, in ejus amplitudinem inquirendo, facile opprimitur à majestate ejus. De finali causa mundi agitur à th. 30. usque ad 34. exclusive, poniturque ipse Deus, qui idem est causa efficiens, & finalis, omnium rerum; omnia enim fecit propter semetipsum: subordinatus tamen finis dici potest homo, cujus pedibus & imperio omnia subjecit; nam pars imaginis divinæ in homine, constituit etiam in dominatione super creaturas omnes, ita totus macrocosmus erat propter microcosmum, quamvis per peccatum hanc dominationem, hoc imperium, hanc potestatem in omnia, multum omiserit homo primus, omnesque posterius in illo. De mundi affectionibus, sive accidentibus, sive attributis, agitur à th. 34. usque ad 43. inclusive, primo quidem th. 35. de ejus perfectione, de quo distincte est loquendum, & quomodo, docet explicatio subjecta. Secunda affectio mundi est quantitas, quæ continuatur, quæ statuitur thesi 37. esse finita, & revera,

actu, ac positive, talis est, solus enim Deus, actu, & positive est infinitus; at quid vetat, sano sensu dici, mundum esse terminum indefinitum, quatenus fines magnitudinis, & molis mundanæ à nobis designari, & mente nostra capi. aut fieri non possunt, ut sic negative, & potentia, dicatur infinitus, aut si velis indefinitus potius. Th. 38. agitur de quantitate secreta mundi, uti & 39. definiturque mundus esse unus, sed plures esse posse, quod tamen postremum alii negant, quia cum mundus hic unus, omnia impleat spatia, ac loca, ubi foret spatium, ubi locus, aliis mundis condendis? quod si dari nequeat, neque plures mundi dari possunt, quod præsertim verum est, si tollantur, quæ ipsi ponunt & fingunt, spatia, extra hunc mundum *imaginary*, verè sic dicta, quia in imaginatione eorum tantum nata. De figura mundi agitur th. 40. De duratione th. 41. & 42. de neutra aliquid certo aut firmiter determinatur.

43. Corpora naturalia segregate considerata, sunt, Cælum vel Subcælestia.

Corpora naturalia dicuntur segregate considerari, quando considerantur non conjunctim sumpta, ut in mundo, sed divisim accepta.

Divisio corporum naturalium in Cælum & Subcælestia, est divisio generis in species: nam Cælum, & Subcælestia

sunt contraria, quæ sub eodem genere, corpore naturali, plurimum distant, distantia non locali tantum, sed etiam essentiali: con-

contra autem semper sunt species oppositæ ejusdem generis.

44. Cælum non est elementaris naturæ, sed quinta quædam essentia ab omnibus elementis distincta.

Per naturam cæli aut ejus essentiam, intelligitur materia & forma cæli aut potius id quod ex utraque resultat.

Cælum est natura distincta ab essentiis elementorum, quia forma cæli a materia cæli naturaliter est indissolubilis, at forma elementorum a materia eorum naturaliter dissolvi potest.

Quæcunque à Thesi 44. ad finem dicuntur de Cæli natura, partibus, affectionibus, actionibus &c. ea omnia dicuntur non tam ex rei veritate, quam ex consueta Philosophandi ratione. Thesi. 44. tota est ex mente Aristotelis, sed non ex rei veritate. Quod dicitur in commentario, *Formam Cæli esse naturaliter indissolubilem a materia Cæli*, nullum habet fundamentum veritatis; cur enim minus forma cæli dissolvi possit à materia Cæli, quam forma elementi aut rei elementaris, à materia elementi vel rei elementaris; certe, si tam forma cæli educatur ex potentia materię cælestis, quam forma elementi aut rei elementaris educitur ex potentia materię, vel elementi, vel rei elementaris, cur non tam dicatur forma cæli dissolubilis à materia cælesti, quam dicuntur formæ elementorum, & rerum elementarium dissolubiles à materia tum elementorum, tum rerum elementarium; & si hoc

argumentum valet; Cælum est distinctæ naturæ ab essentiis elementorum, quia forma cæli à materia cæli est indissolubilis; forma vero elementorum à materia sua est dissolubilis; tali modo sic argumentabor corpus glorificatum est naturæ distinctæ ab essentia corporis non glorificati quia forma corporis glorificati, est indissolubilis à corpore glorificato, at forma corporis non glorificati est dissolubilis à sua materia; sed posterius argumentum est falsum, ergo & prius: nemo nescit, esse naturam plane eandem corporis non glorificati, & glorificati, quia hoc, scilicet corruptibile induet incorruptibilitatem; ergo eadem natura est corporis, antea corruptibilis, post incorruptibilis, & nemo nescit, formam corporis glorificati esse indissolubilem; non glorificati esse dissolubilem, & tamen idem est corpus glorificatum & non glorificatum, eademque est materia formæ dissolubilis &

& indissolubilis: quare argumentum illud non valet; cælum non est naturæ elementaris, sed essentia quinta, distincta à quatuor elementis, quia forma cæli sit indissolubilis,

elementorum dissolubilis, nam potest eadem materia & essentia, subiecti formæ nunc dissolubili, nunc indissolubili, quod exemplo jam demonstratum est.

45. Ejus essentia componitur ex materia & forma, ut cæterorum corporum.

Ratio est, quia omne corpus constat materia & forma.

46. Materia cæli an sit ejusdem speciei cum elementari, in utramque partem disputari potest.

Peripatetici tamen malunt defendere materia cælestis diversitatem specificam ab elementari materia.

Non tantum malunt, sed tenentur ac debent, & coguntur tueri, esse diversam speciem à materia elementorum, siquidem statuunt formas Cælorum à materia indissolubiles, elementorum dissolubiles, statuuntque potentiam contradictionis, ab esse & non esse, inveniri in materia elementorum non Cælorum; id est, volunt

materiam elementorum sic se habere, ut quæ fuit nunc sub elementi, puta aeris, forma, eadem possit esse sub forma elementi alterius, puta ignis, at materia cæli nunquam potest esse sub diversis formis, ergo etiam materiam Cæli & elementorum, specie diversam asserere debent *Peripatetici*.

47. Cæli motus est ab ejus forma & non ab intelligentiis.

Per intelligentias intelliguntur Angeli, qui si cælum moverent, motus cæli foret violentus, quia esset a principio intrinseco, at vero cæli motus est naturalis, ideoque à principio intrinseco, quod nihil est aliud, quam forma cæli.

TH. 47. contra Aristotelem est sed non contra rei veritatem, & sic probati potest; quodcunque est corpus naturale habet principium motus sui non extrinsecum, sed intrinsecum, quia natura est principium &

causa motus in corpore naturali; sed cælum est corpus naturale, ergo &c. principium vero intrinsecum motus cælorum est forma eorum, extrinsecum intelligentia, ergo motus cælorum non est ab intelligentiis principio ex

pio extrinseco, sed à formis illorum, principio intrinseco,

48. Pars Cœli, est stella.

Vnde stella vulgo definitur pars densior sui orbis: sed hodie disputari caput est, an dentur tales orbis cœlestes? quicquid fuerit, stella pars cœli est, sed lucida, ob materia cœlestis condensationem & in unum orbem contractionem; cœlum ipsum & pellucidum est, ob materia cœlestis rationem.

Ad comment. Thef. 48.

PER orbis Cœlestes intelliguntur circuli quidam, quos designant Astronomi in Cœli corpore ratione centri; quod vulgo faciunt terram aquis circumdatam: ratione cujus cingunt circulos quosdam eccentricos, quosdam concentricos, eosque epicyclos, vel non, quæ omnia mera sunt figmenta ingenii humani, neque enim ulli tales circuli aut orbis dantur in cœlo; sed cœlum est materia, seu ignis, seu aeris nondum in domicilium contractæ aut condensatæ; si in certum domicilium, aut orbem contrahatur ac condensetur materia Cœli, vocantur stellæ, inter quas & reliquam cœlorum partem, hoc est discriminis, quod stellæ sint corpora lucida, non pellucida, ob materia cœlestis condensationem, ipsum cœlum sit non lucidum, sic enim videri posset ut stellæ videntur, sed pellucidum, ob materia cœlestis raritatem. Idcirco cœlum & stella non sunt materia diversæ, sed eisdem, suntque unum corpus continuum; an aptem quo-

que sint continuū corpus cum aëre infra lunam, disquiri potest; *Wendelinus*, multique hodie alii putant quod sic, nempe hi tres faciunt cœlos, unum ac supremum, Empyrium, quod missum facimus, alterum seu medium, æthereum, cujus partes condensatæ sunt stellæ, tertium sive infimum Aereum, in quo aves volant, secundum tertiumque volunt recentiores Philosophi multi esse eiusdem materia, substantiæ, ac naturæ, & differre tantum subtilitate & crassitie, raritate & densitate? & utuntur hoc argumento non contemnendo, scilicet. Si cœlum aereum & cœlum æthereum sunt diversæ materia, substantiæ, ac naturæ, nulla stella videri poterit suo loco: Poster. est absurdum, Ergo & prius. Probat major. Quod videtur per diaphana, seu media perspicua, diversæ materia, naturæ, ac substantiæ, id non videtur suo loco; sed si cœlum aereum & cœlum æthereum sint diversæ materia, naturæ, ac substantiæ, videbuntur stellæ per diaphana, seu media perspicua, diversæ materia,

materiæ, naturæ, ac substantiæ, Ergo, si cælum æthereum & cælum æreum sint diversæ materiæ, naturæ, ac substantiæ, nullæ stellæ videbuntur suo loco. Probatur major. Quod videtur visione refracta, non videtur suo loco; quod videtur per diaphana, seu media perspicua, videtur visione refracta, Ergo, quod videtur per diaphana, seu media perspicua, diversæ naturæ, materiæ, ac substantiæ, non videtur suo loco. Probatur minor: ipsa experientia; Si videas nummum injectum in urnam

aquæ plenam, videbis alio loco quam est, uti & remum sub aquamersum; causa est, quia aer & aqua sunt diaphana, seu media perspicua, diversæ materiæ, naturæ, ac substantiæ, quod quoties contingit, visio est non directa, non reflexa, sed refracta; & certè *Aristotelici* qui cælum æthereum faciunt quintæ cujusdam essentia, distinctæ ab essentia aeris, & ignis (quem fingunt elementaris) non possunt hoc explicatum dare, quomodo stellæ videantur suo loco.

49. Stellæ à reliquis Cæli partibus tantum differunt densitate.

50. Stellarum affectio aut potius forma est lux.

Lux est forma stellarum accidentalis, nam substantialis earum eadem est quæ cæli, cum cælum & stellæ specie non differant.

HÆC Thesis 50. cum comment. subjuncto procedit cum sententia recepta, quæ statuit, lucem omnem esse accidens, uti asseritur Thesi 53. Sed enim *Wendelinus*, multiique alii, lucem faciunt geminam, unam substantialem & substantiam, alteram accidentalem & accidens; lucem substantialem, seu quæ sit substantia, distinguunt in informem & for-

matam, id est, in vagam seu diffusam, & contractam seu coarctatam in certum domicilium, ex illa factos volunt & constare cælos, ex hac stellæ; lucem quæ est accidens, isti luci quæ est substantia, sed in orbem ac gyrum & vorticem suum condensatæ & compactæ, inesse volunt tanquam accidens, quæ sane Philosophia multo est probabilior.

51. Lux non est forma stellarum, per quam sunt corpora naturalia, sed per quam sunt stellæ.

Qualis illa sit forma substantialis stellarum, pariter ac cælorum, ignotum.

52. Hinc

52. Hinc accidentaliter tantum, non specie stella differt à reliquo cœlo.

53. Est enim lux accidens & qualitas corporis lucidi, cœlum reliquum est pellucidum.

Lux non est substantia aut corpus, quia reflectitur et repercutitur, quod est accidenti.

54. Cœlum agit in inferiora, mediante lumine, motu, & occultis qualitatibus.

Inferiora vocantur, quæ sunt ab orbe lunæ ad ipsam usque terram. & in ipsa terra.

Lumen dicitur, quod à stellis gignitur in aere; lux, quæ manet in ipsis stellis ac corporibus lucidis.

Motus cæli est orbicularis.

Qualitates occultæ in cælo dicuntur, quarum effecta deprehenduntur in inferioribus, quid tamen ipse sunt, ignoratur.

Lux est in corporibus lucidis subjective, ut in stellis: lumen est à corporibus lucidis effective, ut in aere à sole genitum.

A Theſi 54. ad finem usque agitur de calorum operatione in inferiora, quæ adscribitur lumini, motui, & occultis qualitatibus: quod per lumen agat cœlum, & per motum, dubitari non potest, sed quod ei adscribantur qualitates occultæ,

per quas agat, ex revera nullæ sunt, sed tales invexit investigandi negligentia. Hoc unum hic tenendum est, cœlum agere in inferiora ut causam universalem, non particularem.

55. Cœlum accidentia producit principaliter.

Accidentia, ut calorem, frigus, humiditatem, siccitatem, &c.

56. Imo & substantias inanimes.

Ut lapides, gemmas, ferrum, æs, &c. tum mineralia, tum metallalia.

57. Imperfecta viventium genera minus principaliter.

Imperfecta viventium genera sunt, verbi causa, quæ nascuntur ex puri materia, ut multa insecta, & exigua animalcula.

58. *Perfekte viventia dispositive tantum.*

Perfekte viventia sunt, quæ ab aliis viventibus producuntur ex semine, ut plantæ, bruta, homines.

Dispositive, id est, quatenus cælum suo influxu dispositiones varias in semen, ex quo gignitur vivens, introducit.

59. *In voluntatem agit indirecte, quatenus voluntatis motus aliquo modo sunt à corporis temperamento.*

Nullum agens materiale potest agere directe in patiens immateriale; sed cælum est agens materiale, voluntas hominis est patiens immateriale; ergo cælum non potest agere directe in voluntatem hominis: potest tamen agere in corpus hominis, ejus temperiem vel immutando vel alterando; & sic agit indirecte in voluntatem hominis, quatenus ea aliquo modo pendet à temperie corporis, dum anima humana corpori in hisce terris est alligata.

Sententia Cartesii & Regii

A D

CAPVT QVARTVM.

Circa ea quæ à Th 1. usq; ad 43. exclusivè dicta & dictata sunt, nihil peculiare habent *Cartes. & Regius*, nisi quod circa Thes. 37. velint, mundum non dici simpliciter finitum nec simpliciter infinitum, sed indefinitum, quia nullius hominis cogitatio, fines mundi quos in se habet, attingere aut assignare potest. Præterea circa Thes. 39. statuunt plures mundos esse non posse & ratio est, quia cum mundus sit corpus continuum globosum, ac cælo Empyræo immediatè contiguum nihil est extra mundum, ubi alii mundi condi possent; illud enim extra hunc mundum spatium, quod vocant imaginarium, aut nihil

est, aut aliquid; si nihil, quomodo potest esse receptaculum aliorum mundorum? si aliquid, quomodo dabitur aliquid extra mundum, siquidem hæc mundi moles cælum Empyræum ac sedem beatorum proximè attingit? & quodnam extra concipi potest, si mundus hic omnia spatia repleat, ut replet? Videatur de hoc negotio præter *Cartesium & Regium*, Theologus *Paradoxus Marefi*.

Circa ea quæ à Thes. 43. ad finem dicuntur & exponuntur, paulo aliter Philosophantur *Cartesius & Regius*, & cælos quidè contra Thes. 44. statuunt esse fluidos, quæ sententia quæq; est multorum recentiorum, ut

Wead.

Wend. Casmanni, et aliorū. Loco orbium, ex quibus *Peripatetici* constare volunt cælos; ponunt vortices varios, et quam plurimos, vario modo motos, motusque omnis in inferioribus causas; stellas errantes libero volunt vagari motu, non aliter, quam aves in aëre, aut pisces in mari; à motu cælorum et planetarum, excepto sole, asserunt circumgyrari ac circumduci

terram, ut illa intra axem suum moveatur quoque vicino motu cælorum; lucem non faciunt accidens stellarum, nam accidentia nulla agnoscunt, sed eam collocant in particularum materię cælestis vario motu, eoq; celerrimo: in effectis cælorum assignandis non longe abeunt à commentariis et recepta sententia, hic postremis The-
sibus recensita et enarrata.

CAPUT. V. DE ELEMENTIS.

THESIS I.

CORPUS subcæleste vel est elementum vel corpus ex elementis mixtum atque conflatum.

Subcæleste corpus dicitur, quod locum suum accepit sub Cælo.

2. Elementum est corpus, in quod reliqua corpora resolvuntur, ipsum in alia corpora, quæ specie diversa sunt, resolvi non potest.

Elementum resolvitur quidem in materiam & formam, sed non potest resolvi in corpora alia se priora; materia vero corpus non est, ut nec forma: contra mixtum omne resolvitur in corpora, non tantum se priora, sed & specie diversa; nam Elementa, in quæ fit mixtorum resolutio, & mixtu sunt priora, & sunt vera corpora, & sunt specie diversa.

3. Hinc vocantur simplicia.

Simplex vel opponitur mixto, quod ex alijs corporibus non est conflatum;

flatum, vel opponitur composito, quod ex materia & forma non est conflatum: priori sensu Elementa recte dicuntur simplicia, posteriori sensu non item; sic enim solæ substantiæ immateriales, puta Deus, Angeli, anima humana, dicuntur simplices: Cælum quoque simplex est priori sensu, non posteriori: at mixta & ex materia ac forma componuntur, & ex aliis etiam corporibus.

4. Elementa, cum sint corpora, materiam habent & formam.

Nam in eo distinguitur Corpus à Spiritu, qui materia caret: ideoque etiam cum forma dicuntur, intelliguntur non informantes, quæ materiam præexigunt, sed assistentes.

ELEMENTORUM duplex à Physicis instituitur consideratio. vel ut sunt partes mundi, quo sensu agitur hic de iis, à Thef. 2. usque ad 36. exclusive, vel ut sunt principia mixtionis ac partes mixtorum, & sic hic agitur de iis à Thef. 36. ad finem capituli. Definimus ut vero commun. definitione Thef. 2. quæ tamen magis respectum dicit ad mixtionem quam ad mundi constitutionem. Circa Thef. 2. 3. 4. hoc solum observandum

est, quo sensu elementa dicantur simplicia, scilicet, non eo sensu, quo spiritus dicuntur simplices, aut Deus dicitur simplex, nam componuntur ex partibus integrantibus, item ex materia & forma, quæ neutra compositio in Deum cadit, aut spiritus creatos, sed vocantur simplicia, oppositè ad mixta, hæc enim ex aliis corporibus, singulis sua materia & forma præditis, componuntur, illa non item.

5. Materia Elementorum omnium est una atque eadem specie: sed forma est diversa.

Thefis hæc ita vulgo tenetur à Peripateticis, sed multi hodie aliter philosophantur, putantque. ipsam materiam terræ esse specie distinctam à materia aquæ, & utriusque materiam esse distinctam à materia aeris, ac distinctione quidem specifica, quam evincunt ex partibus materiarum, quæ in terra sunt crassissimæ, in aqua minus crassæ, in aëre subtiliores; an autem ista par-

rium vel subtilitas, vel crassities, specificam inducat materiarum elementaris distinctionem, discutiri potest, Aristotelici id negant, quod materiarum nulla sit affectio quam quantitas, sive extensio, voluntque, illam subtilitatem ac crassitiem, in materia elementorum, ortum sui trahere à forma, quæ partes materiarum vel subtiliores reddat, vel crassiores.

6. Formæ elementorum non sunt qualitates, sed substantiæ.

Ratio est, quia nullum accidens, ut est qualitas, potest esse forma substantiæ, ut est Elementum.

7. Quia substantia non potest componi ex non substantia.

Ratio est, quia totum & partes in uno per se sunt ejusdem generis ac natura.

8. Sunt ramen formæ illæ ignotæ, earumq; loco qualitates adhibentur, quæ à formis emanant.

Formæ Elementorum sunt ignotæ, quid sint, sed non quod sint; nam eas esse, id est, exsistere, ex earum proprietatibus & operationibus manifestum est; sed quæ illarum sit essentia, aut ignotum aut obscurum est.

Adhibentur, tum ad explicandas operationes Elementorum, tum ad Elementorum definiendas qualitates.

Qualitates, scilicet, propriæ, non alienæ, non communes; hæ enim positi formis non ponuntur, ut quidem propriæ.

Ad Thesin 6. 7. & 8.

Multi ex Aristotelis Græcis interpretibus, & Arabes quidā, ipsas qualitates fecerunt formas elementorum, cum præter materiam, & qualitates, in elementis nihil inveniatur; & profecto, si dicendū est id quod res est, illa est mirabilis philosophandi ratio. asserere formas elementorum quod sint, & in so-

lidum ignorare quid sint; proprietates & operationes elementorum non sunt sufficiens argumentum, ad probandum formas aliquas substantiales in elementis, nam possunt reduci in materiæ elementaris partiumque eius, tum sensilium, tum insensilium, varium motum.

9. Qualitates Elementorum sunt motrices & alteratrices.

Vt motus localis & alteratio sunt distinctæ species motus, ita distinctæ sunt qualitates Elementorum, quæ motum localem et alterationem faciunt.

10. Motrices sunt gravitas & levitas.

Gravitas facit Elementum moveri deorsum, levitas sursum.

In elementis nulla datur qualitas motrix, quæ sit causa motus circularis, quia talis motus non convenit Elementis; si dicas ignem et aerem moveri in orbem à motu solis et Cæli; respondeo, istum motum utriusque Elementi non esse naturalem, ideoque non habere pro causa aliquam qualitatem naturalem, sed est motus præter naturam.

Ad Thesin 9. & 10.

Iusta ratione queri potest, ratricibus, calore, & frigore, si-
cur Aristotelici qualitates quidem omnis gravitas est à
motrices, gravitatem, levitatē, frigore, & omnis levitas est à
distinguant à qualitatibus alte- calore.

11. Ratione qualitatuum motricium, conside-
rantur Elementa, ut sunt partes Mundi.

Quia Elementa, ut partes Mundi, et ad salutem universi vel sur-
sum moventur vel deorsum.

DE Elementis agitur ut parti-
tibus mundi, à Thesi 11. ad
Thesi 35 inclusive, ponunturque
ea, ex communi sententia, qua-
tuor, atque exponuntur à suis
qualitatibus & motu, in quibus
Thesibus notanda venit vigesi-
ma, quæ utraque qualitas motrix
asseritur esse positiva, non priva-
tiva; sed hoc quod dicitur The-

si 21. utramque qualitatem esse
causam instrumentalem motus
in elementis, videtur non usque
adeo verum, nam causa instru-
mentaliter effectum producit se
nobilius, sed motus in elemen-
tis non est nobilior qualitatibus
motricibus eorum. Cæteræ the-
ses jam citatæ ex Commentari-
is facile intelliguntur.

12. Elementa ita considerata, sunt quatuor;
ignis, aer, aqua, terra,

Quaternarius elementorum numerus asseritur multis rationibus,
sed quæ quoad maximam partem sunt probabiles, ut quæ desumuntur
à quatuor humoribus, anni tempestatibus, & qualitatibus primis.

Efficacissima ratio desumitur à quadruplici motu elementorum,
qui exponitur thesi 16. 17. si dicas, elementorum motus est tantum
duplex, sursum et deorsum: respondeo, in genere quidem id verum est;
sed motus sursum iterum duplex est, uti & motus deorsum: et sic
omnis elementorum motus est quadruplex.

13. Terra centrum Mundi occupat, hanc pro-
xime ambit aqua, aquam aër, aërem ignis.

Centrum Mundi vocatur, quod est intra Mundi circulos, me-
dium

dium & intimum : quemadmodum in capâ, intimum corculum in medio omnium tunicarum aut pellicularum situm, est centrum capæ, aut quemadmodum punctum medium, quod à circulis ambitur, & centrum circularum est ; ita terra, respectu aquæ, aeris, ignis, & calorum se ambientium, omnium eorum est centrum.

Naturali quidem situ aqua ambit totam terram. sed quia tum terra non esset habitabilis, neque idonea, quia in aqua viverent homines et animalia ; Deus voluit terram aliqua sui parte exflare extra aquam, unde aqua et terra conficiunt unum globum.

14. Hujus rei ratio desumenda est ab impressa Elementis vel majore vel minore gravitate & levitate.

Quod enim gravissimum est ex elementis, uti est terra, infimum locum mundi occupat ; quod levissimum est elementum, supremum, ita tamen ut supremum elementa media, et hæc infinitum ambiant : ideoque respectu reliquorum elementorum terra centrum est, et medium respectu aliorum corporum ambientium ; quemadmodum punctum est medium respectu circuli ambientis.

15. Gravitas est qualitas motrix, quâ Elementum fertur deorsum, levitas quâ sursum.

Fertur, id est, movetur motu locali, hic enim latio dicitur.

16. Deorsum est vel medium, vel versus medium Mundi.

Medium, hoc est centrum Mundi, extremum Mundi sunt cali, vel inter calos, calum extremum.

17. Sursum est vel extremum, vel versus extremum mundi.

18. Hinc gravitas & levitas est una simpliciter, altera secundum quid.

Levitas simpliciter vocatur, qua elementum fertur ad calum usque ; secundum quid, qua non ad calum usque movetur, sed aliquousque versus calum : sic & gravitas simpliciter est, qua elementum fertur ad centrum usque ; secundum quid, qua movetur aliqua usque versus centrum.

19. Levitas simpliciter est propria Igni, secundum quid Aeri, gravitas simpliciter Terræ, secundum quid Aquæ.

20. Hæ qualitates motrices sunt veræ qualitates & positivæ, non privationes.

Ratio est, quia cuius operationes veræ sunt & positivæ, id ipsum principium oportet esse verum et positivum: sed qualitatum motricum operationes, scilicet, ascendere & descendere, sunt veræ et positivæ; ergo & ipsas qualitates motrices oportet esse veras et positivas.

21. Suntque causæ proximæ omnis Elementorum motus: Eæque instrumentales.

Qualitates motrices dicuntur causæ instrumentales motus elementorum, quia à forma elementorum ad motus eorum faciendos excitantur, elevantur, promoventur: hæc enim ratio est instrumenti, ut ab alia causa secunda ad agendum applicetur.

22. Forma est causa motus Elementorum principalis.

Dicitur forma causa motus in elementis principalis, quia à nulla alia causa secunda ad agendum excitatur, licet excitetur à causa prima, uti omne agens creatum.

23. Generans non est causa motus, nisi quatenus formis Elementorum gravitatem & levitatem indidit,

Generans, id est, causa elementa producens, est causa motus in elementis, remota, non proxima.

24. In locis propriis Elementa nec gravitant, nec levitant.

Gravitare, id est, descendere, levitare, id est, ascendere, quæ sunt operationes gravitatis et levitatis: itaque elementa cum in locis sunt propriis, sunt quidem gravia et levia in actu primo, sed non in actu secundo, quia non habent quo vel ascenderent, vel descenderent.

25. Igais

25. Ignis omnium Elementorum est rarissimū & levissimū.

Ratio est, quia ignis est omnium elementorum calidissimū.

Ignem elementarem dari probant vulgo ex proportionē qualitātū inter se, qui plane periret, igne elementari sublato: ut enim aer convenit cum aqua humiditate, discrepat caliditate, sic aqua convenit cum terra frigiditate, discrepat humiditate, & sic terra & aer nullam habent qualitatem communem; ita oportet dari elementum, quod cum aqua nullam habeat qualitatem communem, & habeat aliquam communem cum terra, puta siccitatem, & cum aere, puta caliditatem, est enim ignis calidus & siccus.

26. Ob summam levitatem summum tenet locum.

Ratio est, quia quo quid est levius, eo altius ascendit.

27. Ob summam raritatem in suo loco non lucet.

Ratio est, quia lux oritur ex commixtione rari et densi, quod cum mere rarum est, non lucet sed pellucet, id est, est perspicuum ac pellucidum, ut est cælum et aer, sed quod lucem habet condensatam et compactam, lucet, uti stella in calo.

28. Igni proximus loco est aer, qui tribus regionibus distinguitur.

Distinctio trium regionum aeris, à nobis est et mente humana; aer enim est corpus continuū, non divisum, aut distinctum in partes.

29. Infima regio aeris pertingit à terra ad eum locum, ubi reflexi solis radii finiuntur.

Quia terra est corpus aliquo modo politum, radii soli ad superficiem terræ demissi ab ea reflectuntur; cum enim lux incidit in corpus politum, ab eo repercutitur, quæ radiorum solarum hic reversionis aliquo usque pertingit, et istuc ubi finitur, etiam finitur infima regio aeris.

30. Media à radiis reflexis ad altissimorum montium cacumina.

Exempla

Exempla altissimorum montium sunt Alpes, aut si qui extant in altiores.

Nota vero, mediam regionem aeris nonnunquam Philosophi dici frigidam, quod intelligendum est, quod sit minus calida, quam suprema aut infima, nam totus aer calidus est. quod vero suprema aeris regio sit calidior, ideo est, quia igni elementari & soli propior est: sed quare infima dicitur calidior media, cum infima longius ab sit ab igne elementari & sole, quam media? respondeo, quia radii soli reflexi in infima regione aeris, à terra calorem eius reddunt intensiorem, quod videre quoque est in speculo, quando ab iis idem radii reflectuntur.

31. Suprema à montium cacaminibus ad locum Ignis.

32. Aquæ locus est naturalis inter terram & aerem.

Ratio est, quia aqua est aere gravior, et terra levior, id est, minus gravis.

33. At nunc ad bonum universi terra multis locis extat extra aquam.

Ratio est, quia terra debebat esse domicilium & habitaculum animantium ac viventium.

34. Terra est elementorum densissimum, & gravissimum, ideoque infimum tenet locum.

Ratio est, quia terra est elementorum frigidissimum; at frigus est causa densitatis & gravitatis, sicut calor est causa raritatis & levitatis.

35. Ex aqua & terra unus fit globus.

Itaque aqua et terra habent commune et idem centrum.

36. Qualitates Elementorum alteratrices sunt primæ vel secundæ.

Qualitates alteratrices dicuntur, quibus elementa alterantur, id est, secundum quas immutantur.

Et tum spectantur ut principia mixtionis.

à Thesi

AThesi 36. ad finem disputationis agitur de elementis, in ordine ad mixtionem, quæ peragitur per elementorum qualitates in se invicem agentes, atque inter se pugnantes, sed sic pugnantes, ut aliqua

alicuius certi elementi prædominetur. Notandum autem est, elementa esse principia mixtionis, id est, causas efficientes eius, & partes mixti nempe essentiales.

37. Primæ, quæ non oriuntur ex aliis, ut, Calor, Frigus, Siccitas, Humiditas.

Nonnulli volunt qualitates primas sic dici, quia primo conveniunt corporibus primis, puta, elementis.

Alii volunt, quia non habent qualitates se priores.

VTrarationum in commentario allegatarum, sit scilicet, vix constat. Prima quidem in dubium trahitur ab iis, qui calorem, frigus, humiditatem, siccitatem, etiam attribuant stellis; ut, cum faciunt Lunam humidam, Solem cali-

dam, Saturnum frigidum, non tantum effective, sed & subjective. Secunda ratio intelligenda est de qualitatibus alteratricibus; nam gravitas & levitas, qualitates motrices, alteratricibus sunt priores.

38. Hæ veræ sunt & positivæ, omnesque agunt in se invicem, Calor in Frigus, Humiditas in Siccitatem, & contra.

Ratio est, quia veras & positivas exercent operationes: agunt in se invicem; ergo omnes partim sunt activæ, partim passivæ qualitates.

Humiditas et siccitas dicuntur interdum passivæ simpliciter quia minus efficaciter agunt; & calor & frigus dicuntur interdum activæ simpliciter qualitates, quia magis efficaciter agunt.

Non potest melius judicari de positiva entitate causarum, quam ex positiva entitate effectorum: cum itaque frigoris effecta tam sint positiva, quam caloris, quidni non tam dicatur qualitas positiva, quam calor? negat quidem calorem

frigus, sed non tantum negat, verum insuper notat qualitatem calori contrariam, æquè efficacem atque ipse est calor. Ideoque errant, qui frigus faciunt nudam privationem caloris.

39. Itaque

39. Itaque datur reactio.

Reactio est mutua elementorum et qualitatum in se invicem actio et pugna: nam quia qualitates sunt contrariae in elementis, student sese mutuo expellere atque expugnare.

DE reactione integrum nobis reliquit librum Zabarrella. Reactio autem infert, ut sic loquar, repassionem: non enim potest unum elementum, aut una qualitas agere in elementum aliud, aut qualitatem aliam, nisi alterum ab altero, & una ab alia, patiarur. Quia verò mutua est actio & passio, hinc reactio, licet minus latine, significanter tamen, dicitur *repassio*. Sic autem in se mutuo agunt, & à se invicem patiuntur, ut non in totum, unum

elementum, aut una qualitas, elementum alterum, aut qualitatem aliam interimat, ac tollat, sed refringat tantum, castiget, remittat, sic ut unum ex quatuor elementis, & una ex quatuor qualitatibus primis, ceteris prædominetur: si enim unum ex elementis cum sua qualitate in solidum periret, mixtum non foret perfectè mixtum, nec ex quatuor, sed ex tribus tantum, aut duobus, constaret elementis: quod est absurdum.

40. Ratione harum qualitatum dicuntur Elementa principia mixtionis.

Elementa sunt principia mixtionis efficientia.

Atque etiam materialia; nam mixta ex elementis tanquam ex materia constant.

41. Quia per has omnis in Elementis mixtio peragitur.

Quid sit mixtio, explicabitur Capite 2.

42. Qualitates secundæ sunt, quæ oriuntur ex primarum temperie.

Qualitatum secundarum exempla sunt, raritas, densitas, sapor, odor, &c.

43. Qualitates primæ mixtionem antecedunt, secundæ sequuntur.

Quia qualitates primæ sunt causæ mixtionis, secundæ sunt eius effecta.

44. Caloris

44. Caloris actio est, 1. calefacere. 2. homogenea congregare, heterogenea disgregare.

Homogenea non tantum intelliguntur quæ per omnia sunt ejusdem naturæ, sed & quæ, licet sint diversæ naturæ, in unam tamen naturam commutari possunt: sic & heterogenea sunt non simpliciter, quæ sunt naturæ diversæ, sed tam diversæ, ut in unam commutari nequeant. Congregare, id est, in unam naturam colligere, aut mutare; disgregare, contra.

Quemadmodum cibus & potus: caro et pisci, commutantur in unum chylum; sic lapideus et panis non possunt commutari in unum alimentum.

45. Frigoris actio est, 1. frigefacere. 2. frigefaciendo constipare, & sic homogenea atque heterogenea congregare.

Constipare, id est, obturare.

46. Humiditatis actio est humectare, siccitatis exsiccare.

Humectare, id est, humidum facere, & exsiccare siccum facere. Humidum est, quod difficulter suis & facile alienis continetur terminis. Siccum est, quod facile suis & difficulter alienis continetur terminis.

Ad Theſin 44. 45. 46.

TRIBUS hiſce theſibus definiuntur qualitates primæ, ſingulæ à ſuis effectis, quæ in comment. explicantur: Sed ſi definitio utraque Ariſtotelica, humidi & ſicci, quæ extat in comment. theſeos 46. ſit perfecta; ignis omnium erit humidiffimus, quia nullum elementum difficilius ſuis terminis continetur, & nullum facilius ſe alienis terminis inſinuat, quam ignis. Per terminos hic intelliguntur, quantitatis ſive dimensionis partes, longitudo, latitudo, & craſſities.

47. Ignis eſt Elementum calidum & ſiccum.

48. Aer eſt elementum calidum & humidum.

49. Aqua eſt elementum humidum & frigidum.

50. Terra

50. Terra est Elementum frigidum & sic- cum.

Si Elementa forent pura, uti non sunt, tum haberent singula singulas suas qualitates in gradu intenso ac superlativo: nunc vero, cum sint impura, eas possident in gradu remisso, & ut Grammatici loquuntur, positivo.

Ad Thesin 47. 48. 49. 50.

IN singulis quatuor elementorum definitionibus, loco formæ adhibeatur proprietates. quia eorum formæ substantiales, ut Thesi 8. est dictum, sunt ignotæ.

Ad Comm. Theseos 50.

QUOD nullum elementum hodie nobis sit purum, ejus rei ratio hæc est, quia non possent elementa pura nobis cedere in usum; quippe in aere puro, vitam trahere & anheli-

tum ducere non consideretur, nec aqua piscibus, si foret pura, in alimentum cedere posset, nec terra pura gramen aut herbas in victum brutis largiri posset.

51. Ex Elementis quædam sunt symbolica, quædam asymbola.

Symbolum Græce dicitur signum aliquod commune, quale datur de nocte vigiliis, cum mœnia urbis circumueunt: sic dicuntur Elementa Symbolica, quæ habent aliquam qualitatem communem; Asymbola, quæ nullam.

A Thesi 51. ad finem agitur de elementis symbolicis, & asymbolis, atque eorum mutatione inter se invicem, quæ hic supponitur potius, quam probatur: eam tamen Sperlingius aliisque Physici, negant; solvuntque rationes omnes, & experientias, in contrarium produci solitas.

52. Symbolica, quæ una tantum qualitate diversa sunt, altera conveniunt.

Sic ignis & aer conveniunt calore, differunt siccitate & humiditate; terra & aqua conveniunt frigore, differunt siccitate & humiditate.

53. Asymbola, quæ utraque qualitate differunt,

Asymbola

Asymbola sunt ignis & aqua, aer & terra.

54. Per qualitates primas unumquodque Elementum in quodlibet mutari potest.

Quia per illas qualitates Elementa in se invicem agunt, donec se mutuo devicerint.

55. Facilius tamen mutatur symbolicum in symbolicum, quam asymbolicum in asymbolum.

Ratio est, quia minor est resistentia & minor pugna, inter duo Elementa Symbolica, quam inter duo Asymbola.

56. Elementum symbolicum gigni potest ex symbolico & asymbolo.

Sic ignis potest gigni ex aere, & ex aqua, verum ut aqua prius mutetur in aerem; nam ut Asymbolum ex Asymbolo gignatur immediate, fieri nequit.

57. Asymbolum ex Asymbolo tantum.

Quando scilicet utraque qualitas contraria in contrariam mutatur simul & semel, non immutata alia qualitate in quam prius mutatur.

Sententia Cartesii, &c.

A D

CAPVT QVINTVM.

Circa materiam ac doctrinam de elementis plane alia via incedunt Cartesius & Regius, neque enim agnoscunt mundi quatuor elementa hic secundum Peripateticos exposita, multo minus eorum materiam distinctam faciunt specie à materia coelorum & stellarum, sed vero omnium corporum naturalium materiam faciunt unam eandemque, sola subtilitate aut tenuitate, aut raritate, & opposita crassitie, densitate atque opacitate differentem, & sic diversa specie corpora constituentem, pro diversa sui modificatione, facta per motum diversum celeriorē vel tardiorē partium suarum, tum sensibilem, tum insensibilem; atque hinc faciunt mundi huius partes integrantes, materiam triplici modo affectam, nam, quam

vocant

vocant subtilissimam, & materiam primi elementi, alteram subtiliorem, minus tamen subtilem subtilissimā, quam vocant materiam secundi elementi; ex hac utraque consistere volunt celos, stellas, reliquaque corpora cœlestia, vocantque eam vorrices ac globulos æthereos; præter utramque hanc materiam, ponunt materiam quandam crassiolem, quam vocant tertii elementi. ex qua ipsis constant terra, aqua. reliquaque corpora subcœlestia. Formas elementorum agnoscunt nullas, uti nec qualitates, nec motrices, nec alteratrices, nec primas, nec secundas, sed loco formarum & qualitatum in elementis, ipsis sunt motus, magnitudo, numerus, figura, distantia, & id genus alia vulgo dicta accidentia, conjunctum summa, partium, tum sensilium tum insensilium, materiz. Terram pro centro mundi non agnoscunt sed solem, eam tamen non moveri motu proprio, sed circumgyrari motu corporum cœlestium ab oriente in occidentem asserunt: ignem elementarem pro figmento tenent, tres aeris regiones ignorant, mixtionem fieri per qualitates primas negant, sed eam

constituunt in *Συγγελοι* seu concretionem particularum materiz, uti & mixti resolutionem in *διαγγελοι* seu partium in materia secretionem, quomodo etiam de mixtione philosophatur *Berigardus in Circulo Pisano*: Rident definitiones caloris, frigoris, humiditatis, siccitatis, desumptas à posteriori. ab effectis calefaciendi, frigefaciendi, humectandi, exsiccandi, petitas à conjugatis, quales definitiones ineptæ sunt, & pueros decet, & non viros in Philosophia: quin illi à priori calorem explicant & frigus, illum ponunt in celerissimo motu partium materiz, hoc in eandem motu tardiore; humiditatem provenire aiunt ex materiz particulis terebibus & oblongis, siccitatem non item. Elementorum in se invicem transmutationem non agnoscunt, ideoque valde securi de elementis symbolicis & asymbolis, quomodo ex se invicem generentur; & sane non est opus tanto molimine & machinatione ad principia proxima corporum mixtorum intelligenda, sufficit ad id triplex materia recensita, primi, secundi, & tertii elementi, atque ea, partibusque ejus varius motus.

CAPUT VI. DE GENERATIONE & CORRUPTIONE.

THESIS I.

Elementa, quia constant materia & forma dissolubiliter unitis, generationis & corruptionis in inferioribus existunt causæ.

Inte differunt Cæli ab Elementis, quod Cælorum materia & forma à se invicem dissolvi naturaliter nequeant, in Elementis contra se res habet; quin materia & forma cæli dissolvi possint supernaturaliter, nullum est dubium: quod vero in Elementis materia & forma naturaliter possunt dissolvi; sit ob pugnam qualitatum contrariarum in illis quæ in cæli locum non habent.

Tota hæc disputatio uno absolvitur tenore, & si dividi potest, debet dividi in explicationem nominis, à thes. 2. ad 12. exclusive. & explicationem rei, à th. 12. ad finem usque. thesi quidem prima generationis & corruptionis recensentur causæ, nempe elementa, atque asseritur in commentario subjuncto, quod in eo differunt elementa & cæli, scil. quia elementa constant materia & forma dissolubiliter unitis, cæli non item: hoc tamen ipsum à Philosophis nobilioribus habetur pro falso; putant enim recentiores, præsertim mathematici, cælos quoque consistere ex materia & forma dissolubiliter unitis, atque in generatione & corruptione

jam habere locum: & hoc probant ex generatione novorum cometarum, eorumque supracælestium, novorum planetarum, imo & Stellarum fixarum; quæ omnium generatio non potest fieri absque materia cælestis, ex qua generantur, prævia corruptione; quin & qualitates elementares, calorem, frigus, siccitatem, humiditatem, in stellis, cæli partibus ponunt; & hæc sententia non est absurda, quin imo vera, nam ipsa experientia, cælorum corruptionem, & corporum cælestium generationem loquitur, & testatur, atque id vel docebit tubus opticus. Inter ea quæ consideranda veniunt, à th. 2. ad 12. hoc dignum est observare, quod thesi 4. generatio.

& corruptio etiam tribuatur accidentibus, quod intelligendum est utrumque de primi gradus productione, cum accedens generatur, & ultimi gradus abolitione, cum idem corrumpitur, & accipiendum est hoc non tantum de gradibus proprie dictis accidentium, quæ alteratione producantur, sed & de partibus accidentium extensivis, quæ gradus dici non solent, sic enim vocantur partes intensivæ; ita primæ partis productio in quantitate, ad quam terminatur accretio, dicitur generatio quantitatis, & ultimæ partis in diminutione quantitatis, abolitio, dicitur ejus corruptio: ita primæ partis in motu locali ad ubi productio dicitur ejus generatio, ultimæ partis in eodem motu locali abolitio, ejus dicitur corruptio.

2. Generatio & corruptio non uno modo dicuntur.

3. Nam & substantiis & accidentibus utraque tribuitur.

Generatio et corruptio proprie de substantiis, et improprie de accidentibus dicuntur.

4. Accidentia, cum primum fiunt, generantur, cum ultimum desinunt, corrumpuntur.

Generatio et corruptio accidentium, non sic dicuntur, ac si terminus utriusque ad quem foret accidens, sic enim generatio et corruptio confunderetur cum alteratione et motu omni: sed accidens dicitur generari, cum primus ejus gradus in subiectum introducitur, et corrumpi, cum ultimus ejus gradus ex subiecto expellitur; alteratio enim est totius accidentis pleni ac perfecti vel productio vel destructio.

Quando aqua primum incipit calefieri, primi caloris aut gradus in calore productio, est generatio caloris; sed reliquorum graduum caloris productio, est alteratio.

5. Generationem & corruptionem substantialem dari experientia demonstrat.

Generatio et corruptio substantialis dicitur, à termino ad quem, qui est substantia.

6. Interdum corpora sic mutantur, ut ad pristinum

finum statum reverti queant, interdum ut nequeant,

Com corpora mutantur, sed ita ut redire possint naturaliter, si sibi relinquatur, ad antiquum natura statum, dicuntur alterari, si non possunt, dicuntur generari vel corrumpi.

7. In illis forma substantialis non est mutata, in his quam maxime.

Sic aqua, quando calefit, dicitur alterari, quia calefacta ad primum frigus naturaliter redit.

8. Generatio & corruptio communi definitione definiuntur, quando totum mutatur, nec sensibile quippiam subiectum idem permanet, lib. 1. de Gener. & Corr. c. 4.

Per totum intellige, non totum compositi, sed totum compositum; per totum compositi intelligitur vel materia vel forma, quam naturam necesse est mutari, ut fiat generatio et corruptio, sed sufficit, si mutetur illud totum quod ex illis constat.

Ut subiectum idem, id est, ut subiectum eiusdem speciei: vel idem numero, idem genere subiectum utrobique manet, sed non idem specie semper aut idem numero est in generatione aut in corruptione.

9. Hæc definitio distinguit generationem & corruptionem ab alteratione.

10. In generatione enim & corruptione, aut nullum manet sensibile subiectum, aut non idem, id est, eiusdem speciei: at in alteratione & idem manet & eiusdem speciei.

Verbi causa in calefactione aqua frigida, manet idem numero, & eiusdem speciei subiectum, tum in calefactione, tum in frigefactione, scilicet aqua, at contra se res habet in generatione & corruptione, ubi subiectum interdum non manet idem numero interdum non eiusdem speciei.

Sic corpus mortuum non est eiusdem speciei cum corpore vivo. Quomodo potest corpus mortuum distingui specie à vivo si sit & maneat idem numero? potestne diversas specifica stare cum identi-

tate numerica? eodem numero corpore resurgemus, et tamen idem illud corpus mortuum distinguitur specie à se vivo.

QUæ hac thesi & commentario subjuncto dicuntur, ea dicuntur magis ex communi sententia, quam ex rei veritate; quid enim in corruptione hominis, cum moritur, primum manet aliquid sensibile subjectum, at inquirunt, non unius speciei, quia subjectum corruptionis est corpus mortuum, scil. cadaver, quod non est ejusdem speciei cum vivente, subjecto generationis: verum ego hanc difficultatem illis objicio, ac solvant si possunt; quomodo in morte ac corruptione hominis potest corpus mortuum distingui specie à vivo, si sit & maneat idem numero corpus hominis, vivi, & mortui? potestne diversitas specifica stare cum identitate numeri-

ca? hoc est de fide, quod eodem numero corpore sumus resur-recturi, & tamen illud idem numero corpus mortuum, quod resuscitabitur in vitam distinguitur specie à se ipso vivo, quomodo hæc consistunt? certe quæ distinguuntur specie, ea quoque distinguuntur numero, quia quæ distinguuntur distinctione majori, ea quoque distinguuntur distinctione minori, & sic quoque falsa est thesis 14. quod generationis & corruptionis in morte hominis, non sit idem subjectum numero; hoc est enim contra fidem resurrectionis ejusdem numero carnis; sed Aristoteles, ex quo hæc definitio generationis & corruptionis est desumpta, istum articulum ignoravit.

11. Generatio non sumitur hoc loco pro sola animatorum productione, sed pro productione cujuslibet substantiæ.

Cum dicitur, quod generare sit naturalissimum opus viventis, aut quod generatio iuxta accretionem et nutritionem sint actus animæ vegetantis, generatio sumitur stricte: hic vero latius accipitur, ut sub se comprehendat substantia etiam non viventis productionem.

Qualis est generatio lapidis in terra cavernis, aut generatio nivis in acre.

12. Generatio est mutatio à non esse, ad esse simpliciter.

13. Corruptio est mutatio ab esse, ad non esse simpliciter.

Per simpliciter, intelligitur hic, esse & non esse totius compositi, non vero partium singularum.

EX theſi 12. & 13. & comment. ſubjuncto patet, generationem non conſiſtere in productione formæ, nec corruptionem in eadem abolitione; ideoque homo ve e generat hominem, etſi animam rationalem non producat; quia producit totum hominem, dum animam rationalem creatam corpori unit; & vere corrumpitur homo, cum moritur, etſi forma eius, anima rationalis, non aboleatur, quia totus ho-

mo diſſolvitur, & tranſit ab eſſe hominem, ad non eſſe hominem: Quod obſervandum eſt contra duum generum errantes Philoſophos, primum, contra animæ rationalis Traduciarios, i. e. eos, qui volunt, ut homo generet hominem, animam quoque rationalem de parentibus traduci in libros; ſecundum, contra Socinianos & Paganos quosdam, ſeu eos, qui volunt, ut homo cum moriatur, animam quoque rationalem mori

14. Utriuſque idem eſt ſubjectum; non numero, nec ſpecie, ſed genere.

Idem, puta genere, non numero, ne hac theſis pugnet cum oclava.

QUOD generationis & corruptionis, non ſit idem ſubjectum numero, id contra ſidem reſurrectionis ejuſdem nu-

mero carnis eſſe, ſtatim eſt monitum: nam & viventis & mortui ſubjectum, eſt idem numero corpus.

15. Imo & iidem termini:

Idem termini, ſcilicet, genere, non ſpecie, non numero.

16. Sic tamen, ut generationis terminus à quo ſit corruptionis terminus ad quem, & contra.

Generatio enim incipit à non eſſe ſubſtantiam completam, certæ aut huius ſpeciei, ſcil. viventem, & tendit ad eſſe ſubſtantiam completam certæ aut huius ſpeciei, ſcil. viventem; corruptio contra incipit ab eſſe ſubſtantiam completam certæ aut huius ſpeciei, ſcil. viventem, & tendit ad non eſſe ſubſtantiam completam certæ aut huius ſpeciei, ſcil. non viventem.

Subſtantia completa eſt terminus ad quem generationis adequatus, ac remotus, & totalis: forma ſæpe dicitur Philoſophu generationis terminus ad quem inadequatus, proximus, & partialis.

17. Nam generationis terminus à quo & corruptionis terminus ad quem, est non esse simpliciter.

Non esse simpliciter, id est, non esse substantiam totam ac perfectam, seu esse compositum.

18. Et corruptionis terminus à quo & generationis terminus ad quem est esse simpliciter.

Esse simpliciter, significat esse substantiam totam ac perfectam, seu esse compositum.

19. Hinc omnis generatio est quædam corruptio, & contra.

Exempli gratia, quando insectum humanum introducitur anima rationalis, corrumpitur anima sentiens & vegetans, non quod desinant existere, nam manent in facta post rationalis introductionem, sed dicuntur corrumpi quia non amplius tenent rationem formæ, nam una cum corpore, in quo sunt, faciunt materiam hominis; homo enim pro materia habet non corpus simpliciter, sed corpus animatum, anima vegetante & sentiente.

20. Quin, eadem actione, aliquid generatur & aliud corrumpitur; seu generatio unius est corruptio alterius, & contra.

Hoc & sequens axioma intelligendum est, non formaliter aut in sensu formali, sed causaliter aut in sensu causal', id est, ipsa ratio, qua aliquid generatur, non est eadem qua aliquid corrumpitur, respectu ejusdem, sed corruptio unius formæ est causa cur generetur forma alia, & vice versa, generatio unius formæ est causa cur corrumpatur alia, non quidem semper quoad entitatem, non quasi desinant esse formæ quæ corrumpuntur, sed, cum corrumpuntur, semper corrumpuntur quoad informationem, quia desinunt esse formæ, id est, desinunt informare aut munus formæ sustinere.

à Thesi 15. usque ad 20. inclusivè.

Hisce sex thesibus varia edisceruntur de termino à quo, & ad quem, tum generationis, tum corruptionis: in quibus hoc notandum est præcipuè, quod, cum mentio fit substantiarum

stantiz completæ, totius ac perfectæ, quam vocant *esse simpliciter*, & cum sermo incidit de substantiâ non completâ, non perfectâ, non totâ, quam vocant *non esse simpliciter*, intelligatur utrobique, vel affirmatè, substantiz certæ aut hujus speciei, vel negatè, non certæ aut hujus speciei. Ita generatio vi-

ventis, tendit ad esse substantiam completam, seu ad esse simpliciter, quia vivens significat hanc ac certam substantiz speciem, & corruptio viventis tendit ad non esse substantiam completam, seu ad non esse simpliciter; quia non vivens hanc atque certam notat substantiz speciem.

21. Subjectum generationis est materia.

Materia, subintelligitur, quæ actionem generantem juvat.

Ad Theſin 21. usque 28. inclusive.

HI C agitur de subjecto sive materia generationis & consequenter corruptionis: ac primum eam dari, evincitur Theſibus 22. 23. 24. ex discrimine, quod intercedit inter generationem & corruptionem, ab una parte, & creationem ac annihilationem, ab altera parte. In generatione & corruptione, materia est prævia, & ea, quæ est habilis: in creatione aut nulla est materia, quæ vocatur creatio immediata, & ex nihilo subjecti seu materiz, quo

pacto ipsum eælum & terra sunt creata ex nihilo; aut si sit materia, ea est inhabilis, quæ vocatur creatio mediata, & ex nihilo sui seu termini, quo pacto creatus est Adam ex materia quidem prævia, sed inhabili (quæ enim eratabilitas in limo terræ?) In corruptione transitus fit aut relapsus in materiam, in annihilatione non item; quod enim annihilatur, in nihilum abit, ac nullam post se materiam relinquit.

22. In quo distinguitur à creatione:

Nam creatio aut nullam habet materiam præexistentem, aut si materiam habet præviam, ea est inhabilis.

23. Sic, & per materiam corruptio distinguitur ab annihilatione.

Nam in corruptione manet eadem materia, saltem genere, quæ fuerat in productione, ut visum est theſi 14. annihilatio vero dicit non tantum compositi, non tantum formæ, sed & ipsius materiz destructionem.

24. Cum enim creatio sit productio totius substantiæ ex nihilo, annihilatio conversio totius substantiæ in nihilum, nullum potest fingi commune terminorum subiectum.

Nam repugnat, dari communem materiam termini à quo et ad quem et tamen totam substantiam compositi ex nihilo fieri, aut in nihilum redigi.

Si enim materia aliqua communis manet, neque substantia ex nihilo fit, neque in nihilum redit.

25. Materia generationis non est prima, sed secunda.

Materia secunda, est materia singularis, prima est universalis: at operatio omnis, sicuti et existentia, singularium est; ergo et generatio fiet in materia singulari seu secunda, non in universali seu prima.

AThesi 25. usque ad 29. docetur contra Aristotelem ipsum, & vulgares Peripatet cos, cum aliis Peripateticis nobilioribus, generationis & corruptionis subiectum non esse materiam primam, (ut quidem eam definiuit Aristoteles, esse primum subiectum generationis, & si quid resolvitur in illud ultimo resolvi) sed esse secundam, ob rationes thesibus illis expressas.

26. Quia debet esse disposita.

Nam non ex quolibet ligno fit Mercurius, hoc est, forma non potest introduci in materiam quancunque, non sane in ind dispositam, hac enim non est idoneum forma subiectum.

Sic non potest ex lapide naturaliter generari homo.

27. At dispositiones, formæ introducendæ convenientes, non primæ sed secundæ conveniunt materiæ.

Dispositiones, intellige, tum accidentales, tum substantiales; he vocantur vulgo formæ disponentes et subordinatæ, illæ sunt accidentia. Sic cum ex ligno generatur ignis, debet primum introduci in lignum et calor et siccitas et cæteræ dispositiones accidentales et in viventium generatione insuper debent induci dispositiones substantiales seu formæ quædam subordinatæ, ut in generatione hominis debent

debent introduci in semen sive materiam animam vegetans et sentiens.

28. Quare in corruptione nunquam datur resolutio usque ad materiam primam.

Verbi causa, cum homo moritur, aut planta interit, anima quidem hominis à corpore eius solvitur, sed ipsum corpus non statim fit materia prima, et in planta forma quidem, anima vegetans, relabitur in materiam potestatem, sed quod superest plantæ corruptæ corpus non statim fit materia prima, verum utriusque et hominis et plantæ materia variis adhuc modis mutatur, vel in vapores, vel in vermes, vel in pulverem, vel in aerem: &c.

29. Sed præter quantitatem, quædam etiam qualitates manent eadem in genito, quæ fuerant in corrupto.

Qualitates quæ manent in corrupto, cum ante essent in genito, sunt qualitates quæ sequuntur formam vel Mixti vel elementorum.

30. Imo sæpe forma aliqua substantialis superest. sc. cum animata generantur & corrumpuntur.

Sic cum homo generatur, id est, cum anima rationalis corpori uniuersum, adhuc superest forma sentiens, vegetans, mixti, sed non sunt forma hominis nec exercent munus formæ in homine, sed faciunt unam cum corpore materiam hominis, sicut anima rationalis facit ejus formam, sic cum homo corrumpitur: anima rationalis desinit informare quidem, sed non desinit esse; forma sentiens et vegetans, desinit et informare, et esse, manet tamen et superest forma mixti in cadavere seu corpore, materiam hominis, quæ ante erat in ejus corpore vivo.

31. Nam manet in genito quæ fuit in corrupto, & contra, forma mixti.

Forma mixti in corpore naturali dicitur, quæ resultat ex concursu quatuor elementorum in corpore mixto.

Sic manet eadem figura cicatricis in cadavere, quæ fuerat in corpore viventis.

32. Hæc tamen, accedente anima exercet munus dispositionis, at recedente, est specifica.

Dispositionis, id est formæ disponentis, quæ quidem rem constituit in certa specie, sed tali, quæ adventu formæ ulterioris ac nobiliorum in speciem perfectiorem transire valeat :

Specifica, id est speciem facit seu largitur ultimum, id est, talem quæ in aliam speciem perfectiorem non potest transire naturaliter; quia naturali viæ & ordine ac naturæ viribus nobilior forma superaccedere nequit.

33. Quoties nova substantia generatur, duæ actiones distincte considerari possunt, formæ productio, & ejusdem unio.

In formis materialibus productio earum & unio, non sunt res ipsa distinctæ actiones, per mentem tamen distinguuntur; in formis immaterialibus respectu causarum secundarum distinguuntur earum productio & unio, nam creaturæ eas non producant, quia non possunt, nam creantur; attamen easdem corpori uniunt; respectu Dei, productio earum & unio non differunt realiter, quippe qui eas producendo unit, & uniendo producit.

ITa quidem vulgo dici solet, quod homo animam rationalem non producat, sed tamen, uniat corpori, attamen explicari vix ac ne vix quidem potest, quænam sit actio ista hominis, an animam rationalem corpori unientis. Rem totam expendamus ordine: Parentes ex massa utriusque seminis producant corpus; in corpore varias dispositiones, dum illa massa seminalis organisatur, donec tandem ultima dispositio fuerit introducta, & organisatio plene perfecteque facta, quo momento Deus animam creat, creando infundit, infundendo unit; neque enim hospitem tam nobilem, qualis est anima rationalis, indit iu

domicilium indispositum, aut non satis præparatum sed enim quænam hic est actio hominis, quæ ille à parte sui animam rationalem corpori uniat? partes enim & actiones Dei hic facile reperiri possunt. Sic argumentor. Aut actio hominis, quæ animam unit corpori, est distincta ab ultimæ dispositionis introductione in foetum aut corpus embryonis, aut non est distincta; si sit distincta, assignetur, quænam illa sit; cerievis plastica seminis in organisando foetu, & in introducendis dispositionibus variis in massam seminalem, nihil amplius facit, quam quod foetus perfecte organiset & dispositionem ultimam

nam introducat, neque ulla hic dator alia actio, qua à parte hominis, seu seminis humani, anima rationalis uniatur corpori, neque concipi potest, quomodo vis plastica seminis, quæ est materialis, attingere valeat unionem animæ rationalis, quæ est immaterialis: Si vero actio uniendo animam corpori sit ea-

dem cum ultimæ dispositionis introductione, siquidem illa actio mera est alteratio ad solam qualitatem terminata, quomodo potest illa esse eadem cum actione uniendo animam corpori, quæ terminatur ad substantiam, sic ut actio illa unitive à parte hominis, aut difficulter aut non explicari possit.

34. Generatio consistit non in productione formæ, sed in unitione.

Et ideo homo rectè dicitur generare hominem, licet animam rationalem non producat, quia eam corpori unit.

Ratio hujus Theséos est in Thesi 12. & 13 ac commentario subjecto, nempe, quia per generationem non produci-
tur totum compositum, quod est

materia & forma, sed totum compositum, i.e. *non esse simpliciter ac totius compositi; non vero formæ, sive non esse secundum quid, aut partium singularium.*

35. Formæ substantiales, nec intenduntur nec remittuntur.

Scilicet, instar qualitatum, sine variatione aut mutatione speciei; nam calor, nunc intensus, nunc remissus, manet tamen idem numero talis intensio & remissio non cadit in formas substantiales, sed, quæ accedit cum variatione speciei, ea à multis statuitur accidere formis substantialibus Elementorum in mixtione, vide Caput 8. Thesi 15. & 16.

36. Hæc causa est, quod generatio & corruptio fiant in momento.

Substantia omnis, seu completa, ut totum compositum, seu incompleta, ut forma, posita est in indivisibili, ideoque partium successionē nullam habet, & idcirco generatio & corruptio fiunt in momento: ac sic distinguuntur à reliquis motibus Physicu, qui habent terminum ad quem divisibilem successive, in partes aut gradus, ideoque non sunt in instanti, sed in tempore.

Quod hac Thesi asseritur, pateticos, sed vix comprehensibile; quid enim, momentum omne

omne est indivisibile, atque unum momentum alteri non continuatur, alioqui continuū constaret ex indivisibilibus, quod *Aristotelici* non admittunt: Eorum igitur hypothesebus admissis, quomodo aut generatio aut corruptio fiet in momento, absque egregia contradictione; quod generatur transit de non esse ad esse, si igitur ille transitus fiat in momento, quod est indivisibile, res quæ generatur, simul erit & non erit, ita corruptio est transitus de esse ad non esse, quæ si pariter fiat in momento, res simul erit &

non erit. In generatione res quæ generatur, non est, quia generatur; quod enim generatur, nondum est, si enim esset, quid opus esset generari; iterum erit res quæ generatur, quia generatio fit in instanti, quod cum sit indivisibile, oportet eodem instanti, quo res generatur, eam esse generatam; si enim in instanti aliquo sequenti generata, alio præcedenti generetur, iam continuabuntur duo momenta indivisibilia, quod est contra illorum hypothesein: pariter philosophandum esse de corruptione.

37. Cur generatio & corruptio habeant locum in subcœlestibus, non item cœlo, ejus causa est subcœlestium corporum alteratio secundum qualitates contrarias, quæ in cœlo non sunt.

Hæc enim firma est ratio cinatio; ubi est pugna contrariarum qualitatum, ibi locus est generationi et corruptioni naturali.

*Consideratio sententiæ Cartesii, Regii,
& Berigardi,
circa*

CAPUT SEXTUM.

Circa doctrinam de generatione & corruptione, longe aliter philosophantur isti Triumviri, quam solent Peripatetici: ac primum, *Cartesius* & *Regius* nullam agnoscant generationem substantialem, præterquam solius hominis: cum enim non ponant formas sub-

stantiales distinctas à materia, omnem generationem, excepta generatione hominis, collocant in solo motu, & mutatione particularum, tum sensibilium, tum insensibilium materiarum; sensibilem, cum ipsa generatio sensibus exponitur; insensibilem contra: & tali generatione

ratione nulla nova producitur substantia, quod tamen volunt *Peripatetici*; certe si nulla forma substantialis sit substantia, & generatio substantialis est productio novæ substantiæ, triumphant *Cartesius* & *Regius*, dicentes nullam dari generationem substantialem nisi hominis, quandoquidem nulla generatione producitur nova substantia, nisi generatione hominis: in cæteris generationibus brutorum, plantarum, rerum inanimatarum (quas generationes pro talibus non agnoscunt *Cartesius* & *Regius*) nulla nova substantia producitur sed tamen ejusdem substantiæ, i. e. materiæ, nova modificatio; & cum videamus ex immutatione folius figure, magnitudinis, distantie, numeri, situs, ac motus, variarum partium in materia, oriri varias ac novas substantias; uti videmus ex horum accidentium mutatione in ferro, oriri nunc gladium, nunc cultrum,

nunc horologium, &c. quis dicat generationem esse novæ substantiæ productionem. *Berigardus* putavit, omnem generationem & corruptionem fieri per *mixturam* & *distinctionem*, concretionem & secretionem partium; quod quidem intelligi facile potest de generatione & corruptione non viventium; sed, an illa concretio & secretio partium, tum sensibilium, tum insensibilium, sufficiat explicandæ generationi & corruptioni viventium, multum dubito: quicquid sit cum omnes isti tres auctores in eo conveniant quod nullæ dentur formæ substantiales, præter animam rationalem, certe generationem & corruptionem ab alteratione non distinguunt; imo cum nec alterationem agnoscant neutram distinguunt à motu locali, & sic concidunt ac ruunt omnia quæ de generatione & corruptione hoc capite 6. sunt ex *Peripateticis* asserta.

CAPUT. VII.

DE

M E T E O R I S.

T H E S I S. I.

Elementorum, Generationis ac Corruptionis, quibus tum Elementa, tum res elementares, subjiciuntur, doctrinam, sequitur doctrina

Doctrina eorum, quæ ex Elementis fiunt. In divisione corporum in Elementa & Elementaria, unum membrum sub alio continetur.

Generalis est divisio corporum subcaelestium in Elementa et res Elementares, id est, quæ ex Elementis oriuntur quocunque demum modo.

DOctrina de Meteoris longè aliter tractatur à Peripateticis, quam à Cartesio, Regio, & Bergardo: nos primum sententiam Peripateticorum exponemus, postea de illorum sententia dispiciemus. Hic primum venit considerandum, qualis illa sit divisio corporum naturalium in elementa, & res elementares, cum in omni divisione membra debeant esse opposita, hic autem elementa, in corpore elementari contineantur; certè, ubi unum membrum sub alio continetur, non videtur esse commoda divisio, sed elementum continetur sub corpore elementari, quia corpus elementare ex elementis constat, ergo hæc non est commoda divisio. Resp. Similes tamen dari divisiones in alio rerum genere;

nam & quantitas continua permanens, sive magnitudo, dividitur in lineam, superficiem, & corpus, & tamen linea in superficie, superficies in corpore continetur: dicendum hic est, hanc divisionem esse institutam, respectu formæ ultimæ, quæ in elementis est simplex, in corporibus elementaribus est mixta, & quasi conflata, ex quatuor elementorum formis, unde & forma mixta dicitur, & sic divisio est optima, sc. generis in species; quia licet elementa sint materia corporum elementarium, cum tamen alia forma sit elementorum, alia corporum elementarium, ratione istius formæ optime dispescuntur corpora naturalia, in elementa, & elementaria.

2. Ea sunt, vel meteora, vel corpora mixta: hæc vulgo mixta perfectæ, illa imperfectæ mixta dicuntur, quod in illis omnia Elementa, in his non omnia coëant, aut sæpe una aliqua Elementi forma supersit cæteris pereuntibus.

Meteora dicuntur à voce Græcâ $\mu\epsilon\tau\epsilon\alpha$ & $\alpha\iota\tau\epsilon\mu$, quia sursum tolluntur: hæc non differunt specie ab Elementis, uti quidem ab his differunt perfectæ mixta. vide thesin 12. hujus capituli.

Ad Commentarium.

QUæcunque non differunt formis, ea non differunt specie: sed meteora & elementa non differunt formis, E. &c. probatur minor, forma prædominans aliis formis, & forma nude spectata, non differunt, meteora constant forma prædominante, elementa eadem forma nude spectata, E. non differunt formis; contra se res habet in mixtis perfecte, in

quibus datur forma mixti, specie distincta à formis simplicis elementi: at meteora aquea habent eandem formam quæ est aquæ, ignea quæ est ignis, tantummodo formæ ignis & aquæ, ex concursu formarum, aliorum elementorum, alio modo efficiuntur, quam in igne, aut aqua, nude spectatis, atque hoc uberime probatum est comment. theos 12.

3. Materia Meteororum, vel proxima est, vel remota.

Materia proxima est, inter quam & ipsum meteorum nulla intercedit materia media: remota est, inter quam & meteorum ipsum intercedit alia materia media.

4. Proxima est, vapor vel fumus; communi nomine, exhalatio vel halitus.

Vapor & fumus in communi sermone quidem confunduntur, sed hic tamen distinguuntur.

5. Remota est aqua, vel terra.

Nec aer nec ignis sunt materia meteororum, neque ex iis ullum constat meteorum, propter naturam eorum nimis subtilem; exhalationes enim ex crassioribus, qualia sunt aqua & terra, exhalant elementis.

6. Ad aquam & terram etiam referri debent mixta illa, quæ, quia ex iis habent ortum, apta sunt halitum emittere, ut lac, vinum, sanguis, &c.

Hinc causa petitur, cur dicatur interdum lacte, vino, sanguine pluere, nimirum quia Sol calore suo primum attrahit, atque sursum eleuat, crassiores lactis, vini, aut sanguinis partes, quæ postea resolute iterum decidunt; sunt autem liquida adhuc magis idonea ad exhalationes faciendas, quam solida; humida, quam sicca.

7. Fumus

7. Fumus elicitur ex terra & rebus terrestribus, ideoque ficcus est.

Ratio est quia terra sicca est, & in rebus terrestribus siccitas præ aliis qualitatibus prædominatur.

8. Vapor elicitur ex aqua & rebus aqueis, adeoque humidus est.

Ratio est, quia aqua humida est, et in rebus aqueis prædominatur humiditas.

9. Sæpe fumus miscetur vaporis, & vapor fumo.

Imo, quia Elementa sunt impura, semper fumo aliquid vaporis admiscetur, et vaporis aliquid fumi.

10. Communi definitione sub nomine exhalationis definiri potest, substantia levis, quæ ex corporibus gravibus virtute caloris rarefacientis resolvitur.

Quod exhalatio omnis sit substantia levis, id ex motu sursum deprehendi potest; quod ex corporibus gravibus accipitur, inde liquet, quia ex terra petitur et aqua; quod resolutio utriusque Elementi, fiat per rarefactionem partium a calore, inde patet, quod omnis calor rarefacit, sicut frigus condensat.

11. Itaque vapor nihil aliud est quam aqua, & fumus quam terra, sed rarefactæ.

12. Atque utriusque forma substantialis est eadem quæ Elementi, ex quo oritur.

Quæ differunt sola raritate et densitate, non habent diversas formas substantiales, quando scilicet raritas et densitas de eodem dicuntur subiecto; ideoque quemadmodum stella non distinguitur specie à cælo, quia est densior pars cæli, et ipsum cælum, in quo sunt stellæ, est materia rarior stellis; sic et hic aqua spectata in se, quo respectu est densa, non distinguitur specie, nec forma substantiali à seipsa, ut est per calorem rarefacta, et tum vocatur vapor; nec terra in se spectata,

speclata, ut densa, distinguitur à seipsa, speclata ut per calorem rarefacta, & tum vocatur fumus.

13. Forma autem accidentalis est, impressio quædam variorum accidentium.

Forma accidentalis interdum dicitur de uno accidente, interdum de accidentium multorum concursu, ut hic ista vera accidentia rationa sunt, variaz partium figura, varia magnitudo, varius situs, varius motus, &c.

14. Itaque meteora non sunt unum per se, nec substantiæ meræ, sed unum per accidens, & substantiæ accidentalibus formis vestitæ, ut res artificiales.

*Unum per se dicitur, aut quod est essentia simplicis, ut res im-
" materiales; aut quod ex pluribus quidem conflatum partibus,
" sed in naturam unam per unionem coalescentibus, sic ut totum
" & partes inter se sint ejusdem naturæ; sic homo est unum per
" se: meteora neutro modo sunt una; non priori, quia sunt sub-
" stantiæ materiales, non posteriori, quia totum meteorum est
" substantia, & partes ejus sunt, partim substantia, partim acci-
" dens: nec unio est substantialis, sed accidentalis, quomodo in
" horologio simul cum ferro & rotis concurrunt varius motus,
" frus, partes, & figurae ferri ac rotarum.*

15. Causa efficiens Meteororum est calor, vel astrorum, præsertim Solis, vel ignis subterranei, vel innatus.

Calor astrorum vel Solis dicitur, non quem in se habent, sed quem notu suo produciunt, nullum enim in se possident.

Calor innatus dicitur calor Elementaris.

QUæ à thesi 3. habentur usque ad 16. exclusivè, ea materiam, formam, & causam efficientem meteororum explicant, neque in iis multum est difficultatis, hoc solum observandum est ad thes. 14. quod uti se res habet in meteoris, ita fortassis (si liceret dicere quod

res est) rem se habere in omnibus corporibus naturalibus, ut eorum nulla (excepto homine) sint unum per se, nec componentur ex duabus substantiis; sed singula sint una substantia, vestita tantum, imbuta & induta variis formis accidentalibus, ut neq; hic detur unio ma-

terix & formæ, tanquam duarum substantiarum, sed unius ac solius materix, tanquam substantix, & variorum accidentium; si enim pluvia nihil aliud sit quam substantia aquæ, in alrum sublata, & ibi resoluta, ac tamen distinguatur specie à ne-

bula, quæ quoque nihil est aliud quam pluvix substantia, sed coacta & condensata, quidni quoque tali modo, per solam materiam & concursum variorum accidentium, distinguantur plantæ, & inter se, & ab aliis corporibus naturalibus.

16. Meteora vulgo dividuntur in vera & apparentia.

Est hæc divisio non generis in species, sed ambigua vocum significata.

17. Sed apparentia non nisi æquivoce sunt meteora, ut homo pictus est homo, apparens est Iris.

Æquivoca enim sunt, seu homonyma, quando vox una quidem communis est pluribus, definitio non item, ut in exemplo opposito videre est, neque enim definitio hominis convenit homini picto. Vocantur apparentia meteora, quia non sunt uti apparent esse, uti Iris que non est revera tanta varietas colorum in nubibus, ut apparet, sed deceptio tantum visus, ex quo quod lux Solis per radios incidens in varios angulos à nubibus reflexa repercutiatur, & ex varia ista lucis incidentia ac repercussione putat visus se videre tam varios colores.

Divisio meteororum thes. 16. proposita, est similis divisioni hominis, in vivum & pictum, quæ est divisio, quoad nomen tantum; quod autem varii calores apparere possint, qui tantum sunt ex varia lucis incidentia in varios angulos, uti fit in Iride, probari po-

test exemplo vitri istius triangularis, quod oculis admotum, & variis modis motum, varieque ratione recipiens lumen solis in variis sui angulis & incidentiis, pulcherrimos facit in se apparere colores non minus atque in Iride.

18. Vera ex fumo fiunt, vel ex vapore.

19. Quæ ex fumo fiunt, vel ex pingui fiunt, vel ex arido.

Fumus pinguis dicitur, alius oleaginosus, quia multum habet admodum

admixtum olei, quemadmodum fumus, qui oritur ex cespitibus valde bituminosis, aut ex lignis in quibus est multum terebinthi: fumus contra aridus dicitur, qui vixim olei habet admixtum, qualis est qui nascitur ex lignis siccissimis.

20. Quæ ex pingui fumo generantur, dicuntur ignea, quæ ex arido, ærea, quæ ex vapore aquea.

Non dicuntur meteora ignea, quasi ex igne tanquam ex materia constent, nec ærea, quasi eorum materia sit aer, hoc enim falsum est; sed cum materia utriusque sit terra, quia illorum materia est terra pinguis, quæ ob pinguedinem facile flammam concipit, ideo hæc dicuntur ignea, & quia aliorum materia est terra aridior, quæ non ita facile flammam concipit, illa dicuntur ærea.

Hisce thesibus instituitur divisio meteororum veri, in igneum, æreum, & aqueum desumpta à materia; & meteora ignea explicantur à thesi 21. ad 35. exclusive: ærea à thesi 35.

usque ad 39. exclusive: aquea à thesi 39. ad finem usque; in quibus omnibus, quia nihil est obscuritatis, ulteriori explanatione superfedemus.

21. Meteora ignea, pro triplici aeris regione, distingui possunt.

De triplici aeris regione, vide Caput 5. thesi 29 30. 31.

22. In infima aeris regione sunt, ignis fatuus, Castor, Pollux, Helena, ignis lambens.

23. Ignis fatuus, aliis erraticus, qui & errat & errare facit, & ambulo, habet pro materia fumum pinguem & viscosum, ejusque forma est saltus admodum hominis fatui: in locis paludosis potissimum hæret.

Belge vocant een Stal-keers, qui Dwaelt-licht, quia lucet instar candelæ, & facit errare cum de via, qui talem ignem sequitur; inde dicitur vulgo homines abducere in fossas & in loca devia.

24. Castor, Pollux, Helena, ab igne fatuo
1 2 distingu-

distinguuntur, quod hic terræ, isti mari impendeant.

Hæc nomina desumpta sunt ex Gentilismo in quo Castor, Pollux, & Helena, aut navium erant tutelares aut insignia; ac quamvis hæc meteora in mari conspiciantur, sunt ex halibus terrestribus & aridis ad mare delatis.

25. Ignis lambens, est exhalatio tenuis, ex spiritibus animalium concinnata, ac circa crines eorum relucens.

Ignis lambens in iugis equorum vel equarum conspici solet, videturque idem fuisse, qui à Virgilio narratur conspectus in capite Ascanii.

26. In media aëris regione sunt, Draco volans, stella cadens, fulmen ac fulgur, tonitru, procella.

27. Draco volans, pinguis est exhalatio & copiosa, quæ deorsum oblique cadit è nubibus, & refert draconem volantem.

28. Stella cadens, è nubibus veluti nucleus à digitis compressis excernitur, & generatur ut Draco.

Hæc duo nomina, ob similitudinem draconis & stellæ, quam referunt, sic dicuntur: neque enim stella ulla in nubibus est, sed in cælo; neque unquam ex nubibus decedit in terram, ut vulgus stulte credit.

29. Fulmen, est exhalatio multa, & subtilis in nube accensa, & deorsum ad terram usque vi erumpens.

30. Si in terram non perveniat, dicitur fulgur.

Fulmen & fulgur in eo differunt, quod fulmen pro comite habeat tonitru, & causa sit combustionis rerum in terra, fulgur vero non habet

habeat adiunctum tonitru, neque ad terram usque descendat: Belgæ fulgur vocant, Weerlicht, & fulmen, Blixem.

31. Tonitru nascitur ex istu illo, quo exhalatio in fulmine aërem & nubem frangit.

Quamvis tonitru natura prius sit fulmine, nam quia nubes frangitur, hinc lux illa fulminis nascitur. prius tamen videtur fulmen quam auditur tonitru, quia species visibiles citius deferuntur ad oculum, quam audibiles ad aurem, sunt enim hæc crassiores, at istæ sunt subtiliores; sic primum videmus flammam pulveris pyris sive tormentarii ex Bombarda erumpentem, quam audimus sonum.

32. Procella easdem habet causas quas fulmen.

Procella hic non significat speciem venti, vulgo een Buy, sed motum fulminis aut tonitru, varium & quaquaversum delatum, atque corpora obiecta perfrangens.

33. Meteora ignea supremæ regionis describi debent figura & motu, quia hæc est causa ipsorum formalis.

Figura & motus in meteoris igneis supremæ regionis sunt quidem potissima causa formalis eorum, sed non unica aut sola; nam situs & quantitas ad formam eorum accidentalem quoque pertinent.

34. Suntque, capra saltans, trabs, Pyramis, stipulæ ardentes, Clypeus videns, fax, stellæ discurrentes, dolia & cometæ Elementares: de quibus videantur meteorologi.

Hæc omnia nomina sunt desumpta à similitudine earum rerum, quas meteora ista vel referunt vel exprimunt.

35. Meteorum aëreum est ventus,

Non quasi aer sit materia venti, sicut Stoici dicebant, ventum esse aerem motum, sed sic vocatur, quia materia venti est exhalatio arida, ex terra profecta, quæ proxima ad aerem accedit, vide thesin 20. huius Capituli.

Ergo venti materia sumus, non vapor, exhalatio terrestri, non aquea.

37. Forma ventorum est motus transversus per terram.

Quia venti terras perflant quaquaversum.

38. Vento pro Meteoro aereo vulgò additur terræ motus.

Terræ motus non potest dici meteorum, quia non igitur in sublimi, sed in ipsa terra, loco infimo, additur tamen meteoris & quidem vento, quia easdem habet causas.

39. Meteora aquea sunt nubes & ros.

40. Nubes, est vapor crassus, vi Solis ad mediam regionem aeris evectus, ibique loci frigore condensatus, & partim insito calore, quo est evectus, partim aeris motu, suspensus.

Dicitur media regionis locus in aere, frigidus, quia est minus calidus, quam suprema aut infima regio; nam alioquin omnis aer est calidus: in eo est videre admirabilem Dei sapientiam, quod nubes, cum sint corpora tam gravia, nihilominus suspense teneantur in alto in ipso aere.

41. Ex nube, vel resoluta, vel coacta, fit pluvia, nebula, grando, nix.

Nubes resoluta est pluvia; coacta, nebula, grando, vel nix.

42. Ros est vapor subtilis, qui à debili occidentis Solis calore in aerem evocatus, à temperata & serenæ noctis frigore, in exiguas guttas condensatur.

43. Hæ guttæ, cum ab auroræ frigore congelantur, dicuntur pruina.

Ros & pruina fere differunt, ut aqua & glacies.

Explicatio

Explicatio sententiae Triumvitorum.

A D

C A P. VII.

DE Meteoris integrum tractatum inter Philosophiarum specimina nobis reliquit *Cartesius*, in quo de singulis in specie philosophatur; eum abbreviatum in fundamentis exhibet *Regius*: *Berigardus* integrum circulum iis explicandis dedit conscripto dialogo inter *Aristum*, & *Charilaum*, super libris meteororum *Aristotelis*; nos illorum sententiam primum in genere explicabimus de Meteoris, tum paulo specialius ad ea explicanda descendemus; nempe ut omnium corporum naturalium natura efformata est & facta ex vario motu, quiete, magnitudine, figura, situ, distantia particularum, tum sensilium, tum insensilium, ita quoque sese res habet in Meteoris, quæ ex illorum Autorum sententia pariter constant ex materia, variisque ejus accidentibus statim recensitis; atque hæc particule in Meteoris non usque adeo firmiter inter se sunt connexæ quin facillime dissolvantur: unde meteora sunt corpora fluxa, oriuntur autem omnia ex exhalationibus. hisque non unius generis, sed aqueis potissimum, ac terrestribus quoque, quæ licet corpora sint gravia, tamen contra naturam feruntur in altum, vi solis attractæ, atque ad aerem eleventur fere, uti interdum vi ali-

cujus procellæ, aut per celerissimam ambulationem, aut per vehementem percussionem, aereæ sursum tolluntur, & per aerem, violento motu, ultro citroque moventur, atque talis est generatio ipsorum ventorū, qui nihil aliud sunt, quam exhalationes, ex terra evaporantes, & aerem vehementissime agitantes; exhalationes aquæ sunt causa nubium, nebule, pluvix, nivis, grandinis, roris; pruina ac nubes in suo motu verè sequuntur ductum ventorum; dantur quoque meteora quædam ignea, quæ oriuntur ex fumo, pingui sape, & oleaginoso, interdum tamen aridiori & puriori; meteora ignea, quæ oriuntur ex fumo puriori, & aridiori, sunt *Draco volans*, stella cadens, ignis fatuus, & splendor ille nocturnus, qui sæpe de noctu videtur, tanquam fumus rarissimus, in summo aere accensus; quæ meteora ignea gignuntur ex fumo pinguiori, & magis oleaginoso, sunt, fulmen, tonitru, fulgur; different fulmen & fulgur, quod fulmen semper habeat adjunctum tonitru, fulgur non item; his meteoris affinia sunt alia quæ in nubibus existunt, & oriuntur, ex varia earum illustratione, à sole facta, vel Luna, ut *Parheliū*, i. e. circuli quidam circa Solem, aut potius imagi-

nes Solis expressæ in opposita nube, per & propter radiorum solarium, vel refractionem, vel reflexionem, & Halonæ, qui propriè sunt circuli diversi coloris, circa Solem vel Lunam similiter geniti, per refractionem radiorum alterius luminaris; his accedit Iris, meteorum apparens, ortum ex radiis solaribus in nubem rosicidam incidentibus, & vario modo re-

flexis, aut refractis, unde etiam ex diversa incidentia radiorum solarium in diversas partes, & angulos rosicidæ nubis, tam varii oriuntur colores, quales in Iride conspiciuntur: sed de singulis hisce Meteoris satis fuse egerunt *Cartesius* in speciminibus suis: *Regius* in *Physicis*; & *Berigardus* in circulo Pisano, atque ante illos *Fromundus* in *Meteorologicis*.



CAPVT. VIII.

DE

MIXTIONE, & TEMPERAMENTO.

THESIS I.

COrpus propriè ac perfecte mixtum, quod mixtum dicitur simpliciter, est, quod ex Elementorum mixtione oritur.

Corpus perfecte mixtum, dicitur mixtum simpliciter, absque additamento vocis perfecte per synecdochen generis: & quia divisio corporum mixti est divisio Analogi in sua Analogata, id est, quia mixtum uni speciei magis, alteri minus, magis, perfecte mixto, minus imperfecte mixto, competit.

HOc Caput in duas sese dirimit partes, ex ipso titulo, quarum una est de mixtione à thesi 1. ad thes. 28. exclusive; altera de temperamento à th. 28. ad finem usque. De mixtione duo traduntur, primo, mixti oritur, ac generatio, à th. 2. ad th. 19. exclusive, secundo mixti interitus & corruptio, à th. 19. ad 26. exclusi-

ve. Th. 1. præmittitur, quid sit corpus mixtum, cum enim meteoora quoque sint corpora mixta, atque de iis jam sit actum; alio sensu hic jam veniunt corpora mixta quam quo sic vocata sunt meteoora, nempe, meteoora dicuntur imperfecte mixta quia non omnia elementa ad eorum mixtionem concurrunt; hæc quæ sequuntur dicuntur perfecte

perfecte mixta quia omnia & singula elementa, eorum mixtionē ingrediuntur, mixtumque constituunt; nunc perfecte mixti ortum, ac generationem expendamus. Mixti ortus & generatio, *Aristotelē* distinguuntur ac diverso definiuntur modo. qd liquet ex th. 2. et 5. sed nulla solida ratione; in re ipsa idem sunt.

2. Ortus mixtorum vocatur mixtio, estque miscibilium alteratorum unio.

"Maxima hæc difficultas est in voce, *alteratorum*, nam quando-
 "quidem mixtio est productio substantiæ novæ ex elementis, sub-
 "stantiis quoque elementorum inter se mixtis, & alteratio sit
 "motus ad qualitatem, quaeritur quo modo mixtio definiri possit
 "unio miscibilium Elementorum alteratorum? an igitur Ele-
 "menta in mixione tantum mutantur quoad qualitates: si sic
 "mixtio non est novæ substantiæ productio: si Elementa muten-
 "tur quoad substantiam in mixione, cur tantum dicuntur altera-
 "ri? respondeo, in mixione novam substantiam produci, item Ele-
 "menta seu miscibilia mutari quoad substantiā, sed quia Elemen-
 "ta mutari nequeunt quoad substantiam nisi prius alterentur
 "quoad qualitates, & quia alteratio Elementorum in sensus in-
 "currit, mutatio eorum non item quæ quoad substantiam fit, hæc
 "est ratio, cur in definitione mixtionis potius fiat mentio altera-
 "tionis, id est mutationis Elementorum quoad qualitates, quam
 "corruptionis. hoc est, mutationis quoad substantiam: unio di-
 "citur potius quam unio, quia mixtio est actio quæ melius expri-
 "mitur per unionem quam per unionem; quia hæc est modus
 "potius ex unione resultans, & terminus ad quem.

Quamvis *Aristotelici* multis modis soleant excu-
 sare hanc definitionem, quod dicatur mixtio *miscibilium alte-
 ratorum unio*, quia in mixione non fit alteratio, quæ tendit ad
 qualitatem sed generatio, quæ
 tendit ad substantiam, tamen
 nulla verisimili ratione *Aristo-
 telis* definitio defendi potest.
 Quid enim an tantum mutan-
 tur qualitates, quando ex igne,
 aere, aqua, terra, fit mixtum?
 potestne ex non substantia, ut
 sunt qualitates alteratæ, oriri

& generari nova substantia, uti
 est mixtum? Ergo ex non sub-
 stantia fieri potest substantia.
 Quod dicant, *Aristotelem* potius
 adhibuisse vocem *alteratorum*,
 quam *generatorum*, quia altera-
 tiones magis incurrant in sen-
 sus, quam generationes, id nau-
 ci est; nam cum generatio fiat
 ex particulis, tum insensibili-
 libus, tum sensibilibus; quo-
 modo potest restringi mixtio
 aut mixti generatio, ad solam
 unionem miscibilium altera-
 torum, quæ in sensus incur-
 runt,

runt, cum potissima mixtio fiat in partibus insensibilibus; mixta videmus, sed non causas mixtionis, neque partes mixti, & tamen causæ ac partes mixtionis sunt eadem rei mixtæ; Ergo insensibiles; consequenter miscibilia non tantum sunt alterata, sed corrupta antequam ex iis proveniat mixtum.

3. Per miscibilia altera non intelligimus res quolibet, ut quæ in pharmaco miscentur, sed Elementa.

Posunt corpora mixta aliis corporibus mixtis misceri, uti fit in compositis medicamentis; sed hic intelligitur mixtio corporum simplicium, id est, Elementorum.

4. Horum unitio non est confusio aut quædam accumulatio, sed substantialis conjunctio, qua ex quatuor diversis Elementis fit una substantia mixta.

Mixtio alia est improprie, alia proprie dicta: prior est, quando corpora multa in unum acervum accumuluntur, ut si qui siliginem tritico, & utrumque avenæ commisceat, vel etiam cum multi liquores in unum confunduntur: fit enim hæc mixtio improprie dicta, vel confusis extremitatibus miscibilium, vel in distinctis, puta, superficiebus: at posterior mixtio proprie dicta, fit cum Elementa quoad substantias simul conveniunt, & ex eorum coalitione & commixtione tertia exsurgit substantia, quam vocamus mixtum.

5. Mixti generatio definitur ab Aristotele lib. 3. Meteor. cap. 1. mutatio à qualitatibus activis proportionem cum subiecta materia naturæ convenientem habentibus.

Per qualitates activas hic intelliguntur calor & frigus, quæ sic dicuntur, non quasi tantum agant, & nihil patiantur, sed quia magis agunt quam patiuntur, sicuti ex adverso humiditas & siccitas dicuntur qualitates passive, non quia tantum patiuntur, & nihil agant; sed quia magis patiuntur quam agunt; ut hic denominatio fiat à potiori.

Quamvis diverso modo ipsa tamen idem sent, quia definiuntur mixti ortus veritas definitionum non infert diversitatem rerum; nam diversæ

diversæ definitiones sæpe fundantur in diversis respectibus ejusdem rei uti aliter definitur homo, qua pater, qua consul, qua maritus, qua dominus, non tamen sunt diversæ res aut substantiæ, sed idem homo, pater, consul, maritus, dominus.

6. Per materiam subjctam, intelliguntur qualitates passivæ in concreto, humidum & siccum : per naturam, forma mixti generandi.

Dicuntur qualitates sumi in concreto, quando seipsas significant, & simul subjctum suum : quamvis natura tam dicatur de materia quam de forma, hic tamen peculiariter de forma debet intelligi, & quidem de forma mixti, quia omnis forma nobiliori modo natura est.

7. Mixtio & mixti generatio reipsa idem sunt, ratione vero differunt, ideoque & definitione.

Ratione, scilicet ratiocinata, qua habet fundamentum in re : ex hac thesi liquet, non statim re ipsa deferre, qua differunt definitione, neut hoc argumentum non vacet ; qua habent diversas definitiones, habent diversas essentias nam diversitas definitionum sæpe fundatur in diversis tantum respectibus, qui diversitatem rerum non inferunt ; quemadmodum id liquet in actione & passione, qua diversas habent definitiones, non tamen sunt res diversæ.

8. Mixtio de Elementis dicitur, generatio de substantia mixta : Elementa misceri, substantia generari dicitur.

Quemadmodum aliud est totum, aliud sunt partes, ita alia tribuuntur toti, alia partibus, totum componitur, partes componunt ; sic hic Elementa generant, mixtum generatur, & non generant Elementa mixtum, nisi prius inter se misceantur, ideoque mixtio proprie est Elementorum, sed mixti ex Elementis productio, constitutio, generatio, non nisi de toto dicitur mixto.

Ut sese habent medicamenta simplicia, qua à Pharmacopola miscentur, ad medicamentum compositum quod ex illis generatur, ita sese habent Elementa qua miscentur ad omne mixtum, quod ex illis generatur : sed medicamentorum simplicium est misceri, & medicamentum compositum dicitur generari ; ergo & Elementa recte dicuntur misceri & mixtum generari.

9. Ad mixtionem tria requiruntur. Primo,
ut

ut Elementa in unum locum coeant. Secundo, ut in minimas particulas dividantur. Terio ut mutua actione & passione sese invicem debilitent.

“Locus mixtionis est aqua & terra, tum in superficie sua tum in partibus interioribus; sed hic gravissima oritur difficultas, quomodo ignis & aer, cum sint elementa levia ad superficiem terræ vel aquæ descendere possint, cum iste motus eorū sit futurus contra naturam, atque adeo violentus; at vero nullum violentum est perpetuum; respondeo omnino corpora levia contra naturam ferri deorsum, respectu causæ efficientis internæ, quæ est forma & sic omnino motus ignis & aeris, cum ad mixtionem in terra faciendam descendunt, est violentus, sed respectu finis, qui est salus universi quod sine mixtione & mixtis consistere nequit, motus ille non est violentus, unumquodque enim elementum studet servare universum, ejusque salutem procurare; sic videmus gravia quoque ascendere, & levia descendere, cum impediendum est vacuum, quod cum natura universi pugnat.

“*Minimas*, id est, valde parvas, nam partes minimæ hoc sensu, ut non dentur minores, nullæ sunt, nam non datur minimū. Physicum & corpus naturale quia continuū est, dividi potest in partes minores & usque minores in infinitum, si fuerunt proportionales. “*Debilitent*, nam si non se invicem Elementa debilitarent, sed si integra manerent, mixtū non foret unum per se sed esset unum per aggregationem, ut acervus lapidum quod absurdum est.

“Elementa debent in unum locum coire, quia ita debent sibi invicem approximari, ut inter se commisceri valeant.

“Et sic ille motus deorsum ignis & aeris non est violentus, nec etiam naturalis, sed præter naturam: at motus violentus est contra naturam, & naturalis secundum naturam.

GRavis questio est apud Physicos, an dentur minima naturæ, i. e. an dentur partes Physicæ corporum naturalium tam parvæ, & minutæ, ut non possint dari minores; si quis sequatur sententiam Aristotelis asseret corpus naturale dividi posse in partes minores & usque minores atque adeo in infinitum intelligendo partes proportionales, & non æquales. Alii philosophi qui se-

quantur *Democritum* & *Epicurum*, dari atomos seu particulas minimas naturæ ac naturalium corporum, quas nullo mortalium dividere valeat, quæ tamen concipi possunt ut ulterius divisibiles in partes proportionales, usque & usque minores: verum enim vero ego istam corporis naturalis divisionem in partes divisibiles in infinitum usque & usque non agnosco nec accipio; ideoque cum *Sem-*
nerto,

mento & Sperlingio minima natura parvas ac minutas quæ à nobis
tunc non intelligo, partes tam dividi nequeunt,

10. In hac Elementorum pugna formæ eorum
substantiales non pereunt.

11. Si enim perirent ac penitus abolerentur,
quomodo possent uniri?

*Non possunt uniri quæ non sunt; atqui, si formæ Elementorum
interirent, non essent; ergo, neque unirentur, neque uniri possent;
& sic mixtio male definiretur unio.*

12. Sed nec manent integræ.

13. Nam sic corpus mixtum non foret unum
per se.

*Ubi enim plura corpora concurrunt integræ, totum ex iis compo-
situm est unum per aggregationem, sive ordinem inter se habeant, ut
mixtum, sive non habeant, ut acervus lapidum.*

14. Verum castigantur, refringuntur, ac re-
mittuntur.

*Id est, formæ Elementorum in mixtione aliqua sui parte immi-
nuntur, & aliquid quasi de essentia sua perdunt.*

15. Non tamen remittuntur eo modo, quo
qualitates:

16. Quia hæ remissæ non mutant speciem, illæ
quam maximè.

*Formæ dicuntur remitti, non quod entitas earum aboleatur, sed
quia perit earum formalitas, id est, non amplius exercent munus
formæ Elementorum, neque constituunt amplius Elementa, sed faci-
unt novam speciem, quam vocamus corpus mixtum, in quo differunt
à qualitatibus, quæ remittuntur, sic, ut manent ejusdem speciei, et
sic verum est, quod substantia recipit magis & minus, cum varia-
tione speciei, qualitas recipit magis & minus, sine variatione
speciei.*

17. Atque

17. Atque ut formæ ita & qualitates Elementorum non abolentur sed castigantur.

Quia qualitates elementorum emanant à formis, ideo, si hæc refringuntur, & refringi debent istæ, quamvis diversa sit refractionis ratio.

18. Et quia sic castigatæ Ambæ manent in mixto dicuntur Elementa manere in mixto virtute vel virtualiter.

Ambæ, id est, & formæ & qualitates Elementorum.

Dicuntur Elementa manere in mixto virtualiter, quia & formæ Elementorum & eorum qualitates, quamvis sunt immutæ, & nonnihil castigate, virtutes suas calefaciendi, frigefaciendi, humectandi, exsiccandi, in mixto exerunt atque exercent.

A Thesi 10. ad Thesin 19. exclusive agitur de Questione agitatissima apud Aristotelem, Græcos, Arabes, & Latinos ejus interpretes: *utrum forma elementorum in productione ac constitutione mixti maneat integra, an refractæ, an pereant?* quod non pereant, ex eo constat quia nihil in nihilū abit naturaliter. Ergo vel manent integræ, vel refringuntur: manere integras asserit Avicenna, Arabes; refringi asserit Averroës itidem Arabes, quem sequuntur Latini atque recentiores, Zabarella, quam sententiam hic amplexi sumus & exposuimus; sed enim una difficultas superest; quomodo refractionis. i. e. remissio & intentio formarum substantialium admitti potest; siquidem substantia non recipit magis & minus; novi equidem distinctionem Zabarellæ & aliorum, distinguendum inter rece-

ptionem magis aut minus, cum mutatione speciei, aut sine ea; sed & hoc novi, illam distinctionem esse tantum excogitaram ad patrocinium malæ causæ: nam aut elementa sunt nuda materia corporis mixti, aut simul constituent ejus formam; si sint nuda materia corporis mixti non potest dici formas elementorum refringi, remitti, suscipere minus; si elementa ingredientur mixtum, illudque constituunt, etiam quoad formas, ut forma mixti componatur ex quatuor formis elementorum, sequitur mixtum non fore unum per se, quia forma mixti non est una per se, sed est una per aggregationem, (nam unum per se dicitur in rebus compositis, cum una pars componens se habet ad alteram, ut potentiam ad actum, uti se habet corpus hominis ad animam rationalem; sed forma u-

nus elementi, non se habet ad elementorum se habent ad formam alterius elementi in mixto, ut potentia ad actum, imo ne quidem omnes formæ elementorum se habent ad formam mixti ut potentia ad actum) sed posterius est absurdum. Ergo & prius.

19. Mixti *ortum* ac generationem sequitur ejus *interitus*: mixtioni resolutio, & generationi corruptio opponitur:

Ratio est quia contrariorum eadem est scientia: interitus aliis Physicis vocatur corruptio.

à Thesi 19. usque ad Thesin 26. exclusive.

Agitur hic de mixti interitu & corruptione, ac primo docetur th. 20. quisnam sit interitus naturalis, thes. 21. quænam ejus sint species usque ad thes. 26. Quo sensu corruptio dicatur naturalis abunde explicatur comment. thes. 20. & totum negotium distinctione una perficitur; nempe, corruptio & interitus naturalis, est, quoad individua, sed non quoad speciem: hoc enim naturale est, ut quod semel genitum est, & vitam accepit, iterum corrumpatur & eam perdat; ita omnia individua corporum naturalium ortui & interitui sunt obnoxia, attamen nunquam interit, nec corrumpitur, nec aboletur, ulla species corporis naturalis; & hoc est quod vulgo dicunt, *æternari specie naturalia corpora; sed mutari in singulas horas, atque in singula momenta quoad individua.*

20. Interitus est vel naturalis. 1. quoad individua, non quoad species. 2. ex lege naturæ universalis non particularis. 3. ratione materiæ propter potentiam ad esse & non esse formæ. 4. ratione formæ, propter pugnam qualitatum quæ ab ea emanant; vel interitus est contra naturam,

"Quæstio gravissima est, quomodo corruptio sit naturalis, quandoquidem nullum corpus naturale tendit in sui corruptionem: respondeo: corruptio dicitur naturalis, prout naturale opponitur artificiali vel supernaturali; corruptio naturalis est, & respectu materiæ, quæ & subjectum & principium est corruptionis, & respectu formæ, quæ est terminus corruptionis, forma

“forma enim est, quæ corrumpitur: corruptio autem ipsa non fit
 “à principio externo, quale est ars. nec adeo actione supernaturali
 “sed à materia & forma unitis dissolubiliter; unio vero materiæ
 “& formæ dissolvi potest in mixtis, quia qualitates in eo contra-
 “rix, se oppugnant ac debilitant, & licet corruptio non videatur
 “naturalis, respectu corporum singularium in individuo, est ta-
 “men naturalis, respectu naturæ in genere, in qua nulla dari pos-
 “set generatio naturalis nisi & corruptio naturalis daretur; nam
 “generatio & corruptio naturaliter se invicem consequuntur.

“Materia est principium corruptionis, quia habet se indiffe-
 “renter ad qualibet formas, ita ut quæ materia nunc est sub hac
 “forma, verbi causa, corpus sub forma viventis, alio tempore pos-
 “sit esse sub forma non viventis, & quidem naturaliter, quando
 “scilicet vivens moritur: atqui materia est natura; ergo corrup-
 “tio mixti, propter materiam, respectu ejus bene dicitur natura-
 “lis: forma quoque est principium corruptionis quando ea à
 “materia dissolvi potest, quod fit cum qualitatibus pugnantibus
 “est origo: forma vero est natura; ergo corruptio mixti respectu
 “formæ quoque dicitur naturalis.

21. *Naturalis est putrefactio: contra naturam combustio, cui vulgo additur petrificatio.*

Putrefactio dicitur corruptio naturalis, quia ipsa materia rei putrefaciendæ disposita est ex natura sua ad corruptionem totius: est enim in materia potentia naturalis ad esse, vel non esse, sub hac vel alia forma; quæ potentia est radix corruptionis naturalis: quod videre est in pomo, aut ligno, quod putrefit.

Ad Commentarium.

SI quis simpliciter dicat materiam esse radicem corruptionis naturalis, et potentiam contradictionis ad esse vel non esse, sub hac vel illa forma, is simpliciter falsum dicit; nam quid respondemus de corporibus glorificatis post hanc vitam, in quibus est materia, quæ tamen non est radix corruptionis, quia illa corpora erunt incorruptibilia: nec sunt in potentia ad esse & non esse sub hac aut illa forma, sed sunt indissolubiliter sub illa forma, quam talis materia aut talia corpora habent, sic ut aliam formam habere nequeant.

22. *Putrefactio dicitur interitus mixti naturalis quia universalis naturæ lege constitutum est, ut mixtum putredine intereat.*

Univer-

Universalis naturæ lex est, quam Deus naturæ autor fixit universo, qua cautum est, ut, quæcunque sunt orta, vicissim intereant; itaque respectu universi tam naturalis est corruptio quam generatio, licet, respectu huius vel illius individui, quod studet esse suum conservare, quam diu potest, corruptio videatur esse contra naturam.

Natura est vel universalis, id est, totius universi, vel particularis uniuscuiusque corporis singularis in universo; hic intelligitur natura prior.

Deus, naturæ omnis autor, omnia condidit sapientissime, atque in signum sapientie, leges quasdam indidit naturæ creatæ, quales sunt hæc, nihil fit ex nihilo, nihil abiit in nihilum; omne ens studet conservationi suæ quam diu potest, &c. attamen videmus corpora naturalia oriri & occidere, atque obnoxia esse isti vicissitudini, ideoque videbitur hic violari lex naturæ. Resp. Corpora naturalia spectantur vel quoad speciem, vel quoad individua; priori sensu nec oriuntur nec intereunt, sed æternantur, i. e. nullæ novæ species corporum naturalium de novo oriuntur, neque ullæ species eorundem

jam productæ abolentur; sed individua eorum & oriuntur & occidunt; student quidem suæ perpetuitati, atque æternitati, quam diu possunt, sed quia non possunt semper, iuxta legem hanc naturæ, quodcunque semel natum est oportet denasci. illam perpetuitatem & æternitatem relinquunt speciei; atque hoc sensu dicitur Deus quievisse ab omni opere suo, non quod nulla amplius produceret nova individua, nam producit quotidie novas animas rationales singulares, sed quod nunquam à creatione produxerit, aut nunquam produxerit, aut nunquam produxerit sit, novas corporum naturalium species.

23. Putrefactio, est corruptio caloris proprii ac naturalis, in unoquoque humido, à calore corporis ambientis.

Corpus ambiens est vel Sol vel aër, vel quodcunque aliud calore præditum.

Calor proprius, est calor insitus ipsis rebus naturalibus; calor ambiens, est à corpore celesti vel alio extrinsecus ad rem naturalem accedens.

24. Combustio, est totius mixti à vehementi calore in ignem & cineres mutatio.

Calore, scilicet, qui ab externo & ambiente corpore accedit.

25. *Petrificatio*, est totius mixti à vehèmenti frigore in substantiam lapideam ac terrestrem mutatio.

Petrificatio, nomen suum habet à petra, id est, lapis, & facio, quia per eam mixtum mutatur in lapidem.

26. *Affectiones*, quæ corpori mixto insunt propter mixtionem, sunt, vel *qualitates*, vel *mutationes*, quibus corpora mixta ob qualitates istas & per illas alterantur.

Qualitates, quarum hic fit mentio, sunt propria corporum mixti, uti & mutationes, non vero Elementorum.

27. *Qualitates* sunt, vel *temperamentum*, vel *qualitas ex temperamento orta*.

Temperamentum dicitur à temperando, quia significat temperatam qualitatem Elementarium mixtionem.

28. *Temperamentum* non est simplex aliqua qualitas à quatuor primis qualitatibus distincta, sed ipsæ primæ qualitates refractæ, aut potius earum conveniens mixtura & complexio.

Questio est inter Physicos, an temperamentum sit quinta quædam qualitas, diversa à quatuor qualitatibus Elementorum; respondemus non esse, sed tantum congeriem quatuor istarum qualitatum remissarum & refractarum ad certam mensuram.

Vulgo quidem sic asserunt, temperamentum non esse novam qualitatem, ac distinctam à qualitatibus elementorum; sed enim, ego non video cur non possit dici, esse temperamentum nova ac distincta qualitas, utcumque sit genita ex qualitatibus elementorum: si enim tepor sit qualitas nova & distincta à calore & frigore, ex

utroque tamen genita; si color viridis & flavus & quicumque medius color, sit qualitas nova ac distincta ab albore & nigrore; quidni etiam temperamentum dici possit qualitas nova & distincta à qualitatibus quatuor elementorum, & tamen genita ac producta ex illorum commixtione?

Dicuntur qualitates refringi, quando

quando gradibus suis immi-
nuuntur, ut si calor ut sex im-
minuatur, h. e. minor fiat ut-

que ad gradum caloris ut duo,
dicitur iste calor refrigi.

29. *Temperamentum est æquale vel inæquale.*

Hæc divisio non est generis in species, nec integri in membra, sed ambiguit vocis in suas significationes, quemadmodum homo dividitur in pictum et verum.

30. *Æquale est, in quo qualitates primæ ad æmullum sunt coæquantur, vulgo, temperamentum ad pondus.*

Vocatur temperamentum ad pondus, quia æquales gradus caloris, frigoris, humiditatis, in eo collocantur.

31. *Tale non datur.*

Ratio est, quia nunquam qualitates Elementares ad istam æqualitatem in mixto reductæ reperiuntur, propter pugnam perpetuam in qua semper aliqua earum prædominatur, et victrix est.

Si daretur temperamentum ad pondus, viventia nunquam morerentur, nec mixta interirent.

32. *Inæquale, quod dicitur temperamentum ad iustitiam, ab hoc qualitatum primarum æquilibrio recedit.*

Temperamentum ad iustitiam sic dicitur, quia sicut iustitia est, unicuique suum tribuere, ita hoc temperamentum unicuique corpori naturalis tribuit istas vires agendi, quæ pro ratione naturæ ei conveniunt.

33. *Quod si una qualitate recedat, est temperamentum simplex; si gemina & utraque, dicitur compositum.*

Hinc ortum ducunt ista quatuor temperamentorum genera, sanguineum, cholericum, phlegmaticum, melancholicum.

34. *Qualitas ex temperamento orta, vel est qualitas sensibilis seu patibilis, vel potentia naturalis.*

“Non omnis qualitas sensibilis vel patibilis oritur ex temperamento corporis mixti, nam calor est talis qualitas, item frigus, attramen neutra qualitas ex temperamento oritur, sed in ipsis reperitur Elementis: hoc tantum dicitur impræsentiarum, qualitatem ex temperamento ortam, aliquam esse sensibilem, id est, in sensus incurrentem, aliam non item.

35. Qualitas sensibilis temperamentum secunda, est vel sapor, vel odor, vel color, vel qualitas tactilis.

“Lux non recensetur, quia illa ex temperamento corporis mixti non oritur, quippe quæ sedem quoque inveniat in corporibus simplicibus, Coloris puta & Elementis quibusdam.

Qualitas tactilis intelligitur hic secunda, vide Thefin 41. non prima, qualis est calor, frigus, siccitas.

36. Sonus non sequitur mixtionem, sed motum localem & corporum collisionem.

Corporum sive mixtorum sive simplicium, utrorumque.

“Collisio corporum differt à commixtione, quod in collisione corpora collidentia singula suas habeant superficies distinctas & non cõfusas inter se; at vero in cõmixtione corpora quæ commiscantur, non habent superficies distinctas, sed inter se cõfusas.

37. Sapor est qualitas mixti corporis, orta ex absterfione ficci terrestris, per humidum aqueum a calore facta, quæ potest afficere gustum.

Mixti, itaque pura aqua si daretur non saperet: in sapore prædominatur humidum, succumbit siccum; inde omnia liquida sunt magis sœvida quam sicca; causa efficiens saporis est calor ipsius corporis sapidi:

“Quomodo sapor afficiat gustum, an per species intentionales an vero secundum esse reale, explicabitur Cap. 13.

38. Odor est qualitas mixti corporis, orta à ficci terrestris sapidi in humido aëreo vel aqueo digestionem, facta à calore, apta afficere odoratum.

Mixti, itaque purus aer aut aqua pura, si darentur, non ferrent;

"terent; sed fœtor omnis, id est, odor malus, ex mixtione ori-
tur, uti & bonus:

"In odore prædominatur siccum, & succumbit humidum;
"inde corpora siccissima maxime sunt odorifera:

"Quomodo odor afficiat odoratum, an realiter, an intention-
aliter, explicabitur Capite 13.

39. *Color non tam sequitur mixtionem pri-
marum qualitatum, quam lucidi, perspicui, &
opaci.*

Lucidum est, quod radiat, id est, quod radios luminis disper-
git, per & versus corpora alia; *perspicuum* dicitur, per quod lu-
men à corpore lucido demissum & dispersum pervadit, ac per-
meat; *opacum* est, per quod radii luminosi à corpore lucido
profecti non pervadunt. nec permeant, sed in quo sistantur ac
terminantur; exemplum corporis lucidi est Sol, stella, ignis
culinaris; exemplum corporis perspicui est aër, vitrum, chry-
stallus; exemplum corporis opaci est terra, lapis, paries, &c.

40. *Itaque, est qualitas mixti corporis, orta
ex mixtione luminis & perspicui cum opaco, vim
habens afficiendi visum.*

"Luciditas sive lumen, perspicuitas & opacitas, sunt qualita-
tes singulæ suorum corporum, ex quarum debita temperatura
oritur color, & pro varia earum mixtione color varius nascitur.

41. *Qualitates tactiles, quæ ex primarum
mixtione oriuntur, sunt varix, raritas, densitas,
asperitas, levitas, &c.*

Raritas oritur ex prædominio caloris in mixtione, supra qualitates
alias; *densitas* ex victoria frigoris, supra qualitates alias, &c.

42. *Potentia naturalis ex temperamento orta
est activa vel passiva.*

*Addi potest tertium membrum, scilicet, vel potentia partim acti-
va, partim passiva, quæ vulgo dicitur mixta.*

*Potentia activa, est principium transmutationis in alio, quatenus
aliud est, sic in igne est potentia calefaciendi aquam; potentia pas-
siva est principium mutationis ab alio, quatenus aliud est, sic in aqua*

est principium passivum, quæ mutari potest ab igne ex frigida in calidam: potentia mixta est principium mutationis in se ipso, talis est visus, nam mutat se ex non vidente in videntem, & visionem in sese retinet.

43. Ad activam pertinent Antipathia & Sympathia rerum naturalium.

"Antipathia & Sympathia vulgo dicuntur qualitates occultæ, non quia ignoratur quod sint, sed quia nescitur quid sint, nam illas esse effecta demonstrant: est vero antipathia, occulta qualitas, qua usum corpus naturale alterum fugit & fugat, id est, corrumpit ac destruit; Sympathia est occulta qualitas, qua unum corpus naturale alterum amat, ambit, amplectitur, & amice cum eo conspirat, exempla utriusque videre est elegantissima in colloquio Erasmi, de Amicitia.

Si constarent nobis vera principia rerum naturalium nullæ forent occultæ qualitates; hæ enim sunt revera ignorantiaæ asyllum; quoribus enim eundem ignoratur causa alicujus effecti, recurritur ad qualitatem occultam, v. c. quod magnes trahit ferrum, succinum paleam, causam utriusque effecti rejiciunt in qualitatem oc-

cultam; sed si bene inquiratur in naturam magnetis ac ferri, ac principia utriusque, fortasse causa non foret occulta, sed aperta; idem dicendum est de succino & palea, imò de omnibus sympathiis & antipathiis, quas invenit sola negligentia intellectus humani, in causis rerum, & effectuum rerum naturalium indagandis.

44. Mutationes mixti corporis sunt, concoctio five digestio, ejusque species, maturatio, coelivatio, affatio, &c.

De hisce mutationibus specialibus corporis mixti videatur Magistri.

Recentiorum sententia,

Ad

CAPUT VIII.

Quod spectat sententiam notandum venit, quod illi omnem mixtionem & mixti generationem explicent per partem, à thes. 1. usque ad 38. non, five concretionem partium,

tium, præsertim insensibilem, & mixti interitum ac corruptionem, per *Democritum*, seu partium discretionem: cum enim qualitates agnoscant nullas, neque alterationem agnoscant, multò minus corpora alterata, consequenter nec corporum alteratorum unionem, quæ est definitio mixtionis *Aristotelica*; atque hinc apud eos nullum habent locum, quæcunque hic discutantur de alteratione corporum miscendorum; uti nullum quoque apud eos extrat verbum de formis Elementorum, an in mixtione aboleantur, an maneant integre, an refringantur; quippe qui nullas tales formas substantiales agnoscunt, & mixtionem sine iis explicant: ita quoque parum sunt solliciti circa mixti interitum ac corruptionem, ob eandem jam dictam causam; unum tantum est thes. 9. de minimis naturæ, circa quæ quid illi sentiant, paulo plenius videtur expendendum; deinde in secunda hujus Cap. parte, eorum sententia, circa qualitates in specie, veniet consideranda. Quod spectat minima naturæ, sive atomos, quas hic cum *Semerto*, & *Sperlmio*, aliisque posui, de iis aliter philosophantur *Cartesius* & *Regius*, aliter *Berigard*. hic enim cum *Democrito* & *Epicuro* ab atomis non est alienus, imo eas accipit, iisque omnibus dat figuram sphericam, aliis tamen majorem, aliis minorem, easque probare studet ex *Arist.*

ut liquet *Circul. 1. ad lib. Arist. de ortu et interitu*. *Cartesius* & *Regius* plane à *Democrito* sententia abeunt, & statuunt, magnitudinem corporis naturalis, aut ipsum corpus naturale, dividi posse, in partes usque & usque minores, & quidem in infinitum, quod liquet in expresso Aphorismo lib. 4. principiorum *Philos. Cartes.* eam rem operose hic examinare non est hujus loci: hoc tamen dixerò, totam istam controversiâ componi posse sub aliqua distinctione; nam qui auctores non agnoscunt minima naturæ, seu atomos intelligunt indivisibilia Physicè, quo non negant ea dividi posse Mathematicè, multa enim in re dividi nequeunt, quæ ratione tamen dividi possunt; & illa magnitudinis aut corporum divisibilitas Mathematica, facta per solam rationem, cui bono, cui usui est? quin ponit illa potentiam, quæ nunquam traducitur in actum, nec traduci potest nisi cum maxima absurditate, si enim in actum traduci posset, oriretur numerus actu infinitus, quo nihil potest dici absurdus.

Thest. 22 & 23. agitur de putrefactione, quam *Berigard* explicat per solam secretionem atomorum, sive corpusculorum simplicissimorum, quæ ad mixti generationem ac conformationem antea movebantur. *Cartesius* & *Regius* putrefactionem seu putredinem explicant per immutationem corporis, in fi-

gura, situ, magnitudine, aliisque qualitatibus particularum, tum sensibilem, tum insensibilem, factam à partibus aqueis, aliisque ambienti aeri admixtis, quod experientia nos docet in omnibus rebus putredini obnoxiiis ac putrefieri solitis.

Nunc ad alteram hujus Cap. partem à thes. 28. ad finem usque transeundo, quid primo de temperamento in genere, tum de singulis qualitatibus ex temperamento ortis sentiant tres isti auctores, expendemus. Cum *Cartesius* & *Regius* qualitates nullas agnoscant, tanquam accidentia; ipsis temperamentum, nec qualitas simplex, nec qualitatum primarum mixtura, aut complexio, dici potest, sed ipsis nihil est aliud, quam particularum insensibilem, secundum variam magnitudinem, situm, figuram, motum, quietem, congressus aut confluxus, ad partes corporis sensibiles constituendas, prout unicuique corpori convenit, & ex hoc confluxu omnia tum homogenea, tum heterogenea constant, atque eorum naturam, ex istarum particularum confluentium, magnitudine, situ, figura, motu, & quiete, explicare debemus, ac cum possumus, dicuntur *Peripatetici* qualitates manifestæ, cum non possumus, occultæ, istæ particulæ confluentes. *Berigardus* temperamentum affirmat esse qualitarum proportionem, sed à

mixtione corporum sola ratione distinctam, & dubius manet sine una qualitas, an multiplex. *Circ. 26. in lib. Arist. de Ortu & Interitu.*

De qualitatibus in specie, agitur à thes. 35. usque ad finem, quæ singulæ alio modo explicantur à tribus illis auctoribus, quam quidem hic sit, quia alia sunt eorum principia, quam, quæ hic ex *Aristotele* sunt posita *Cartesio* & *Regio*, *Sonus* nihil aliud est, quam motus particularum aeris insensibilem, delatus ad organum auditus. *Berigardus* non tantum aeris, sed & aquæ & aliorum corporum motum, quo impellitur auris membrana, sonum esse existimat. *Sapor*, *Cartesio* & *Regio* nihil est aliud, quam particularum insensibilem, certa, secundum magnitudinem, situm, figuram, motum, & quietem, dispositio, apta movere nervos gustatorios in lingua, quæ uti varia est, ita inde varia existunt saporum genera. *Berigardus* saporem putat esse corpus, quod absque specierum sensibilem interventa immediate ferit linguam ac palatum; atque eodem modo philosophatur de *Odore*, quem corpus esse putat per se immediate movens nervos odoratorios. *Cartesio* & *Regio* odor est halitus quidam, seu substantia quædam tenuissima, exhalans ex rebus odoratis, qui pro varietate particularum insensibilem varius est. *Color* *Berigardo* nihil est aliud quam

quam substantia quxdam tenuissima, imò ipsum lumen variis modis emissum à corpore lucido, variisque modis motum, unde varias quoq; visiones colorum in oculo ciet. *Cartes.* & *Reg.* est luminis, secundum globulos & æthereos variè mótos, varia modificatio.

Ad Thesin 41.

UT intelligatur sententia *Cartesii* & *Regii* circa qualitates tactiles ex primis ortas, prius necesse est illorum sententiam scire circa ipsas qualitates primas, quæ hæc est, nempe calor ipsius nihil est aliud, quam varius, sed ce'errimus, atque agitatissimus particularum insensibilium motus; frigus contra, est earundem particularum motus minor ac remissior; sentitur aut tangitur utrumque ex perceptione majoris vel minoris motus: humiditas illis nihil est aliud, quam existentia particularum aquearum, aut liquidarum, sensibilem, in poris corporis alicujus stabilis ac naturalis; siccitas contra, est in corpore naturali ac stabili, quando pori ejus nullis sensibilibus particulis aqueis replentur, sed solum continent aërem, aut materiam subtilem: ex hisce primis qualitatibus oriri vulgo dicuntur secunde, ut raritas & densitas, &c. raritas vulgo dicitur oriri ex prædominio caloris, & densitas ex prædominio frigoris; neutrum tamen simpliciter verum est; nam & ra-

ritas interdum oritur ex frigore, ut in glacie, & densitas à calore, ut in condensatione nivis à calore liquefcentis; est vero raritas affectio corporis naturalis, qua inter ejus particulas insensibiles multa interponuntur spatia, ut in spongia; densitas, qua inter ejus particulas pauca interponuntur spatia, ut in marmore; & sic philosophantur ex iisdem principiis duo illi Philosophi de aliis qualitatibus secundis. *Berigardus*, qui atomos agnoscit ex iisdem quoque primarum & secundarum naturam exponit, uti videre est. *Circ.* 16. 17. & 18. in *lib. Arist. de Ortu & Interitu.*

Ad Comment. Thescos 43.

C*artesius*, & *Regius*, & *Berigardus* non agnoscunt ullas qualitates occultas, quas invexit sola socordia ac negligentia intellectus humani, qui si magis serio incubuisset indagandis causis effectorum in natura mirabiliū, nunquā confugisset ad qualitarum occultarum asylum; nam occulta vocari solet *Peripateticum* qualitas, sive sit antipathia, sive sympathia, quando effecti alicujus causæ à nobis ignorantur, quæ tamen sciri possent serio eas inquirentibus, nam, cum vel particularum, tum insensibilium, tum sensibilem, motus, magnitudo, figura, situs, &c. nihil in se contineant, quod non clarè ac facilè concipi valeat secundum *Cartesium*, & *Regium*, vel atomi

comi Berigardi sufficientes sunt. ad explicanda illa, quæ ex iis constant, certè nulla qualitas occulta est, nullum effectum ita obscurum, quin & ex alterutris

illis principiis explicari possit; ita videmus virtutem magneti- cam, habitam hætenus pro fa- cultate occulta, ex alterutris principiis explicaram.

CAPUT IX.

DE

ANIMA.

THESIS I.

HAænus de corpore inanimi est disputatum, sequitur animatum.

Corpus interdum significat totam aliquam substantiam materia & forma constantem, quo sensu substantia dividitur in materialem seu corpus, & immaterialem seu spiritum; interdum corpus signifi- cat alteram partem, puta materiam rei animatæ, oppositam anima tanquam parti alteri, sic dicitur homo constare corpore & anima; priori vero sensu, dicitur homo corpus naturale, & species corporis naturalis; & in quantum homo ut species spectatur corporis natura- lis, in tantum agitur de anima in Physicu, quia & quatenus est ho- mini, ut corporis, pars ac forma.

Hoc sensu anima non est forma omnis corporis naturalis, hoc enim si verum foret, omne corpus naturale esset animatum; etiam Calci, Elementa, lapides, quod falsum est.

Name ejusdem est disciplina, explicare partes, & explicare totum; ideoque quia Physica est agere de homine an corpore naturali, etiam de anima agendum est ei.

DUx possunt assignari par- tes hujus Capituli, una, quæ definitionem animæ pro- ponit, per partes expositam, eamque geminam; unam thes. 13. quæ, via *zueri* seu *zueri* *zueri*, colligitur ex parti- bus, à thes. 5. usq; ad thes. 12. in- clusivè; alteram th. 17. quæ viâ

zueri in partes resolvitur, & per partes exponitur, us- que ad thes. 26. exclusive. Se- cunda pars Capituli explicat à thes. 26. ad finem usque, divi- sionem animæ in vegetantem, sentientem, & rationalem: Præ- mittitur utraque parti thes. 1. transitio perfecta, & thes. 3. proba

probatio, quod anima sit; accurare verò notari debet ambiguitas in voce *corpus*, quâ sumitur, nunc ut totum, quo sensu

est obiectum Physicæ, nunc ut pars totius, sc. materia composita.

2. Corpus animatum, uno nomine vivens, est quod ex anima, tanquam forma, & corpore seu materia constat.

Vivens corpus opponitur non viventi, ac utriusque commune genus est mixtum.

3. Animam esse, ex operationibus ejus est manifestum.

Ratio est, quia dantur operationes, quæ non possunt ascribi corpori.

Nullum est efficacius argumentandi genus, quam ex actu secundo inferre actum primum, ex operationibus principium operandi, non contra: hæc consequentia valet, quod operatur, est; hæc non valet,

quod est, operatur, potest enim existere forma ut sit otiosa nec quicquam operetur; ita ajunt vulgò in materia generatarum ex puri diu latitasse animam quasi ligatam, donec aliquando in actum secundum eruperit.

4. Illa enim natura, qua corpora vigent, et à se ipsis moventur, dicitur anima.

Si vita, vigor, sensus, & id genus alia, proficiscerentur à natura corporum, iam ea competerent omnibus corporibus: sed falsum est posterius; ergo & prius.

5. Anima aut est substantia, aut accidens.

Si dicas dari tertium inter substantiam & accidens, ideoque hoc Dilemma non valere, respondeo: quamvis detur tertium, quod sit medium negationis inter hæc duo, ut nec sit substantia, nec accidens, divisio tamen hæc immediata est, & solida, quando instituitur de re reali, quale est anima; nam inter entia realia non datur medium, ne quidem negationis, inter substantiam & accidens: sed omne reale alterutrum est: ideoque & anima alterutrum est.

A Thesi 5. usque ad thesin 25. inclusive.

HAc thesi & reliquis usque ad thesin 19. inquitur in animæ genus, quod ponitur thes. 13. & exponitur th. 14. 15. 16. ut non tam definitio, quam ejus pars istic proponatur, procediturque à negatione ad affirmationem, ut primum dicatur quid non sit genus animæ, non est accidens, thes. 6. non temperamentum, thes. 7. & 8. non materia, thes. 10. non corpus, thes. 11. non compositum, thes. 12. sed est substantia, & quidem forma immaterialis &

incorporea, thes. 13. informans thes. 14. & actus primus substantialis, thes. 15. Hinc plene definitur thes. 17. ejus definitionis differentia explicatur à thes. 18. usque ad 23. exclusive, quâ definitio alia proponitur animæ ex *Aristotele*, eaque explicatur thes. 24. & 25. In harum omnium thesium commentariis nihil occurrit difficile, commentarius tamen thesicos 13. & 19. maximi est usus, & accuratè observandus uterque.

6. Non accidens, quia per accidens non possunt substantiæ animatæ ab inanimatis distingui,

Quod non constituit substantiam, non potest eam ab alia substantia distinguere: accidens non constituit substantiam; ergo &c. anima contra constituit substantiam, ideoque distinguit, ergo non est accidens.

7. Itaque anima non est temperamentum.

8. Quia sic vel foret harmonia quatuor primarum qualitatum, vel qualitas quædam ex primis resultans.

Vitamvū dixerū, animam ex numero accidentium non exemerū.

9. Si substantia sit anima, vel materia, vel forma, vel compositum erit.

Ratio est, quia substantia omnis in ista tria dividitur, id est, aliud est istorum trium.

10. Non materia, quia materia indifferens est ad corpus animatum: anima vero est animatis propria.

Quid

Quod animatis proprium est, non potest dici eorum materia, quia materia eis cum inanimatis corporibus est communis: sed anima est propria animatis corporibus; ergo non est eorum materia.

11. Multo minus corpus est, quia dimensionem daretur penetratio.

Si anima corpus esset, homo ex duobus componeretur corporibus; & quando quidem anima non est extra materiam animatam, dimensiones utriusque, id est, longitudo, latitudo, crassities, se invicem penetrarent.

12. Nec compositum est, puta Phycum, quia non totum vivens sed pars tantum viventis.

Pars unaquaque differt realiter à toto, neque potest esse eadem cum toto: anima est pars compositi viventis, ergo &c.

13. Est igitur anima substantia immaterialis, incorporea, ac forma, una voce ἐνσώματιον seu actus.

Notatur hic accurate distinctio vocis huius immaterialis, qua hic significat animam carere materia, tanquam parte essentiali ac constituyente: sed vero si hæc vox significet substantiam, qua nullo modo, nec in fieri nec in esse nec in operari dependet à materia, non omnis anima est substantia immaterialis, sed sola rationalis est talis; vegetans & sentiens, hoc sensu, non sunt tales, sunt tamen immateriales priori sensu, a que atque anima rationalis.

14. Est forma non assistens, sed informans.

Ratio est, quia anima non solum motum largitur corpori sed essentiam insuper.

Forma assistens est, qua tantum largitur motum, ut nauta, qui clavum tenet, largitur navi: informans, quæ & motum & essentiam largitur composito, ut est anima.

15. Est actus non secundus sed primus.

Actus secundus tolli potest, salva manente cuius est actus secundus, primus non item, at anima, salva re animata tolli nequit. Anima est actus primus substantialis non accidentalis, quia
sic

fic foret accidens: quemadmodum calor in igne est actus primus accidentalis, forma ignis est actus primus substantialis, calefactio est actus secundus.

16. Quia non est operatio, sed principium operationis.

17. Definitur anima, actus primus corporis organici potentia vitam habentis.

Hæc definitio ex Aristotele est, & tanquam à priori: altera ex eodem, quæ adfertur thesi 23. est à posteriori.

18. Per corpus non intelligitur materia prima, sed corpus naturale constans materia & forma; quam mixti formam vocamus.

Ratio est; quia anima non in quamlibet materiam produci potest, sed in eam quæ sibi congruit; at nulla talis est nisi quæ formam mixti in se habeat.

19. Hæc forma mixti respectu animæ est dispositio, & ea adveniente non aboletur, sed definit specificare.

Scholastici dicerent, non amittit entitatem, sed formalitatem, id est, non amplius constituit compositum in illa specie rerum tantum, in qua illud constituebat ante.

Ideoque forma mixti manet post accessum animæ, sed non manet, specifica & principalis.

20. Corpus organicum est, quod vario organorum apparatu est instructum.

Organa hic vocantur instrumenta exercendi operationes vitales & animales.

21. Per verba ista, potentia vitam habentis, intelligitur idem quod per vocem, organicum, & sunt hujus explicatio.

22. Organicum significat simpliciter, id quod habet

habet varia instrumenta; potentia vitam habens, significat illa instrumenta corpori esse concessa ad exercendas vitæ operationes.

Discrimen inter ista duo videri potest in cadavere, quod quidem est corpus organicum, quia variis organis adhuc est instructum, sed tamen non potentia vitam habet. quia non sunt cadaveri ista organa relicta, ut instrumenta functionum vitalium & animalium exercendarum, utrisque enim cadaver caret.

23. Præter hanc animæ definitionem, alia adhuc extat apud Aristotelem: scil. *Anima est id quo vivimus, sentimus, & intelligimus primo.*

Id, hoc est, substantia.

24. Additur, primo, quia duplex est id, quo vivimus, anima & corpus: sed corpore non primo vivimus.

Proprie compositum totum vivit per animam; sed quia hæc compositum vitam largiri nequit, nisi primum faciat vivere corpus cui inest, secundario per ipsum corpus vivens, id est, per corpus vitam ab anima donatum, totum compositum vivere dicitur.

25. Particula quo significat principium vitæ internum.

Internum, scilicet substantiale.

26. Ex posteriori hac animæ definitione, oritur quædam animæ divisio in vegetativam, sensitivam, & rationalem.

Hæc divisio animæ ab omnibus quidem est recepta, sed non eodem modo explicata: de qua explicatione videbimus thes. 30. estque divisio desumpta ab effectu.

A Thesi 26. usque ad finem.

Secunda hujus disputationis pars animæ divisionem proponit & exponit à thes. 26. ad finem; species ponuntur tres thes. 26. & definiuntur singulæ à posteriori seu ab effectu. thes.

thef. 27, 28, 29. eas esse distinctas specie in distinctis subiectis, quin & in eodem subiecto, efficacissimè probatur in comment. thef. 30. ex generatione & corruptione hominis, unde insertur per modum consecrarii thef. 31. non esse vegetantem et sentientem facultates seu potentias animæ rationalis, ac licet tres sint animæ, non quoad facultates aut accidentia, sed quoad substantiam aut essentiam distinctæ, eas tamen non esse coordinatas, sed subordinatas in eodem composito, V. C. homine, ostenditur comment. thef. 32. ex eo quod vegetans & sentiens sint formæ disponentes, & rationalis sit forma ultima ac principalis, ut ab anima vegetante & sentiente hominis, seu foetus humani in utero. detur transitus ad rationalem animam, qui non datur in anima vegetante plantarum aut sentiente brutorum; reliquis thesibus discrimen proponitur inter animas, vegetantem, & sentientem ab una parte, & rationalem ab altera parte, ac primum quidem discrimen proponitur thef. 33. quod vegetans & sentiens sint materiales, rationalis, immaterialis

sit, quo sensu, in comment. explicatur. Thes. 34. & seqq. ad finem explicatur diversus modus, quo vegetans & sentiens anima diffunduntur per totum corpus, nempe sic, ut coextendantur corpori, & ad diviſionem corporis dividantur; & quo modo diffundatur anima rationalis per totum corpus sine ulla sui coextensione aut divisione ad extensionem aut divisionem corporis: unde anima vegetans & sentiens sunt in corpore divisibili divisibiliter, & rationalis est in corpore divisibili indivisibiliter, unde & hæc vulgo dicitur tota in toto, & tota in quolibet parte corporis, vegetans & sentiens sunt quidè totæ in toto corpore, sed non totæ in qualibet parte corporis; quod tamen prius, cum concipiendum venit de anima rationali conceptu est difficilimum, quia in concipiendo fere relabimur semper ad conceptum totius, positive, quod partes dicit, cum concipi debeat totum negative. quod partes negat, ut anima rationalis dicatur tota in toto, & tota in singulis partibus negative, id est indivisibiliter, & non per partes sui.

27, Vegetativa est qua vivimus.

28, Sensitiva qua sentimus.

29, Rationalis qua intelligimus.

Hæ sunt descriptiones incomplete & imperfectæ, perfectior & completa uniuscuiusque anima dabitur Capite 10. 11. & 15.

30. Hæ tres animæ sunt distinctæ quoad essentiam ac substantiam.

"Quin hæ tres animæ in distinctis subiectis. scilicet, planta, bruto, homine, sunt distinctæ, nullum est dubium; sed quæstio est gravissima, an in eodem subiecto, puta homine, sint diversæ essentiæ atq; substantiæ: ita quidem videtur, nam quæ à se invicem separantur, distinctam habent essentiam & substantiam: sed in homine, & cum oritur, & cum moritur, tres animæ à se invicem separantur; ergo & essentiam habent & substantiam inter se distinctam: probatur minor, cum homo gignitur, longo tempore ante adventum animæ rationalis inveniuntur in foetu humano anima sentiens & vegetans, quod manifestum est ex utriusq; operationibus, nam foetus diu ante & crescit & nutritur, & loco se movet; ergo istæ duæ animæ vegetans & sentiens re ipsa à rationali separantur, ergo & re ipsa distinguuntur.

"Cum moritur homo, anima rationalis vel in Cælo recipitur, vel ad tartara defertur: vegetans & sentiens post mortem non manent superstites alioquin immortales forent, ut rationalis; ergo & separantur ab anima rationali, ergo & realiter ab ea distinguuntur.

31. Itaque male dicuntur facultates unius & ejusdem animæ.

"Substantia distincta ab anima rationali non potest dici ejus facultas, nam facultas est accidens scilicet potentia: sed anima rationalis, vegetans, & sentiens, est substantia distincta ab anima rationali, ergo neutra est ejus facultas.

32. Hæ tamen animæ inter se diversæ, in eodem tamen composito sibi invicem subordinantur.

"Hæ subordinatio est, non categorica, quasi una anima sit generica, altera specifica, omnes enim sunt specificæ, ac largiuntur speciem, sed diverso modo; quædam ultimam, ut anima rationalis in homine, sentiens in Bruto, vegetans in planta; quædam non ultimam, ut sentiens in foetu humano, & vegetans in foetu bruto; verum est subordinatio hæc causalis, tanquam inter causas remotas & proximas, nam ex tribus hisce formis seu animabus, una tantum est hominis causa, & forma proxima, scilicet rationalis; reliquæ duæ sunt in homine, causa & forma remota, puta sentiens & vegetans; at causa remota subordinatur proximæ.

33. Rationalis ita est diversa à duabus aliis, ut hæc in fieri, esse, & operari, dependeant à materia, illa non item.

Rationalis anima quamvis fiat in materia, non tamen ex materia scilicet corpore; quamvis sit & operetur in materia, existit tamen & operatur quoque extra materiam, quando scilicet à corpore separatur: sed vero anima vegetans & sentiens non tantum sunt in materia scilicet corpore, sed etiam ex eis non tantum existunt & operantur in materia per instrumenta ejus sed insuper extra materiam existere & operari sine ejus instrumentis nequeunt.

34. Anima nulla est in aliqua corporis parte, sed per totum corpus diffusa.

Quia enim anima omni est substantia immaterialis, facile per materiam seu corpus potest diffundi, nam omnis substantia materialis per dimensiones materia suæ impeditur quo minus per aliam materiam diffundatur; daretur enim dimensionum penetratio, quod in Philosophia est absurdum.

35. Hæc tamen diffusio non eadem est, aut ejusdem rationis in singulis animabus.

Ratio est, quia utcumque anima hæc tres sunt substantiæ quidem immateriales, id est, nullam materiam tanquam partem essentialem includentes, quia tamen duæ à materia dependent, tertia non item, in fieri, esse, & operari; ideo etiam diverso modo, per sua corpora, singulæ diffunduntur.

36. Anima vegetativa & sensitiva, ita sunt diffusæ per totum corpus, ut toti corpori coextendantur.

Hoc inde liquet, quod ad divisionem corporum in plantis & Brutis, ipsæ quoque animæ dividi possint, patet in Anguillis dissectis, & ramis arboris amputatis: in prioribus operationes animæ sentientis, motus scilicet localis deprehenduntur; in posterioribus motus animæ vegetantis: nam rami amputati, terræ iterum insiti, iterum crescent, quod argumento est, animam vegetantem in plantis, & sentientem in Bruto, sese extendere ad omnes totius corporis partes, & simul ostendit veritatem thesæos sequentis.

37. Itaque sunt totæ in toto corpore, sed non totæ in singulis partibus.

Nam si totæ forent in singulis partibus hæc duæ animæ, nihil foret opus, ut ad divisionem plantarum et Brutorum in partes et ipsæ dividerentur.

38. At anima rationalis ita diffunditur per totum corpus, ut tamen non coextendatur ei.

Dicitur forma coextendi corpori, quando partes formæ respondent partibus corporis sicuti tota forma toti corpori, et cum ipsa forma ad divisionem partium corporis, ipsa quoque in partes dividi potest: hoc modo anima vegetans & sentiens coextenduntur corpori, sed rationalis non item, quæ quidem est in toto corpore hominis omnibusque ejus partibus, ita ut nulla pars humani corporis animæ rationalis sit expers sed tamen ipsa in se nullas habet partes, respondentes partibus corporis, neque ad divisionem corporis in partes, & ipsa quoque dividitur in partes.

39. Itaque est tota in toto, & tota in singulis partibus.

Hic sumitur vox tota, negative, quia ne extra totum nec extra partem corporis ullam, anima rationalis est, sic tamen in singulis, ut nullas ipsa partes ponat, uti totam positive, sed omnes tollat ac negat; quo sensu dicitur aliquid negative totum, & Deus dicitur totus ubique, et Angelus aliquis totus in hoc vel illo loco.

40. Id est, nec in toto, nec in partibus corporis, ipsa est per partes, quia iis caret.

Anima rationalis caret partibus, quia spiritus est, omni modo independens à corpore aut materia, cujus est habere partes: si autem caret partibus, non est per partes in corpore, quod per se est manifestum.

Sententia Cartesii, Regii, Berigardi,

AD

CAPUT IX.

DE Anima non eodem modo sentiunt ac loquuntur illi Authores quorum sen-

tentias cum Aristotelicorum opinione comparamus: Animam Vegetantem, & Sentientem pro
L 2 Sub.

Substantia non agnoscunt *Cartesius* & *Regius*, sed talem habent solam rationalem. *Berigardus* magis versatur in antiquorum sententiis recensendis, quam in sua proferenda, & non videtur Animam exemisse substantiarum numero, admittitque definitionem Animæ in genere *Aristotelicam*, quâ dicitur actus primus corporis organici, potentia vitam habentis, item, qua definitur esse id quo vivimus, sentimus, & intelligimus, Vid. *Circulum* 1. ad lib. *Arist.* de *Anima*. Animam Vegetantem & Sentientem *Cartesius* & *Regius* ponunt in sola partiū sensibilem et insensibilem dispositione varia, secundum variam earum magnitudinem, situm, figuram, &c. Animam rationalem substantiam faciunt intelligentem, expertem omnis materiz, omnisque magnitudinis, ac figuræ, &c. itaque quæcunque hic in hoc Cap. 9. dicuntur

de Anima triplici communiter quod sit substantia, immaterialis, incorporea, & actus primus substantialis, ea ab illis negantur de animabus Vegetante & Sentiente. & admittuntur solum de Anima rationali; unde etiam quæ instituuntur comparationes animarum istarum trium inter se, ratione tum subordinationis, tum immaterialitatis, tum diffusionis aut extensionis per universum corpus, nihil quicquam ipsos spectant, quia Vegetantem & Sentientem, Animas non faciunt ejusdem ordinis, cum rationali. *Berig.* ex *Circulo* 6. de *Anima* videtur animam Vegetantem & Sentientem, tantum existimare pro facultatibus Animæ unius quoad substantiam, quæ est rationalis; quare in specie, ad singulas animas explicandas *Aristotelice*, sententias illorum trium expendemus.

CAPUT X.

DE

ANIMA VEGETANTE.

T H E S I S. I.

Anima vegetativa, est actus primus corporis organici, quo illud vivit, nutritur, augetur, & sibi simile gignit.

Vox illa vivit, tanquam genus sub se comprehendit, et nutriti, accrescere & generare.

Hujus

HUjus Capitis dux possunt assignari partes præter annexa; una, quæ agit de animæ vegetantis facultatibus à th. 1. ad 35. exclusive, altera, quæ agit de animæ vegetantis vel effectû, vel proprietate, vita, eique opposita morte, à thes. 35. ad finem capitis. De facultatibus animæ vegetantis primum agitur in genere, thes. 2. & 3. deinde in specie, thes. 4. & reliquis ad thesin 35. De facultatibus in genere docetur quod sint tres, thesi 2. nec tamen distinctæ ab animæ substantia thes. 3. nempe hoc significatur, illas facultates animæ vegetantis, hic non significare accidentia, aut qualitates secundæ speciei, ut entia distincta ab ipsa animæ vegetantis substantia; sed ipsa animæ vegetantis substantia, prout est immediatum principium sui, dicitur facultas, sive potentia, hæc enim utraque vox

significat principium operandi at vero si spectetur anima absque respectu ad operationem, vocatur simpliciter anima, aut substantia, non facultas, aut potentia; si excipias, nullam creaturam posse esse immediatum principium suæ operationis, consequenter nec animam vegetantem, quippe quod conveniat soli Deo, Resp. negando antecedens, & probationem ejus, quia longe alio sensu dicitur Deus immediatum principium operationis suæ, nempe quateus Deus in operando nullo plane eget medio, ne quidem approximationis ad patientem aut ad objectum, ac licet anima vegetans non eget facultatibus aut potentiis, tanquàm entibus à substantia sua distinctis, aut medio, eget tamen applicatione, & approximatione sui ad patientem, sive objectum.

2. Ejus facultates sunt tres, nutrix, accretrix, genetrix.

Facultates ex sunt instrumenta & potentiz, quibus anima vegetans operationes vitales exercet.

3. Hæ facultates non sunt reipsa distinctæ ab ipsa animæ substantia.

Quæritur an hæ facultates non tantum ab ipsa animæ substantia, sed & inter sese sint distinctæ realiter; ita quidem vulgo existimant, sed non videtur necessarium tot accidentia ponere in anima ab ea & inter se realiter distincta; quid enim si eadem anima vegetans sit causa efficiens nutritionis, accretionis, generationis, per diversa tantum organa eas operando; neque diversitas organorum est sufficiens argumentum distinguendi realiter potentias ab anima vegetante & inter se.

4. Hisce facultatibus inserviunt aliæ, attractrix, retentrix, alteratrix, expultrix.

Fortasse plures facultates ministræ animæ vegetanti reperiri possunt, sed hæc quatuor sunt quidem maxime illustres & notissimæ.

Recensentur hic facultates quædam minus principales animæ vegetantis, præter tres principales, nutriticem, accrettricem, generatricem, sed revera tota illa facultatum, & potentiarum multitudo supervacanea est, & putem ea esse nomina sine rebus, ac sufficere unam, & solam animæ vegetantis substantiam, ut principium operandi, quæ sufficiat seipsâ, ad omnes operationes, illis facultatibus aut potentiis tribui solitas. et pro ratione operandi, & modo diverso, nunc hujus nunc illius potentix aut facultatis nomine venire: nempe hoc vitium est vulgaris Philosophix, quod multiplicentur tot potentix aut facultates, aut habitus sine necessitate.

5. Facultas nutritrix est qua anima vegetativa nutrimentum convertit in substantiam viventis, ut calor innatus conservetur, & partes per eum absumptæ restaurentur.

Quid sit calor innatus, dicitur Annexo 12. hujus Capituli; quid sit nutrimentum, dicitur thesi 7.

A Thesi 5. usque ad Thesin 34. inclusive.

THesi 5. proponitur facultatis nutritricis definitio, ea que per partes explicatur usque ad thesin 24. exclusive. Ad nutritionem, actionem facultatis nutritricis, intelligendam, præter animam vegetantem, nutriendi principium, corpus animatum, nutritionis subjectum, præsertim explicator alimentum, nutriendi, & nutritionis instrumentum th. 7. usque ad 15. exclusive. De alimento docetur thesi 8. quod debeat esse corpori nutriendo, ex una parte simile; ex altera parte dissimile

thesi 9. unde thesi 10. consensum elicitur, docens, quænam non possunt esse alimenta: hæc dividuntur in cibum & potum thesi 11. & 12. exponiturque thesi 13. & 14. naturalis appetitio utriusque vulgo fames & sitis, & quia facultas nutritrix censeri ac recenseri solet inter facultates principales, enumerantur thesi 15. quatuor alix minus principales, ei inservientes, quarum una attractrix exponitur thesi 16. altera concoctrix thesi 17. 18. 19. 20. 21. tertia retentrix thesi 22. quarta expul-

expultrix th. 23. Facultas principalis animæ vegetantis, accretrix, exponitur th. 24. usque ad 30. inclusive. Tertia principalis facultas animæ vegetantis, ge-

neratrix, explicatur thes. 31. ejusque facultates ministræ, alteratrix & formatrix thes. 32. 33. 34.

6. Ad nutritionem tria requiruntur. 1. anima vegetativa, nutritionis principium. 2. id quod nutritur, scil. corpus animatum. 3. id quo nutritur, sc. alimentum.

Anima vegetans est causa nutritionis efficiens remota, facultas nutritrix est ejusdem causa efficiens proxima, alimentum est causa instrumentalis, corpus quod nutritur, est patiens.

7. Alimentum est substantia corporea mixta, nec omnino similis, nec omnino dissimilis rei, quæ nutritur.

Substantia, ergo accidentia mera nulla nutriunt: mixta, ergo pura aqua non nutrit, & fabula est, aliqua animalia solo aere, ut Chamæleonta, alia nudo igne, ut Salamandram nutrir; nam Elemento nudo, aut corpore simplici, quocunque tandem, res nulla potest nutrir.

Vnumquodque nutritur quibus constat: sed nulla substantia constat accidentibus; ergo nulla substantia etiam accidentibus nutritur, ergo nec alimentum nutriens potest esse accidens.

8. Debet esse simile alimentum, ut in corpus possit mutari.

Quod enim plane est dissimile corpori, in quod mutari debet, illud in id mutari nequit: sic saxa, quia sunt dissimillima corpori humano, pro alimento assumi nequeunt; neque enim in substantiam hominis mutari possunt.

9. Debet esse dissimile, ut in id possit agi.

Quando enim agens & patiens omni modo sunt similia, id est, specie & gradu conveniunt, nulla datur inter utrumque actio.

10. Hic nec Elementa, nec metalla, nec o-

dares, nec venena aut medicamenta, quatenus sunt talia, alimentum dici possunt.

Huius thesori ratio petitur ex thesi 7. 8.

Medicamenta, quatenus sunt medicamenta, non possunt nutrire; sed si contingat idem esse & alimentum & medicamentum, tum medicamenta nutriunt, quatenus sunt alimenta.

11. Alimentum vulgo distribuitur in cibum & potum.

Cibus est alimentum solidum & siccum, potus est alimentum humidum & liquidum.

12. Potus non est alimentum nisi quatenus est esculentus.

Nam nudus liquor non nutrit, sed alimentum solidum et siccum movet, quo facilius ad stomachi fundum deveniat, et ex stomacho in partes alias pellatur.

13. Appetitio cibi dicitur fames.

14. Appetitio potus, dicitur sitis.

Intelligitur hic Appetitio innata non elicita, hæc enim est affectio animæ vel sentientis vel rationalis, prout sequitur vel sensus vel rationis cognitionem.

Appetitio innata dicitur, quæ inest rebus non tantum viventibus, sed etiam inanimatis, et quæ tam viventibus vita vegetante inest, quam viventibus sensitiva, et rationali.

15. Nutritioni inserviunt facultates, attrahrix, concoctrix, retentrix, expultrix.

Facultas nutritrix est facultas principalis; hæc quatuor sunt instrumentales non quod sint quatuor realiter distinctæ facultates, sed unius facultatis diversa quasi munera.

16. Attrahrix est, quæ alimentum attrahit.

Attrahrix est in stomacho, qui inanitus alimentum appetit, & cum offertur attrahit.

17. Con-

17. Concoctrix est, quæ alimentum alterando perficit & assimilât.

Alimentum alteratur per calorem ventriculo insitum naturaliter assimilât, scilicet corpori alendo, in quod debet mutari.

18. Concoctio tribus absolvitur actionibus.

19. Prima est, qua alimentum in ventriculo mutatur in chylum.

Chylus nihil aliud est, quam alimentum redactum per calorem ventriculi ad formam pulvis habentis colorem album.

20. Secunda est, qua melior chyli pars in hepate, vel, ut hodie quibusdam placet, in corde mutatur in sanguinem.

Sanguificatio, id est, actio, qua Chylus vertitur in sanguinem; initium quidem capis in hepate, sed consummatur & perficitur in corde, ubi demum sanguis perfectissime elaboratur.

21. Tertia est, qua sanguis per totum corpus distributus prius mutatur in rorem, deinde in substantiam corporis vertitur.

Ros hic significat substantiam liquidam rubicundam, qui per venas & arterias dispergitur, quemadmodum ros dispergitur per grana.

22. Retentrix, quæ alimentum aliquandiu retinet & conservat.

Nisi alimentum aliquandiu retineretur, non posset concoqui, multo minus in substantiam viventis mutari.

23. Expultrix, quæ excrementa & sordes ejicit.

Si excrementa & sordes retinerentur, nutritio impediretur & corpus vivens nimium oneraretur: sunt vero excrementa quedam prima, quedam secunda, quedam tertia concoctionis; porro excrementa quedam sunt utilia, quæ non ejiciuntur, nisi cum necessitas id exigat, ut semen, quedam inutilia, ut sudores, lachrymæ: &c.

24. *Facultas accretrix est, qua corpus animarum ex assimilato alimento nutritum, in omnes dimensiones extenditur.*

Accretrix, quæ facultas facit vivens crescere, id est, facit illud extendi in longum, latum, & profundum.

25. *Accretio non fit sine nutritione.*

Ratio est, quia cum accretio sit motus ad maiorem quantitatem, non potest vivens majus fieri, nisi accessu partium aliarum: at unde accedent, nisi ex nutrimento assumpto & in substantiam viventis converso.

26. *Quia partes non possunt extendi, nisi post accessum alimenti, & ejus in substantiam viventis conversionem.*

27. *Potest tamen nutritio fieri sine accretione.*

Videmus enim homines post ætatem adultam & virilem quoti die adhuc nutriri ad finem vitæ. etiamsi ad extremam perveniant ætatem, non tamen eoque crescere.

28. *Ad accretionem tria requiruntur. 1. ut ex aliqua extrinsecus accedente materia augeatur vivens. 2. ut idem numero maneat id quod augeri dicitur. 3. ut non tantum toti sed singulis partibus fiat additio magnitudinis.*

Ad 1. non sufficit ut vivens augeatur à materia extrinsecus accedente, sic enim & lapides augentur, sed requiritur ut illa auctio sive augmentatio fiat à principio viventis interno, quomodo non fit in lapidibus hoc principium internum in vivente sed facultas accretrix animæ vegetantis. Ad 2. id quod accrescit manet idem numero, per accessum novarum partium ad materiam, materia non fit diversa numero à se ipsa. Ita manet idem numero corpus infantis, verbi causa, Petri, quod accipit quotidie maiorem in singulis partibus & membris magnitudinem. Ad 3. si uni tantum parti magnitudo accrescat, ut, verbi causa, capiti cum illi adnascitur tuber, vel sergo
cum

cum illi subnascitur gibbus, tum monstrum fit, neque vivens naturaliter accretione accrescit.

29. Itaque accretio non fit per pulsum, sed per maiorem partium extensionem.

Pulsus dicitur hoc loco, cum materia pars una alteram propellit, quemadmodum ungues crescunt & pili, non sic crecit vivens, sed eius accretione nova undique substantia ad partes crescentes accedit per potentiam crescendo internam.

30. Et illi errant, qui existimant eam fieri per rarefactionem.

Quia rarefactio est motus ad qualitatem, accretio vero ad quantitatem & in rarefactione nulla accedit nova materia, imo ne quidem nova quantitas, at in accretione utrumque fit.

Spongia rarefacta, nec novam accepit materiam nec novam quantitatem, quam ante non habuerit, cum fuit condensata; sed cum corpus infantis crecit, & novam accepit materiam & novam quantitatem in singulis membris.

31. Facultas generatrix est, qua vivens ex semine prolifico novam substantiam, sed sui similem, producit.

Semen vocatur prolificum, quia gignenda proli est idoneum.

Sui similem, quoad speciem scilicet, non quoad conditiones individuantes.

32. Huic ancillantur facultas alteratrix & formatrix.

Quia ex semine non potest fieri proles aut vivens nisi illud prius alteretur, & vario modo formetur, id est variis organis afficiatur ac disponatur.

33. Alteratrix, quæ ex nutrimento viventis copiosiore elicit excrementum tertie concoctionis utilissimum, & semen inde elaborat; illudque ad generationem viventis præparat.

Semen deciditur ab omnibus viventis partibus, quia fit ex nutrimento tertie concoctionis, quæ nutrimentum convertit in substantiam viventis,

viventis, et omnes partes eius: ubi vero hæc facultas alteratrix, & semen elaborans, sedem suam habeat, de ea nec Physici nec Medici inter se conveniunt.

34. Formatrix est, quæ in semen jam præparatum operatur, & in eo distinctam formam efformat generanti similem.

Facultas formatrix est nihil aliud quam ipsa vis plastica seminis, id est, substantia seminis spirituosior, subtilior, rarior, quæ in parte seminis terrestriori ac crassiori effigias organa ad vitæ functiones exercendas necessaria.

35. Animæ vegetativæ effectus vel effectio, est vita.

Vita alia est animæ, alia corporis seu totius compositi: vita animæ est affectio ejus propria, vita corporis aut compositi est effectio vitæ, quæ est in anima.

A Thesi 35. usque ad finem.

Altera pars hujus Capituli explicat animæ vegetantis effectum, seu proprietatem, scilicet vitam. Thesi 35. sive autem, vita effectum fuerit, sive proprium animæ vegetantis, semper recipitur cum ea, in concreto accepta, quia subiectum & proprium recipiuntur, item causa & effectum, quando intelligitur & accipitur effectum proximum, quale hic est: omne enim quod habet animam vegetantem vivit, & vice versa. Hoc verò sedulo notandum hic est, vitam spectari posse dupliciter, vel ut est animæ vegetantis, & formæ, partis unius in composito, vel ut est viventis, totius, nempe ex corpore, & anima vegetante, compositi; priori modo effectum proximum, aut

proprietas dici potest animæ vegetantis, Posteriori modo effectum, aut proprietas dici nequit, siquidem est ipsa formalis ratio viventis in abstracto: habet itaque se vita ad animam vegetantem, ut se habet vel rationalitas, vel risibilitas, ad animam rationalem, ut humanitas ad hominem; falluntur ergo Lutherani omnes, qui volunt, vitam proprietatem animæ vegetantis, communicari corpori viventis, parti oppositæ, atque inde inferunt communicationem priorum; nam anima vegetans vitam suam, qua vivit, nullo modo corpori communicat, sed cum corpori unitur, efficit vitam sui similem in toto vivente, & vita animæ vegetantis solius, non consistit in humido radicali,

cali, & calore nativo, uti quidem in utroque consistit vita totius compositi viventis, atque hoc est, quod thes. 37. & 38. in textu, & commentariis, asseritur. Agitur porro de vita prout est totius compositi, ac præfer-

tum de altera ejus causa, calore nativo, à thes. 39. ad 45. exclusive: inde ad finem, vitæ exponitur oppositum, mors, ex ejus definitione, thesi 46. & divisione. th. 47. 48. 49.

36. Omne enim animatum vivit,

Et reciproce, omne vivens est animatum.

37. Vita non est ipsa animæ substantia, non facultas, non corpus organicum, nec aliquid ex corpore aut anima constans, sed est ratio viventis in abstracto.

Vita et vivens sese habent, ut humanitas et homo: humanitas non est anima, non corpus hominis, non totus homo, non unio animæ & corporis, sed est id, quo homo ut homo intelligitur; ita et vita, nec est viventis substantia, nec pars ejus substantialis, nec unio animæ et corporis, sed id, quo vivens ut vivens intelligitur.

38. Itaque vita non est proprie in anima, non in corpore, sed in toto vivente, sequiturque unionem materiæ, scil. corporis, & formæ, scil. animæ.

Vita est effectum quasi consequens ex eo, quod materia, scilicet corpus, unatur formæ, scilicet animæ; atque ex illa naturaliter vita resultat.

39. Vita consistit in calore.

Scilicet, causaliter, non formaliter; nam, ut innuitur thesi sequenti, qui invenitur calor primo unionis animæ et corporis momento, in semine maris ac semine mixto, causa est vita.

40. Quatenus calor à primo conceptionis momento est corpori præsens, vitæ causa est.

41. Calor in vivente duplex est, elementaris, & vitalis.

Elemen-

Elementariū Calor invenitur etiam in non viventibus, ut in lapidibus, metallis, &c. sed vitalis tantum in viventibus.

Qui nec elementari nec celesti esse videtur, sed tertii fere generis, et diversus ab utroque, si non specie, saltem numero et origine, seu causa efficiente; nam ignis est causa caloris elementaris, sol caloris celestis, sed ipsum semen viventis est causa caloris vitalis.

42. Calor Elementaris oritur ex elementorum mixtione & temperatione cujus partis.

Calor Elementaris proficiscitur ab Elemento ignis, quatenus ingreditur mixtionem et mixtum.

43. Non differt specie à calore vitali.

Quia, quorum operationes non differunt specie, ea ipsa principia non differunt specie: sed caloris Elementari & vitalis operationes non differunt specie; Ergo.

44. Calor vitalis animam in corpore conservat, ejusque instrumentum est ad vitales functiones obeundas.

Quid sit calor vitalis in Annexo 12. pluribus dicitur.

45. Vitæ opposita est mors.

Scilicet, privativè ut vita enim habitus est, ita Mors privatio ejus.

46. Mors est absentia aut dissolutio animæ à corpore ob extinctionem caloris vitalis.

Dissolutio, id est, ablatio.

Caloris vitalis, quia calor vitalis est vinculum quo anima corpori unitur, & unita manet.

47. Mors est vel naturalis, vel violenta.

Mors dicitur naturalis, non respectu individuum, est enim contra eorum naturam ut moriantur; sed quia & quatenus proficiscitur à principio interno: omne enim corpus naturale, quod vivit, in se habet etiam principium mortis, quatenus constat ex pugnantibus qualitatibus, quæ tandem pugnant, donec se invicem interimunt, unde sequitur mors totius.

48. Natu

48. Naturalis; quæ fit per ultimam humidi resolutionem à calore naturali, qui, absumpto à se humido, tandem consumitur.

Quemadmodum in lampade oleum humidum consumitur à calore flammæ, donec absumpto humido et ipse calor flammæ extinguatur, quam extinctionem sequitur extinctio totius lampadæ; sic in vivente, ubi humidum radicale consumptum est à calore nativo, tanquam oleum à flamma, extinguatur ipse calor, nam caret pabulo, quod erat humidum, uti oleum est pabulum flammæ, ac tum sequitur naturalis viventis mors.

49. Violenta, cum per vim externam calor nativus extinguatur, ut à nimio frigore, à strangulatione, &c.

Quemadmodum aqua affusa igni ignem vi externa extinguit, ita in viventibus, quando frigore obrigescunt, calor internus eorum à vi externa frigoris extinguatur, quæ est mors violenta; nam violentum est, quod est à principio externo.

ANNEXA DE SPIRITU, CALIDO, & humido innato.

¶ I. Partes hominis sunt, vel extremæ ac primariæ, anima & corpus, quæ uniuntur, vel mediæ & secundariæ, quæ animam corpori & vicissim uniunt, suntque spiritus, calor nativus, & humidum radicale.

Partes hominis Scholasticæ, dicuntur, aliæ, ut quod, barbare, aliæ, ut quo: illæ sunt partes constituentes compositum, hæ sunt id quo partes constituentes inter se uniuntur: anima & corpus sunt partes prioris ordinis, sunt enim ex, quæ ipsum vivum componunt; posterioris ordinis sunt spiritus, calor nativus, & humidum radicale, quæ sunt veluti quibus anima & corpus sibi mutuo uniuntur.

2. Spiritus in corpore vivente, est corpus, subtilis, & aerea

& aërea tenuitatis, è sanguinis vapore & aëris permistione genitum, universale facultatis vitalis & animalis organum, unionisque animæ & corporis vinculum.

Spiritus in Philosophia fere significat tria: primo substantiam immaterialem, sic Deus, Angelus, anima rationalis dicitur spiritus; 2. significat corpus subtile ac tenue. quemadmodum ventus dicitur spiritus, nam spirat. 3. significat accidens seu virtutem valde actuosam, agitabilem, mobilem, quomodo vis plastica seminis dicitur spiritus seminis: hic sumitur secunda significatione. Facultas vitalis dicitur facultas animæ vegetantis: facultas animalis, dicitur facultas animæ sentientis.

3. Hic Spiritus, in toto corpore quoad sustinendam idem, pro variis functionibus, & variarum partium, in quibus non nihil temperari videtur, natura, diversa sortitur nomina,

Spiritus, de quo hic agitur, non est substantia alia ut specie distincta à sanguine, sed subtilior & tenuior ac mobilior pars sanguinis: & quemadmodum substantia sanguinis per universum corpus est eadem, differtque tantum hic & illic accidentibus; ita & spiritus per totum corpus diffusus ubique ejusdem est substantiæ, sed non eadem semper habet in se accidentia: unde diversa quoque accipit, in diversis partibus, sæpe nomina.

4. Spiritus hic, alius est insitus, alius influens.

Insitus spiritus vocatur quoque innatus, influens adventitius.

5. Insitus, qui ex primis naturæ principiis (semine & menstruo sanguine) in singulis membris relictus est.

Semen & sanguis menstruus dicuntur, prima naturæ principia, scilicet generationis, non compositionis: utrumque, quia ex sanguine descendit, suum sibi habet spiritum, ex quo inferitur & innascitur ipsi foetui spiritus, qui ideo insitus & innatus dicitur.

6. *Influens.*

6. *Influens, qui quotidie, propter continuam dispersionem, in corpore generatus, membris affinit, & accedit, insitum & primigenium reparans, conservans, & augens.*

Quia spiritus insitus perpetuo motu consumeretur, opus est ipsi aliqua restaurazione, quæ ipsi sit per spiritus novos ex alimento desumpto genitos, quo producti influunt in spiritum innatum eum reficiendo.

7. *Influentis spiritus materia adhuc in hepate rudior, nimirum, sanguinis ibi elaborati vapor tenuis & calidus, à quibusdam spiritus naturalis dicitur.*

Cum influens spiritus hic dividitur in naturalem, Annexo 7. in vitalem, Annexo 8. in animalelem, Annexo 9. non est existimandum spiritus hosce esse specie distinctos, sed perfectione tantum & accidentibus sunt diversi.

Quia in hepate fiunt sanguinis novi rudimenta, quæ pars sanguinis, dum primo incipit elaborari in jecore, subtilior ac tenuior est alia, illa dicitur *spiritus naturalis*.

8. *In corde verò, copia illa balituum subtilium & flammule instar accensorum è sanguine magis attenuato & probe concocto, cum admixto & contempto aëre, per inspirationem audo, virtute sinistri cordis ventriculi elaborata, & inde per arterias in totum corpus diffusa, dicitur spiritus vitalis.*

Cum sanguis ex jecore delatus est ad cor. per calorem cordis maximum elaboratur adhuc plenius ac perfectius, & sic elaborati ejus pars tenuior & subtilior, per omnes corporis partes diffusa, dicitur *spiritus vitalis*.

9. *Hic spiritus vitalis per cervicis arterias sursum ad cerebrum latus, in plexum retiiformem aut ipsos cerebri ventriculos, vel motu cerebri, vel vi ac*

proprietate spiritus cerebro ingenti, ut alii volunt, cum aere per naves attractio contemperatus ac mixtus dici solet animalis.

Quando spiritus vitalis delatus est ad cerebrum, novo ibi modo afficitur, & liceat sic loqui, qualificatur; atque ibi vocatur *spiritus animalis*, quia inservit ibi functionibus animalibus, id est, sensitivis, exercendis.

Plexus cerebri retiformis dicitur, quia situs cerebri rete representat.

10. Spiritus universus est subiectum & vehiculum caloris innati.

Spiritus universus dicitur hic quasi spiritus tum insitus tum influens.

Calor innatus dicitur, qui ex semine & sanguine menstruo in foetu nascitur eo modo, quo spiritus innatus.

11. Calor in corpore humano est, vel insitus, vel influens.

Termini hi caloris insiti & influentis, eo sensu sumuntur, quo dicuntur de spiritu ante.

Spiritus insitus & influens differt à calore insito, & influente, quod ille sit substantia, hic accidens.

12. Insitus est, qui toti corpori singulisque ejus partibus ab ipso ortu inest: eumque fixum vulgo vocant & primigenium.

Calor insitus hic idem est, qui Annexo 10. vocatur innatus.

13. Influens est, qui ex corde (caloris & spiritus quasi officina) insiti illius caloris conservandi gratia, in ceteras partes, per arterias, tanquam canales, diffunditur.

Quemadmodum spiritus influens reparat insitum, ita calor influens restaurat calorem insitum.

14. Ex spiritu & calore componitur calidum innatum.

Calidum

Calidum itaque innatum est aliquid compositum ex substantia & accidente, spiritus enim substantia est, adeoque ipsis sanguis subtilior, calor accedens est.

15. Itaque calidum innatum est corpus compositum, ex spiritu ut subiecto, & calore ut adjuncto.

In hoc calido innato consistit vita totius tanquam in causa.

16. Caloris innati pabulum, quo fruitur, est humidum.

Quia calor est maxime actiuus, debet habere aliquid in quod agat, quod consumat ac depascat, illud vero est humidum, non aquosum, sed oleaginosum: quemadmodum in lampade calor flammæ consumit oleum, atque oleum est pabulum quo flamma nutritur, ita calor innatus consumit humidum oleaginosum, quod est pabulum, quo ipse calor nutritur.

17. Humidum illud est vel insitum vel aduentitium.

Humidum insitum vocatur etiam innatum.

18. Insitum, à semine & sanguine menstruo ortum, corpori & ipsa confirmatione inest. Solet dici Radicale & primigenium.

Quia semen & sanguis menstruus non tantum spiritum aliquem in se habent ac calorem, unde in fœtu oritur & spiritus & calor insitus, sed quia utrimque insuper est humidum, etiam corpori viventis gignendo, ab ipsa conceptione & post natiuitatem inest aliquod humidum, quod ex semine & sanguine menstruo humidis provenit, & quia ab initio inest, vocatur humidum nativum radicale, & primigenium.

19. Adventitium, humoris insiti reparandi gratia ab alimentorum utiliore parte proficiscitur.

Quia humidum radicale perpetuo depascitur à calore nativo, facile illud consumeretur, nisi restauraretur ab adventu novi humoris, qui gignitur ex alimentis assumptis, in quibus, uti qualitates ceteræ, ita & humiditas inest.

20. *Radicale humidum, ab infantia est maximum, minus etate consistente, minimum in senectute: causa est, quod calor innatus illud perpetuo depascat.*

In infantia calor natus est imbecillior, humidum radicale abundantius, quia infantis temperies est humidior: in etate virili calor natus maxime crescit, humidum radicale non tam est abundans, quia temperies tunc est siccior, utrumque tamen est moderatum: at in senectute calor natus minor est, quam etate virili, sed humidum radicale est maxime exiguum, quia senum temperies est maxime sicca.

21. *Ut autem ab ipsa nativitate humidum radicale ad obitum usque decrescit, ita contra adventitium initio crescit, deinde consistit, postea una cum radicali paulatim deficit.*

Quod humidum radicale à nativitatis momento ad mortem usque decrescat perpetuo, fit, quia calor natus fortior est in agendo quam humidum radicale in resistendo.

Humidum adventitium in infantibus magis crescit, quia infantes sunt voratiores & plus alimenti assumunt: in viris consistentiam aliquam habet, quia illi moderatius aluntur; in senibus maxime deficit, quia senes alimenti minus ac minimum assumunt.

IN Annexis huic disputationi explicantur vitæ instrumenta tria, quæ, quamdiu vivens vivit, in eo inveniuntur, & quibus existentibus vivens vivit, ipsius extinctis vivens extinguitur, extincto vivente & ipsa extinguuntur; suntq; spiritus, de quo agitur ab Annexo 2. ad 10. inclusive: calor innatus, de quo agitur ab Annexo 11. ad 16. exclusive; & humidum radicale, de quo agitur ab Annexo 16. ad finem. De spiritu docetur quid sit, Annexo 2.

quor modis vox hæc sumatur in comment. subjuncto; sitne multiplex, an unus. Annexo 3. distinctus à sanguine, nec ne. in comment. subjuncto. Dividitur in insitum & influentem. Annexo 4. qui uterque explicatur Annexo 5. 6. 7. 8. 9. 10. Speciatim explicatur spiritus influentis generatio Annexo 6. generati instituitur divisio in naturalem qui in hepate; vitalem, qui in corde, animalem, qui in cerebro elaboratur; quæ divisio non est generis in species, nec

nec totius in partes, sed sub-
jecti per accidentia sive ad-
iuncta, & instituta secundum ma-
gis & minus, quatenus ejusdem
sanguinis pars subtilior minus
perfecte elaboratur in hepate,
magis perfecte in corde, o-
mnium perfectissime in cere-
bro. De hisce tribus spiritus
influentis gradibus, uti & de
spiritu innato sive insito, dici-
tur Annexo 10. in genere, quod
sit sub estu caloris innati, tan-
quam substantia accidentis. De
Calore innato agitur Annexo
12. uti de influente, Annexo 13.
estque caloris naturalis divisio
in insitum & influentem eadem
que spiritus; eodemque sensu
vocabula illa duo, calorem in
humano corpore dividenda, ve-
niant, quo in dividendo spiritu
veniebant. Quemadmodum au-
tem ex substantia & accidente

ens oritur concretum, ita quo-
que ex spiritu & calore nati-
vo, oritur calidum innatum,
tanquam compositum ex sub-
jecto & adiuncto, substantia
& accidente, Annexo 24. & 25.
De humido caloris innati pa-
bulo, agitur Annexo 16. doce-
turque commentario subiunct.
illud esse non instar aquæ, quæ
calorem & flammam extin-
guunt, sed instar olei, quod calo-
rem & flammam fovet, docen-
te utrumque experientia. Hu-
midum illud dividitur in insi-
tum & adventitium, Annexo
17. prius explicatur Annexo 18.
posterius Annexo 19. utriusque
pro, rietas peculiaris Annexo
20. & 21. Est vero hæc eadem
& eiusdem sensus divisio, quæ
fuit & quo sensu venit divisio,
tum spiritus, tum caloris, in
insitum & influentem.

Sententia Cartesii, Regii, Berigardi,

Ad

CAPUT. X.



DE Anima vegetante, quæ
sit sententia *Cartesii*, ex
eius principiis Philosophiæ hau-
riri nequit, quippe qui in iis fi-
nitur contemplatione corpo-
rum inanimatorum, spem fa-
ciens, si vita & otium ipsi sup-
petiissent, fore, ut aliquando
editurus esset partem quintam
de Plantis & Animalibus, & se-
xtam de Homine, principiorum
Philosophiæ: existat quidem ma-

nuscriptus tractatus eius Au-
thoris de Animali, Gallice con-
scriptus, sed qui difficulter in-
telligi potest propter defectum
figurarum. *Regius* ex illo tra-
ctatu hanc doctrinæ Physiæ
partem supplere voluit sed in-
felici plane successu, atque eo
ipso (cum hoc egit ignorante
Cartesio) causam dedit ruptæ in-
ter se & *Cartesium* amicitix,
estque in fundamentis Physiæ
cap,

cap. 8. 9. multo sterilior quam fuit in cap. precedentibus, ubi & quouique habuit præeuntem *Cartesium*; *Berigardus* in *Circ. Pisano* ad 3. lib. *Arist. de Anima* prolixissime 11. circulis sententias veterum & *Aristotelis* prosequitur: impresentiarum sententiam *Regii* breviter proponemus ac tum ex *Berigardo*, à Circulo præsertim 6. ad 11. paulo fufius de Anima Vegetante philosophabimur. Cap. 8. & 9. agit *Regius* de anima Vegetante, sub titulo corporum viventium & stirpium: hoc ante omnia tenendum est, quod *Cart.* & *Regius* non habeant animam Vegetantem pro substantia, multo minus ei adscribant facultates, sive potentias, vel principales vel ministras, tanquam accidentia & qualitates distinctas, sed animam Vegetantem habeant pro sola partium corporis viventis dispositione, tum sensibilem, tum insensibilem, quorum motu vitales omnes operationes exercentur, ac præsertim attendunt ad agitationem celerrimam & perpetuam partium in vivente ab ipsa conceptione, factam à commixtione & actione mutua caloris nativi, & humidi radicalis; quia calorem nativum habent pro igne quodam calido, existente in viventibus à prima eorum productione, & humidum radicale, pro substantia humida, primo quoque momento generationis viventis, producta; neque existimandum est, calo-

rem nativum hic significare accidens, sed significat substantiam calidam, ideoque melius dicitur calidum innatum in concreto uti quoque dicitur humidum radicale melius quam humor radicalis; quamdiu vero istarum substantiarum, calidi nativi & humidi radicalis pugna durat, ut neutrum ab altero superetur, tamdiu vivens vivit; sed cum alterum ab altero vincitur, ut vel deficiat humidum, vel extinguatur calor, mors est; ut hæc nihil sit aliud, quam privatio istius pugne, aut commixtionis, aut actionis mutue calidi nativi & humidi radicalis. Coctio seu concoctio alimenti explicatur à *Cartesio* & *Regio*, per particularum insensibilium motum & mutationem in substantiam viventis: intelligimus autem particulas insensibiles ipsius alimenti quod dicitur mutari in substantiam viventis quatenus accipit temperiem & conformationem corpori viventi idoneam. Accretio his Authoribus nihil est aliud quam alimenti in substantiam viventis mutati extensio. Generatio est nihil aliud, quam agitatio quædam particularum tum sensibilem, tum insensibilem, ipsius seminis, decisi vel à plantis, vel à brutis, vel ab Homine. *Berigardus* *Circ. 6. in lib. 3. Arist. de Anima* agit de Anima Vegetante, uti & *Circulo 7. 2. 9. 10. 11.* & docet, apud veteres ante Aristotelem Philosophos non fuisse receptam divisionem

Animæ

Animam in tres species, Vegetantem, Sentientem, & Rationalem; & definit Animam Vegetantem esse, qua res sensus expertes, alimento intus suscepto, vivunt, nutriuntur, crescunt, & sibi simile generant: facultates admitti nutricem, accreticem, generatricem, quas tamen tantum ratione distinguit ut videre est in fine Circuli 6. facultates ministras nutritici facultati Circuli 7. tollit, & alimenti attractionem à facultate nutritice negat. Circulos. disputat an possent quidam vivere citra alimentum assumptum. Circulo 9. accretionem explicat, eamque collocat in

motu continuo, quo plus alimenti apponitur partibus viventis, quam substantiæ deperditur in eodem vivente. De viventium generatione sic loquitur & sentit, ut cum veteribus ante *Arist.* Philosophis, eam proficisci à solo calido innato pronuntiet, quod calidum innatum facit principium seminis, sine quo nullum vivens generatur: an vero semen sit animatum, nec ne, disputat Circulo 11. & magis propendet in sententiam illam, quæ Animam semini adscribit, quam quæ negat, & sententia hæc fuit *Sennerti*, aliorumque Medicorum ac Philosophorum hoc sæculo.

CAPUT. XI.

DE

ANIMA SENTIENTE.

THESIS I.

Anima sensitiva est, qua animal sentit, appetit, & loco movetur.

Definitio hæc est à posteriori & ab effectibus.

IN hoc Capite agitur primum à thesi 1. usque ad thes. 3. exclusivè in genere de Anima Sentiente, ejusque facultate triplici. deinde à thes. 3. ad finem agitur de facultate ejus prima, scil. cognoscere, quam sensum vocant externum; Anima Sentiens Thes. 1. definitur,

omisso genere, à subjecto & effecto triplici; genus subintelligitur, actus primus, substantialis; subjectum ponitur, animal; effecta ponuntur, sentire, appetere, loco moveri; thes. 2. istorum effectuum ponuntur causæ proximæ, tres facultates, sive potentie, remota enim

causa illorum, est ipsa animæ sentientis substantia; subternitur enim hic hæc hypothesis, quod nulla creatura, nedum ullum animal, sit immediatum principiū suæ operationis, quæ sententia est *Thomistarum* inter Philosophos recepta; volunt enim illi hoc esse proprium soli Deo, & hæc causa est cur invenerint tot potentias, sive facultates. *Scotistæ* tamen inter Philosophos contrariū tenent & magis ad veritatem quamvis nos hic priorum sententiam, quia paulo communior est, sed admissis hisce potentiis, ac speciatim animæ sentientis; dicitur porro thes. 3. 4. 5. eas tamen non repetiri in omnibus animantibus, verum tamen in perfectioribus tantum; in imperfectioribus, qualia vulgo dicuntur Zoophyta, quasi dicas, partim animalia, partim plantæ, sæpè deficit locomovens. Hic dubitari potest, an dentur Zoophyta? ac, quæ sic dicuntur, non debeant simpliciter

referri vel ad animalia, vel ad plantas; cum enim hæc ponantur tanquam mediū participationis, inter speciem utramque, videntur admitti non posse; nā cum species sint oppositæ, non possunt in unam aliquam tertiam naturam coalescere; sic enim daretur specierum confusio, unde oriretur ipsa rerum in hoc univerſo inter se confusio, ac sic tolleretur mundi ordo, atque universi pulchritudo: & quemadmodum nullum datur ens compositum ex homine, & bruto, aut ex vivente & non vivente, quia sunt species oppositæ, ita quoque videtur nullum dari posse ens compositū, partim ex sentiente, puta animali, partim ex non sentiente, puta plantæ; at tale quid foret id, quod vocant Zoophytum: quare si id genus corpus naturale bene expendatur, videtur ad alterutram speciem, vel animalis vel plantæ, referri debere.

2. Itaque ejus facultates sunt, cognoscitiva, appetitiva, locomotiva.

Hæ facultates non distinguuntur veipſa ab anima essentia nec inter se.

3. Non quod in omni animali omnes reperiuntur hæ facultates.

4. Nam in imperfectioribus sæpè deest locomotiva.

5. Sed

5. Sed quod in perfectioribus saltem rep- riantur tres.

Dantur quædam animalia, quæ se loco non movent, quia habent sibi præsens alimentum, quo nutriuntur, cuius generis præsertim sunt quædam Zoophyta, nam quæ non habent sibi præsens alimentum, ea loco moventur ut alimentum conquirant, quo appetitui satisfaciunt.

Zoophyta sunt viventia mediæ naturæ inter animalia & plantas, qualia rupibus marinis sæpe adhærent immobiliter.

6. Anima sensitiva siue vegetativa esse nequit.

Ratio est, quia sensitiva anima operationes suas animales exercere nequit nisi in subiecto viventi: at subiectum vivens nullum est, nisi per animam vegetantem.

7. Et, quando ei adest, si non sit ordinata & idonea ad suscipiendam animam rationalem, est forma brutorum.

Ex hac thesi liquet, esse animam sentientem duplici ordinis: unam, quæ est forma ultima, neque apta ad formæ nobilioris susceptionem, qualis est Brutorum: alteram, quæ est forma subordinata, apta ad formæ superioris susceptionem, qualis est anima sentiens in statu humano.

THesi 6. & 7. subordinatio animæ vegetantis, & sentientis explicatur, doceturque in animantibus animam sentientem nunquam esse sine vegetante licet in plantis vegetans sit sine sentiente; ratio prioris est, quia operationes animales sunt operationes vitales, at hæ proficiuntur à prin-

cipio vitæ, quale est anima vegetans. Thef. 7. docetur animam sentientem in animalibus interdum ordinari ad formam ulteriorem, eique subordinari, ut in homine. interdum non item, ut in brutis, posteriori sensu est forma principalis, priori forma disponens.

8. Facultatum prima est cognoscitiva, quam sensum vocamus.

Congoscere vox est generalis, & significat quancunque cuiusque rei perceptionem, sive fiat mediis & organis corporis, qualis,

qualis est sensus, siue fiat absque adminiculo corporis, qualis est intellectus.

9. Sensus vox, interdum ipsam animæ sensitivæ facultatem, interdum ipsam sensationem significat.

Cum dicimus sensum minui, vel roborari, intelligimus facultatem sentiendi: cum dicimus sensum fieri per species, intelligimus actum sentiendi.

Nomina verbalia in iis interdum significant actum primum, interdum secundum.

10. Hic sumitur à nobis pro facultate.

Thesibus hisce tribus dux explicantur voces, *cognoscere & sensus*, cognoscere th. 8. & comment. subiuncto; sensus, thes. 9. & 10. definitur. th. 11. explicatur definitio à quatuor partibus sui, quæ assignantur thes. 12. quarum prima, ponitur objectum sensus, quod explicatur à thes. 13. usque ad 24. exclusive. Secunda, puta species sensibilis, quæ explicatur à thes. 24. usque ad 32. exclusive. Tertia pars definitur, ponitur, & exponitur, scil. medium, à thes. 32. usque ad thes.

50. exclusive. Quarta, videlicet organum, exponitur à thes. 50. ad thes. 63. qua, ut & 64. & 65. proponitur divisio sensus, in internum, & externum. Definitio sensus thes. 11. instituitur à genere, objecto, effectu, genus assignatur ex commentario, sententia, quæ tenet sensum esse accidens, de secunda specie qualitatis, destinctum à substantia siue essentia animæ sentientis, sed potissima ratio habenda est, quod proponitur th. 13. estque illud, circa quod sensus omnis sentiendo occupatur.

11. Et definitur, facultas organica, objecta sensibilia apprehendens ac cognoscens.

Sensus vocatur facultas organica, quia pro subiecto habet organum, id est, aliquam portionem corporis, sine qua operationem suam exercere non posset.

Objecta vocantur sensibilia, quæ apte sunt, ut sensus moveant.

12. Hæc ut in actum deducatur, requirit objectum, species, medium, & sensorium.

Liquet hinc sensum esse potentiam passivam, quia debet in actum deduci

deduci passive; causa efficiens sensationis est objectum, quod sensum movet.

15. Objectum sensus est id, quod movet sensum, & ab eo percipitur.

Objectum sensus non tantum hic est, quod sensum terminat, sed & quod sensum ad sentiendum excitat, ac movet, ut sit hoc et terminativum & motivum.

A Thesi 13. usque ad Thesin 24. exclusive.

A Thesi 13. usque ad thes 24. exclusive, generalis consideratio objecti omnium sensuum instituitur. Hoc, in sensatione, gemino fungitur officio, terminandi, & movendi; terminandi semper, movendi interdum; nempe, quotiescunque objectum alicujus sensus, sensui est gratum ac jucundum, terminatur quidem sensus in eo, sed & movetur ab eo, ut in sentiendo, diu perseveret, quemadmodum visus interdum diu perdurat in contemplanda aliqua pictura, motus ejus pulchritudine, & auditus sæpè diu cantilenæ uni intensus, manet, motus suavi ejus melodia, & sic in aliis sensibus. In reliquis thesibus usque ad 24. dux proponuntur objecti sensilis divisiones, prima thes. 17. altera thes. 20. præmissa conditione certa objecti omnis sensibilis in genere thes. 14. quod scil. illud debeat esse & singulare & materiale, daturque ratio thes. 15. quia quod utrique opponitur, tum universale, tum immateriale, solius intellectus est objectum, ejus ratio peti po-

test, ex analogia & proportionem, quæ intercedere debet inter facultatem omnem cognoscentem, & objectum cognoscibile quæ duo, nisi analogiam quandam dixerint inter se, nulla exorietur cognitio; atqui sensus est facultas materialis, dependens in totum, à materia, cum cognoscit; universale vero, & immateriale, per se à corpore non dependens, nam universale fit per abstractionem mentis, illud à singularibus corporibus abstrahentis: immateriale, aut extra corpus existit, quod vulgo vocant immateriale per essentiam; aut à materiæ, corporisque conditionibus omnibus, & mutationibus, abstrahitur, adeoque extra materiam & corpus existere valet, quod vocant immateriale per indifferentiam; nec universale, nec utrumque immateriale, ullo modo, assimilatur sensui, qui ita immersus est corpori, ut non tantum sine eo, existere nequeat, sed ne aliquid quidem, sine ejus adminiculo sentire valeat: atque hæc ratio est, quare universale & immateriale, ab objecto

objecto sensus in genere excludatur. Hinc thes. 16. confectarium elicitur, scil. nec universale, nec immateriale à brutis cognosci, quia omnis eorum cognitio alligatur organis corporeis, & in ea non cadit ratio, ex communi quidem sententia:

ex veteribus enim quidam, inter quos est *Plutarchus*, iis rationem tribuerunt, uti inter recentiores *Vallesius* in sacra Philosophia, aliique nonnulli. Divisio objecti gemina, satis clare est explicata à thes. 17. usque ad thes. 23. exclusive.

14. Estque singulare & materiale.

Ratio est, quia singulare & materiale solum est accidentibus sensibilibus præditum.

15. Universale enim & immateriale ab intellectu percipitur.

Hæc thesis non negat singulare & materiale ab intellectu quoque percipi, sed significat non percipi tantum; nam præter hæc duo, etiam universalis & immaterialis intelliguntur; quæ tamen sensu non percipiuntur.

16. Itaque à Brutis cognosci neutrum potest.

Ratio est, quia bruta carent intellectu.

17. Objectum sensus, est vel per se sensibile vel per accidens.

Est hæc divisio recepta & immediata.

18. Objectum sensibile per se est quod primo per se & non interveniente alio sensum afficit.

Exemplum est, color respectu visus, qui nullo alio intercedente visum afficit.

19. Objectum sensibile per accidens est, quod alio objecto interveniente sensum afficit.

Exemplum est, Petrus aut Paulus qui videtur medio colore.

20. Objectum sensibile est vel proprium vel commune.

Et hæc divisio est immediata.

21. **Proprium, quod uno tantum sensu percipitur.**

Ita singuli sensus habent objecta sibi propria, visus colorem, auditus sonum, &c.

22. **Commune, quod duobus pluribusve sensibus percipitur.**

Objecta communia sunt fere hac magnitudo, numerus, distantia, figura, motus, quies.

23. **Ut objectum agat in sensum eumque immutet, requiritur species & medium.**

Ratio thesios est, quia nihil agit in distans: quandoquidem autem objectum non accidit ad organum, debet aliquid esse medium, per quod objectum organo approximetur, hoc est, species, id est, imago objecti, & medium, id est, istius imaginis subiectum & receptaculum.

24. **Species est qualitas intentionalis objectum representans.**

Species dicitur ab antiquo verbo specio, et significat id per quod videmus, sed per Synecdochem speciei translata est vox ad significandum in genere id quo aliquid vel sentitur vel cognoscitur, unde species alia est sensibilis, alia intelligibilis: qualitas dividitur in realem & intentionalem; realis dicitur, quæ invenitur in re ipsa, uti color est qualitas realis parietis; intentionalis vocatur, quæ intenditur, hoc est, assumitur ad qualitates reales percipiendas ac cognoscendas.

Notandum vero est, ipsas species non sentiri, omnia tamen sentiri per eas; ideoque sunt objectum quo, sensationis, non objectum quod.

Neque enim videtur imago, quæ oculo colorem representat, sed esse color per imaginem.

A Thesi 24. usque ad Thesin 32. exclusive.

A Thes. 24. explicatur alteram requisitum sentientium. species, usque ad thes. 32. exclus. ea definitur thes. 24. applicatur reliquis usque ad

thes. 32. Hoc tantum hic observandum venit ad thesios 24. comment. secundum modernos quosdam Philosophos, etiam Peripateticos, existimare, quod

quod etiam species sentiantur, inter hos est *Plempius in sua Ophthalmographia ad Th. 26.* & hoc observandum est, quod *Damdinus*, insignis aliter *Peripateticus*, omnes species sensibiles sublatum iverit.

Secundum in sentione requisitum ab *Arist.* ponitur species, quas dari evincitur thes. 26 27. 28. atque ex iis assertis evertitur sensus agens, quem *Aristotelici* nonnulli ponunt, thes. 30. Quid sint illæ species, & quomodo producantur, dicitur th. 25. & 31. eas tamen dari, strenue negat & multis quidem rationibus *Hieron. Damdinus in comment. ad lib. Arist. de anima*, insignis licet *Aristotelicus*. Qui eas ponunt, plerique ipsas sentire negant, easque instrumentum tantum sentionis esse affirmant. *Plempius* tamen in *sua Ophthalmographia* visibiles tamen species ipsas videri vult, quæ quæstio discutitur th. 46. hujus Cap. eas dari probatur, ex approximatione agentis ad patientem; agens est objectum, patientis sensus; nam objecta movent sensus, at nihil agit in distans, quia requiritur agentis & patientis approximatior, & immediata conjunctio, immediatione vel suppositi, vel virtutis: sed objectum non potest immediate uniri sensui, quoad suppositum; quia sensibile positum supra sensorium, non facit sensationem, sed impe-

dit: ita lux ingesta in oculum, visionem non efficit, sed remouetur: Ergo objectum debet conjungi potentie sentienti, quoad virtutem: illa virtus, qua objectum sensibile unitur sensui nihil est aliud, quam species sensibilis, aut intentionalis, quæ ab objecto, versus organum per medium diffunditur, & beneficio ejus sensum movere: vocatur vero hæc species intentionalis, quia ut instrumentum sentionis intenditur, imo & ipsum sensum quasi intendit, i. e. operari facit, cum ante non operaretur. Quomodo vero hæc species producantur, difficile est dictu: sententia communis est, has emanare. & effluere ab objectis sensibilibus, unde & *effluvia* eas vocat *Sperling. in Physica sua*, sic ut positus objectis hæc ponantur, sublati tollantur; atque hæc species delatæ ad organum, sunt causæ efficientes instrumentales omnis sentionis, anima sentiens, seu potentia sentiendi, est causa principalis, & per hæc species organo illatas, atque præsentis, sensus omnis de potentia traducitur in actum, ut cum ante non sentiret jam sentiat, & circa ullam necessitatem invehatur sensus agens distinctus è patiente: atque hæc habentur, ad thes. usque 32. a qua usque ad thes. 50. agitur de medio sentiendi, tertio sentionis requisito.

25. Vocatur qualitas intentionalis, tum quia
sensus

sensum movet eumque intendit, tum quia à qualitate materiali & subjecti sui essentia distinguitur.

Dicitur species sensibilis sensum intendere, quatenus eum facit actu sentire :

Qualitas realis dicitur materialis, quia est in subiecto materia prædito, & ab illo fluit ; sed intentionalis non ita à materia dependet.

26. Dari species sic evincitur, quia objectum non potest movere facultatem, nisi cum illa uniatur.

Ratio thesæos est, quia in omni actione requiritur debita approximatio agentis ad patiens sine qua nulla fit actio.

27. At non unitur cum facultate secundum esse reale.

Hoc est, objectum ipsum non transit ad facultatem sentientem; sic non transit color in oculum.

28. Ergo secundum esse intentionale, id est, per species.

Species sunt effluvia objectorum sensibilium ab objectis emanantia, & in aere recepta atque ad organum delata, ibique objectum representantia.

29. Species ab objecto emanant, eo fere modo quo proprietates à forma,

Sensus est, quod objectis sensibilibus positi statim ponantur in aere et ipsa species seu simulacra rerum sensibilium in aere recepta.

30. Itaque nullus est sensus agens, à quo species in præsentia objecti efficiantur.

Sensus agens dicitur vulgo, qui faciat species resultare ab objectis suis ; sed eo non est opus, quia talis est natura objectorum sensibilium ut sponte sua de se diffundant, seu simulacra, seu representamina.

31. Sed species ab objecto naturali necessitate fluunt, & quaquaversus per medium propagantur.

Dicuntur species fluere ab objecto naturali necessitate, quia in specierum emanatione ab objecto nulla prævia est consultatio.

Diffunduntur per medium ab unoquoque puncto objecti in omnes partes, quemadmodum lux candele in circulum vibratur quaquaversum.

32. Medium dari ex eo liquet, quia objectum positum supra organon seu sensorium nullam faciet sensationem.

Ratio hæc, si non in omni sensu vera est, vera saltem est in visu, sensu nobilissimo, & fortasse in aliis.

A Thesi 32. usque ad Thesin 50. exclusive.

Medium sentiendi dari probatur thes. 32. quale sit docetur 33. 34. 35. dividitur thes. 36. divisionis membra explicantur thes. 37. & 38. mediū internum necessarium esse docetur in omnibus sensibus thes. 37. quia omnium sensuum datur organon singulare; exter num insuper reperitur in visu, interdum in auditu & olfactu, nunquam in gustu & tactu; th. 39. 40. 41. 42. 43. hinc à th. 44. usque ad 49. inclusive, instituitur comparatio medi, specierum, & objecti; species respectu medi, non tantum in unaquaque parte, ut dicitur th. 44. sed & in unoquoque puncto indivisibili totum objectum cuius sunt species, repræsentant, quia ipsæ in repræsentando sunt indivisibiles, species enim ab objecto radiant, i.e. ab omni parte

aut puncto objecti effluunt, aut emanant in circulum seu orbem quemadmodum corpus lucidum radiare dicimus, quia undique lumen in circulum ab omni parte, & puncto corporis lucidi, promanat ac profluit, unde *profluvia* aut *effluvia* rerum vocari solent species sensibiles; quæ objectum sensationis dici non solent, sed instrumentum potius, quia sunt non id quod sentitur, sed id quo sentimus, & si objectum nonnullis vocentur Physicis, vocantur objectum non quod, sed quo; suntque objectum terminativum, non motivum: atqui videntur & ipsæ species sentiri in visu quando aliquid videtur visione reflexa, verbi causa in speculo, ibi res ipsæ manent suo loco, nec ad oculum abeunt, nec speculum intrant, sed

sed videntur per imagines sui ipsæ videntur, non secus ac res in speculo representatas quæ & ipsæ representantur.

33. Medium illud positum inter objectum & organon debet esse vacuum.

Vacuum dicitur, quod omni corpore est nudum; tale nullum datur.

34. Nam in vacuo nihil sentiri pote st.

Ratio est, quia ad omnes operationes inferiores, atque adeo ad sensationes, requiritur influxus Cæli; atqui hic dari non potest, posito vacuo.

35. Sed substantia quæ apta sit recipiendis & propagandis speciebus.

Ratio est, quia medium debet esse subiectum recipiens species.

36. Medium vel est internum vel externum.

Vocatur medium internum, quod in ipso sentiendi organo invenitur; externum, quod extra illud reperitur.

37. Internum est pars animalis sensus expert, qua organon est vestitum ac tectum.

Sensus expert, id est, carens isto sensu, quo prædita est pars illa sentiens in qua est sentiendi organum.

38. Externum est corpus interjectum inter objectum & animal quod sentit.

Hoc corpus debet esse idoneum speciebus & recipiendis & trajiciendis.

39. Medium externum in solo visu est necessarium.

Ratio est quia solus visus non potest repleti immediate colore, aut luce, sic ut ipse videat alium colorem aut aliam lucem.

40. In auditu & olfactu esse potest.

41. Quando scilicet aliquid eminus audimus & olfacimus.

Ratio est, quia cominus, hoc est, in propinquo, potest ipse sonus & ipse odor subintrare aures & nares, & tum medio externo non est opus, sed è longinquo sive e minus omnino eo opus est.

42. Sed non est necessarium.

43. In gustu & tactu non habet locum, sed tantum medium internum.

Dicitur in gustu & tactu nullo opus esse medio externo, quia ipse sapor & qualitas tactilis realu organum pertrat: interim opus est medio interno, quia non potest organum gustus, ut gustet, esse infectum isto sapore quem gustavit, nec organum tactus potest esse infectum qualitate tactilis in isto gradu, quo eam percepit.

44. Species in unaquaque parte medii repræsentant totum objectum.

45. Quia sunt in repræsentando indivisibiles.

Species duobus considerantur modis, aut in natura sua, aut in repræsentando: in natura sua nec sunt divisibiles nec indivisibiles, quia esse divisibile aut indivisibile tantum convenit entibus realibus, qualia non sunt species sensibiles: at vero in repræsentando sunt indivisibiles, quia non respondet pars aliqua speciei sensibilis parti ipsius objecti, sed quæ species ab objecto sensibili emanant, receptæ in minutissima parte aeris, totum repræsentant obiectum; unde etiam species objecti diffunduntur in circulum, ad instar radiorum solis, aut lucis in candela.

46. Nec species ipsæ sentiuntur.

Gravis questio est, an non ipsæ species sentiantur? multi enim putant ipsam speciem visibilem objecti repræsentati apparere in speculo & videri: alii dicunt, species viridis coloris foliorum videri, in manu, aut linteo, aut papiro alba. Peripatetici tamen existimant nunquam species esse obiectum quod videtur sed tantum instrumentum, quodensione fit.

47. Sed obiectum sentitur per species.

Non tamen obiectum sentiri videtur per species in omni sensu, nam in tactu saltem videtur sentiri ipsa qualitas, realis calor puti aut similis, sine specie.

48. Quia

48. Quia species movere possunt sensum, terminare non item.

Id est, species possunt excitare sensum ad sessionem, sed non potest sensus terminari seu finire in ipsis speciebus, quasi ille sentiantur, nam objecta per illas sentiuntur.

49. Hinc cum objectum ledit organon, non est illud à specie, sed à qualitate, quam una cum specie objectum producit.

Species sensibilis, cum sit qualitas intentionalis, non potest effectum edere realem, ideoque neque organum potest ledere; sed quando illud leditur, est hoc ab ipsa qualitate reali, quemadmodum oculi leditur à nimia luce.

50. Organon sensus est determinata pars corporis, in qua objectum sensile recipitur.

Objectum sensile recipitur in organo, non per se, sed per speciem sui.

Thesi 50. ad 63. agitur de organo seu sensorio, atque ibidem definitur; quæ definitio explicatur thes. 51. 52. 53. 54. instituitur ejus divisio th. 55. & explicatur per partes th. 56. & 57. & reliquis usque ad 63.

qua, absolutis omnibus & explicatis requisitis ad sessionem, sensus dividuntur in internos, & externos: internorum sedes assignatur thes. 64. externorum thes. 65.

51. Nulla pars corporis ad id est idonea, nisi peculiari modo sit figurata, disposita ac temperata, sic quidem ut à facultate sensitiva informari possit tanquam instrumentum sessionis.

In facultatibus materialibus, quæ in operando in totum à materia dependent, multum refert quomodo sint partes organi figuratæ, dispositæ, ac temperatæ; neque enim qualibet corporis parti ad qualibet operationes animæ sentientis, est idonea.

52. Pars ergo corporis secundum substantiam spectata, est subiectum sensus & sessionis.

53. At secundum facultatem sentiendi in se residentem est instrumentum animæ ad sentiendum.

Eadem corporis pars, & subiectum & instrumentum est sensui ac sensationis; subiectum quidem, quatenus potentia sentiendi inest ei: & quatenus sensio in ea recipitur: instrumentum vero, quatenus anima sentiens illa parte corporis utitur, tanquam adminiculo, sine quo non potest operari.

54. Organon sensus debet esse convenienter dispositum & vacuum ab ea qualitate quæ sentiiri debet.

Aliquis hic obijciat, oculum non esse vacuum colore, qui videri debet, & tactus organon non esse vacuum à calore, qui tangi debet: respondeo, ad primum, istam partem oculi, quæ nempe est tunica retiformis, & instrumentum videndi, esse ex parte coloris: ad posterius, esse quidem calorem in organo tactus, sed non isto gradu exuperanti qui à tactu deprehenditur; si enim par coloris gradus esset in organo tactus, qui est in objecto tactili, tactus non tangeret objectum suum.

55. Organon sensus est vel proprium vel commune.

56. Proprium, quod uni tantum sensui inservit.

Organon proprium in visu, oculus est, quia oculo tantum videmus, non auribus, &c.

57. Commune, quod pluribus sensibus inservit.

Organon commune dicitur, quia recipit species sensibiles singulorum sensuum, & eas dijudicat.

58. Hoc est cerebrum.

In cerebro omnes species sensibiles omnium sensuum exteriorum recipiuntur, atque ibi discernuntur & dijudicantur.

59. Quia

59. Quia est origo nervorum & officina spirituum animalium.

Quod nervi à cerebro & non à corde originem trahant, ipsa docet experientia, atque autopsia: vocatur cerebrum officina spirituum animalium, quia spiritus vitales à corde ad cerebrum delati ibi perficiuntur & elaborantur, ut inservire valeant functionibus sensuum exercendis.

60. At hæc duo in organo aut sensorio requiruntur.

Quia species sensibiles per nervos à spiritibus animalibus ex propriis organis deferuntur ac devehuntur, ad cerebrum.

61. A cerebro derivantur nervi sensorii in organa propria.

Anatomia demonstrat, nervos visorios, auditorios, reliquosque, ab ipsa cerebri substantia deduci ad organa sensuum propria, oculos, aures, &c.

62. Per hos nervos committantur spiritus animales ad organa propria.

Nervi isti habent suas fibras aut fibrillas, & sunt spirituum animalium vehiculum, quemadmodum spiritus animales sunt vehiculum specierum sensibilium.

63. Sensus sunt vel interni vel externi.

Divisio hæc sensuum desumpta est à subjecto, in quo sunt, quod aliud est intra caput, aliud extra id.

64. Interni resident in cerebro.

Ratio est, quia cerebrum intus est in capite hominis, atque intra illud.

65. Externi resident in aliqua parte corporis externa.

Oculus, aures, reliquaque organa sensuum exteriorum possunt deprehendi in exterioribus partibus corporis.

Sententia Cartesii, Regii, & Berigardi.

A D

CAPUT XI.

VT constet, quænam sit sententia trium illorū authorum circa animam sentientem, nempe. *Cartesii, Regii, & Berigardi*, sciendū. *Cartesius in Principiis Philosophiæ suæ parte IV.* pauca tantum tradere ab Aphorismo 189. ad Aphorismū 199. de sensu & appetitu, atque affectibus in genere agere lib. 1. de Passionibus animæ, de loco motiva facultate nihil dicere aut docere aliud, quam quod dixit & docuit *parte 11. principiorū Philosophiæ Aphorism. 24. 25. & sequentibus*, quibus tamen magis agit de motu, quam de potentia movendi; nam non videtur tales potentias agnovisse, ideoque etiam de sensu & appetitu magis agit, quam de potentia aut sentiendi aut appetendi. Conscripsit quidem Gallicè tractatum de animali, ejusque operationibus, tum vitalibus, tum animalibus, sed qui nunquam in lucem est editus, animā humanā unitam corpori, non tantum sedem suam ac regiam habere in cerebro, sed & ibidem sentire per nervos, inde per partes exteriores corporis protensos, beneficio quorum, motus partium externarum collecti, & ad cerebrum delati, illud faciunt sentire (sic ut ipsi proprie non videat ocu-

lus, nec sentiat ullum membrū exterius, sed solum cerebrum) & pro diversitate sui diversos efficiant sensus, atque hæc docet Aphorismo 189. 190. & 196. 197. intermediis aphorismis, sed valde obiter, agit de quinque sensibus in specie.

Regius in fundamentis Physiæ, cap. 12. agit quoque de sensibus in genere, & eadem tradit, quæ *Cartesius*, in libello Gallico inedito de animali, reliquit, quia tractatu illo, *Cartesius* in scio usus fuerat; volunt autē ambo, animæ sentientis sedē esse potissimū conarium seu glandulā pinealem, quod in medio invenitur ventriculorum cerebro, atque negant species sensibiles aut intentionales, putantque sufficere ad sensationes, si motus in exterioribus membris per nervos & fibrillas deferatur ad istum cerebri locum, ut quicumque fuerit, spiritibus animalibus, existentibus in cerebri ventriculis, imprimatur, ac per eos conario seu glandule pineali, & in illo cerebri quasi centro, communicetur animæ rationali, quicumque demum hic motus fuerit; atque sic illi fieri omnem sensationem aiunt, non in membris corporis aut organis exterioribus, sed immediate in solo capite ac cerebro.

Berigardus

Berigardus de anima sentiente agit in genere, Circ. 12. & 13. in specie, Circ. 14. usque ad 20. exclusive. ad librum secundum de Anima. Recenset primum Circulo 12. varias sententias *Aristotelis* circa ipsam sensationem, ac rejicit communem sententiam, quod res sentire sit pati aut recipere speciem quandam sensibilem seu intentionalem; rejicit quoque sententiam eorum, qui putant ipsam Animam pati; tertio eorum, qui inveniunt sensum agentem, distinctum à patiente; denique eorum, qui eandem ponunt facultatem sentiendi & agentem & patientem. quæ proprie est sententia *Arist.* facit enim sensationem actionem immanentem; multa quoque ibidem disputat contra species sensibiles sive intentionales, donec tandem propriam explicet sententiam, ex principiis & hypothesebus Antiquorum ante *Arist.* ac negat sensum quicquid sentiendo pati, si per passionem intelligatur Alteratio, uti vulgo ab *Aristotele* intelligitur; non negat tamen eum sentiendo mutari & hoc sensu pati; sed illam mutationem & passionem collocat in solo motu locali, quatenus organon sentiendi movetur, non à speciebus illis sensibilibus, imaginariis, sed quatenus movetur à corporibus aut corpusculis insensibilibus & indivisibilibus, ad organon motus ac delatis, ejusque nervos & fibras pulsantibus, eo fere modo

quo citharæ chordas pulsant & movent digiti, à pulsante & movente eo delati & moti; sic ut nervi in uniuscujusque sensus organo existentes, ab Anima sentiente informati, sint instrumenta sentiendi *Berigardo*. pro ut attingantur variis motibus & appulsibus corpusculorum innumerabilium, eorundemque insensibilium & indivisibilium; itaque duo sunt ex sententia illius Authoris, quæ omnem absolvent sensationem: primum est nervorum mirabilis textura & deductio à cerebro, per spinalem medullam, versus omnes corporis partes, & in cerebro versus organa, extra cerebrum tamen collocata sentiendi: alterum est, multitudo & diversitas corpusculorum jam dictorum nervos illos tangentium ac moventium, quæ in locum specierum sensibilium substituit. Preter ista duo jam posita *Berigardus* ad sensationem ultra nihil requirit solammodo hæc superest difficultas, si in sensatione nihil amplius sit aut requiratur, quam varia nervorum textura ac dispositio, variis fibris instructa, & corpusculorum, istis nervis ac fibris appulsorum, diversitas ac multitudo, quomodo iste varius nervorum ac fibrarum motus, excitatus ab appulsu istorum corpusculorum seu particularum, possit in animantibus excitare tam diversas sensationes videndi, audiendi &c. & per sensus tam diversas rerum notiones? Hoc ut intelli-

garur, sciendum est, quod Autopsia seu ocularis inspectio docet, duas esse cerebri meningis, vulgò dictas, *dura* & *pia* *matrem*, quæ cerebrū dividunt in plures sinus, & undique substantiam cerebri vestiunt atque ambiunt, à quâ cerebri substantiâ tenuissima ducuntur filamenta nervorum, ex quibus oriuntur nervi illi, qui sunt sensus ac motus; per has nervorum propagines organa sentiendi redduntur plena spiritu Animali, hoc est, per illas nervorum productiones Anima ex cerebri ventriculis influit in ipsa organa, ad sensationes, ex appulsu corpusculorum aut particularū in organis exterioribus factas, prænoscendas, quas cum prænovit Anima, tum demum sentit, sic ut sensio proprie non sit organi exterioris, sed potius Animæ in cerebro residentis, ad appulsu corpusculorū factum in organis, debitè attendentis: uti experientia hoc docet, illabi (ut secundum sententiam vulgarem philosophemur) in oculum sæpe species visibiles objecti sensibilis extra oculum positi, & tamen oculum non videre, ut in ecstaticis, aut extra se raptis; quia Animatum ad istarum specierum illapsū in organon videnti non attendit, neque advertit; si Ergo quæras ex *Berigardus*, item *Cartesio* ac *Regio*, Quid sit illud in homine, quod proprie sentiat, an Anima, an substantia cerebri? Respondebunt;

sola Anima in cerebro existens, inde sensationes & motiones omnes per nervos & fibras omnium corporis partium instituit atque exerceret.

Unum adhuc restat inquirendum de objecto sensuum. Cum objectum *Aristotelicum* distinguatur in commune, & proprium, & objecta communia illis dicantur sentiri speciebus sensibilibus objectorum propriorum, verbi causa, distantiam, aut motum, videri sub specie coloris, qui inest rei distant, ac motus; quomodo fieri potest, ut eadem species sensibilis, repræsentet organo videndi, & animæ in cerebro, objectum proprium visus, colorem, & commune, distantiam, aut motum rei coloratæ? certe difficulter hic se expediunt vulgares Philosophi, qui sensationem, speciatim visionem, fieri volunt per species; at *Berigardus* cum antiquis ante *Aristotelem* Philosophis, reiectis speciebus sensibilibus, & admissis tantū corpusculis aut particulis, tum indivisibilibus, tum insensibilibus, dicit, objecta propria sic dicta, vulgò non sentiri, nisi per motum localem istorum corpusculorū aut particularum, & pro diversitate modi, quo ab eodem objecto moventur versus organon sentiendi, atque ipsam animam, ista corpuscula ac particule, sentiri aut videri, colorem, objectum proprium visus, vel distantiam ejusdem objecti, aut motum

motum ejus localem, vel etiam magnitudinem & numerum, figuram ac quietem, & si quæ sint alia, visui, cæterisque sensibus, objecta sensibilia communia.

CAPUT XII.

DE

VISU.

THESIS I.

Visus est sensus inter externos nobilissimus.

Alia est necessitas, alia nobilitas sensuum: quoad necessitatem; tactus superat cæteros, est enim omnium maxime necessarius, ut potè sine quo vita animalis consistere nequit; sed sine visu, auditu, & cæteris, vita servari potest; quoad nobilitatem vero, visus est omnium sensuum primus.

A Thesi 1. usque ad Thesin 17. exclusivè.

Hujus Capituli tres possunt assignari partes, quarum una agit de objecto visus à th. 3. usque ad 39. inclusive: altera agit, à thesi 40. usque ad 46. exclusive de medio; tertia, de videndi organo, & modo, à th. 46. ad finem: de organo usque ad thesin 50. de modo à thes. 50 ad finem. Tribus hisce partibus præmittitur comparatio visus & reliquorum sensuum th. 1. & 2. ratione nobilitatis & præstantiæ. asseriturque visus, sensuum esse nobilissimus & præstantissimus thes. 1. ejus causa ac ratio datur thes. 2. objectum visus, scil. proprium, non commune, est lux, sed lumen, & color, quæ ipsa non

recipiuntur in videndi organo, sed speciem sui visibilem in oculum immittunt, quod vocant Philosophi radiare, de quo thesi 4. agitur. Discrimen radiandi in luce seu lumine, & in colore, explicatur thesi 6. distinguuntur Peripatetici hæc duo, lux & lumen, ut causa emanativa & effectum; hæc traduntur thesi 7. 8. & 9. Thesi 10. explicatur quid non sit lumen; thes. 11. quid sit; non esse corpus, probatur efficacissime ab absurdo, nempe dimensionum penetratione, thes. 12. tum compositio instituitur luminis ad visum seu visionem, cujus asseritur esse instrumentum thes. 13. inde comparatur

paratur cum tenebris in ratione oppositionis, quæ theſi 14. hic ponitur privativa: denique confertur cum ſubjecto, uti & oppoſitum tenebræ, dicunturq; verſari circa ſubjectum idem, non numero, ſed vel ſpecie, vel genere, & ſi verſentur circa idem ſubjectum numero, non tamen ſimul, & eodem tempore circa illud occupantur, ſed ſucceſſive, & tempore diverſo,

nam ſe mutuo expellunt, quia ſunt oppoſita: ſic idem aer non eſt luminofus, & tenebricoſus, eodem tempore ac ſimul, ſed ſucceſſive, & tempore uno luminofus, ut de die; & tempore alio tenebricoſus, ut de nocte; aer tamen eſt ſubjectum luminis vel tenebrarum idem, vel genere, vel ſpecie, non numero.

2. Quia ejus actio eſt celerrima & maxime immaterialis,

Ratio eſt, quia ſpecies viſibiles ſunt maxime immateriales & ab omni terreſtri craſſitie puriores.

Quo enim aliquid eſt à materia purius & liberius, eo movetur celerius.

3. Objectum ejus, ſunt omnia, quæ radiandi vim in ſe habent.

4. Radiare, eſt ſpeciem ſui recta linea diffundere.

Radiare proprie eſt radium lucis emittere, quo ſenſu proprie competit Soli: hic vero ſignificat imaginem ſui, ſeu ſpeciem viſibilem, de ſe per aerem fundere, & ad oculum transmittere: fit autem radiatio in circulum ſive orbem; quæ enim radiant, ab omni parte ſui radios ejiciunt; quemadmodum candela lux lumen ſuum ſpargit in omnes partes circumjacentis ſpatii.

5. Radiant lux ſeu lumen, & color.

6. Lux ſeu lumen per ſe radiat, color non ſine luce aut lumine.

Color non radiat actu ſine luce aut lumine, quia non videtur ſine viſu: lux enim, ſeu lumen, eſt id, quo colores ipſo actu videntur; ideoque de nocte nullos videmus colores.

7. Lux eſt, quæ manet in corpore lucido.

Lux

Lux est proprietas corporis lucidi, ideoque ab eo non migrat.

8. Lumen, quod diffunditur ad alia corpora.

Lumen est, quod à luce corporis producitur in aere, aut alio corpore perspicuo: itaque non communicatur subjective lux corpori alteri sed corpus lucidum efficit in corpore alio lumen per lucem suam, quemadmodum calor gignit calorem.

9. Lumen est effectus emanans à Luce.

Lumen à luce emanat, sed à corpore lucido producitur ut à causa activa.

10. Lumen non est corpus.

Quia lumen tum constaret materia & forma, at vero iis non constat.

11. Sed est qualitas corporis luminosi à corpore lucido producta.

Distinguendum corpus luminosum à corpore lucido: hoc dicitur, quod in se atque ex natura sua lucem habet, ut Sol, illud vero, quod ex se eam non habet sed aliud accipit, ut aer.

12. Si lumen corpus esset, daretur corporum penetratio.

Ratio est quia lumen penetrat aerem; atqui aer corpus est.

13. Lumen magis est visibile ut quo, quam ut quod.

Color est visibile ut quod, quia visionem terminat, ut obiectum, lumen dicitur visibile ut quo, quia fere est instrumentum videndi coloris.

14. Lumini privativè opponuntur tenebræ.

Ratio est, quia tenebræ nihil significant positivum.

15. Lumen & tenebræ versantur circa idem subjectum.

Ratio est quia privatio & habitus versantur circa idem subjectum

jectum, scilicet, successive, non eodem tempore, ut visus & cecitas circa oculum.

16. Cum lumen est actu, tenebræ sunt potentia, & contra.

Ratio est, quia opposita non possunt simul esse actus in eodem subiecto; at lumen & tenebræ sunt opposita: ergo.

17. Color est extremitas perspicui terminati.

Extremitas, id est, superficies, sive plana, sive concava, sive convexa: perspicuum est illud, quod species visibiles trajicit ac transmittit: quod sistitur ad certos terminos, & non nimis condensatur, dicitur perspicuum terminatum.

Quemadmodum si aeris, qui totus est perspicuus, aliqua pars densetur, illa pars densata sistet & terminabit perspicuitatem, unde recte dicitur perspicuum terminatum, & colorem aliquem in se recipiet, quem ante non habuit.

A Thesi 17. usque ad Thesi 40. exclusive.

DE colore, altero visus obiecto, propriè agitur à thes. 17. ad 40. exclusive, & thes. 17. definitur ex *Aristotele*, sed tamen satis obscurè, quod sit extremitas, id est, terminus, perspicui & pellucidi, scil. corporis, sed quod corpus colores terminat ne ulterius transmittantur aut trajiciantur, hic terminus est superficies, vel externa corporis colorati, vel interna partium intra se, quod docetur thes. 17. & 18. quomodo terminet, explicatur th. 19. quid vero sit perspicuum aut pellucidum thes. 20. quomodo color producat, proponitur thes. 22. 23. 24. ex causis producentibus coloris variis ostenditur, variam existere colorum varietatem th. 25. ac tunc comparatio instituitur primorum

corporum seu elementorum, quoniam sint perspicua, quoniam opaca, & utrimque, quoniam magis, quoniam minus, à thes. 26. ad 32. exclusive: à thes. 32. usque ad 39. inclusive docetur, quomodo color se habeat ad visionem ipsius rei coloratæ, duplex quidè instituitur comparatio coloris, una cum re colorata, altera cum lumine, prior à thes. 32. ad 35. posterior inde ad 40. in ordine ad rem coloratam docetur, color non existere in nuda ejus superficie, quæ sola videtur, sed in partibus etiam interioribus, quæ non videntur, & ratio huius rei datur thesi 34. quia posita causa in actu, ponitur causatum, sed causa efficiens, coloris perspicui, & opaci, mixtura, tam ponitur in partibus corporis colorati

lorati internis invisibilibus, quam in partibus corporis colorati externis visibilibus. Theſi 36. ad 39. comparantur inter ſe color & lumen in ordine ad viſionem, doceturque lumen eſſe conditionem neceſſario requiſitam, aut cauſam ſine qua non, cur color actu videatur, ideoque lumine abſente, ut de nocte, nullus actu videatur co-

lor: ideoque lumen, colorem omnem, potentiâ tantum viſibilem, facit actu videri, quam ob cauſam non nulli Phyſicorum lumen vocant actum coloris, non eo modo quo anima eſt actus viventis, ſic enim colorem faceret per ſe, quod non facit, ſed alio modo & ſenſu, qui explicatur theſi. 38. & 39.

18. Terminatum enim perſpicuum habet colorem in ſuperficie, non tamen tantum.

Sic ut color nihil aliud videatur eſſe quam lux aut lumen condenſatum et variis modis ac terminis terminatum.

19. Color ille ſuperficie ſiſum terminat, ſui ſpeciem per corpus luſinoſum ad oculos tranſmittendo.

Dicitur color ſiſum terminare, quatenus actio videndi ſigitur, ſuntur, et ſiſitur in colore.

20. Perſpicuum vocamus, quod habet partium tenuitatem tranſparentem, & quod lumen & colores recipere natum eſt, ut aër.

Perſpicuum dicitur aliis pellucidum, quia lumen et colores non ibi ſiſtuntur, ſed per illud ac trans illud tranſmittuntur ac traiciuntur.

21. Corpora denſa lumen aut colorem non tranſmittunt.

Corpora denſa, ſcilicet, omni modo; nam corpora quædam etiam denſa, ſeu paululum tantum, lumen aut colorem tranſmittunt, uti vitrum & cryſtallum.

22. Color generatur ex condenſatione perſpicui cum admixtione opaci.

Opacum dicitur corpus, per quod nullum lumen pertranſit, & opponitur perſpicuo,

23. Fit

23. Fit enim corpus coloratum, cum desinit esse pervium.

Sic materia cali, cum ob sui condensationem desinit esse pervia, scilicet luci aut colori transmittendus, fit stella, corpus coloratum, ac tum videtur.

24. Alia magis, alia minus sunt colorata, prout vel plus habuerint vel minus opaci, in admittance.

Cum plus est opaci quam perspicui, color ad nigrum magis accedit: contra, cum plus est perspicui quam opaci, magis vergit ad album: & hinc petenda est ratio colorum mediorum, quorum aliqui magis albicant, alii magis nigrificant.

25. Et hinc est colorum varietas.

26. Ignis, aër, aqua sunt perspicua, terra opaca est.

27. Hoc intelligendum est comparative.

Terra dicitur opaca, non quasi omnis lucis sit expers sed quia minus luci habet quam Elementa cetera, & plus opaci; nisi quod circa centrum censeatur omni luce carere: aqua dicitur perspicua, non quasi sit expers omnis densitatis, sed quia plus habet perspicui, quam opaci; sic ignis quoque & aër, licet, quia Elementa sunt impura, non omni careant opacitate, magis tamen sunt perspicua, quam opaca.

28. Ignis est maxime perspicuus, post hunc aër, aqua minus, terra minime.

Habent tamen omnia Elementa, propter naturæ suæ impuritatem aliquid opaci & aliquid perspicui.

29. Ignis, si condensetur, paululum splendet.

Id videre est in flamma.

30. Aer, & aqua, si condensantur, albescunt.

Sic videmus glaciem, quæ non est nisi aqua condensata albam esse.

31. Terra

31. Terra propter opacitatem plane est nigra.

Quia perspicuum illud, quod in terra, tam est exiguum ut fere nihil sit.

32. Color, etsi in superficie corporis colorati visum terminat, non tamen ideo est in sola superficie.

33. Sed color etiam interioribus & medio corporum.

Patet veritas, si corpus coloratum in suas partes dividatur; tum enim apparebit, in mediis partibus corporis colorati videri quoque colores.

34. Quia mixtio perspicui & opaci non tantum in superficie, sed & in intimis partibus corporis datur.

Ratio est, quia quaelibet pars corporis mixti est mixta.

35. Color iste interior potentiâ est visibilis, non actu.

Color partium internus in corpore colorato actu videri nequit, quamdum partes non sunt à se invicem separate, sed, facta separatione, actu videntur.

36. Nec actu videtur nisi presenti lumine.

Ratio est, quia medium in visione debet esse illustratum.

37. Lumen tamen non est interna coloris forma.

Lumen non facit colorem esse colorem, sed facit colorem videri qui ante non videbatur.

38. Sed est actus objecti colorati, quo actu videtur.

Actus hic non significat formam, sed id quod actualizat, id est, quod colorem, visibilem in potentia, reddit actu visibilem, id est, facit actu videri.

Potest existere actus aliquis seu forma, licet non actuet, id est, licet actus non operetur, quemadmodum ignis actus existit sub cineribus, licet non calcificat.

39. Lumen facit colorem actu videri ; dum illuminat medium.

Sive illuminetur medium à corpore lucido, extra se constituto, quemadmodum aer illuminatur interdum à Sole, sive illuminetur à luce organi, quemadmodum de nocte illuminatur à luce oculorum in seipsum.

40. Medium, quod à lumine illustratur, est corpus interjectum inter visum & objectum.

Et ideo vocatur medium, quia interiacet medio loco inter organum videndi, & rem quæ videtur.

SEconda pars huius Cap. agit de videndi medio, quod sic vocatur à positione, quia ponitur intermedio loco, inter objectum visionis & oculum, quod tam necessarium est, ut si non daretur, nulla fieret visio : hoc medium est omne corpus pellucidum aut perspicuum, quod si fuerit simplex & uniforme, ejusdemque aut raritatis, aut densitatis, ac perspicuitatis, visio dicitur directa ; si vero diversæ sit densitatis, aut raritatis, aut perspicuitatis, visio dicitur refracta ; ut cum videtur per aerem remus sub aqua : cujus utriusque visionis hoc discrimen

est, quod per visionem directam res videatur semper in loco suo, in quo est ; per visionem refractam nunquam ; propter medii in priori visione uniformitatem, in posteriori difformitatem, quoad raritatem & densitatem ; hinc patet, quanti sint faciendæ observationes Astronomicæ ; cum enim omnes stellæ videantur visione refracta, quia videntur per aerem, ignem elementarem, si sit, & ipsam substantiam ætheream cælorum, media, diversæ raritatis, & densitatis, nullæ videntur suo loco.

41. Hoc non tantum est aer, sed aqua, & vitrum, & crystallus, & omnia transparentia.

Quia per ista omnia videmus, nam species transmittunt.

42. Identitas & diversitas medii non pendet ab identitate & diversitate essentiz, sed à perspicuitatis gradu.

Est quidem aer diversa essentia ab aqua, sed in quantum utrumque est medium videndi essentia diversitas non spectatur, sed consideratur discrimen graduum in perspicuitate, scilicet, quod aer sit magis perspicuum, aqua minus.

43. Medium est causa visionis sine qua non.

Quia sine medio nulla potest fieri visio: nam, si objectum imponatur oculo, res non videtur.

44. Itaque, ad visionem requiritur, & lumen, & aliquod intervallum corporis perspicui & illuminati, quod interpositum est inter objectum & visum.

Visio ut fiat, requiritur et objectum, et organum, et corpus inter utrumque medium, & lumen in eo, & distantia ejus ab organo.

45. Hinc, si corpus coloratum proxime admoveatur oculo, non videbitur.

Proximè, id est, ut objectum attingat ipsum organon.

46. Visionis organon est oculus

Quia in oculo fit visio, & ibi species visibiles recipiuntur.

A Thesi 46. ad finem.

Thesi 46. usque ad 50. exponitur organon videndi, & inde ad finem, modus, quo fit visio, quæ duo tertiam absolvent hujus Capituli partem. Videndi organon generale ponitur oculus, cujus enumerantur partes, Thesi. 47. atque ex his videndi speciale organum assignatur tunica retiformis, quæ

se habet in oculo ad humorem crystallinum, ut in speculo argentum vivum se habet ad vitrum; sententiam hanc nostro seculo, primum in lucem protraxere in oculo optico Schei-
nerus, & Keplerus in suis opticis ad Visionem. Modus videndi in genere proponitur Thesi. 50. & 51. In specie thesi. 52.

47. Oculus constat sex musculis, quinque tunicis, tribus humoribus, & nervo optico.

*Musculi sunt, qui faciunt oculum movere: tunicæ humores am-
bunt; nervus opticus oculi substantiam jungit cerebro, estque decus-
satus, nam qui à sinistro est oculo decussatim jungitur ei, qui à dextro
est*

est, ac vice versa; videatur oculi cum suis partibus pictura apud Eustachium in Physicis.

48. Ex his, visionis organon proprium est tunica retiformis seu retina.

“Humor ChrySTALLINUS non est Organum visionis, ut vulgo existimant, quia transparet, & species visibiles transmittit: at vero
“ista parte oculi fit visio, ubi species visibiles sustinentur: at hoc fit
“in tunica retiformi, quia hæc opaca est, & nigricans, quemadmodum repræsentatio rei in speculo, non fit in vitro, quia hoc
“species transmitteret: sed in argento vivo quod species sinit,
“unde argento vivo ablato, nulla fit rerum repræsentatio in speculo: dicitur vero hæc tunica *retiformis* aut *retina*, quia refert
“propemodum rete.

49. Quia in ista tunica species visibiles in oculum illapsæ figuntur.

50. Visio fit specierum receptione non radiorum emissionem.

Quia oculus consumeretur, si perpetuo tot ejiceret radios, & visio fieret extra oculum, non in oculo.

51. Recipitur species per pupillam.

Per pupillam, scilicet, ut eam transeat.

52. Species rerum per pupillam ingressæ, oculi humores trajiciunt, impinguntur autem & hærent in retina tunica, cujus partes cum obscuræ sint & tenebricolæ, pingunt istam tunicam species; quæ pictura, objectum extra oculum, oculo repræsentat: & sic fit visio,

“Quemadmodum res extra conclave aliquod constituta per unicum foramen fenestra lignæ repræsentatur in papyro alba, cōclavi ipso undique clauso: ita res extra oculum collocata, per pupillæ foramen intra oculum admittitur ibi repræsentatur, & repræsentatur
“oculū per sui speciem quasi pingunt, et sic ab eo videtur, sit enim talis clara aut etiā speculū animata forent, viderent.

Senten-

Sententia, Cartesii, Regii, Berigardi,
A D

CAPUT DUODECIMUM.

Quod spectat duorum priorum sententiam de Visu, ea utriusque est eadem: explicatur paucillimis verbis ab utroque: à *Cartesio*, *Aphorif.* 195. *partu quarta principiorum*, poniturque fieri per motum globulorum secundi elementi (qui explicantur *Aphorif.* 52. *partis tertie*) impingentium in extremitates nervorum opticorum, quæ tunica retiformem componunt, ex quo motu habetur sensus luminis & coloris, qui vocatur visus. De hisce tribus, lumine, colore, visu, nihil ulterius habet in *principiis Philosophæ*; sed de lumine quam plurima habet *Cap. 1. Dioptrices*; de oculo *Cap. 3. de ipsa visione Cap. 6. de colore*, speciatim iridis & nubium, quam plurima docet *Cap. 8. & 9. Meteororum*: *Regius* nihil aliud de Visu dicit, quam, quod ex vario globulorum æthereorum in retinam oculi tunicam impingentium motu, sentiatur, lumen & color. Sed *Berigardus* longe prolixius de Visu disserat per totum *Circ. 14. in lib. 2. Arist. de Anim.* atque incipit ab objecto, & postquam *Arist.* sententiam de lumine & coloribus fide exposuit sub persona *Chalcidii*, propriam exponit sub

persona *Aristei*; atque ita se quoque gerit circa modum videndi, ac circa medium, primum docet, lucem, lumen, & colorem, non differre re, sed sola ratione; deinde lucem facit substantiam quandam tenuem, è corpore, cui permista est, in unum collectam, ac velocissimo motu dispersam: lumen facit eandem substantiam, sed jam diffusam per medium: colorem vult nihil aliud esse, quam varios luminis motus, quibus emissam à corpore lucido, contorquetur, unde fit, ut in nervum opticum incidens, varios in ipso cieat motus, & sic efficiat colorum visiones. Lucem ac lumen esse corpus tenuissimum, antiquorum ante *Aristotelem* fuit sententia, quam variis experimentis ibidem probat, solvitque duas potissimas rationes *Aristotelis*, quibus eam impugnat. Prima est, quod corpus non possit in instanti produci, lumē vero in aere producatur in instanti: altera est, quod dabitur dimensionum sive corporum, aeris scilicet & luminis, penetratio. Ad primam responderetur, gratis hoc dici, & falsum esse, quod lumen in instanti, producatur in aere, aut momento per eum diffundatur. Ad

secundam, nullam esse hic penetrationem metuendam, si dicamus lumen non esse in toto medio, sed alicui ejus parti permixtum, ut sal & vinum permiscetur liquori, quo dissolvitur. Alii hoc obijciunt, si lumen sit corpus tenuissimum, quomodo potest pervadere cælum solidissimum & durissimum, instar chrystalli? respondeo cæli soliditas aut durities merum est figmentum, iam hodie ab omnibus Mathematicis, & sanioribus Philosophis explosum. Quod lumen & color non distinguantur re, sic ostendit, quia lumen tantum effunditur à corpore lucido, velocissimo motu, facto tamen in tempore, sed brevissimo, non in instanti, & diffusum per aerem illabitur ad oculos, illapsum, motus imprimit varios in nervo optico, ex quo varii videntur colores: quæ autem sit illa diversitas motus, unde diversæ species colorum desumuntur & exoriuntur, non explicat, sed ad modum videndi, & medium explicandum pergit. Quod spectat modum videndi, is sic explicatur à *Berigardo*, ut primum organon videndi, oculum, per partes exponat: sunt autem in oculo spectanda tria, humores, tunica, & nervus opticus, quæ à vulgaribus Physicis satis sunt explicata: de humoribus hoc observat, eorum munus præcipuum esse, ut lumen extrinsecus immixtum

in oculum colligant, collectum transmittant ad nervum opticum, qui cum sit collocatus in interiore parte, ac fundo oculi, lumen adveniens extrinsecus recipere nequit, nisi per medios humores, qui sunt rariores & magis perspicui, refringatur, & refractum colligatur: ut vero lumen ita collectum, in nervo optico recipiatur, nec facile resiliat aut reperiatur, facta est illa interior pars oculi in nervo ipso, & tunica retina (quæ nihil est aliud, quam nervus opticus quasi productus) obscurior, & nigrior, ut radii non possint dispergi, sed necessario debeant sisti, quemadmodum in speculo argentum vivum sua obscuritate & nigredine sistit imagines, seu species, vulgo dictas sensibiles, in speculum illapsas, & per vitrum perspicuum transmissas: unde patet, visionem fieri, aut in ipso nervo optico, aut in tunica retina; nam quod non fiat in humore crystallino, inde manifestum est, quod humor iste sua perspicuitate species nullas, aut radios sistat, omnes transmittat: si quis obiciat imaginem videri sui, ab unoquoque, in pupilla alterius, et sic aut radios, aut species visibiles non transmitti vel ad nervum opticum, vel tunicam retiformem: respondeo illam consequentiam esse invalidam, quia omnino radius, aut species visibilis alicujus transmittitur ad nervum opticum, aut

aut tunica in retinam oculi, sed quia transit per medium perspicuum, humores scilicet ac præsertim crystallinum, repercutitur ac reflectitur, & sic videtur; itaque ille luminis à corpore lucido illapsus seu influxus, & refractus per medii varietatem, scilicet humorum raritatem, tunicarum densitatem, aut reflexus, vel repercussus isto motu, per impulsum vel nervi optici, vel tunicæ retinæ, efficit visionem; sed cum nervus opticus sit geminus, qui sit, ut res quoque una, non videatur gemina? respondent vulgo, quia nervus opticus decussatus est, visionem fieri in isto concursu decussato utriusque nervi; talis quidem est ratio videndi lumen, idemque modus est videndi colorem, quia color à lumine non differt re, sed ratione tantum, ut antea fuit explicatum; sed quaeri potest adhuc quomodo videantur objecta communia visus, motus, quies, numerus, figura, magnitudo, nam lumen & color sunt objectum proprium visus;

respondeo, motum videri, cum corpus aliquod, diversis respondens locis, per sui, aut suarum partium successionem, modo ex hac, modo ex illa, modo ex alia parte loci, lumen ad oculum transmittit; cum vero ille luminis motus ex uno sit loco, videtur corpus quiescere, quod ante erat motum; numerus videtur ab oculo, prout lumen ex diversis locis ad oculum venit; figura videtur oculis, prout lumen à re figurata transmissum, eam oculo representat; atque ita quoque videtur magnitudo, distantia, locus, situs, scilicet, prout per radios luminosos; ea ad oculum, ejusque instrumenta videndi, transmittitur. Quod videndi spectat medium, vulgo id faciunt aerem & aquam, quia in utroque res videntur, & per utrumque; sed in genere melius statuitur omne corpus perspicuum, inter oculum, & objectum luminosum ac coloratum, scilicet, visibile, interjectum, atque interpositum.



CAPVT. XIII.

DE

AUDITU, OLFACTU, GUSTU, TACTU, &c.
SENSU INTERNO IN GENERE.

THESIS I.

Auditus, est sensus externus circa sonum.

Sensus & potentia omnis non potest definiri melius quam per genus & obiectum; sic & hic definitur auditus.

A Thesi 1. usque ad Thesin 15. inclusivè.

Capitis huius commodè as-
signari possunt duæ par-
tes, quarum una à Thes. 1. ad
39. exclusive agat de quatuor
sensibus reliquis exterioribus,
posterior agat de sensu interno
Thes. 39. usque ad finem. In
priori parte primum agitur de
auditu à Thes. 1. ad 16. exclu-
sive; circa illum consideratur
objectum, sonus, qui explica-
tur à thes. 2. ad thes. 14. inclu-
sivè, & organum auditus th. 15.
de sono dicitur quid sit, ex de-
finitione, thes. 2. deinde quo-
modo generatur thes. 3. usque
ad thes. 5. inclusivè tertio quo-
modo propagetur, à thes. 6. ad
thes. 11. exclusive, deniq; quo-
modo multiplicetur à thes. 11.
usque ad thes. 14. inclusive. De-
finitur thes. 2. per aëris percus-
sionem atq; impulsione, non
per fractionem, quia fractio, si
plagam antecedit, sonum sistit
atque impedit, nedum ut com-

promoveat, aut efficiat. Circa
generationem soni thes. 3. hoc
norandum venit, nihil referre,
sive corpora collisa sonum ef-
ficientia ambo moveantur, sive
unum tantum; ambo, ut si u-
trinq; manum complodas per
utriusque motum; unum, ut si
manum meam impingas men-
se, aut corpori duro aut immo-
to; hinc infertur, sonum, qui
est una qualitas, non esse in
corporibus ambobus collisis,
sed in ipso aere, tanquam in
subiecto uno, scil. qui intercipi-
tur inter corpora collisa. Pro-
pagatio soni explicatur à suis
causis, prima illius causa, ac
fortasse sola, motus aëris per-
cussus in orbem, qui *undulatio*
dici solet; quia refert motum
projecti lapidis in undas, ac cir-
cumgyrati; ac per istum mo-
tum, sonus interdum definitur,
quæ definitio dici tum debet
causalis, qualis hæc eclipses,
cum

eum definitur interpositio terræ, inter Solem & Lunam, Modus autem audiendi explicatur thes. 8. & 9. Multiplicatus sonus vocatur Echo, quæ videtur magis esse sonus iteratus, quàm est, nam potius est unus idem-

que sonus, iterumque iterumque auditus, quam ut sit sonus geminatus, aut multiplicatus, aut iteratus. Organum auditus thes. 15. magis dicitur quid non sit, quam quid sit.

2. Sonus, est qualitas orta ex plaga aeris percussæ & impulsæ,

Sonus nec prima est qualitas nec secunda: non prima, quia non est proprietas Elementorum; non secunda, quia non oritur ex commixtione caloris & frigoris, humiditatis & siccitatis.

Errant, qui putant ad sonum requiri semper aeris fractionem, hæc enim in multis invenitur sonis, sed non in omnibus; sufficit enim in multis aeris percussio atque impulsio.

3. Plagam accipit aer, cum inter duo corpora plana, lævia, solida, inter se collisa, intercipitur.

Corpora hic dicuntur plana, quæ sunt lata, & superficiem habent vel proprie planam, vel concavam vel convexam: Solida, id est dura, nam mollia corpora mollibus collisa sonum non edunt, ut si plumam pluma illidas: lævia, nam inter corpora polita & superficies æqualis, melius aer intercipitur, quam inter corpora glabra aut scabra.

4. Itaque, sonus non est proprie in corporibus percutientibus, sed in aere percusso.

Si sonus foret in ambobus corporibus percutientibus, unum accedens foret in duobus subiectis: atqui hoc est absurdum: Ergo.

5. Aer accepta plagâ undiquaque concutitur.

Concussio aeris in orbem fere fit in circulum, unde sonus undiquaque auditur.

6. Hac concussione ad aliquam distantiam propagatur sonus.

Scilicet, quousque aer concutitur, eousque defertur sonus: at non concutitur in infinitum; ergo nec in infinitum defertur sonus.

7. Itaque, sonus dicitur motus, non formaliter, sed causaliter.

Si sonus foret motus formaliter, esset actio: atqui non est actio, sed qualitas: ergo, Interim motus aeris concussi est causa soni unde hæc definitio soni, quod sit motus aeris, est causalis.

8. Sonus propagatur secundum esse intentionale per species.

Id est, non ipse realis sonus ad aures usque defertur, sed ejus species, id est, imago in aëre recepta.

9. Hæ species sunt materialiores, quam species visibiles.

10. Hinc res citius videtur quam auditur.

Exemplum est, in explosione bombardæ, et tonitru ac fulmine, ubi utrobique citius videtur lumen, quam auditur sonus.

11. Cum sonus, aut potius soni species, in cavum corpus incidit, repercutitur.

Repercutitur, id est, redit, quemadmodum lumen polito corpore reflectitur aut pilo roticulo retrorsum revertitur.

12. Ista repercussio, Echo dicitur.

13. Itaque, Echo non est novus sonus, sed sonus repercussus.

Quemadmodum lumen reflexum non est novum ab eo quod primum in corpus politum incidit, sic idem sonus incidens in corpus cavum reverberatur.

Repercussio soni plerumque quidem fit quia in corpus incidit eorum sed & nonnunquam fit cum sonus incidit in corpus planum, modo illud sit è regione oppositum corporibus sonantibus.

14. Cum sonus in unicum corpus reflexioni idoneum

Idoneum incurrit, unica est Echo, aut repercussio; si in plura, est multiplex.

Reflexioni, id est, repercussioni, aut motioni retrograde.

15. Organon Auditus, non est aer innatus sed pars aliqua interior auris, quâ nervo Auditorio conjungitur.

Quenam pars interior auris proprie sit immediatum organon audiendi, non est valde certum.

Aër innatus vocatur hic, qui à nativitate inest auribus animalium, estque non semper idem, sed per varios motus variatur, semper tamen auribus inest aliquis.

16. Olfactus est sensus externus circa odorem.

Olfactus aliis dicitur odoratus.

17. Odor, est qualitas patibilis mixti corporis, orta ex temperatura qualitatum primarum dominante calido & sicco.

In odore omnes quidem concurrunt qualitates Elementares, sed calor & siccitas praevalent; unde videmus illa corpora esse maxime odorata quae sunt maxime sicca & calida, quod liquet ex aromatibus, pipere, zingibere.

A Thesi 17. ad 20. inclusive.

THesi 17. de Odore agitur, qui definitur, & cujus medium explicatur Thesi. 18. modus propagandi Thesi. 19. Organum Thesi. 20. Cum thesi. 17. Odor definitur, qualitas mixti corporis: patet hinc, elementa pura nullum de se spargere odorem, ideoque purus aer, aut pura aqua, si daretur, Olfieri non possent. Cum thesi. 18. medium in olfactu dicitur esse aer,

vel aqua: hoc discriminis est, quod per aerem odor deferatur, tum per species, tum re ipsa: per aquam non nisi per species, nisi illa fuerit mota. Organum olfactus thesi. 20. ponuntur processus mamillares narium; & qui sunt humidiores, etiam minus sunt idonei ad olfacendum, redduntque olfactum in homine obtusorem, præ exteris animantibus.

18. Medi-

18. Medium, per quod odor defertur, est aër & aqua.

Quod aer sit medium per quod odor vehitur, liquet tempore pestis, cum odoribus factus est inquinatus: quod aqua quoque odores deferant ad olfactum, liquet ex piscibus, qui sub aqua odorantur escam aut simile quid injectum in aquam.

19. Diffunditur odor per medium secundum esse intentionale, id est, per species.

Ita quidem plerumque fit, sed non semper, nam interdum odor realiter defertur ad nares, quod liquet cum ipse nasus odore aliquo seu bono seu malo repletur.

20. Organon olfactus sunt processus mamillares in superiori parte narium siti.

Processus vocantur mamillares in naso, quia sese habent, sicut mamilla mulierum.

21. Gustus, est sensus externus circa saporē.

A Thesi 21. ad 33. exclusive.

THesi 21. definitur gustus; ponitur organum gustus. Th. 29
a thes. 22. usque ad thes. 27. usque ad thes. 33. exclusive,
inclusive explicantur definitio comparantur inter se, sapor &
& divisio saporis. Thes. 28. ex- odor.

22. Sapor, est qualitas patibilis corporis mixti, orta ex humidi aquei prædominantis & sicci terrei decoctione.

In sapore omnes quoque concurrunt Elementorum qualitates, sed prædominatur humidum aqueum, & siccum terrestre; dicitur humidum aqueum, ad distinctionem humidi aeris, quod propter tenuitatem suam non est idoneum ad saporē per nimiam suam subtilitatem: notandum vero est, ea quæ sunt maxime humida esse maxime sapida.

23. Sapores sunt vel extremi vel medii.

Quemadmodum colores alii sunt extremi, alii medii, qui ex extre-
morum

temorum mixtione oriuntur, ita & sapes quidam sunt extremi, qui inter se nihil habent commune, alii mediis, qui ex extremorum compositione nascantur.

24. Extremi; dulcis, amarus.

25. Dulcis, ex mediocri & temperato sicco terrestri, & humido aqueo, moderatoque calore producitur, ut in melle.

In sapore dulci qualitates sapidae, id est, saporem efficientes, sere sunt redactae ad aliquam temperaturam.

26. Amarus, ex multo sicco terrestri & pauco humido aqueo, per abundantem calorem gignitur, ut in felle.

In sapore amaro, nimis calor humidum aqueum consumit, nude fit ut remaneat multum siccitatis terrae, quae amaritudinem inducit.

27. Sapes medii sunt, salus, acer, austerus, acidus, &c.

Ex saporibus mediis, alii ad dulcem, alii ad amarum propius accedunt, pro inaequali extremorum mixtura, & temperatura.

28. Organon gustus, sunt nervi linguae.

Nonnulli organon gustus faciunt cuspide[m] linguae, nec male, quia ibi maximus est nervorum in lingua concursus.

29. Odor & sapor in multis conveniunt, in multis differunt.

Ratio est, quia odor & sapor quasdam habent causas communes, quibus conveniunt, quasdam proprias, quibus differunt.

30. Conveniunt, quatenus uterque consistit in humido & sicco; differunt, quia sapor praesertim in humido, odor praesertim consistit in sicco.

Hinc est, quod humida magis sapiant, & minus olfaciant.

31. Conveniunt in materiâ sive subiecto, quia quicquid lapidum est, est & odoriferum & contra,

Datur tamen semper aliquis excessus saporis præ odore, aut odoris præ sapore.

32. Conveniunt in causâ efficiente, quæ urinaque est calor: differunt, quod in odore calor superet humorem, in sapore contra.

Calor in omni mixtione est causa efficiens.

33. Tactus, est sensus externus circa qualitates tactiles.

Qualitates tactiles vocantur, quæ tactum afficiunt, sunt vel primæ, calor, frigus, humiditas, siccitas; vel secundæ, raritas, densitas, &c.

A Thesi 33. ad 39. exclusive.

THes. 33. proponitur definitio tactus Thes. 34. & 35. disputatur de unitate tactus specifica, quæ asseritur contra Scaligerum & alios. Th. 36. 37.

confertur tactus hominis, cum tactu aliorum animantium; eique dignitate præfertur Th. 38. ignoratur organum tactus.

34. Tactus est unus specie, non plures.

Si tactus foret multiplex specie, quia obiectum eius est tale, nam calor & frigus specie differunt, item humiditas & siccitas, asperitas & densitas, &c. etiam visus esset multiplex specie, quia obiectum eius est tale, nam color albus et niger, specie differunt; posterius est falsum; ergo et prius.

35. Quia licet objecta sunt materialiter plura, formaliter tamen in una ratione tangibili conveniunt.

Id est, eodem modo tactum afficiunt et organon immutant qualitates tactiles, etiam quæ sunt oppositæ speciei.

36. Omne animal præditum est tactu,

Ratio

Ratio est, quia tactus est comes vite, & quod tactus caret, vita caret, calor enim nativus utriusque est causa; quod autem calore nativo exutum est, vitam perdidit.

37. Homo tamen habet tactum omnium excellentissimum.

Ratio est, quia temperies hominis supra alia animalia est temperatissima.

38. Organon tactus, sunt nervi ac membræ, seu membranacea & nervea partium substantia.

Alii faciunt organon tactus cuticulam, quæ corpus cingit & ambit.

39. Præter hosce sensus externos, dantur interni.

Vocantur sensus interni, quia intra corpus hominis sedem suam ac subiectum habent, non in exteriori ejus parte, ut sensus externi.

A Thef. 39. usque ad finem.

Hæc thesi altera hujus Capituli pars proponitur, quæ est de sensibus internis, quos dari probatur th. 40. 41. 42. ex reflectione animalis super sensationem suam; ubi notandum est, cum dicitur nulla facultas materialis reflecti posse, intelligendum esse crasse materialem, i. e. omni modo materialem; nam obijci posset sensum internum quoque esse materialem; nam dependet quoque à materia in fieri, esse, & operari. sed respondendum est, longè majorem communionem esse sensuum exteriorum cum materia, quam internorum, quia sensus externi omni modo, & quoad medium, & quoad

objectum, & quoad potentiam dependent à materia: Interni nullam habent rationem medii, ratione dependentiæ ab eo, præterea objectum habent magis depuratum, quam externi. Thef. 43. proponitur organum sensus interni, quod ponitur cerebrum, soletque vulgò dividi in anteriorem partem, & posteriorem, vulgo sinciput & occiput; habet illud varios meatus, ac gyros, ac mxandros, in quibus dominari volunt spiritus animales, qui sunt instrumenta sensationis, non tantum internæ, sed & externæ. imo & motionis localis. Thef. 44. 45. 46. 47. 48. ostenditur sensum internum tantum esse potentiam,

tentiam, aut facultatem unam, respectus, ad functiones diversas. Thef. 49. docetur sensum non quatuor, ut vulgò existimant, sed quatuor venire nominibus, quia quatuor sunt ejusdem potentiz aut facultatis

respectus, ad functiones diversas. Thef. 49. docetur sensum internum & que cognoscere per species, atque externum.

40. Quia omnia animalia sentiunt se sentire:

Id est, animalia reflectuntur super sensationem factam à sensibus externis, hoc est, cognoscunt se videre, &c.

Hoc autem non est ipsius visus, nec ipsius auditus, imò nullius sensus externi: neque enim oculus videt se videre, neque auris audit se audire, &c.

41. At, hoc non est sensuum externorum;

42. Quia nulla facultas materialis potest super actum suum reflecti.

Obstat ipsa materialitas facultatis materialis, seu dependentia ejus à materia, cui minus super actus suos reflectatur.

43. Organon & sedes sensus interni est cerebrum.

Ratio est, quia inde derivantur nervi, ibidem sedem habent spiritus animales, quibus utrisque sensus internus utitur, in sensatione sua facienda.

44. Sensus internus est tantum unus;

Id est, sensus internus est tantum una potentia, facultas, aut virtus sentiendi, quamvis diversa gerat nomina, & diversas edat operationes.

45. Sed, ob diversas functiones & officia, sortitur varia nomina.

Quanam functiones diversæ sensus interni sint & officia varia Capite sequenti explicatur.

46. Dicitur interdum sensus communis, interdum phantasia, interdum aestimativa, interdum memoria.

Aestimativa in homine nonnulla vocatur Cogitativa.

47. Qui-

47. Qui ex quatuor ventriculis cerebri deducunt numerum quaternarium sensuum internorum, errant.

Proscito quidni possit una potentia esse diffusa per quatuor cerebri ventriculos?

Quemadmodum una potentia locomotiva diffusa est per pedes, manus, & reliqua corporis membra.

48. Nam quatuor isti ventriculi aliis usibus inservire possunt, vel generandis spiritibus, vel excrementis ejiciendis, &c.

Intelliguntur hic spiritus animales.

Excrementa intelliguntur hic fuligines, cerebri defluxiones, muci, &c.

49. Sensus internus res cognoscit per species.

Species sensibiles, quibus res cognoscit sensus internus, vel fuerunt prius in sensibus externis, & vocantur sensata; vel non fuerunt, & dicuntur species non sensatae, aut insensatae.

50. De singulis sensus interni muneribus agatur Capite sequenti.

Sententia Cartesii, Regii, Berigardi,

Ad

CAPUT. XIII.

DE auditu, odoratu, gustu, tactu, parcius agunt *Cartesius*, & *Regius*, ille, parte 4. principiorum, *Aphor.* 194 193. 192. 191. hic Cap. 12. pag 280. edit: prioris, 282. 283. audiendi actionem *Cartes.* fieri ait, per par nervorum auditoriorum, reconditorum in cavitatibus aurium interioribus, excipientium motum aeris percussu, & ex percus-

sione tremantis, ac vibrati; ut auditus organum ipsi, sint ipsi nervi auditorii, uti quo *Regio*, cui auditus definitur, sensus percipiens sonos, ex justo fibrillarum motu, quæ sunt in nervo auditorio, ac delato ad cerebrum tanquam sensorium commune: ubi notandum, à *Cartes.* duos nervos auditorios assignari, propter aures duas, quarum singula

singulæ suum habent nervum, à *Regio* unum tantum poni; quia duo isti duarum aurium nervi, in unum coeunt, tanquam in centrum. Olfactum *Cartesius* explicat per motum quoque duorum nervorum odorati in-servientium, factum à particulis corporis odoriferi subtilibus, atque agilibus; & à diversis eorum motibus, diversitatem derivat odorem, qui sunt duum generum, fœtor & odor gratus; eodem modo odores percipi asserit *Regius* ex motu fibrillarum nervi olfactorii, inter quem & rem odoriferam, certa requiritur distantia, ut facilius ejus particulæ subtiliores evaporantes, per aerem possunt diffundi. & eo median-te, ad nares, atque inde ad ipsum nervum olfactorium per-vehi. Gustum *Cartesius* fieri ait per motum nervorum, linguæ, & partibus vicinis inferiorum, factum à corporis gustabilis particulis, figura, & magnitudine, diversis, quæ ut diversæ sunt, ita diversos excitant saporés in ore, nec aliter gustum definit *Regius*, quum ait esse sensum, quo ex motu nervi gustatorii per linguam anima saporés percipit, ac varietatem saporum derivat à varietate dispositionis particularum, quoad figuram, & magnitudinem, in corporibus odorabilibus. Tactum *Cartes.* explicat per motum nervorum, in totam cutem corporis tangibilis, desinentium, factum à particulis

aliorum corporum motis, efficiantibus gravitatem, levitatem, siccitatem, calorem, frigus, duritiem, &c. & prout hæc diverso moventur modo diversos efficiunt tactus & diversas qualitates tactiles, jam nominatas: ita & *Reg.* tactum definit sensum, quo ex motu nervorum tactuorum per unum corpus diffusorum, calor, frigus, &c. qualitates tactiles, ab anima percipiuntur, ita *V. C.* quando alicujus corporis particulæ insensiles celerius moventur, quam particulæ nostræ cutis, sentitur calor; cum moventur tardius, quàm nostræ corporis particulæ, sentitur frigus; quando resistunt nostræ corporis partibus, sentitur durities, cum iis cedunt, mollieties, & sic in aliis. *Bergardus* vero longè fusius de quatuor hisce sensibus agit, *Circ.* 15. 16. 17. 18. In lib. de Anima secundum *Aristo.* *Circ.* quidem 15. primū, auditus medium non tantum facit aerem, sed & aquam; estque ipsi sonus, non tantum motus aeris, sed & aquæ, imo motus cuiusque demum corporis, nervum auditorium ferientis; & sonorum differentias explicat, similitudine colorum, ut enim colorum varietas oritur ex eo, quod diversimodè, & vario motu lumen tendat ad oculos; ita in auribus diverso motu eas attingunt, variis aeris & aquæ motus, illam varietatem ponit in gyris & circulis, quibus ad aurium membranam motus, aut aeris, aut

aut aquæ, aut alterius corporis, defertur; nam ut lumen diversos recipit motus pro varietate corporum. in quæ incidit, ita ær, aut aqua, varios, atque diversos edit circulos ac gyros, pro diversitate corporum, quæ alliduntur. Odoratam explicaturus Circulo 16. incipit ab odore, quem uti & omnia alia objecta sensuum, aut esse corpus, quod per se movet nervum odoratorium absque ullo specierum sensibiliû interven- tu: processus mamillares, instrumentum facit olfactus, eos- que appellat nervos, quia sunt substantiæ mollioris; odorum diversitatem derivat ex vario motu rei odoriferæ, vel ei con- veniente, vel contrario. vel in- differente. Gustum Circulo 17.

explicat per motum particula- rum in re lapida, attingentium nervum gustatorium vario mo- do, atque hinc quoque derivat varietatem saporum, prout illæ particule vel convenerint, vel non convenerint linguæ aut pa- lato: si convenerint sapor est dulcis ac gratus, si non conve- nerint, est amarus sive ingra- tus. Circulo 18. Tactum expo- nit per motus diversos rerum tactilium, impellentes nervos, per universam totius corporis cutem dispersos; atque sic fa- mem explicat ac sitim, quoties- cunque ventriculi fibræ inopia cibi aut potus, motum educunt ita quoque exponit titillatio- nem, quem sensum externum fecit Scaliger, alii tactus faciunt speciem.

CAPUT. XIV.

DE

*Sensu Interno in Specie, Appetitu Sensitivo,
& Locomotiva.*

T H E S I S. I.

Sensus communis officia sunt varia.

*Per hæc officia distinguitur sensus communis à Phantasia, & si-
nativa, Memoria, non re sed ratione.*

Ipsa inscriptio hujus Capituli, tres facit ejus partes, unam à thes. 1. usque ad 30. exclusi- ve, de sensibus internis in spe- cie, alteram de appetitu sensi-

tivo, à thes. 30. ad 59. exclusi- ve, tertia de facultate locomo- tivâ, à thes. 59. ad finem. Pars prima subdividi potest in eam, qua explicantur sensus inter-

ni varix functiones à th. 2. ad 19. & in illam, quæ explicat sensus interni affectiones, vigiliam, somnum, & somnium, à thes. 19. ad 30.

Sensus communis, qui vulgo ponitur re distinctus à Phantasia, æstimativâ, memoriâ, quatuor sensus interni speciebus, vulgò habitis, asseritur thesi 1. & commentario subjuncto, ratione tantum ab iis distingui, & esse eadem facultas, distincta ab iis tribus ratione tantum, cum fundamento in re, quod est varia ejusdem potentix, quam sensum internū vocant, functio & operatio, quæ non magis infert varietatem potentiarum & facultatum sentiendi internarum, quam exsiccatio, induratio, liquefactio, calefactio, &c. arguūt in sole diversas potentias aut facultates, nam proficiuntur omnes istæ operationes ab una eademque solis virtute, pro ratione diversorum objectorum. sic hic unius ejusdemque sensus interni munera sunt diversa. & actiones varix, pro ratione etiam diversorum objectorum, vel absentium, vel præsentium, vel sensatarum, vel

non sensatarum. Thes. 2. usque ad 6. exclusive traduntur officia & operationes sensus communis, & in commentariis explicanter. Phantasia ab officio & actionibus suis exponitur thes. 6 7 8. 9. ita quoque à thes. 10. ad 13. enarrantur munera & actiones æstimativæ facultatis: atque hic notandum est, quid per species sensatas & non sensatas intelligant Philosophi, nempe per priores intelligunt species rerum, sensibus primo externis oblatarum; per posteriores intelligunt species rerū, antè sensibus externis non perceptarum, ut cum Leo, audito cantu Galli, format intra cerebrum speciem horrois & metus, qui in sensus externos nunquam incurrerunt. Hac thes. 13. usque ad 19. exponuntur munera memoriæ & reminiscen-tiæ; ubi unum notandum est thes. 17. si memoria sit rerum præteritarū, ut ibi dicitur, nullam esse consubstantiationem aut transubstantiationem, quia corpus Christi præsens non potest edi in ipsius memoriam, ar-tamen dixit, *fac hoc in mei recollectionem seu memoriam.*

2. Primum est, sensibus exterioribus communicare spiritum animale.

Sensus exteriores egent spiritu animali, non ut sentiant, sed ut species sensibiles receptas, ad cerebrum ac sensus internos deferant.

3. Secundum, externorum sensuum operationes percipere.

Externi

Externi sensus sentiunt, sed non percipiunt suas sensationes; hoc est sensus internus, qui cum hoc agit, vocatur communis sensus.

4. Tertium, objecta externorum sensuum percepta discernere.

Nota sensum communem percipere & discernere objecta externorum sensuum, presentia tantum.

5. Quod munus non exercet componendo, aut dividendo, sed simplici plurium objectorum intuitu.

"Componere & dividere Phantasie est, & non sensus communis officium, qui non alio modo discernit objecta varia externorum sensuum, quam ea diversis actibus simpliciter percipiendo: verbi causa, cum à visu ad sensum externum deferantur simul species coloris albi & nigri, quia uterque simul videtur, sensus communis utrumque percipit, & quia species utriusque aliter repræsentat colorem album, aliter nigrum, utrumque percipiendo alterum ab altero discernit.

"Componere & dividere significat affirmare & negare: at qui simul apprehendit colorem album & nigrum, & apprehendendo discernit, is non affirmat aut negat; atqui sic apprehendit utrumque sensus communis: ergo nec affirmat nec negat, quod utrumque solius Phantasie est.

6. Phantasie munus est primum, species sensibiles depurare & convertere in naturam Phantasmatis.

"Species sensibiles, quando primum ad sensum internum deferuntur, sunt impuriore & materialiores; in cerebro perceptæ, non-nihil purificantur, hoc est à terrestribus conditionibus materiæ non nihil purgantur, quod facere est Phantasie officium.

7. Alterum, eas varie componere ac dividere.

Ergo bruta etiam componunt ac dividunt, id est, affirmant et negant, sed non ratiocinantur, seu non utuntur discursu aut syllogismo.

8. Tertium, objecta externorum sensuum absentia cognoscere.

Cognoscit Phantasia objecta absentia externorum sensuum, quatenus species in cerebro recepta ibi perpetuo maneat.

9. Hinc distinguitur à sensu communi, qui tantum circa præsentia versatur.

10. Æstimativæ officium est, ex speciebus sensatis colligere species non sensatas.

“ Exemplum est, cum ex viso lupo ovis colligit ejus odium & inimicitiam, hic tum lupo à sensu interno percipitur, per speciem sensatam, id est, per speciem sui, sensu interno, puta visu, perceptam: inimicitia & odium lupi percipitur ab eodem sensu interno, per speciem non sensatam, quia odium & inimicitia in sensum externum non incurrunt.

11. Quod facit, cum de rebus sensu perceptis format notiones boni vel mali.

“ Notio enim boni & mali sensibus non percipitur externis: intellige vero hic bonum utile vel jucundum, & malum inutile vel tritè; nam bonum honestum & malum turpe, non sunt objectum sensus sed intellectus.

12. Ubi æstimativa rationem utilis & inutilis ex rebus sensu perceptis elicuerit, movet appetitum ac locomotivam ad rem vel prosequendam vel fugiendam.

Appetitus enim & locomotiva non feruntur in rem ullam, nisi à sensu externo primo cognitam & interno judicatam.

13. Memorix sensitivæ munera duo sunt.

Dico, sensitivæ, ad distinctionem memoriæ intellectuales, de quâ Capite sequenti.

14. Primum est, species sensatas & non sensatas conservare.

Vnde memoria dicitur custos rerum perceptarum.

15. Eas interdum, cum necesse est, rememorare.

Dis

Dico, cum necesse est, quia non semper necesse est, quando scilicet objecta iterum sunt presentia; nam memoria non versatur circa res presentes, sed absentes tantum, nec absentes futuras, sed absentes præteritas.

16. Et tum dicitur Reminiscencia & Recordatio.

17. Hinc dicitur Memoria rerum esse præteritarum.

Rerum præteritarum: si enim res iterum sensui externo fistantur presentes, non versatur circa eas sensus internus tanquam memoria, sed tantum sensus communis.

18. Sensus internus non ratiocinatur, ne quidem in homine.

Ratiocinari, est unum ex alio, scilicet conclusionem ex præmissis inferre: atqui eo non assurgit sensus internus; sed quæ in brutis videntur proficisci operationes ab ratiocinatione, ea referenda sunt ad Phantasiam eorum, conjunctam cum instinctu naturali in eis.

Cum quæritur, an sensus interius in brutis ratiocinetur, tantumdem est, ac si quæritur an ratio cadat in bruta? de qua quæstione egerunt, inter antiquos *Plutarchus*, inter recentiores, *Vallesius* & *Rorarius*, qui tres statuerunt rationem, i. e. ratiocinationem cadere quoque in bruta, idque evincunt ex variis operationibus eorundem, quales sunt Simiarum, Elephantum, Apum, Formicarum, Canum, Equorum, &c. Vulgaris sententia tenet esse umbram quandam rationis seu ratiocinationis in illis, non tamen veram, qualis est in homine, aut rationem aut ratiocinationem, ita hanc sententiam

explicant & defendunt *Conimbricenses*. Ego sane, si dicere debeam, quod res est, existimo non umbram tantum ratiocinii, sed verum ratiocinium in brutis reprehendi, quod arguunt admiranda illorum opera; quomodo igitur, dices, distinguitur brutorum Anima ab Anima hominis, si etiam bruta ratiocinentur æque ac homines? Resp. distingui non quoad actus, nam utraq; ratiocinatur, & brutum & homo, sed quoad objecta; quia brutorum ratiocinatio se tantum extendit ad objecta materialia, & singularia, sensu externo prius percepta, aut hominum ratiocinatio sese ulterius extendit & assurgit ad objecta

objecta etiam immaterialia, & universalia. sensu externo non percepta, imo nec perceptibilia: ita homo ratiocinationem instituit circa Deum, Angelos,

Animas rationales, entia spiritalia; circa Animal, Plantam, Elementa, &c. corpora universalia. ad quæ omnia non pertingit brutorum ratiocinatio.

19. Sensuum affectiones sunt, Vigilia, Somnus, & Somnium.

A Thef. 19. usque ad 30. exclusive agitur de sensuum affectionibus, scil. tum externorum, tum internorum, vigilia, somno, somnio; vigilia est affectio sensuum externorum, quia exercetur per illos, vigilantes enim videmus, audimus, ceterasque functiones sensuum externorum obimus. Somnus est affectio sensuum internorum, quippe dormientes nec videmus, nec audimus, nec ullas operationes sensuum externorum obimus. Quomodo Vigilia fiat, docetur th. 20. Quomodo Somnus thef. 21. Causæ tamen somni satis sunt in obscuro positæ, & admodum varix, imo sæpe contrariæ: V. C. defatigatio corporis multis somnum adducet, aliis impedit: quod autem diversæ sint somni causæ docet experientia, imo tam multæ sunt, ut omnes certo numero enumerari nequeant:

Quicquid sit, aliqua tamen proxima somni causa dari debet, quam efficiant tam varix & multiplices, quin & oppositæ alix somni causæ; eam puto esse non aliam, quam impeditum motum, aut, immobilitatem spirituum animalium, in ventriculis cerebri procreatam, undecunque & à quacunque causa; nam quamdiu datur liber illorum motus, somno aut vix, aut non est locus. Unde dicitur thef. 22. Animal dormiens tum expergisci, cum panduntur meatus, qui in somno erant oclusi, per quos spiritus animales commeant, ut sic libere iterum moveantur. Causa expergiscitæ explicatur thef. 23. Quid sit somnium thef. 25. ejus divisio instituitur thef. 25. atque explicantur à suis causis somniorum species, thef. 26. 27. 28. 29.

20. Vigilia, est non impeditum sensuum externorum exercitium propter spiritus animales, quantum est satis ad sentiendum, à cerebro ad organa missos.

Quamdiu spiritus animales descendunt ad organa sensuum exter-

norum, & species secum vehunt ad cerebrum, tandem homo vigilat, ita ut in vigilia operentur & sensus externi & interni.

21. Somnus, est cessatio externorum sensuum, vaporibus nervos & meatus sensorios opplentibus, & spirituum animalium influxum prohibentibus.

"In somno soli operantur sensus interni, quamvis non semper; non item externi, quia nulli descendunt spiritus animales, qui species sensibiles ab exterioribus organis ad cerebrum devehant; & spiritus animales descendere nequeunt, quia obstructa est via. nam in somno nervi & meatus sensorii implentur vaporibus, ex assumpto cibo versus cerebrum ascendentibus; at per nervos & meatus sensorios spiritus animales descendunt & ascendunt.

22. Animal expergiscitur, cum panduntur meatus per quos spiritus animales commeant.

"Thesis loquitur de naturali expergiscencia seu expergesatione animalium; alioquin vi externa, tractionis, pulsionis, & clamoris, etiam solvitur animal somno, quamvis meatus & nervi nondum sint liberati a vaporibus obdudentibus.

23. Id fit, vel ab externâ causâ, sc. à sono, aut alio objecto vehementiore, vel ab insito calore cerebri, vapores dissipante.

Naturalissima causa expergiscendi est, quando insitus calor animalis omnes vapores ad cerebrum delatos consumpsit & discussit.

24. Somnium, est repræsentatio objectorum absentium quasi præsentium, sensu interno specie conservatas variè versante & commiscente.

"Quia sensus internus in somno non est otiosus, sese occupat circa species sensibiles vario modo contemplantas, volvendas, & revolvendas; ex qua actione oritur varia rerum in somno ac somnio repræsentatio in sensu interno, quas cum cognoscit, dicitur animal somniate; quia non tantum repræsentantur in somnio res absentes, quæ fuerunt, & sunt præteritæ, sed & res quæ nunquam fuerunt, nam somniamus etiam de montibus aureis, &c.

25. Somnia fere sunt quadruplicia.

Dico, fere, quia vix possunt somnia ad certas classes reduci.

26. Vel oriuntur ex affectibus quibus animal commotum ad dormiendum accessit, ira vel tristitia, &c.

Affectus in dormituro dormitantes reddunt sibi similia somnia: sic, qui iratus ab-rit cubitum, fere somniat de igne & incendio &c. quia tum bilis commota est.

27. Vel ex studiis atque negotiis de die gestis.

Quia de nocte recurrunt totius acta diei.

28. Vel ex peculiari corporis temperie.

Temperies ut multum facit ad vigiliam et mores vigilantium, ita non parum confert ad somnum et somnia: sic, qui temperie sunt frigidiori et pblegmatica, de aqua et submersione fere somniant, &c.

29. Vel immittuntur à Deo, aut Diabolo.

Deus olim multa Prophetis et Apostoli et viris sanctis revelavit per insomnia, cujus rei exempla exstant in Testamento veteri ac novo.

Somnia diabolica seu à diabolo immissa, fere sunt ea, quæ cum peccatis scditate sunt conjuncta.

30. Facultatem sensitivam cognoscentem sequitur appetens.

HAc thesi usque ad 39. exclusive agitur de secundo membro hujus Capitis, nempe appetitu sensitivo. qui primum definitur thes. 32. subjectum cuius proponitur thes. 33. nempe cor. quod probatur thes. 34. deinde eius proprietates ponitur thes. 35. irrationalitas: ubi tamē ex thes. 36. liquet, appe-

titum sensitivum diēi irratiō-
nalem, vel essentialiter ac per
se, ut nihil rationis admittat,
nec ullo modo rationi subit
in illo subjecto, in quo est, qua-
lis est appetitus natus Brutorū;
vel accidentaliter & per
accidens, quatenus, licet in se
rationis sit expertus, aliquid ta-
mē rationis participat à sub-
jecto.

jecto, in quo est, quod cum est rationale, eius quoque rationi subest, si non semper, saltem interdum, qualis est appetitus sensitivus Hominis. Thesis 37. proponit sensitivi appetitus obiectum, idque exponitur per divisionem thes. 38. deniq; actiones appetitus sensitivi circa obiectum explicantur thes. 39. 40. 41. Actionis sensitivi appe-

titus speciatim vocantur affectus thes. 42. qui definiuntur thes. 43. explicantur à thes. 44. ad 54. quâ instituitur eorum divisio in concupiscibiles & irascibiles: concupiscibiles enarrantur thes. 55. irasciles thes. 56. Quid sit appetitus concupiscens, docetur thes. 57. quid irascens, 58.

31. Ubi enim illa est, ibi & hæc.

Ratio est, quia facultates hæc arctissimo vinculo inter se sunt connexæ.

32. Adpetitus sensitivus est facultas, qua animal inclinatur ad bonum sequendum, quod sensus approbat, & malum fugiendum, quod sensus improbat.

Bonum, intellige præsertim jucundum, & utile etiam non formaliter sed materialiter: malum, intellige triste & etiam inutile, si materialiter sumatur & non formaliter: id est, appetitus sensitivus appetit quidem rem, quæ est utilis, & fugit rem, quæ est inutilis, sed non qua est utilis vel qua inutilis.
"Nam quia sensus non potest percipere rationem mediæ ad finem, non potest percipere bonum utile qua utile, seu formaliter; ista enim perceptio fit per ratiocinationem, ideoque nec appetitus sensitivus, qui sequitur perceptionem sensus, non potest quodque appetere bonum utile, qua utile, seu formaliter: pariter philosophandum est de malo inutili, quod sicuti sensus non percipit formaliter, ita nec appetitus illud aversatur formaliter.

33. Appetitus sensitivi sedes est cor.

Sedes, id est, subjectum, nam in corde ibi generantur spiritus vitales qui maxime ab appetitu sensitivo moventur: hinc videmus, affectibus vehementer motis, animalia interdum pati deliquium animi, interdum extingui, quia calor vitalis per aggrationem nimiam spirituum vitalium vel debilitatur vel absorbitur.

34. Quia cor afficitur appetitu sensitivo vehementius moto.

Hoc ipsa demonstrat experientia, quotiescumque aliquis affectus nimium excitatur, cor nimium dilatari, ut in latitia, vel contrahi, ut in tristitia, &c.

35. Appetitus sensitivus per se est irrationalis.

Ratio est, quia facultas est animæ irrationalis, puta, sensitive.

36. In homine tamen fit rationalis participative.

Ratio est, quia in homine anima sensitiva subordinatur animæ rationali, unde participat de ejus ratione, libertate, aliisque proprietatibus.

37. Appetitus sensitivi objectum est bonum & malum :

Sed diversis actibus, ut indicatur thesi 39.

38. Bonum jucundum & malum triste.

Intelligitur bonum jucundum, quod sensibus voluptatem ; triste, quod sensibus dolorem adfert.

39. Circa illud versatur appetendo, circa hoc adversando.

40. Circa bonum honestum & utile, malum turpe & inutile non versatur, nisi in quantum sequitur ductum rationis,

Nunquam tamen attingit sensitivus appetitus bonum honestum & utile, aut malum turpe aut inutile, formaliter : ratio datur thesi sequenti.

41. Quia hæc bona & mala judicio sensus non substant.

Causa est, quia hæc bona et mala non dignoscuntur nisi rationatione, quæ in sensu internos non cadit.

42. Appetitus sensitivus est sedes affectuum propriè dictorum.

Affectus hic spectantur naturales, seu in genere natura, non morales, seu in genere moris, prout sunt boni vel mali, ex circumstantiis moralibus variati; sic enim pertinent ad Ethicam.

43. Affectus, est motio appetitus sensitivi, à sensu interno, objectum vel bonum vel malum proponente, facta, ad illud consequendum, hoc fugiendum.

Proponente, non simpliciter, sed etiam iudicante: ad affectum hæc omnia concurrunt; primo, sensus externus & internus, cognoscens objectum; secundo, objectum ipsum iudicatum, aut bonum aut malum; tertio, appetitus sensitivus, objectum, ut bonum iudicatum, prosequendo, ut malum iudicatum, fugiendo.

44. Itaque errant, qui affectus volunt esse pravas opiniones:

45. Sic enim pertinerent ad facultatem cognoscentem, non appetentem;

46. Et concitarentur in cerebro:

47. At concitantur in corde;

Quæ distinguuntur subiectis, non sunt idem: affectus & opiniones distinguuntur subiectis; ergo non sunt idem: probatur minor; affectus sunt in corde & appetitu sensitivo: opiniones sunt in cerebro & facultate cognoscente.

48. Et sunt motiones facultatis appetentis:

Affectus sunt motiones partim activæ, partim passivæ; nam & excitantur ab objecto in appetitu sensitivo, et sic sunt passionēs, & per illos appetitus appetit, et sic sunt actiones, et in appetitu recipiuntur, atque sic iterum sunt passionēs.

49. Tales motiones, quibus appetitus sensitivus movetur;

50. Unde

50. Unde & affectus vulgo dicuntur *passiones*.

Tum enim denominatio fit à potiori, qui effectus duplici nomine sunt passionēs, simplici nomine actiones.

51. Non quod mere ac solæ sint passionēs :

Sunt tamen potissimum passionēs.

52. Nam & actiones dici debent, & quidem immanentes.

Quia affectus manent in appetitu sensitivo.

53. Quatenus appetitus sensitivus, à sensu interno excitatus, etiam activè concurrit ad eas motiones eliciendas.

Nam appetere, est agere, uti et fugere.

54. Affectus, alii sunt in appetitu sensitivo irascente, alii in concupiscente :

“ Non quod appetitus irascens & concupiscens sint distincti realiter inter se ; sed sunt ejusdem appetitus sensitivi diversæ operationes, propter diversam rationem objectorum, quæ appetuntur vel fugiuntur.

55. In concupiscente sunt, amor, odium, desiderium, fuga, gaudium, tristitia.

56. In irascente sunt, spes, metus, audacia desperatio, ira.

“ Hi affectus undecim ita enumerantur à Peripateticis, cum tamen revera tantum duo sint, amor, & odium; nam reliqui affectus, varii sunt tantum modi, quibus rem amamus aut odimus.

57. Appetitus concupiscens dicitur, qui versatur circa objectum bonum vel malum absolute simpliciterque spectatum.

58. Appe-

58. Appetitus irascens dicitur, qui versatur circa bonum vel malum arduum, aut potius circa impedimenta, quæ efficiunt, quo minus concupiscens, aut bonum consequatur aut malum evitet.

Quemadmodum bonum & malum absolute spectatum non differunt à seipso in quantum spectatur cum molestia vel difficultate, vel consequendi vel fugiendi; ita non differt appetitus concupiscens ab irascente, quorum ille appetit bonum vel malum absolute, hic bonum vel malum difficile.

59. Appetitus executrix facultas est locomotiva.

Quia obiectum, quod appetitur, & quod fugitur non semper est præsens per locomotivam virtutem acquiritur vel fugatur.

HAC thesi & sequentibus usque ad finem exponitur tertiū hujus Capitis membrum, nempe facultas locomotiva, quæ definitur thes. 60. cujus subjectum proponitur th.

61. quod simul est causa instrumentalis ejus effectus, nempe motus localis. hujus alix quædam causæ instrumentales, sed minime nobiles, enumerantur thes. 62. & ultima.

60. Hæc est facultas quâ animal ad imperium appetitus se movet ad sequendum bonum, & malum vitandum.

Facultas loco movendi subest imperio sensitivi appetitus, sicut hic imperio Phantasie.

61. Estque sita in Musculis.

Musculi sunt partes carnosiores, datæ animali ad motum Organorum efficiendum, et sunt potissimum instrumentum motus localis.

62. Nervi tamen, tendines, ligamenta, articuli, & spiritus animales, suo modo ad motum concurrunt.

Hæc omnia inserviunt motui faciendo, sed minus principaliter, nam præcipuum instrumentum localis motus sunt musculi.

Senten :

Sententia Cartesii, Regii, & Berigardi.

A D

CAPUT XIV.

DE sensu interno unico tantum Aphorisl. 190. *partis quarta Principiorum Philosophia*, agit *Cartesius*, & valde pauca de eo tradit; ponit sensum internum in eo, quod spiritus in cerebro à nervis excitentur ad motum, & mentem diverso afficiant modo: has diversas mentis affectiones, ex diverso motu nervorum per spiritus motum in cerebro ortas, vocat sensum internum. *Regius c. 10. suae Physicae* sensus interni tantum facit mentionem, eumque obiter definit, quod sit motus insertus fibris sensoriorum externorum, ibidemque excitatus, sed delatus ad sensorium internum commune, cerebrum. *Berigardus circulo 19. in lib. Arist. de Anima*, de sensibus agit internis, ac primo sententiam communem refellit, mox suam sed brevissime explicat, Pag. 3. supponens, omnem sensationem fieri motu corporearum imaginum quas *Aristotelici* vocant, *Species sensibiles*, *Berigardus spectra*, qui motus à nervis cerebri ortum ducens, cum ad suum redit principium, atque in se quasi reflexus, seu percussus, sensum facit internum; eorum sensuum internorum organum in quo & per quod functiones

suas exercent, facit cerebrum. *De Vigilia*, somno, & somnio, apud *Cartesium* ne gry quidem exstat: Apud *Regium* somnus definitur, ventriculorum cerebri confidentia & angustatio, propter defectum spirituum animalium, uti contra, vigilia ipsi definitur, ventriculorum cerebri & nervorum dilatatio ac expansio, orta ex sufficiente copia & motu spirituum animalium. *Berigardus* de utroque nullum facit verbum. Quod spectat appetitum sensitivum & affectus, de iis obiter agit *Cartesius* jam citato Aphor. sed fusissimè in libello, quem edidit sub titulo de passionibus Animæ. *Regius* de affectibus agit Cap. 12. eosque definit per impetum, quo, mota & perturbata atque affecta mens ab opinione, quam habet de bono vel malo, bonum prosequi, malum fugere studet, ope spirituum animalium, qui à cerebro per nervos ad cor descendentes totum corpus agitant, sanguinemque vehementissime cient, unde cor vel dilatatur, vel restringitur, pro diversitate ipsorum affectuum: sedem ac subiectum eorum facit & cor & cerebrum: cor, quia & quatenus per affectus illud movetur, & secum

& secum trahit motum inordinatum & vehementissimū sanguinis: cerebrum, quia & quatenus per affectus mens quoque perturbatur. *Berigardus Circulo 19. ad lib. 2. de Anima*, incipit à sede appetitus sensu vi, quam facit cerebrum; & appetitum sentientem cum iudicio confundit; nempe sic ille philosophatur, in cerebro varia rerum simulacra repræsentantur, quorum motus varii, terminati in glandula pineali, efficiunt varias cogitationes, quibus aliquid apprehenditur vel prosequendum, vel fugiendum; cum ad apprehensionem istam ac iudicium de bono prosequendo, & malo fugiendo, spiritus animales feruntur ad partem aliquam corporum incitandam, & in auxiliū quasi vocandam, ut bonum perceptum possit obtineri, malum perceptum vitari, tum illa motio cerebri, simul & alicujus partis in ipso corpore vocatur appetitus aut affectus; in corde autem nullo modo facultatem appetendi vult collocari quia ad affectum aliquem excitandum ipsi hæc tria sufficiunt, simulacrum rei apprehensæ aut judicatæ, spiritus animales, instrumentum seu organum, pars aliqua corporis.

Quod spectat tertiam partem, facultatem nempe locomoti-

vam, ut est proprietas animæ sentientis, de ea nihil peculiariter habet *Cartesius*; quia motum localem pro proprietate Animæ sentientis non habet, sed vero eam facit affectionē communem omnium corporum naturalium. Paucis de ea agit aut ejus potius effectū, *Regius*, sub titulo motus arbitrarii, quem definit esse motum, profectum à voluntate (nam datur quoque motus naturalis, in rebus voluntate destitutis) quo corpus nostrum, pro mentis arbitrio & iudicio, ad res, vel prosequendas, vel fugiendas, de loco in locum, per spiritus in musculos à mente determinatos, movetur. *Berigardus* facultatem locomotivam tantum ratione distinguit ab ipso spiritu animali, & Phantasmatismis sive imaginibus aut simulacris Phantasæ, ponitque unum, eundem spiritum ad sensum & motum; vultque discrimen tantum esse in instrumentis, seu partibus corporis, quæ in sensu scilicet interno influentem habent spiritum, præcipue tamen impelluntur à rebus externis; in motu, influens spiritus causa est ejus, absque rei externæ appulsu; ita ponit nervos quosdam destinatos ad sensum, alios ad motum, qui uterque excitatur pro vario influxu spirituum.

CAPUT. XV.

DE

ANIMA RATIONALI.

THESIS I.

Anima Rationalis, vel considerari potest, ut substantia quædam per se extra corpus subsistens, & sic pertinet ad Metaphysicam, vel quatenus est pars hominis, & sic pertinet ad Physicam,

“Obiectio; Quod corporis naturalis nec species est, nec affectio nec principium, de eo male agit Physica: sed anima rationalis nec est species corporis naturalis, nec affectio, nec principium: Ergo,

“Respondeo: Corpus naturale dicitur ambigue: vel significat compositum naturale constans materia & forma, quemadmodum planta dicitur corpus naturale; vel significat alteram partem compositi, materiã scilicet, quæ corpus est, verbi causa, in planta & contradistinguitur formæ seu animæ quæ non est corpus.

“Priore sensu naturale corpus est obiectum Physicæ, & sic anima non ut species eius, nec ut affectio eius, sed ut principium ad illud pertinet; est enim homo corpus naturale priori sensu, hominis vero principia, materia & forma; materia est corpus Organicum & naturale & animatum, prout corpus naturale sumitur secundo sensu; forma est anima rationalis; ergo anima rationalis, ut omnis forma, recte dicitur principium hominis, ut homo est corpus naturale primo sensu. Adde, eiusdem Disciplinæ esse, explicare totum & eius partes; atqui Physicæ est explicare hominem; est enim species corporis naturalis primo modo sumpti; ergo & Physicæ est agere de anima rationali, puta hominis principio & parte.

A Thesis 1. usque ad Thesis 18. exclusive.

Caput hoc ultimum dividi commodè potest in partes duas, quârum prior consideret Animam rationalem quoad substantiam seu essentiam, à th. 2. usque ad thes. 18. posterior eam consideret quoad facultates, à

thes. 18. ad finem usque. Thesis quidem prima exponitur quo iure ac titulo de Anima rationali agatur in Physicâ, cum nec corporis naturalis sit species, nec affectio, nec principium: quæ obiectio solvitur in comment. sub-

subiuncto. Thef. 2. docetur quod sit anima rationalis. thef. 3. 4. 5. explicatur quid sit ejus affectiones seu attributa recensentur thef. sequentib. ac primo, quod non una omnium hominū, sed in singulis hominibus distincta ac singularis thef. 6. 7. deinde, quod ut immaterialis th. 8. immortalis thef. 9. indivisibilis th. 10. quibus & quot modis sit immaterialis thef. 11. hinc tria deducuntur consecutaria; unum,

quod non sit ex traduce, th. 12. alterum quod separatim existere possit extra corpus, th. 13. tertium, quod separata à corpore, operari. i. e. intelligere & velle possit thef. 14. duæ aliæ proprietates Animæ rationalis recensentur thef. 15. 16. 17. primum, quod sit tota in toto, & tota in unaquaque parte; deinde, quod una alteri sit inæqualis, dignitatis imparis, & ignobilior.

2. Animam rationalem dari, à nemine potest negari.

Qui enim negaret esse animam rationalem, eo ipso, quod negaret eam esse, convinceretur, quia negare est actus animæ rationalis; at actus omnis principium suum inserit: namque valet consequentia, ubi est actus, ibi est potentia agendi, sed negatio cujuscunque rei, uti et affirmatio, est actio animæ intelligentis, ergo ubi illa actio est, hæc est.

3. Ea est forma hominis.

Quia per animam rationalem homo est homo.

4. Nec assistens, nec informans.

Non assistens, quia non dat homini nudum motum, sed essentiam; non informans, quia non dependet à materia in fieri, esse, et operari, sicuti dependet informans.

5. Sed mediæ naturæ ac conditionis inter utramque.

Est anima rationalis medium negationis inter informantem et assistentem, qualis forma nomine hæcenus caret.

6. Non est una in pluribus individuis.

7. Sed multiplicatur ad multiplicationem individuorum.

Sicut substantiæ corporeæ constitantur per formas, ita per easdem distinguuntur ab aliis substantiis corporeis, ergo, si substantiæ singulares, quæ homines individuū, inter se distinguantur, per formas eorum istos inter se distinguunt, ultro sequitur: et profecto, si una foret animæ

rationalis omnium individuorum hominum, eadem & saperet in Socrate, et de se peret in Chorocho; et ratione uteretur in homine sano, mentis & fureret in homine insano, quo nihil potest cogitari ab iudicio.

8. Anima rationalis est forma immaterialis.

Non tantum dicitur anima rationalis immaterialis eo sensu quo substantia dicitur immaterialis, quæ pro parte essentiali nullam includit materiam; sic enim anima vegetans & sentiens sunt formæ etiam immateriales: sed anima rationalis etiam eo sensu est immaterialis, quatenus non dependet à materia, in fieri, esse, aut operari; quo sensu anima vegetans & sentiens non possint dici esse formæ immateriales.

9. Ideoque est immortalis.

10. Ideoque est indivisibilis.

Utraque thesis hoc probatur syllogismo.

Quod caret materia, caret radice corruptibilitatis ac divisibilitatis, anima rationalis caret materia; ergo. Probatur maior, Si corruptibilitas & divisibilitas sequantur materiam, ergo quod caret materia, caret radice corruptibilitatis & divisibilitatis; sed verum est prius; ergo & posterius. Probatur minor; si corruptibilitas sequatur potentiam contradictionis ad esse & non esse, & divisibilitas sequatur extensionem partium extra se invicem, ergo ambæ sequuntur materiam; sed verum est prius; ergo & posterius. Probatur maior; quia corruptibile dicitur quod cum est, potest non esse; at materia quia est indifferens ad quolibet formas, & nunc sub hac nunc sub illa cupit esse forma; causa est, quod forma quæ nunc adest, possit abesse, & sic causa est, quod totum possit corrumpi, & animatum mori; deinde divisibile est, quod in partes dividi potest, sed materia partes habet in quas dividi potest; ergo divisibile sequitur materiâ sive extensionem partium in materia: probatur minor: quia in eo consistit ratio corruptibilitatis, ut quod est, possit non esse, & in eo consistit ratio divisibilitatis, ut quod unum est, possit in plura dividi.

11. Est immaterialis, & in fieri, & in esse, & in operari.

In fieri, quia materia generationis, scilicet, semen utriusque parentis nihil confert ad animæ rationalis productionem. In esse, quia extra corpus existere potest, & de facto existit in statu separationis. In operari, quia etiam dum unita est corpori quando seipsam cognoscit anima rationalis intuitive, à materia sive corpore non dependet, uti nec quando separata à corpore aliquid intelligit..

12. Itaque non producitur à parentibus.

Ratio est quia, si produceretur à parentibus, in fieri dependeret à materia, puta semine, quo mediante parentes generant.

13. Et potest subsistere extra corpus.

Ratio est quia alioquin dependeret à materia in esse.

14. Et potest operari independenter à corpore

Ratio est quia alioquin dependeret à materia in operari.

15. Anima rationalis potest dici tota in toto corpore, & tota in qualibet parte.

16. Sed debet tum totum sumi negative.

“Vox, totus, a, um; aliter dicitur de spiritibus, aliter de corporibus: de illis dicitur negative, hoc est, ut illi dicantur quidē esse in loco, sic ut nulla pars loci iis careat, sed ut tamē ipsi non habeant partes, quibus commensurati possunt à partibus loci: hæc vero, corpora scilicet, sunt tota in loco locique partibus, sic ut liceat in ipsis corporibus assignare partes commensuratas partibus loci, unde cum anima dicitur esse in toto corpore, & in partibus corporis, significatur, eam nullas habere partes respondentes partibus corporis: at corpus dicitur esse totū in loco positive, quia habet in se partes respondentes partibus loci, sic ut qua parte loci est una pars corporis, eadē parte loci non sit alia.

17. Animæ rationales sunt dignitate impares & inæquales.

“Non enim videtur omnis animarum rationalium inæqualitas esse petenda ab inæquali temperie & dispositione corporis: nam si sit imparitas & maior & minor, ac maior & minor perfectio in Angelis, quidni in animabus rationalibus: sed verū est prorsus, Ergo & posterius: non quod substantiæ angelorum aut animarū rationalium inter se sint inæquales, nam omnes sunt substantiæ spirituales et expertes materiæ, sed hæc inæqualitas intelligenda est, quoad operationes intelligendi, ac volendi, nam non pugnat cum statu angelorum, aut animarum beatarum, ut derur dicenti: men graduū perfectionis maioris vel minoris in operationibus illorū, intellectio unius sit acutior, promptior, faciliior, & ad plura se extendas, quā intellectio alterius: nam uti & Inferno erunt gradus poenarū, ita in Cælo gradus gloriæ, cur nō igitur ista inæqualitas statuatur quoq; inter animas rationales unitas corpori?

18. Facultates animæ rationalis vulgo statuuntur, intellectus & voluntas.

*Sub intellectu comprehenditur memoria intellectualis: qualis sup-
preest in animabus separatis, nam etiam hæc reminiscuntur.*

A Thesi 18. usque ad finem.

QUOD spectat facultates
Anima rationalis. ex nu-
merantur dux th. 11 intellectus
& voluntas; & asseruntur nec
inter se nec ab anima rationali
distingui re sed ratione tantum.
th. 19 De intellectu agitur a th.
20. usque ad 61. de Voluntate à
th. 61. ad finem th. 20 triplex
proponitur intellectus considera-
tio. ante intellectiōē à th. 21.
ad 26. in intellectuōe à 26. ad
33. post intellectuōē à th. 33. ad
61. Intellectus ante intellectu-
ionem dicitur in potentia esse th.
21. explicaturq; illa phrasia th.
22. 23. ac comment. subjuncto,
& ratio redditur th. 24. deduci-
turq; inde consecutarium th. 25.
Intellectus in intellectuōe dicitur
intellectus in actu th. 26.
explicaturq; th. 27. eiusque ob-
jectum proponitur th. 28. 29.
ordo intelligendi recensetur à
th. 31. usque ad 39. ratio ordinis
adfertur ista thesi & thesi 40.
th. 41. usque ad 50. explicatur mo-
dus quo intellectus, cum iam
actu intelligit, in actum istum
deductus est; tum th. 30. actus
intelligendi, seu operationes in-
tellectus recensentur tres. Sim-
plex apprehensio, iudicium, dis-
cursus; iudicium thesi 31. divi-
ditur in Theoreticum & Practi-
cum, illud explicatur th. 32. hoc
subdividitur in absolutum &
comparatum th. 34. postquā quid
esse, dictum esse th. 33. intel-
lectus post intellectuōem vo-

cati totius intellectus in habitu
th. 55. vel memoria intellectualis
th. 56. cuius denominationis
ratio redditur th. 57. & exponi-
tur th. 58. 59. 60. Thesi 61. pro-
ponitur voluntatis genus quod
ipsi commune est cum intelle-
ctu, ut liquet ex thesi 41. th. 62.
exponitur conditio, in volunta-
te, ut agat, requisita, quæ eadem
requirebatur in intellectu thesi.
42. th. 63. dicitur quidnam illud
sit quod voluntatem ad agen-
dum impellat ac moveat. Thesi.
64. docetur quomodo id fiat,
qui modus latius explicatur th.
65. 66. 67. 68. Actiones volun-
tatis enumerantur th. 69. Ob-
jectum eius recensetur th. 70.
actibus singulis voluntatis assi-
gnatur suum cuiq; objectū ma-
teriale th. 71. & formale th. 72.
73. Objectum eius, quando est
bonum, dividitur in finem, &
media; explicatur modus, quo
vult finem, & media necessario
cum fine connexa, thesi 74. &
quo vult media alia th. 76. Mo-
dus communis utrique, imo o-
mni sive volitioni, sive noli-
tioni, explicatur th. 77. qui ta-
lis est, ut libertatem eius nec
toliat, nec imminuat. quod ex-
ponitur thesi 78. & 79. Pro Co-
ronide docetur, ex intellectu &
voluntate oriri liberum arbit-
rium, quod definitur thesi. 81.
& sic Capituli huic postremo, ac
toti Philosophiæ Naturali finis
imponitur.

19. Quæ tamen potentia non distinguuntur inter se & ab anima realiter.

Videtur natura spiritali anima rationalis obflare, quod minus ipsi tribuantur potentia, quæ sunt entia & accidentia distincta ab eius substantia; nam quod dicunt, nullam substantiam creatam esse immediatum principium operationis sue, id ut dicitur, ita reuocatur; sufficit enim varietas obiectorum, et modo quo substantia una eademque in obiecta tendit.

20. Intellectus potest considerari, vel ante intellectionem, vel in intellectione, vel post intellectionem.

Hæc triplex consideratio totam intellectus naturam absolvit.

21. Ante intellectionem, dicitur intellectus in potentia.

22. Non ratione suæ entitatis.

23. Sed ratione specierum & imaginum.

Intellectus dicitur in potentia, non quasi ipsa facultas intelligendi non sit actu in anima, sed quia cum possit intelligere, actu non intelligit; non vero intelligit actu, quamdiu in se actu non habet species intelligibiles sive imagines, actu representantes obiecta intelligibilia: est vero intellectus in potentia respectu quorumlibet obiectorum in infantibus ante rationis usum, in adultis respectu obiectorum quorundam, quia adulti cum non omnia intelligant, quedam possunt intelligere, quæ non intelligunt, et dum intelligunt unum actu, manet intellectus eorum in potentia ad intelligendum aliud.

24. Nam intellectus nascentium est tabula rasa.

25. Hinc nullæ species rerum actuales animis insitæ sunt.

Quemadmodum tabula rasa et charta pura nihil habet actu sibi insculptum vel inscriptum, omnia tamen in utraque insculpti & inscripti possunt: ita intellectus infantum in se, ante rationis usum, nullas possidet actu species intelligibiles intellectui suo insculptas, quia cerebrum eorum nimis est madidum, & hinc ineptum ut actu ei insculpatur aut inscribatur; ideoque infantes nihil cognoscunt nec se, nec parentes, nec quippiam rerum.

“ Quare igitur dicitur nobis inesse idea Dei innata, aut species
 “ intelligibilis Dei insita? Respondeo, non ideo, quia aut quasi
 “ in infante recens nato statim inesset intelligibilis imago Dei,
 “ quâ actu Deum cognosceret: nullo modo, sed quia in infantium
 “ & omnium hominû animis innascitur, & à primo nativita-
 “ tis momento est insita species & idea Dei, non actu repræsen-
 “ tans intellectui Deum, sed quia, simul atque ad rationis u-
 “ sum ætate adultiori pervenit infans, sine ulla institutione, de-
 “ monstratione, syllogismo, sine ullo termino medio extrinsecus
 “ assumpto, statim atque incipit ratione uti, ipsi offert atq; ejus
 “ intellectuî sistit, & actu repræsentat Deum esse, quia Dei exi-
 “ stentia tanquam character est insitus ipsius animæ, ad quam im-
 “ pressam Dei imaginem tum incipit attendere, quæ & qualis sit,
 “ unde orta, an eam sibi dederit, an aliunde acceperit, an omnia
 “ intelligat, ac non quædam ignoret, &c. nam ipsa anima inqui-
 “ rentem convincit per se ipsam, de Dei existentia: atque hæc est
 “ naturalis Dei notitia, hoc sensu hominum mentibus insita, in-
 “ nata, vulgo subiectiva, & testimonium nostræ conscientiæ in
 “ corde nostro testificantis esse Deum; atq; distinguitur à notitia
 “ naturali Dei acquisita seu obiectiva, quæ naturali lumine, ex ob-
 “ jectis extra hominem positis, sive ex rebus visibilibus, colligit
 “ per syllogismum ac ratiocinationem, esse Deum invisibilem.

26. Cum intellectus intelligit, dicitur intel- lectus in actu.

*Quemadmodum dicitur visus in actu quando ei de facto repræsen-
 tatur obiectum visibile: ita dicitur intellectus in actu, quando ei re-
 præsentatur de facto obiectum intelligibile; quia repræsentatio fit
 per species intelligibiles.*

27. Intelligere dicitur, cum rerum intelli- bilium species recipit à sensu.

*Recipit intellectus à sensu rerum intelligibilium species: vel im-
 mediate, proprie, & proxime, ut cum actu intelligit singularia &
 materialia; vel mediate, improprie, & remote, & tum intelligit
 actu universalis & immaterialia.*

28. Non tamen intelligit solum sensibilia, quæ sunt singularia & materialia.

*Quod intellectus intelligat singularia et materialia inde probatur:
 quia, quod potest facultas inferior, id quoque potest superior: sed sen-
 sus potest cognoscere singularia & materialia; ergo & intellectus,
 quia sensu est superior.*

29. Sed & intelligit universalia & immaterialia.

Atqui universalia & immaterialia per se et directe in sensus non incurrunt, quia carent qualitatibus sensibilibus.

30. Scilicet, notiones rerum immaterialium elicit ex materialibus, & universalium ex singularibus.

Immaterialia & universalia possunt dici phantasmata, id est, percepta per species sensibiles, non quidem sui, sed rerum materialium & singularium, ex quarum specierum analogia ipsa immaterialia & universalia cognoscuntur.

31. Nam intellectus primo intelligit singularia.

32. Quia sunt sensibus viciniora.

Quia in nobis hominibus sensui usus prior est, quam rationi, etiam ea prius cognoscimus intellectu, quae prius cognovimus sensu: sed singularia ob proprietates sensibiles prius cognoscuntur a sensu, quam universalia; ideo quoque prius cognoscuntur ab intellectu.

33. Et cognoscit singularia, ut sunt singularia.

Ratio est, quia intellectus à singularibus abstrahit conditiones individuantes, & sic singularia cognoscit, quae singularia, & simul universalia, ut distincta à singularibus.

Nam abstractio singularium à conditionibus individuantibus praesupponit ipsarum conditionum individuantium cognitionem.

34. Deinde, sepositis proprietatibus individuantiis, id solum intelligit, in quo singularia conveniunt.

Tres sunt operationes intellectus, quae discerni debent cum intelligit universalia.

35. Et tum format conceptum rei universalis, sc. speciei.

“ Primo, apprehendit singularia. 2. apprehensa inter se comparat, & in quibus inter se conveniant, & in quibus inter se differant, attendit. 3. sepositis, id est, praecis ac relictis seu abstractis, id est, non conceptis conditionibus individuantibus, ea cognoscit, in quibus singularia conveniunt, ac tum cognoscit

* universale: cum verò universalia sint varia & quædam viciniora
 * singularibus, ut species infimæ: quædam remotiora à singulari-
 * bus, ut species subalternæ & genera, intellectus, quia sequitur
 * cognoscendi ordinem à sensu servatum, etiam prius cognoscit
 * species infimas, tanquam viciniores singularibus, quam species
 * subalternas aut genera, tanquam à singularibus remotiora: ut
 * tota controversia, de ordine intelligendi, hic dirimatur; scilicet,
 * singularia prius cognoscuntur ab intellectu, quam universalia
 * & minus universalia prius, quam magis universalia, ob ratio-
 * nem jam datam thesi 32.

36. Collatis speciebus & reliquis differentiis
 specificis, format conceptum generis.

37. Itaque species prius intelligitur quàm genus.

38. Et minus Universale, prius, quam magis
 Universale.

* Ratio trium thesium una est eademque, quia species propior
 * est singularibus quam genus, & minus universale propius quam
 * magis universale.

39. Quia minus universalium est abstractio
 faciliior ab inferioribus.

40. Nam pauciores differentię sunt abstra-
 hendę.

* Hęc ratio paulo latius debet explicari.

* Quandoquidem universalia non cognoscuntur nisi per abstra-
 * ctionem à singularibus, ultro sequitur, illa universalia facilius
 * cognosci & prius, quæ paucioribus differentiis distant à singu-
 * laribus, à quibus abstrahi debent: sed species distat ab individuo
 * paucioribus differentiis, quam genus; nam species distat ab in-
 * dividuis per solas differentias individuantes, quæ conveniunt
 * individuis & non speciebus; at vero genus distat ab individuis
 * per differentias non tantum individuantes, quæ individuis com-
 * petunt, sed & per differentias específicas, quæ speciebus conve-
 * niunt, non generi, ideoque species à paucioribus differentiis ab-
 * strahitur quam genus, & hinc prius cognoscitur quam genus ab
 * intellectu; & omne minus universale, ob eandem causam, quia
 * paucioribus differentiis distat & abstrahitur à singularibus, prius
 * cognoscitur ab intellectu quam magis universale.

41. Intel-

41. Intellectus est potentia passiva.

* Non tamen tantum, sed quemadmodum sensus potentia est
 * primum passiva, quatenus sensibiles species recipit, pari enim est
 * recipere effectum agentis; mox est activa, quatenus sensationem
 * elicit ac sentit; deniq; passiva, quatenus sensationes in se recipit;
 * ita intellectus, in quantum species intelligibiles in se primum
 * recipit, patitur; in quantum per eas intelligit, agit; in quantum
 * denique ipsam recipit intellectionem, patitur iterum; ut sit da-
 * plici nomine potentia passiva, uno activa.

42. Itaque debet aliunde in actum deduci.

* Ratio est, quia nihil se ipsum ex potentia valet traducere in
 * actum; nam, si hoc fieri posset, idem esset actu & potentia; quod
 * enim deducit, est actu, quod deducitur, est potentia.

43. Quod eum in actum deducit, est obiectum.

Obiectum intelligibile, in intellectum agit, ut causa procat arctica.

44. Et obiectum à sensu perceptum.

A sensu perceptum, scilicet, vel per se vel per aliud, mediate vel immediate, proxime vel remote.

45. Quod rerum singularium imagines ei offert.

46. Ex quarum collatione universalia intelligit.

Harum thesium explicatio pendet ex thesi 30. & sequentibus.

47. Itaque non est opus intellectu agente distincto.

Aristoteles & qui eum sequuntur, ponunt intellectum quen-
 * dam agentem, distinctam à patiente, quem nonnulli ipsum fa-
 * ciunt Deum, extra hominem intelligentem; alii facultatem
 * quandam ponunt in homine intelligente, distinctam ab intelle-
 * ctu patiente: sed vero, sicut nullus requiritur sensus agens, ita
 * & nullus requiritur intellectus agens, nam sufficit obiectum in-
 * telligibile, debite approximatum intellectui per species intelli-
 * gibiles; nam ad actionem nihil amplius requiritur, quam ut ob-
 * jectum debite approximetur potentia, quæ per vim sibi insitam,
 * cum omnes adiunt conditiones ad agendum requisitæ, in obje-
 * ctum tum tendit & agit.

48. Potest

48. Potest tamen ipse intellectus dici agens :

49. In quantum à phantasmatibus excitatus, conceptum format in se.

Non abhorremus à phrasi intellectus agentis, modo non significatur distinctum ab intellectu patiente, qui idem est agens, cum actu intelligit : in actionibus enim immanentibus, qualis est intellectio, idem est agens & patiens.

50. Intellectus operationes sunt tres, simplex apprehensio, iudicium, discursus.

Qui operationes intellectus faciunt duas, inventionem et iudicium, sub iudicio non comprehendunt discursum, dividuntque in iudicium noëticum & dianoëticum, quod postremum est discursus.

51. Iudicium intellectus est speculativum vel practicum.

“ Hinc intellectus dividitur in theoreticum & practicum, quæ est divisio, non generis in species, non integri in partes, sed subiecti per adjuncta, aut causæ per effecta ; aliud enim est munus intellectus theoretici in iudicando, aliud practici ; nam theoreticus intellectus de rerum veritate & falsitate, sed practicus de rerum bonitate & malitia iudicat.

52. Speculativum versatur circa res ut res, & ut veræ sunt :

53. Practicum circa res ut bonas vel malas :

“ Objectum quidem intellectus est ens, sed cum illud possit intellectui sibi ac representari, vel ut conveniens cum principiis suis constituentibus ac definientibus, vel ut conveniens cum alio tanquam vel finis, vel medium ; priori respectu circa illud versatur intellectus & iudicium speculativum, posteriori respectu, circa idem versatur intellectus & iudicium practicum.

54. Estque vel absolutum, vel comparatum.

“ Absolutum practici intellectus iudicium, tam diversum est sæpe à comparato, ut quod iudicio absoluto iudicatum fuit ut bonum, illud comparato iudicetur ut malum, & vice versa ; nam iudicium absolutum tantum iudicat rem vel esse bonam simpliciter, quia convenit cum lege, vel esse malam simpliciter, quia repugnat

“re epugnat legi, sed comparatum iudicium iudicat rem bonam
 “hoc loco & tempore omnibusq; circumstantiis singularibus esse
 “prosequendam, malam esse fugiendam: at hæc iudicia possunt
 “esse opposita, ut liquet in exemplo Medæ, iudicantis, simpli-
 “citer esse bonum, ut maneret in patria, iudicio absoluto, sed
 “illud rescindentis iudicio comparato.

55. Intellectus post intellectionem dicitur intellectus in habitu;

Ratio est, quia species intelligibiles reservate in intellectu ibi sunt per modum habitus, quatenus intellectum faciunt ad facilius & citius intelligendum.

56. Aliis memoria intellectualis:

57. Quatenus rerum species retinet;

Species, scilicet intelligibiles.

58. Non tamen semper ideo actu cognoscit,

Quia species non semper actu representant res intelligibiles; alioquin homo, omnia ante cognita, semper cognosceret.

59. Quia ad intelligendum opus est phantasmatum concursu.

60. Nam oportet intelligentem speculari phantasmata,

“Utraque thesis vera est, de intellectionibus plurimis, non de omnibus; nam quando anima cognoscit se ipsam cognitione intuitiva, nullis est opus Phantasmatibus

“Cognitio animæ intelligentis, alia est abstractiva, alia intuitiva: prior sic vocatur quia fit per abstractionem specierum, materialium & sensibilibus rerum, à materia & sensu: posterior sic dicitur, quia per eam anima intelligit absque ulla abstractione & obiectum præsen. intuetur.

Phantasma vocatur species intelligibilis, quæ primum fuit sensu percepta & inde ad intellectum delata: tali Phantasmate non eget anima in cognitione intuitiva, sed in abstractiva tantum.

61. Voluntas etiam est potentia passiva:

Voluntas est potentia passiva, quatenus movetur ab obiecto bono. activa, quatenus vult; passiva iterum, quatenus volitionem in se recipit.

62. Ideoque

62. Ideoque & aliunde ad agendum debet excitari:

Vide rationem datam theſi 42.

63. Hoc est obiectum.

Obiectum voluntatem movet ut finis, vel ultimus, vel subordinatus, qui est medium.

64. Quod non movet voluntatem nisi ante, ab intellectu fuerit cognitum:

Ratio est, quia ignoti nulla cupido.

65. Cognosci debet obiectum, non tantum simplici intellectu apprehensione:

“Ratio est, quia per simplicem apprehensionem intellectus
“obiectum nondum judicatur ut bonum; atqui debet iudicari ut
“bonum, antequam possit movere voluntatem.

66. Sed requiritur intellectus iudicium.

67. Non tantum absolutum, sed comparatum.

“Comparatum iudicium fertur de obiecti voluntatis bonitate,
“quando illud judicatur, bonum & appetendum, omnibus circumstantiis expensis; ideoque vocatur ultimum iudicium, quia
“postremum est in actione, quæ sit deliberate, qualis est actio voluntatis in appetendo.

68. Ab hoc verè determinatur voluntas in agendo.

“Non Physicè sed moraliter, id est, iudicium intellectus voluntatem determinat, ei rationes proponendo, ob quas obiectum bonum sit prosequendum, & malum fugiendum.

69. Voluntatis actiones sunt, velle & nolle.

Velle, est amare, nolle, est odisse; huic opponitur utriusque non velle, et non nolle, id est, vel amoris vel odii negatio; velle et nolle opponuntur contrariè; velle et non velle, item, nolle et non nolle, contradiçtorie.

70. Obiectum, bonum & malum.

Bonum & malum in concreto opponuntur contrariè, in abstracto privative; nam bonitas est habitus, & malitia privatio.

71. Circa

71. Circa bonum volendo, circa malum nolendo, versatur.

Circa utrumque versatur voluntas, interdum negative, id est, non volendo, non nolendo.

72. Neque potest malum velle, aut bonum nolle.

Formaliter, non materialiter, id est, voluntas non potest, velle malum, quod intellectus iudicat esse malum, licet possit velle, & sepe velit, id quod est malum, sed quod intellectus, erroneo iudicio, indicavit esse bonum; sic non potest nolle bonum, quod intellectus esse bonum indicavit, quamvis possit nolle, id quod bonum est, sed quod intellectus erroneo iudicio indicavit esse malum: & hoc est quod dicunt, voluntatem non posse velle malum, quia malum; non posse nolle bonum, quia bonum.

73. Licet possit utrumque non velle.

Sicuti, quando dormit homo, abstinet ab actu & volendi & nolendi.

74. Cum fertur in bonum, vel fertur in finem, vel in media.

In finem, scilicet, ultimum, quia omne bonum est vel finis ultimus, vel medium.

75. Finem vult necessariò, item media cum fine necessariò connexa.

Ratio est, quia intellectus non potest non indicare, finem ultimum esse appetendum, ut & media, cum illo fine necessario connexa, quod dicuntur esse illa, sine quibus finis obtineri nequit.

76. Media alia vult indifferenter.

Ratio est, quia intellectus iudicium indifferenter sese habet circa media, quae non necessario cum fine connexa sunt; potest enim indicare, ex eis unum esse acceptandum, aliud esse reiciendum.

77. Sive velit sive nolit, semper determinatur ab ultimo intellectus practici iudicio.

Ratio est, quia ultimum intellectus practici iudicium plenè perfectamque obiecti bonitatem voluntati sistit ac representat, sine qua nulla

nulla ejus sequitur appetitio; quemadmodum sine plena perfecta que
 malis representatione facta, qua non fit nisi ab ultimo intellectus
 practici judicio, nulla ejus sequitur aversatio.

78. Attamen determinatio libertatem ejus
 non tollit.

*Determinatio, qua à naturali principio interno oritur, libertatem
 tollit, quemadmodum ignis ad tendendum sursum, lapis ad tendendū
 deorsum, determinantur ab interno principio naturali, forma, scil.
 sua, ideo neutrum dicitur agere libere; sed determinatio, qua ab
 intellectu determinatur voluntas, est voluntati extrinseca, quia fit
 ab objecto indicato, quod voluntati est extrinsecum.*

79. Quia necessitatem hypotheticam tantum
 infert.

*Nam nulla necessitas hypothetica, id est, talis, quæ oritur ab ali-
 qua conditione extra agentem posita, libertatem tollit, qualiscunq;
 fuerit conditio, modo sit externa, sive antecedit, sive concomitetur,
 sive consequatur actionem, quam facit necessariam.*

80. Ex intellectu & voluntate oritur liberum
 arbitrium.

*Oritur, id est, componitur; intellectus enim et voluntas, cum con-
 junctim sumantur, constituunt liberum arbitrium; dicitur enim libe-
 rum, respectu voluntatis, & arbitrium, respectu intellectus, cum
 quo utroque est idem.*

81. Hoc est, facultas faciendi, quod, quando,
 & quantum intellectus faciendum esse judicat.

*“Est facultas, ergo non actus, non habitus; deinde est facul-
 tas, non Ethica, quæ quis agit, quæ vult, sine ulla restrictione
 legum, sic enim solus Deus habet liberum arbitrium, sed Phy-
 sica, quæ homo potest agere, quod, quando, quantum, & quam-
 diu lubet, per adminiculum bonorum, fortunæ, vel corporis, vel
 animi; tantum autem potest agere per ea, quantum lubet, id
 est, quantum ultimo intellectus practici iudicio agendum esse
 iudicat.*

Sententia

Sententia Trium-viri,
circa CAPUT XV.

DE Anima rationali, in *Principiis Philosophic*, nihil plane scribit *Cartesius*: quia hominem necdum ibi explicavit; at in *Meditationibus Metaphysicis*, med. 5. discrimen inter Animam rationalem, quam vocat substantiam intelligentem, & corpus, quod vocat substantiam extensam, indicat, & quidem reale, hoc argumento, quorum idex sunt realiter distincti, ea ipsa realiter distinguuntur: sed animæ rationalis, seu substantiæ intelligentis, & corporis, seu substantiæ extensæ, idex sunt realiter distincti, Ergo & ipsa inter se realiter distinguuntur. Probatur major, si omnes idex respondent ideatis rebus, ergo quorum idex realiter sunt distincti, ea ipsa sunt realiter distincti; sed verum prius. Ergo & posterius. Probatur minor, typus & antitypus sibi invicem respondent, idea est typus, res ideata est antitypus. Ergo idea & res ideata sibi invicem respondent. Probatur minor primi syllogismi; quarum idearum una aliquid includit, quod nullo modo includit altera, & vice versa, ex idex realiter sunt distincti, sed animæ rationalis, seu substantiæ intelligentis idea nihil includit, quod idea corporis naturalis, seu substantiæ extensæ, & vice versa. Ergo istæ idex realiter sunt distinctæ inter se.

Probatur minor. Si idea animæ rationalis, seu substantiæ intelligentis nihil includit extensionis, idea corporis seu substantiæ extensæ nihil includit intellectiōis, Ergo idea prioris nihil includit eius quod includit idea posterioris, & vice versa; certe, in intellectuōne nulla invenitur longitudo, latitudo, crassities, nulla figura, nulla partium distinctia, nullus motus, nullus situs: contra in extensione nihil invenitur intellectuōis, alioquin omnis materia, aut omne corpus intelligeret. *Regius* in *Physicis* Cap. 12. agit de Anima Rationali, sub titulo & vocabulo mentis, & definit hominem, animal mente præditum, ponitque mentem esse substantiam cogitantem, eiusque essentiam asserit esse sitam in sola cogitatione, per quam intelligit, principium à quo in homine omnes actiones cogitativæ proficiuntur: has vocat omnes illas actiones, quarum mens est conscia sibi, tales sunt sentio, imaginatio, intellectuō, seu ratio; estque hæc cogitatio, pro diversa organorum dispositione, varia; quamvis alii velint, mentem etiam in corpore existentem, in sentiendo, imaginando, intelligendo, nullatenus descendere à dispositione organorum. Postea de mentis agit origine & de mentis habitibus, tum de variis ejus motibus,

moribus, docet utrum sit mens
notius an corpus, atq; inde trā-
sit ad sensationes in specie, & af-
fectiones seu affectus, de quibus
ante hac est actum. Sub eodem
titulo mētis humanæ agit Cire.
10. toto ac postremo de Anima
Berigardus, quem in compen-
dium redigemus, & huic expli-
cationi finem imponemus. Cir-
ca mentem humanam explican-
dam, sic versatur *Berigardus*, ut
fussimè primam ex *Aristotelis*
textibus sententiam, quid de A-
nima rationali senserit, exqui-
rat; ac speciatim moratur in eo,
an *Aristoteles* mentem humanā
senserit immortalem, quod ita
statuisse integro libro, demon-
stratum iuit. *Fortunus Licetus*,
Philosophia professor Patavinus
asseritq; insuper, *Aristotelem* nō
habuisse Animam rationalem,
pro actu informante, nec unam
in unoquoq; homine, sed unam
in tota humana specie, i. e. in
omnibushominibus, ac singulis
simul sumptis, quæ sententia
quoque *Averrois* est. De Loco
mentis humanæ, aut sede Ani-
mæ rationalis, ex *Aristotele* ni-
hil certi posse asserri pronun-
tiat: sententiam suam propriam
paucis proponit; atque videtur
statuisse mentem humanā esse
corpoream & tamen immorta-
lē; nam negat hanc consequen-
tiam, si substantia aliqua est cor-
porea, Ergo est mortalis, & pro
instantia profert cælum: quod
sicuti & terra, & totus mundus,

non corrumpetur, aut annihilā-
bitur, ex plerorumq; sententia,
sed tantum corpora mundana
extremo iudicii die renovabun-
tur, ac repurgabuntur, eruntq;
incorruptibilia, quod tantundē
est atque immortalia. Proferit
portio materiam primam *Ari-
stotelicam*, quam faciunt inge-
nerabilem & incorruptibilem
Peripatetici; id saltem certū est,
corpora g'orificata fore incor-
ruptibilia atque immortalia, &
tamen masebant corpora; ut
hæc propositio non sit vera, o-
mne corporeum est mortale, li-
cet opposita est verissima, omne
incorporeum est immortale: at-
que ut sententiam *Berigardi*
paulo plenius inspiciamus, di-
cit, nullam rationem impedire,
cur potius Anima rationalis non
dicatur corpus æthereum, parum
cælis ipsis, à Deo creatum, ex ni-
hilo singulis hominibus infusum,
quodque à solo Deo destrui po-
test, siue corrumpi per annihila-
tionem, & quæ rite recteque
spiritus vocatur, respectu corpo-
rū mortalium, atq; corruptibili-
um hic in inferioribus. Postea
nihil ferè ex sua loquitur sen-
tentia; sed de intellectu agit a-
gente & patiente, de speciebus
impressis & expressis, aliisque
huc spectantibus, ex mentio *Pe-
ripateticorum*; atq; sic finem im-
ponit Cire. 20. totique com-
mentationi suæ, per dialogos
institutz, in tres *Aristotelis* libros
de Anima,

FINIS.



Hic pro additamento adjungimus

Ejusdem Authoris

CONSILIUM de RATIONE STUDENDI PHILOSOPHIÆ,

*Antea quidem editum, attamen hunc libello de novo
appensum, quia supererant quedam
folia implenda.*



Distinguenda est *Philosophia* in vete-
rem & novam: *Veterem* voco,
quæ ab antiquioribus tradita, &
ex Aristotele præsertim hausta,
receptis Veterum & Aristotelis
innititur principiis: hanc *Peripa-
teticam* vulgo vocant: nam *Phi-*

losophia Academica, Stoica, Epicurea, Demo-
critica, aliaque, diu interierunt. *Novam* ap-
pello, quæ à recentioribus tradita, non ex A-
ristotele aut alio haustis principiis innititur, sed
naturam ipsam pro Philosophandi objecto, non
hominum, nedum Aristotelis, assumit senten-
tias. Qui *Veterem*, id est, *Aristotelis Philosophiam*
pertractarunt, sunt trium generum Au-
thores; *Systematici*, *Questionarii*, *Textuales*.
Systematicos appello, qui *Philosophiam Peripate-
ticam*, præceptis, stylo, & ordine, nostri ævi inge-
niis, accommodata, plene perfecteque dispositis,

R

ad

ad usum vitæ humanæ tradiderunt. *Questionarios* dico, qui vel ex textu Aristotelis quæstiones eliciunt, vel, semoto textu, ab aliis motas pertrahant. *Textuales*, qui Aristotelis textum explicant solummodo: vulgo dicuntur *Commentatores*: hi vel *Græci* sunt, vel *Arabes*, vel *Latini*: Græci Arabibus & Latinis sunt præferendi. Græci sunt, *Alexander Aphrodisiensis*, *Simplicius*, *Philoponus*, *Themistius*, *Olympiodorus*, *Ammonius*, *Eustachius*, &c. Inter *Arabes*, *Averroes* eminet. *Latini* sunt, vel *veteres*, *Thomas*, *Scotus*, *Albertus Magnus*, & *Scholastici Antiqui*, vel *recentiores*, quorum quidam libros *Logicos*, alii *Physicos*, alii *Metaphysicos*, alii *Ethicos*, &c. commentariis illustrarunt.

Ordinem quod spectat Philosophandi, à *Systemate*, Philosophiæ studio est incipiendum; Inde ad *Quæstiones* transeundum, in *Textu* Aristotelis definendum: ex tota *Philosophia*, *Vetus* atque *Aristotelica* prius est tenenda, antequam ad novā hujus vel illius recentioris accedatur. Iplius *Philosophiæ Peripateticæ naturam* accuratè explicant in suis præcognitis Philosophicis *Keckermannus* & *Alstedius*, ac peculiari tractatu *Scheiblerus*, qui *Logicæ* ejus præmitti solet. Pro *Systemate Logicæ* præscripsero *Synopsin Logicam Burgersdicii*, notis à me illustratam, ejusdem majores institutiones, & *Systema minus ac majus Keckermanni*. Inter *Questionarios* hic commendavero *Scheiblerum* & *Timplerum*. Ad organi Aristotelici textum intelligendum suffecerit *Pacius*. Ad *Metaphysicam* transeo, ubi

ubi quod commendem systema, vix invenio, ut querimoniz hic potius sit locus quam consilio. Sed enim in manus sumantur, donec elaborationes prodeant, *institutiones metaphysicae Burgerisdiane* ex postrema editione, à me recensitæ: addantur *Metaphysica Combachii, & Stahlian* atque *Alstedii*. Inter *Questionarios* *Metaphysicæ* scriptores *Orthodoxos*, nullum commendo, quia nullus exstat, quod ego quidem sciam.

Edidit *Johannes Rodolphus Faber*, Professor *Genevensis* *Philosophiæ*, quæstiones *Metaphysicas*; sed quæ tam sunt steriles, ut omni succo destituantur. *Timplerus*, qui noster videri voluit, similiter quæstiones cum systemate in lucem dedit *Metaphysicas*, sed quæ ita *obscuræ* sunt refertissimæ: Quare, si legendæ sunt aut legantur, maximo hic fuerit attendendum iudicio: namque in iis

Sunt bona mixta malis, sunt mala mixta bonis. Idem pronuncio de *Metaphysicis Scheibleri, Jacobi Martini, Scharfii, Lutheranorum; & omnium Metaphysicorum Principis ac Papæ, Suaresii, Jesuitæ*, quos, inter *Questionarios*, atq; ante omnes, Postremum, commendaverim. Hoc non præterierim, in *Metaphysicis* quæstionibus discutendis, speciatim esse insistendum iis, quæ moventur in secunda parte speciali de Deo divinisque attributis, ubi fundamenta sunt conquirenda, quibus mens nostra muniri valeat adversus periculosissimos *Conradii Vorstii* in tractatu de Deo errores, quos detexit & solide refutavit *Becanus*, in prima

ma parte Theologiæ Scholasticæ, quæ tota in isto genere est optima. Ad textum *Aristotelis Metaphysicum* intelligendum, ex veteribus probo *Alexandrum Aphrodisiensem*, ex recentioribus *Fonsecam*: sed vero tantum est in opere isto Aristotelis rerum omnium chaos: tam nulla connectio, nullus ordo, tanta contra confusio, ut Delio natatore opus sit ad mentem Philosophi istic percipiendam.

Physicæ Peripateticæ varia extant *Systemata*: in iis accuratissimum fere est & ordinatissimum, quod diligentissimus reliquit *Keckermannus*: cui pro controversiarum notitia jungantur, *Physicæ Combachii*, collegium *Physicum Burgersdicii*, aut *Jacchæi institutiones* notis illustratæ à *Zeizoldo* Professore *Jenenfi*: Imprimis legi velim *Physicam Sperlingii*. Verum enimvero, ut naturæ, ita & *Physicæ Peripateticæ*, latissima sunt pomæria. Quare cum innumerus sit questionum, quæ hic ab *Aristotelicis* agitari solent, numerus, varios in variis *Physicæ* paræbæ legendos censeo questionarios: in parte generali, præfigo *Porerium* & *Wendelinum*: de mundo & cælo, *Wendelinum* & *Casmannum*: de elementis, *Schragmullerum* & *Contarenum*: de mixtione & temperamentis, *Riolani prælectiones in libros Physiologicos Fernelii*: de meteoris, *Fromundum*: De lapidibus & gemmis, *Bootium*: de anima, *Casmannum* & *Davidem Buchananum* ac *Fromundum*: controversias *physicas* varias optime decidit *Zabarella*, perspicuitate præ aliis commendandus.

mendandus. Ad textum *Physicum Aristotelis* intelligendum, omnibus præfero *Pacium*. Inter modernos *Physicæ Peripateticæ* questionarios simul & commentatores, *Conimbricenses*, sunt intellectu faciliores, *Ruvius & Complutenses*, difficiliore sed subtiliores; compendiosissimus, *Murcia*; Cui præter jam recensitos authores plus ultra ire est animus, legat *Philosophiam Tolosanam*, cursum *Scotisticum Ponce*, legat *Hurtadū de Mendoza*, *Rodericum Ariaga*, *Franciscum Oviedo*, *Franciscum bonæ spei*, *Carletonum*, *Lalemandet*, & quicunque extant istius farinae, pæne dixeram, surfuris, Philosophi. In *Philosophia morali*, præter *Ideam Burgersdicianam*, quæ lectorem ad *Aristotelis* textum manuducit, & collegium *Ethicum meum* disputationum, quod ex *Scholasticis* supplet ea, quæ in priori defunt, inter systematicos optimi sunt *Keckermannus & Alstedius*: eosdem eligi suaserō, in *Politicis & Oeconomicis*, nisi quod comitem iis dari velim, in *Politicis*, *Wendelinum & Althusium*. In *questionibus Ethicis*, optimi sunt *Burnatbus & Wendelinus*: in *Politicis*, *Libenthal*: in *Oeconomicis*, *Berkringerus*. Inter textuales in *Ethicis*, ex *Antiquis*, *Andronicum Rhodium*, ex recentioribus, *Magirum in Politicis*, *Giphanium*, præscripsero. Sed, à *Veteribus* ac *Peripateticæ Philosophiæ* Authoribus, ad *Novos* me confero Philosophos; quorum nonnulli antiqua *Peripateticorum* placita destruunt tantum, alii nova insuper, & veriora indagandæ veritatis fundamenta

menta jaciunt. Prioris generis sunt, novæ Philo-
sophiæ triumviri, *Ludovicus Vives* in aureis suis
de causis corruptarum artium libris, *Petrus Ramus*
in *Scholiis Logicis, Physicis, Metaphysicis* (cu-
jus imprimis nunquam satis commendavero au-
reolos, imo omni auro digniores, duos, inæsti-
mabiles, ob singularem in *Analysi & Genesi* usum,
Logicæ libellos) *Franciscus Patritius* in suis discus-
sionibus *Peripateticis*. Hisce adjungatur quartus
nostri ævi scriptor Belga, *Gorlaeus* in *exercitationi-
bus Philosophicis*: item & quintus, *Thomas Cam-
panella* in sua *Philosophia reali epilogistica, Meta-
physicis, & omnibus operibus*: Speciatim in *Phy-
sicis*, *Aristotelis* destruxerunt principia, *Telefius*,
Basso, & fratres *Bootii*. Posterioris generis sunt,
Franciscus Patritius in suâ novâ *Philosophiâ*, il-
lustris *Heros*, *Franciscus Baco de Verulamio*, in
nunquam nimium æstimandis *de Augmentis scien-
tiarum* libris & *instauratione magna*, *Joannes*
Amos Comenius, in *Physica & Pansophiæ prodromo*,
Dygbejus in *Physica*, & *Philosophiæ exorientis*
Phosphorus, *Renatus Des Cartes*, in omnibus ope-
ribus *Philosophicis*, in quibus editis, *Philosophiæ*
veræ clavem veram exhibuit, naturæ arcana non
pauca reclusit, januam ad rerum immotam veri-
tatem perveniendi aperuit: Atque utinam editis
divini ingenii monumentis aliquando accedant
inedita, quæ alibi latent! in quo voto consilium
hoc meum finio.



INDEX

INDEX CAPITUM.

CAP. I. De Principiis Corporum naturalium.

	pag. 3.
II. De Natura, Causa Efficiente, Fine, Quantitate, Qualitate, & Loco.	37
III. De Motu & Tempore.	60
IV. De Mundo & Calo.	85
V. De Elementis.	99
VI. De Generatione & Corruptione.	113
VII. De Meteoris.	125
VIII. De Mixtione & Temperamento.	136
IX. De Anima.	154
X. De Anima Vegetante,	164
XI. De Anima Sentiente.	183
XII. De Visu.	201
XIII. De Auditu, Olfactu, Gustu, Tactu, &c. Sensu interno in genere.	214
XIV. De Sensu interno in specie, Appetitu sensitivo, & locomotivo.	225
XV. De Anima Rationali.	240

FINIS.